

4107

*Horatius*

11-E-50

QUINTI HORATHI FLACCI

*T. hb 35/1*

OPERA.

EXPURGATA ET ACCURATIS NOTIS ILLUSTRATA

IN USUM

STUDIOSAE JUVENTUTIS

EDITA

*2468/I*

BERNARDO SCHWINDL

CIST. ORD. PRESBYTERO ET CLASSIUM HUMANITATIS IN C. R.  
GYMNASIO NEOSTADIENSI PROFESSORE P. O.



HORATIUS.

TOMUS I.

*mmmm*

VIENNAE.

*610/584.*

SUMTIBUS FRIDERICI VOLKE LIBRARI.

TYPIS ANTONII STRAUSS.

1825.

ÚSTŘEDNÍ KNIHOVNA  
PRÁVNICKÉ FAKULTY UJEP  
STARÝ FOND  
Č. inv.: 01284

---

## P r a e f a t i o .

---

Ex quo nova Gymnasiis Austriacis forma per decretum Caes. Reg. data est, praeter alia in id quoque curam suam extenderunt viri, quibus suprema studiorum humaniorum per Austriam inferiorem directio commissa est, ut adcommodatae studiosis auctorum classicorum editiones parentur. Huic curae praestantes editiones Eutropii, Cornelii Nepotis, Julii Caesaris a Cl. Hohlero factas deberi, non est, quod multis commemorem.

De Horatio quoque edendo cogitatum. Editiones operum ejus, quibus viri, tam antiquiores, quam recentiores, multiplici eruditione praediti, et imprimis auctorum classicorum Latii et Graeciae cognitione profunda insignes, notas vel criticas, vel exornantes adixerant, plurimas omnino, easque accuratissimas extare, ut adeo vix novi quid aut emendatius his addi posse videatur, nemo vel mediocriter his in literis versatus

ignorat. Ast quae adhuc exstant editiones principis huius lyricorum, utut cetera praestantes ac eximiae, vel ob notarum criticarum prolixitatem, vel ob exemplarium raritatem et pretium majus, vel ob textum minus castum, vel denique ob notarum interpretantium defectum minus idoneae videbantur, quae Gymnasiorum nostrorum studiosis juvenibus humanitatis classium ad promovendam lectionem privatam commendari possent.

Ut ejusmodi editionem parandam susciperem, animi mihi addiderunt viri, studiosorum juvenum necessitatibus consulere cupientes. Quid in hac editione praestiterim, ingenue exponam oportet.

In deligendis carminibus eorumque partibus Juvencii carmina expurgata, paucissimis tantum immutatis, sequutus sum. In iis locis autem, in quibus diversae editiones, quas inspexeram, lectionum varietate discrepant, eas lectiones elegi, quas ad explicationem sententiarum aptissimas esse, et ingenio poetae maxime convenire censebam, nullas plane, pro fine meo utpote superfluas, criticas animadversiones adjuungens.

Cum praeterea ad intelligendum Horatium haud parum conferre sciam, si lector doceatur, quo tem-

pore, quave occasione scripta sint singula carmina: hinc, ut illius animus ad horum lectionem praeparatus accedat, omnibus odis, satyris, et epistolis speciatim argumentum, quod totius carminis contextum, idearumque nexum breviter exprimat, una cum occasione quatenus id vel e carmine ipso, vel ex aliis historiae illius temporis circumstantiis cum verisimilitudine quadam erui poterat, exemplum aliorum interpretum poetae imitans, praefigendum putavi.

In interpretatione vero ipsa odarum in specie celeberrimi Domini Mitscherlich <sup>1)</sup>, qui hanc partem operum poetae tanta cum laboris impensa explicuit et exornavit, vestigia ita trivi, ut cuncta, quae ad scopum praefixum facere videbantur, in usum meum convertere non dubitaverim. Ceterum etiam Jani <sup>2)</sup>, Juvencii <sup>3)</sup>, Heindorfii <sup>4)</sup> et Doeringii <sup>5)</sup> adnotationes ad manus mi-

1) Quinti Horatii Flacci opera, übersetzt von J. H. Voß. 2 Bde. Braunschweig.

2) Christian David Jani, ehemahligen Rectors zu Gisleben, erklärende Anmerkungen zu Horazens Oden, Satyren, und Episteln. 3 Bde. Leipzig 1795.

3) Horatii Flacci carmina expurgata, et accuratis notis illustrata auctore Josepho Juvencio, societatis Jesu sacerdote. Venetiis 1795.

4) Des Quintus Horatius Flaccus Satyren, erkärt von L. F. Heindorf. Breslau 1815.

5) Q. Horatii Flacci opera omnia recensuit et illustravit Frid. Guil. Dörng. Lipsiae 1824. Tom. II.

hi fuisse, ex iisque multa in rem meam me transtulisse fateor.

Si forsitan in exponendo sensu nonnunquam prolixior fuisse videar, me tironibus in foro classicae literaturae minus exercitatis consulere voluisse meminerint, quaeso, benevoli lectores.

Quod ea denique attinet, quae ad mythologiam, geographiam et historiam antiquam, tum ad antiquitates Romanas, in scholis nostris publice traditas, respiciunt, et proinde pro cognitis jam sumi poterant, illa breviter tantum in memoriam revocanda esse duxi.

Haec praefanda putavi. Quodsi opella hac mea id effecero, ut studiosi juvenes Horatii, de cuius praestantia tot virorum clarissimorum testimonia conveniunt, lectionem eo libentius adgrediantur, omne me punctum tulisse arbitrabor.

Datum Neostadii mense August. 1825.

B. Schwindl.

760  
670  
670

## Quinti Horatii Flacci Vita.

640c

Quintus Horatius Flaccus, anno Romae 689, L. Aurelio Cotta, et L. Manlio Torquato Consulibus, Venusiae, in confinio Apuliae et Lucaniae, nec longe ab Aufido fluvio, natus est, patre Libertino. Is, cum ex coactoris opera, in exigendis auctionum pretiis egregie navata, commode viveret: quodque vir sagax filii laetam indolem et acre perspexisset ingenium, eum Romam portavit adhuc puerum; honesteque vestito, magistros eligens in urbe doctissimos, servos etiam addidit, qui sequerentur. Itaque inter equitum liberos, senatorumque, liberalissime educatus, ea didicit omnia, quae isti tanto digniores, clarioresque docebantur; summa interim cura advigilante, ac ferme omnibus locis praesente, optimo patre, ne quid accideret, quod filii mores corrumperet. Qua custodia factum, ut per eam aetatem, non modo pudicum servaret, verum ab omni turpitudinis suspicione alienum. Humanitatis et eloquentiae studiis Romae imbutus, Athenas petiit, quae jam acceperat, perpoliturus, additurusque philosophiam. Vacabat illi, quando, post Caesarem occisum, Brutus Macedoniam petens, ac bellum meditans, annos natum 22, ex philosopho militem, imo tribunum militum fecit. Sed neutri ea res bene cessit. Horatius enim e schola recens, et armorum rudis, relicta, ut ipse confitetur, parmula, e Philippensi proelio fugit; Brutus vero eodem periit. Patrono itaque destitutus Horatius, et rebus necessariis carens, navi, quae prope mersa est ad promontorium Palinurum in Lucania, quam primum potuit, rediit Romam; ibique ad

eodem anno cum Maecenatē; sed tamen post illum, aetatis suae 57. Romae vero 746. nimirum C. Marcio Censorino, et Asinio Pollione Coss. Humatum in Esquiliis tradunt, et quidem juxta Maecenatē; quem, cum in fundo proprio, magnatum more, tumulum sibi vivens pararet, etiam Horatio illic suo posuisse, plus quam verisimile est.

### Testimonia Veterum de Horatio.

Ovidius Lib. IV. Trist. Eleg. 10:

Et tenuit nostras numerosus Horatius aures:  
Dum ferit Ausonia carmina culta lyra.

Persius Satyra I:

Omne vafer vitium ridenti Flaccus amico  
Tangit, et admissus circum praecordia ludit;  
Callidus excuso populum suspendere naso.

Quintilianus Lib. X. cap. 1. Lyricorum Horatius fere solus legi dignus. Nam et insurgit aliquando, et plenus est jucunditatis et gratiae, et variis figuris et verbis felicissime audax.

## Q. Horatii Flacci

Carminum

Lib. primus.

Ode I. \*)

Ad Maecenatē.

Occasio et argumentum.

Est ista ode dedicatoria librorum lyricorum, quos offert Maecenati Horatius, exponens, se in poëseos studio sibi maxime placere, praecipue si Maecenatis judicio probeatur. — Quisque habet: ait, quod sequatur, in quo beatum se existimet, studium. Alium gloria et honorum amplitudo, divitiae alium tenent. Hic sorte sua contentus vitam degit; ille habendi cupiditate flagrat maxima, dum alius, rerum omnium securus, genio suo indulget. Militia hos, illos venatio delectat. Ego vero poësin sector, solique huic vaco: quae si tibi probabitur, summam inde poëtae lyri gloriam, tantum enim judicio tuo tribuo, me assequutum arbitror.

Metrum Asclepiadeum.

— | — — — | — — — | — — — |

Maecenas <sup>1)</sup>, atavis edite regibus,  
O et praesidium <sup>2)</sup> et dulce decus meum!

\*) Ode. Vide praec. eloq.

1) Maecenas oriunde, descendens a majoribus, qui olim reges fuere. Maecenatis nempe a gente Cilnia Aretinorum, quae Lucumones seu duces Etruriae, Romanis reges adpellatos, ex se haberet, genus deductum satis constat.

2) Tutela mea, gloriaque suavissima: talis enim viri amicitia Horatio erat praesidium; praeterea dulce omnino fuerat a tali viro amari, et dici eum, quem tantus vir magni faciat.

Sunt <sup>3)</sup>, quos curriculo <sup>4)</sup> pulverem Olympicum  
 Collegisse iuvat; metaeque <sup>5)</sup> fervidis <sup>6)</sup>  
 Evitata rotis, palmaeque nobilis  
 Terrarum dominos evehit ad Deos.  
 Hunc <sup>7)</sup>, si mobilium turba Quiritium  
 Certat tergemini <sup>8)</sup> tollere honoribus.  
 Illum, si proprio condidit horreo,  
 Quidquid de Libycis <sup>9)</sup> verritur arēis <sup>10)</sup>,  
 Gaudentem <sup>11)</sup> patrios findere sarculo  
 Agros, Attalicis <sup>12)</sup> conditionibus  
 Nunquam demoveas, ut trabe Cypria <sup>13)</sup>  
 Myrtoom <sup>14)</sup> pavidus nauta secet mare.

3) Sensus: Reperias quosdam, quos delectat pulverem Olympicum excitare curru, hoc est: qui alia re nulla magis delectantur, quam victoria in ludis Olympicis parta. De Olympia Graeciae urbe, et ludis in vicinis huic urbi campis, quovis quarto anno, seu proprie quinquagesimo quovis mense habitis vide Geogr. et hist. antiquam. Per ludos Olympicos autem intellige ludos Romanos et praecipue magnos seu Circenses, de quibus plura in antiquitatibus.

4) Curriculum accipe vel pro exiguo curru et veloci, vel pro ipso spatio, in quo currus incitatur.

5) In extrema Circi spina erant metae seu lapideae columellae, formam conii habentes, ad quas quum aurigae venissent, continuato impetu quadrigas septies circumflectebant, sic, ut, cum proxime accederent, evitarent tamen contactum.

6) Rotae prae celeritate ferme fervidae fiunt.

7) Sensus: Hunc, si Romani populi favor facile commutabilis evehere conatur ad summos honores; et illum alium, si in horrea sua coegerit frumenti copiam, quanta ex Libyae areis coaccervatur, dum agros sibi a patre relictos gaudii plenus sarculat; ne regis quidem Attali proposita fortuna unquam adduces, ut institutum vitae genus relinquat, et nauticam artem plenam periculi et pavoris exerceat, et navi se committat in Myrto mari.

8) Idem ac triplex. Quidam intelligunt summas dignitates: Consulatum, Praeturam et Aedilitatem, quidam autem in genere de summis honoribus intelligendum esse putant.

9) Africa dicta quoque est Libya, et frumenti ferax erat.

10) Quidquid in Africa est frumenti, unius horreis condere, est hyperbole.

11) Id est: Gaudentem vita rustica nunquam dimoveas.

12) Attalus fuit rex Pergami in Asia minori ditissimus, ita, ut ejus opes in proverbium abierint.

13) Id est: nave, e trabibus in insula Cypro maris mediterranei sectis, facta.

14) Inter Cretam, Peloponnesum et Euboeam pars maris Aegaei, a parva insula Myrto dictum mare Myrtoom; vel etiam ut alii volunt: a Myrtoom

Luctantem <sup>15)</sup> Icaris <sup>16)</sup> fluctibus Africum  
 Mercator metuens, otium et oppidi  
 Laudat rura sui: mox reficit rates  
 Quassas, indocilis <sup>17)</sup> pauperiem pati.  
 Est <sup>18)</sup>, qui nec veteris pocula Massici <sup>19)</sup>,  
 Nec partem solido <sup>20)</sup> demere de die  
 Spernit; nunc viridi membra sub arbutu  
 Stratus <sup>21)</sup>, nunc ad aquae lenae caput <sup>22)</sup> sacrae.  
 Multos <sup>23)</sup> castra juvant, et lituo <sup>24)</sup> tubae  
 Permistus sonitus, bellaque matribus  
 Detestata <sup>25)</sup>. Manet <sup>26)</sup> sub Jove <sup>27)</sup> frigido 25

Oenomai regis Arcadiae auriga, quem ille in hoc mare praecipitem dejecit.

15. Sensus: At mercator, cum timet ventum Africum, cum fluctibus Icaris maris veluti certantem, eosque huc illuc impellentem, laudat quidem rusticam vitam et urbanam, ut otiosam et tutam: idem tamen, quia paupertatem pati non potest, naves naufragio laeratas reficit, ut iterum se mari committat; adeo abstinere a mercatura nequit.

16. Mare Icarium est pars Aegaei maris, in quam Icarus Daedali filius decidisse fertur. Myth.

17. Indocilis pati, est graeca constructio: qui nullis periculis doceri potest, ut patiat paupertatem, et careat lucro, quod navigatione licet periculosa colligit.

18. Sensus: Alius genio et voluptatibus indulget, nec spernit, hoc est: libenter potat vinum generosum, quale Massicum est, neque recusat partem aliquam de solido die, id est, integro, resecae, quam scilicet epulis tribuat, nunc humi stratus sub quadam viridi arbuscula, nunc ad sacrum fontem leni murmure aquas fundentem.

19. Massicus mons est in Campania, ubi vites; optima.

20. Solidus dies hic intelligitur, qui totus negotiis datur, nulla corporis cura, aut animi relaxatione interjecta; nam Romani cibum fere non sumebant, nisi sub vesperam; bonam partem ergo solido de die demere idem est, ac diem quasi in duas partes dividere, quarum una detur negotiis, altera vero computationi.

21. Graeca constructio pro: membris stratis jacens.

22. Caput aquae et origo est ipse fons; sacri autem erant fontes apud antiquos, et numen aliquod iis inesse putabatur.

23. Multis bellum placet.

24. Lituus, Zinfe, buccina longior et directa equitum, sono acuto; tuba vero peditum incurva et sono gravi.

25. Matres bella detestantur, execrantur, quia orbantur filiis.

26. Id est: alium tenet venandi studium; et pernoctat sub dio blandae oblitus sponsae venator.

27. Sub aere frigido, sub dio; Jupiter enim apud Poetas sumitur pro caelo, aere et vento.

Venator, tenerae conjugis immemor,  
 Seu <sup>28)</sup> visa est catulis cerva <sup>29)</sup> fidelibus,  
 Seu rupit teretes Marsus <sup>30)</sup> aper plagas.  
 Me <sup>31)</sup> doctarum hederæ præmia frontium  
 Dis miscent superis: me gelidum nēmus, <sup>30</sup>  
 Nympharumque leves cum Satyris <sup>32)</sup> chori <sup>33)</sup>  
 Secernunt <sup>34)</sup> populo; si <sup>35)</sup> neque tibus  
 Euterpe cohibet, nec Polyhymnia  
 Lesboum <sup>36)</sup> refugit, tendere barbiton.  
 Quod si me lyricis vatibus inseres <sup>37)</sup>,  
 Sublimi <sup>38)</sup> feriam sidera vertice.

## O d e II.

## Ad Caesarem Augustum.

## Occasio et argumentum.

Quum omnium fere populorum parum subtiliter adhuc de Diis, rebusque physicis philosophantium eundem hunc sensum deprehendere liceat, ut quasvis magnas calamitates a Diis ob scelus aliquod, ab ipsis vel a majoribus patratum, poenae loco infligi existimarint: populus

28) Sive canes sagaces et fidi cervam conspexerint, sive aper in plagas et retia incidit, e quibus ruptis se extricaverit.

29) Cerva pro cervo, quemadmodum apud Graecos frequenter femellae pro maribus ponuntur.

30) Marsi, populus est Italiae. Marsus aper ponitur pro quolibet apro, forte quia in ea regione frequentiores erant.

31) Sensus: Ego vero carminibus delector, videor mihi superis esse aequalis, id est, beatissimus, si possum habere frontem hederæ redimitam quod praemium est doctorum poetarum. Hedera autem coronatur poeta quia erant in tutela Bacchi, cui sacra hederæ.

32) Satyri sunt Dii agrestes caprinis pedibus. Vide Myth.

33) Chorus multitudo canentium et saltantium. Vide praec. eloq.

34) Id est: Separant a plebe, reliquis hominibus praestantiorum me faciunt et excelsiorem.

35) Sensus: Siquidem Euterpe, Musa tibiae, libenter patiat, me tibiis uti; et Polyhymnia, una etiam e Musis, odarum et hymnorum auctor, non vetet, me barbati filia pulsare, id est: si modo mihi faveant Musae.

36) Lesbos est insula maris Aegaei, ex qua oriundi Alcaeus et Sappho, insignes lyrico carmine. Est autem barbitos lyrae quoddam genus majus septem cordis; lyra autem minor tantum quatuor cordis instructa.

37) Adnumeret, adscribat.

38) Ero similis Superis, beatissimum me arbitror.

quoque Romanus Caesaris nece a. u. 710 iram Deorum provocaverat, quam prodigia portendebant; istisque mox insequuta sunt bella civilia, quibus Dii caedem Caesaris ulciscabantur. Quum vero his ipsis bellis civilibus novum scelus populus Romanus commisisset; novae bellorum civilium calamitates impendebant Reipublicae, nisi certis ceremoniis, sacrisque piacularibus ira Deorum averteretur. Quapropter Horatius hac ode a. u. 713 aut non multo post (tempus enim proprie ignoratur) scripta, varias calamitates tum physicas tum civiles urbis et orbis Romani post mortem Julii Caesaris describens, spem omnem restituentem Salutis in Augusto repositam dicit, illum unice Deorum irae mitigandae et reipublicae moderandae idoneum praedicans.

## Metrum Sapphicum.

— ∪ | — — | — ∪ ∪ | — ∪ | — ∪ ∪ |  
 — ∪ | — — | — ∪ ∪ | — ∪ | — ∪ ∪ |  
 — ∪ | — — | — ∪ ∪ | — ∪ | — ∪ ∪ |

Jam <sup>1)</sup> satis terris nivis <sup>2)</sup>, atque dirae  
 Grandinis misit Pater <sup>3)</sup>, et rubenti <sup>6)</sup>  
 Dexteræ sacras jaculatus arces <sup>4)</sup>,

Terruit <sup>5)</sup> urbem:

Terruit gentes, grave ne rediret  
 Saeculum Pyrrhae, nova monstra questae;  
 Omne quum Proteus <sup>7)</sup> pecus egit <sup>8)</sup>, altos

Visere montes;

1) Sensus: satis jam poenarum exactum est a nobis, ut novis plane succumberemus.

2) Inter portenta Caesaris caedem sequuta numerantur: nix copiosa, imbres magni, Tiberis inundatio, tonitrua horrenda. Appianus narrat, plurimas sacras aedes et statuas fulmine tactas, ac saepe pluisse lapidibus, quam diram grandinem poeta vocat.

3) Id est: Jupiter.

4) Hic templa in Capitolio posita intelliguntur per arces.

5) Sensus: fecit, ut gentes timerent et urbs, ne rediret diluvium, quo tempore Pyrrha, Deucalionis uxor, conquesta est de prodigiis et monstis antea inauditis, quae tum contingebant v. g. quod pisces in montibus et summis arboribus degerent etc. Describitur itaque in hac artificiosa et valde pulchra digressionem Deucalionica inundatio.

6) Id est: rubentibus fulminibus armata dextra.

7) Proteus marinus Deus, Neptuni filius, phocorum pastor. Myth.

8) Egredere visere, graece, pro: duxit ad visendos montes.

Piscium et summa<sup>9)</sup> genus haesit ulmo,  
 Nota quae sedes fuerat palumbis;  
 Et superjecto<sup>10)</sup> pavidae natarent *natabant*

Aequore damae.  
 Vidimus<sup>11)</sup> flavum<sup>12)</sup> Tiberim, retortis *retortis*  
 Litore<sup>13)</sup> Etrusco violenter undis,  
 Ire dejectum monumenta<sup>14)</sup> Regis,

*Templaque Vestae;*

Iliae<sup>15)</sup> dum se nimium querenti  
 Jactat ultorem, vagus<sup>16)</sup> et sinistra  
 Labitur ripa, Jove non probante<sup>18)</sup>,  
 Uxorius<sup>17)</sup> amnis.

Audiet<sup>19)</sup> cives acuisse ferrum,  
 Quo graves Persae<sup>20)</sup> melius perirent;  
 Audiet pugnas, vitio parentum  
 Rara, juvenus.

9) Id est: summo vertice ulmi.

10) Superjecto, id est: super terras effuso.

11) Sensus: Eandem et nos metuebamus inundationem, Tiberi alveo suo egresso, Romamque versus exundante.

12) Flavum, propter arenas turbidas, quas volvebat.

13) Litore, quo Tiberis Etruriam adluit, quod cum ripam altiore haberet, aquas in oppositam partem magna vi repellebat et retorquebat.

14) Opus a Numa rege exstructum, quod a poeta ulterius designatur per aedem Vestae, a Numa rege exstructam in foro Romano. Hanc vero fluvium imprimis petere poeta fingit, quod ea ignem, aeternitatis imperii Romani pignus certissimum, servaret; qua itaque subversa, ipsa imperii firmitas subrueretur, atque laberet. Vide Myth. de Vesta.

15) Ilia, aliter dicta Rhea et Sylvia, mater Romuli fuit ex Marte, quae mortua sepulta est ad ripam Anienis, unde ejus cineres propulsae in Tiberim locum fecere fabulae dicenti: illam nupsisse Tiberi. Ab eadem Rhea Julius Caesar duxit originem, unus scilicet e Romuli nepotibus. Hanc igitur fingit Horatius graviter questam esse de Caesaris nece apud Tiberim, maritimum suum, qui illi promiserat, se ipsius ultorem fore urbemque destructurum.

16) Vagus, id est: errans extra alveum. Vetus Roma tota erat ad sinistram Tiberis, quae declivior cum esset, majorem ad se aquae copiam traxit.

17) Id est: uxori nimium obsequens.

18) Non probante; terreri enim Romam volebat, non perdi Jupiter.

19) Interpretatur nunc portenta, et ex iis auguratur nova bella civilia dicens: Juventus olim nascitura, et rarior propter bella civilia, patrum scelere suscepta, in quibus multi viri perierant, audiet Romanos acuisse et in se convertisse arma, quae melius ab iis in Persas fuissent versa.

20) Insigni Romanis Parthi, qui Persarum vetus regnum tunc obtinebant, et molesti erant illis, incursionibus in dictionem Romanam ab oriente factis, ubi ante aliquot annos ingenti clade Crassum affecerant.

Quem<sup>21)</sup> vocet Divum populus ruentis  
 Imperii rebus? prece qua fatigent  
 Virgines sanctae minus audientem

Carmina Vestam<sup>22)</sup>?

Cui<sup>23)</sup> dabit partes scelus expiandi  
 Jupiter? Tandem venias, precamur,  
 Nube candentes<sup>24)</sup> humeros amictus,

Augur<sup>25)</sup> Apollo.

Sive tu mavis, Erycina ridens,  
 Quam jocus, circumvolat, et cupido;  
 Sive<sup>27)</sup> neglectum genus, et nepotes

Respicias auctor,

Heu! nimis longo satiate ludo;

Quem<sup>28)</sup> juvat clamor, galeaeque leves<sup>29)</sup>,

Acer<sup>31)</sup> et Mauri<sup>30)</sup> peditis cruentum

Vultus in hostem.

21) Sensus: Ut igitur tanta, quae reipublicae interitum minantur, mala avertantur, populus isto scelere novis sacris faciendis exsolvendus est. Sed quum nemo facile, qui omnis labis atque contagionis expertus ista rite curare queat, reperiat, Deo opus est, qui ea faciat. Quis autem Deorum haec sibi partes injungi patietur? — Commemoratis deinceps Diis Romanorum tutelaribus in Mercurio subsistit, quem sub Augusti persona inter ipsos Romanos commorari, solumque reipublicae erigendae firmandaeque parem praedicat.

22) Caesar erat Pontifex Romanus et sacerdos Vestae, testante Ovidio; ideo indignabatur haec Dea, quae fuit maximum Romanorum numen tutelare, et non audiebat preces virginum Vestalium.

23) Sensus: Quum Vesta nostras preces respuat. Cui hoc munus injunget Jupiter, expiandi scelus nostrum?

24) Id est: nube tectos habens humeros candidos; Deos enim aliqua nube obvolutos exhibere solent poetae, quum illi in terras delabuntur.

25) Quia Deus erat vaticiniorum, propterea Augur dicitur.

26) Cognomen Veneris a Monte Eryce in Sicilia. Myth. Eam autem invocat ut matrem Aeneae, a quo Juliorum familia.

27) Sensus: Seu tu o Mars, auctor et parens Romanorum, quia pater es Romuli, unde illi orti sunt, respicias et curas gentem tuam, quam videaris neglexisse, quippe qui tam diuturno bello civili eam vexasti; ut cruentum isto ludo possis esse jam satiatum.

28) Sensus: Qui delectaris clamoribus bellicis.

29) Id est: politae, tersae.

30) Mauri sunt Africae populi circa montem Atlantem; eorum regie Mauritania dicitur. De Mauris autem hoc in loco praecipue meminit, quorum fortitudo in bellis recentibus contra Jugurtham et Jubam perspecta fuerat.

31) Acer, id est: qui gaudes videre Maurum peditem truci vultu irruentem in hostem cruentum.



Sive <sup>32)</sup>, mutata juvenem figura,  
 Ales <sup>33)</sup>, in terris imitaris, almae  
 Filius Majae, patiens <sup>34)</sup> vocari  
     Caesaris ultor;  
 Serus <sup>35)</sup> in caelum redeas, diuque  
 Laetus intersis <sup>36)</sup> populo Quirini;  
 Neve te nostris vitis iniquum <sup>37)</sup>  
     Ocior aura <sup>38)</sup>  
 Tollat. Hic <sup>39)</sup> magnos potius triumphos,  
 Hic ames dici Pater <sup>40)</sup>, atque Princeps <sup>41)</sup>;  
 Neu sinas Medos <sup>42)</sup> equitare <sup>43)</sup> inultos  
     Te duce <sup>44)</sup>, Caesar.

32) Sensus: Sive tu o Mercuri, qui Majae filius es, exuta Dei figura, quam in Olympo geris, imitaris in terris juvenem Octavium, hoc est, ejus figuram humanam induis.

33) Id est: Alatos calceos seu talaria gestans. Myth. Favebat ille quoque Romanis, ut olim Trojanis; et idoneus Horatio visus est, qui Augusti vultum indueret, ob excellens ingenium ejusdem Augusti bonis artibus ex-cultum, quarum praeses Mercurius est.

34) Id est: non recusans, probans. Dederat enim operam Octavium, ut lex ferretur de Caesaris nece vindicanda, eamque provinciam praecipue in se susceperat, ab eo videlicet in familiam et nomen adoptatus.

35) Sequuntur preces ad Augustum tamquam Deum factae; oratio autem in his ita est temperata, ut utrique, Mercurio et Augusto, conveniat.

36) Id est: Verseris in populo Romano, Quirinus est cognomen Romuli.

37) Id est: inimicum, iratum, aegre nostra vitia ferentem.

38) Id est: nec citius avoles.

39) Sensus: maneat inter nos, ut plures de hostibus triumphos agas, utque diutius amore populi Romani fruaris.

40) Augustus postea a Senatus Consulto Pater Patriae adpellatus est. Invitat igitur eum vates ad nomen hoc dulcissimum promerendum.

41) Principes civitatis dicebantur, qui Romanum populum sibi maximis beneficiis devinxerunt. Sexto Consulatu suo dictus est etiam Princeps Augustus.

42) Hoc est: Parthos, qui etiam Medis dominati erant, quosque domare meditabatur Caesar, cum est occisus. Optat ergo poeta, ut cladem M. Crasso illatam a Parthis ipse, defuncti Caesaris patris sui loco, aliquando ulciscatur.

43) Parthi maxime ex equis pugnabant.

44) Te duce, id est, te rempublicam administrante. Unde concludi potest, quo circiter anno haec ode scripta fuerit. Nimirum paulo post pugnam Philippensem a. u. 712 pugnatum, cui etiam Horatius interfuit, et in qua, caesis Bruto et Cassio, rerum summa Octavium spectare videbatur.

## O d e III.

Ad navem, qua Virgilius Athenas proficiscens  
vehebatur.

Occasio et argumentum.

Referenda est ode ista ad a. u. 735, qua ex urbe solvens Virgilius Athenas concessit, effectam jam aeneidem ibi per otium expoliturus. Vix tamen eo venerat, quando Italiam ex Asia repetens Augustus eum secum reduxit. Verum cum aegrotare coepisset in ipsa navi, Brundisium ad-pulsus sequenti anno ibidem extinctus est, anno aetatis 51°. Virgilio itaque sibi carissimo felicem optat navigationem in Graeciam hac in ode. Tum ut ostendat, quam aegre ferat ejus absentiam, acriter in illum invehitur, qui primus mare tentasset; et exprobrat ejus projectissimam audaciam, qua viam hominibus natura praeclusam patefecerit, suaeque sorte majora conando erga Deos ipsos impius fuerit. Hinc ulterius progressus alia temeritatis impiae exempla, e mythica aetate petita, cumulat, qua maxima mala, poe-nae loco a Diis inflicta, in homines redundaverint. Dum igitur Horatius, ira atque indignatione accensus, audaciam hominum tamquam plurimorum malorum, quibus humanum genus nunc prematur, fontem detestatur, hoc ipso doloris sui desideriique adfectum, qui carminis hujus sensus est primarius, vividissime declarat.

Metrum Glyconio - Asclepiadeum.

-- | - - - | - - - |  
 -- | - - - | - - - |

Sic <sup>1)</sup> te Diva <sup>2)</sup> potens Cypri,  
 Sic fratres <sup>3)</sup> Helenae, lucida sidera,

1) Sensus: Utinam fausta sit Virgilio in Atticam navigatio! Si c t e, autem jurandi formula est, poetis familiaris, et huic nostrae similis; Ita me Deus adjuvet! cui, cum semper aliquid desit, splendendum est fere istius modi verbis: ut ego hoc aut illud facturus sum.

2) Venus in Cypro, insula maris mediterranei, culta, et ideo nautis invocata est, quod, ut ait Ovidius: in mare jus habet orta mari.

3) Castor et Pollux, quorum peculiare munus erat hominibus naufragio periclitantibus succurrere. Cujus signaenti ratio in eo quaerenda videtur,

Ventorumque regat pater <sup>4)</sup>,  
 Obstrictis <sup>5)</sup> aliis, praeter Japyga <sup>6)</sup>,  
 Navis; quae tibi creditum <sup>7)</sup>  
 Debes <sup>8)</sup> Virgilium; finibus Atticis  
 Reddas incolumem, precor,  
 Et serves animae dimidium <sup>9)</sup> meae. —  
 Illi robur <sup>10)</sup>, et aes triplex  
 Circa pectus erat, qui fragilem truci <sup>11)</sup>  
 Commisit pelago ratem <sup>12)</sup>  
 Primus, nec timuit praecipitem <sup>13)</sup> Africum  
 Decertantem Aquilonibus,  
 Nec tristes Hyadas <sup>14)</sup>, nec rabiem Noti <sup>15)</sup>;  
 Quo non arbiter <sup>16)</sup> Adriae  
 Major, tollere, seu ponere vult freta.

quod in magna tempestate adpareant quasi stellae velo insidentes, quod nautis indicio est, frangi tempestatem, ventosque desinere. Quas stellulas quum Dioscurorum praesentiam atque auxilium manifestare antiqua sibi persuasum haberet religio; sane proclive erat, ut eandem hanc vim, quam globuli isti ignei praestare viderentur, sideribus, Castoris et Pollucis, nomine insignitis, adtribueret. Vide etiam de Argonautis. Myth.

4) Ventorum pater est Aeolus. Myth.

5) Obstrictis, id est: inclusis.

6) Japix est ventus ex Apulia flans, opportunus navibus ex Italia in Graeciam solventibus. Apulia, vel ejus aliqua pars dicta est olim Japygia.

7) Id est: Tuae veluti fidei commissum et quasi apud te depositum.

8) Debes incolumem servare et restituere.

9) Ad vim amoris significandam dicitur amicum unam et eandem habere animam, quae in duobus corporibus, veluti divisa in duas partes, versetur.

10) Robur est dura quercus. Sensus: Habebat ille pectus conflatum e ligno durissimo, aut aerea lorica munitum.

11) Id est: irato tempestuoso pelago.

12) Ratem, id est, navem.

13) Id est: praecipiti impetu ruentem ventum Africum, qui in mari mediterraneo maximos motus concitat, cuique adversi sunt Aquilones, quapropter pugnantem finguntur a poeta.

14) Hyades, a ἦω, pluo; Succulae vero a Latinis vocatae, ab humore et succo, seu pluvia; sunt stellae in fronte tauri, ortu et occasu suo tempestatem et pluviam excitare creditae. Fabula docet: Eas Atlantis fuisse filias, quae fratris sui Hyantis, a leone interfecti, necem cum inconsolabiliter flerent, mutatae sunt in stellae, quae lacrymas etiam et aquas videntur amare. Myth.

15) Notus est ventus meridionalis Auster etiam dictus.

16) Quo non est major dominus maris Adriatici, seu fluctus et procellas tollere velit, seu componere et sedare.

Quem <sup>17)</sup> mortis timuit gradum <sup>18)</sup>,  
 Qui siccis oculis monstra <sup>19)</sup> natantia,  
 Qui vidit mare turgidum <sup>20)</sup>, et  
 Infames scopulos, Acrocerania <sup>21)</sup>?  
 Nequidquam <sup>22)</sup> Deus abscondit  
 Prudens Oceano dissociabili  
 Terras, si tamen impiae  
 Non tangenda rates transiliunt vada.  
 Audax <sup>23)</sup> omnia perpeti <sup>24)</sup>  
 Gens humana ruit <sup>25)</sup> per vetitum nefas.  
 Audax <sup>26)</sup> Japeti genus <sup>27)</sup> mala gentibus intulit:  
 Ignem fraude <sup>27)</sup> mala gentibus intulit:  
 Post ignem aetheria domo  
 Subductum <sup>28)</sup>, macies, et nova febrim

17) Sensus: Isne praesentissimum mortis periculum timuit, qui nec timuit monstra etc. Variata autem hac oratione, et per interrogationem expressa, sententiae major vis accedit; simpliciter enim dici debuisset: nec timuit Africum, nec monstra etc.

18) Gradum, idem est ac, genus mortis.

19) Monstra natantia sunt belluae marinae, a quibus devorari, aliud genus mortis est.

20) Turgidum, id est, intumescens.

21) Acrocerania: ab ακρος vertex et κεραυνος fulmen, ita dicti scopuli Epiri, quia fulmine saepe feriuntur, et famosi ob naufragia, quae ad eos frequenter fiebant. Epirus autem est regio in Graecia antiqua.

22) Sensus: Non solum audax is erat, sed etiam impius, naturae leges pervertendo. Deus enim volebat mari Dissociabili, id est quod terras dissociaret, disjungeret, separaret, prudenter gentes alias ab aliis intercludere, praevidens, quanta inde in genus humanum mala redundaturae fuissent; at tamen impiae naves, id est, quae contra Dei vetitum faciunt, et vada id est maria, vel maris litora, quae iste tangi vetuit, trajiciunt; in litoribus enim maris, ut in vadis, aqua non solet esse profunda, quam pedibus facile transmittas.

23) Sensus: ea vero humani ingenii est indoles, ut non nisi vetita cum summo vitae periculo adpetat.

24) Adire, tentare, suscipere pericula omnia et perferre. Graeca constructio, pro: ad suscipienda.

25) Praeceptum fertur ad omnia scelera et nefanda.

26) Praemissam sententiam generalem munit jam Horatius exemplis, eaque a mythis repetitum est Prometheus, Japeti filius, qui ad animandam hominis, a se effecti, figuram solis radium furatus est. Myth.

27) Id est: fraudulenter, et quidem damno hominibus exitioso.

28) Subductum, id est: furto clam subreptum domo aetherea seu caelo. Jam nunc sequitur: morbis varii generis genus humanum adfectum esse;

Terris incubuit cohors;  
 Semotique prius tarda necessitas  
 Leti corripuit<sup>29)</sup> gradum.  
 Expertus vacuum Daedalus<sup>30)</sup> aëra  
 Pennis non homini datis;  
 Perrupit<sup>31)</sup> Acheronta Hercules labor<sup>32)</sup>.  
 Nil mortalibus arduum<sup>33)</sup> est:  
 Caelum<sup>34)</sup> ipsum petimus stultitia<sup>35)</sup>; neque  
 Per nostrum<sup>36)</sup> patimur scelus  
 Iracunda Jovem ponere fulmina.

## O d e I V.

## A d L. S e x t i u m .

## Occasio et argumentum.

Est carmen hoc ad L. Sextium, qui in Bruti partibus fuerat, illiusque quaestor et perpetuus comes; mox etiam, quum Romam reversus, in Augusti amicitiam receptus esset, constans illius cultor atque laudator; quam amicitiae observantiam ac fidem ita honori ei duxit Augustus, ut quum a. u. 731 consulatu se abdicasset, eum in locum suum sufficeret. Incertum est autem, utrum in illo Sextii consulatu, sive postea hoc carmen scriptum sit, in quo ab ortu veris, cujus descriptio ad Italiae regionis naturam praeclare attemperata est, progressus, ejusque suavitate atque

sed poeta pro morbis ponit maciem seu tabem, omnibus fere morbis communem, et februm cohortem novam, seu antea inauditam.

29) Corripuit, id est acceleravit. Homines, qui longissima gaudebant vita, nunc maturius longe moriuntur.

30) 2<sup>du</sup>m exemplum est Daedalus, qui ausus est se committere aëri, et volare alis, cera compactis, et ab homine alienis. Daedalus architectum fuisse ingeniosissimum, qui primus naves fabricavit, iisque vela addidit, indeque natam esse de illius pennis fabulam, constat ex Mythologia.

31) Sensus: Quia ipsa infera loca Hercules Cerberum extracturus adiit. Mythologia.

32) Labor, id est: Herculis robur et vis.

33) Id est: supra humanam conditionem positum, quo non homines aspirent.

34) Caelum oppugnarunt olim Gigantes; et superos impii omnes lacescunt peccando ac provocant.

35) Id est: propter nostram amentiam, audaciam.

36) Sensus: impedimus nostris sceleribus, quo minus iratus nobis Jupiter deponat fulmina in caput nostrum vibranda, ad nos puniendos.

laetitia, qua totam naturam perfudit, perfusus ipse atque exhilaratus poeta eosdem animi sensus in amicum suum transfundere conatur, eumque ad fruendas, quas vernum tempus secum ferat, delicias atque jucunditates, sedulo hortatur. Hinc naturali sententiarum ordine ad commune de vitae voluptatibus sectandis praeceptum deducitur, rationibus ab ipsius vitae premitate, omnibusque proposita moriendi necessitate et quod post mortem nihil, quod gratum ac jucundum sit, amplius sperare liceat, desumtis.

## Metrum Archilochium.

— — — | — — — | — — — | — — — | — — — | — — — | — — — |  
 — — — | — — — | — — — | — — — | — — — | — — — | — — — |

Solvitur<sup>1)</sup> acris hyems grata vice<sup>2)</sup> veris et Favoni<sup>3)</sup>;  
 Trahuntque<sup>4)</sup> siccās māchīnae carinas:  
 Ac neque jam stabulis gaudet<sup>5)</sup> pecus, aut arator igni;  
 Nec prata canis albicant<sup>6)</sup> pruinis.  
 Jam<sup>7)</sup> Cythereā<sup>8)</sup> chōros<sup>9)</sup> ducit Venus, imminente<sup>10)</sup>  
 Luna;  
 Junctaeque Nymphis Gratiae decentes

1) Mitescit, deponit suum rigorem et acerbitatem.

2) Vice, id est, successione grati veris.

3) Favonius idem est ac Zephyrus, qui omnino in terris australibus, ab occasu quippe flans, gravior est et amenior.

4) Naves per hyemem in portu quiescunt, vel etiam in sicco litore sedent; exacta hyeme, machinis et funibus e litore in aquam trahuntur, ut navigatio repetatur. Carina pars navis infima, posita est pro integra navi.

5) Non amplius pecora in stabulis continentur, ut fit hyeme; sed gestiunt ea relinquere, uti agricola focum, ad quem hyemale tempus transegerat.

6) Id est: Albescunt, quum tecta sunt pruinis.

7) Quum antea hominum studia, vere redeunte excitata atque instaurata memorasset, jam ipsam veris amenitatem ejusque delicias suavissima imagine per Veneris Chorea cum Gratiis ac Nymphis ad lunam agitata, declarat. Deos vero noctu loca amoena in terris obire, imprimis vero Venerem, in cujus comitatu essent Gratiae et Nymphae, terras invisere sub veris adventum veteres credere. De Gratiis porro et Nymphis vide Myth.

8) Cognomen Veneris ab insula, quae adjacet Peloponneso (nunc Cerigo) Cythera, ubi Venus colebatur.

9) Choros, id est: Nymphas in orbem saltantes ducit.

10) Id est: splendente, vel lucente Luna.

Alterno <sup>11)</sup> terram quatiunt pede: dum <sup>12)</sup> graves <sup>13)</sup> Cyclopium

Vulcanus ardens <sup>14)</sup> ūrit officinas.

Nunc <sup>15)</sup> decet aut viridi nitidum <sup>16)</sup> caput impedire <sup>17)</sup> myrto <sup>18)</sup>;

Aut flore, terrae quem ferunt solutae <sup>19)</sup>.

Nunc et in umbrosis Fauno <sup>20)</sup> decet immolare lucis,  
Seu poscat agna, sive malit haedo.

Pallida mors aequo <sup>21)</sup> pulsat <sup>22)</sup> pede pauperum tabernas,  
Regumque turres. O beate <sup>23)</sup> Sexti,

Vitae summa brevis spem nos vetat inchoare longam.

Jam <sup>24)</sup> te premet nox, fabulaeque Manes,

11) Id est: nunc hoc, nunc illo pede: ut fit a saltantibus.

12) Sensus: dum Vulcanus, qui fulmina Jovis fabricatur cum Cyclopiis in Aetnaeis fornacibus, eorum officinas multo igne succendit, ut prope urere illas velle videatur. Ideo autem Vulcanus dicitur verno tempore imperare Cyclopiis fulmina, quod id vicinum aestati sit, qua illa mittere solet in terras Jupiter. Myth.

13) Graves, id est: laboriosas; epithetum, a duris ferri subigendi laboribus ad officium translatum.

14) Ardens: flammis relucens.

15) Jam ad verni temporis laetitiam, quae per naturam diffusa est, ac suavitatem hortatur poeta fruendam, rationibus, jam supra allatis.

16) Nitidum caput, id est, comam capitis unguentis et aromatibus delibutam.

17) Idem ac, coronare, vincere.

18) Myrto, Veneri nempe sacra, et comotationibus imprimis adhibita.

19) Laxatae ob vernum calorem; frigus enim terram constringit, calor contra solvit atque aperit.

20) Quibusdam Faunus idem Deus cum Pane est, qui et ipse agrorum et agricolarum censetur numen. Incipiebant Romanorum Faunalia Id. Febr. eaque profusiori, uti omnium Deorum agrestium sacra, hilaritate celebrabantur, et quidem in lucis. Offerebantur autem in genere primitiae rerum, quarum curam et custodiam Dii haberent; cum igitur Faunus sit gregum Deus, agna aut haedo sibi sacrificari postulat.

21) Sensus: mors intrat aequae tabernas, id est, tuguria, casas humiles pauperum, ac regum turres, id est, aedificia altiora ac magnifica, nullo habito discrimine.

22) Pulsat, id est: intrat; solemus enim pulsare, antequam aliquo intremus; adeoque antec: pro consequente.

23) Sensus: frueri adeo, o Sexti, vitae deliciis, iisque bonis, quae Fortuna tibi largita est (en totum in hoc unico, beate, inclusum) neque crastino fide. Vitae enim brevitatis spes tuas in angustum contrahere jubet.

24) Sensus: Brevi te mors, quae tota tenebrosa, et nocti similis est,

Et domus exilis <sup>25)</sup> Plutonia: quo <sup>26)</sup> simul mearis,  
Non regna vini sortiere talis.

*Ad M. Vispanium Agrippam.*  
Ode V.

## Ad M. Vispanium Agrippam.

Occasio et argumentum.

M. Vispanius Agrippa, magnus ille et praecipuus Augusti amicus, terra marique rebus gestis, victoriisque clarus, ipsius Augusti victoriam, imprimis Actiacae et insequitae potentiae magnam sibi partem vindicans; is igitur haud dubie Horatio exprobraverat, quod nulla dum sui in ipsius carminibus esset mentio. Igitur se excusat Agrippae, suique ingenii venam sufficere negat tam sublimi argumento, quod epico carmine celebrari debeat, seque tantum lyricae poësi vacare. Quo ipso, quasi aliud agens splendidissimum Agrippae ipsique Augusto carmen dicit: nam dum grandem sibi spiritum negat esse, eum vel maxime prodit: et Agrippam exquisitissime laudat, dum ejus laudibus canendis se impari profitetur. — Potest vero haec ode perinde ad annum u. e. 718, quo victus est in mari Siculo Sextus Pompejus; quam ad a. u. 723 referri, quo superatus est ad Actium Antonius: utriusque enim victoriae socius et maximus adjutor Augusto fuit Agrippa.

opprimet, ac Inferi, qui merae sunt fabulae, vel de quibus tam multae fabulae narrantur. De Manibus, seu umbris mortuorum, vide Myth.

25) Exilis, id est: regnum Plutonis, in qua umbrae exiles, tenues et leves versantur. Aliqui domum exilem etiam interpretantur, inopem, egenam, miseram, ubi nihil reperias, quo bene sit.

26) Sensus: Quam in domum simul atque migraveris, omnibus iis, quae hic vitam beatam atque jucundam efficiunt, carebis, et ex his commemorat comotationes, dicens: Non talis, id est, sorte tibi obviant regna, id est: magisterium, arbitrium in comotationibus, seu, non ut magister bibendi celebrabis convivia. Respicit nempe poeta solemnem Romanorum morem, in conviviis sibi regem, qui bibendi leges ediceret, talorum jactu eligentium. Vide Antiqui: de conviviis.

## Metrum Asclepiadeo - Glyconium.

-- | - - - | - - - | - - - |  
 -- | - - - | - - - | - - - |  
 -- | - - - | - - - | - - - |  
 -- | - - - | - - - | - - - |

Scriberis <sup>1)</sup> Vario <sup>2)</sup> fortis, et hostium <sup>3)</sup>  
 Victor, Maeonii <sup>4)</sup> carminis alite <sup>5)</sup>,  
 Quam <sup>6)</sup> rem cunque ferox navibus, aut equis  
 Miles, te duce, gesserit.

Nos <sup>7)</sup>, Agrippa, neque haec dicere, nec gravem  
 Pelidae <sup>8)</sup> stomachum cedere nescii,

1) Scriberis a Vario, id est: Varius sit oportet, a quo scriberis, seu carmine epico celebreris, ut fortis, et virtute bellica conspicuus.

2) Varius hoc tempore erat poeta epicus Horatio valde laudatus.

3) Hostium victor. Fuit Agrippa non tantum civili prudentia, ut Maecenas, Augusto dum vixit, carissimus: sed multis quoque victoriis terra marique clarus, ob quae non solum corona navali primus donatus fuit Romae, sed amplissimos honores est consequutus, tandemque post mortem Marcelli factus Augusti gener, ut non sit mirum comparari hic illum cum Achille, Ulyse, Merione ac Diomede Graecorum fortissimis. Per hostes hic autem intelligitur vel Sextus Pompejus, Pompeji magni filius; vel Antonius. Vide Argumentum.

4) Maeonium carmen, est carmen grande et heroicum, quali usus est Homerus. Nam Homerum Maeonium a Smyrna in Lydia, quae etiam Maeonia dicebatur, patria haberi pervulgatum est.

5) Alite, id est, ut quidam volunt, fausto omine, eodemque auspicio, quo sua carmina Homerus scripsit. Alii hoc vocabulum referunt ad Varium, et hi pro alite sumunt cygnum, Variumque cygnum Homericum carminis adpellant, id est instar cygni est inter poetas heroicis quorum princeps Homerus; poetae enim eximii cum cyenis vulgo comparantur.

6) Ut versus iste intelligatur denuo rependendum est: scriberis Vario, id est: Varius sit oportet, a quo scriberis, quod attinet omnem (quamcunque) rem, quam Romanus miles navibus aut equis, pro, mari et terra te duce gesserit.

7) Sensus: Nos his tractandis aequae impares sumus, ac ulli epico aut sublimi argumento; et pro hoc generali memorantur cum insigni delectu talia nonnulla in sequentibus.

8) Pelides est Achilles Pelei et Thetidis filius. Vide Myth. Per stomachum Achillis autem intelligit iram ejus: iratus nempe Agamemnoni Graecorum regi, pugnare cum Trojanis multos annos detrectavit, neque ullis precibus a sententia dimoveri potuit, unde etiam cedere nescius dicitur. Ea res multas clades Graecis attulit, et bellum usque in decennium protraxit, quapropter haec ira etiam gravis dicitur, id est, perniciose Grae-

Nec cursus <sup>9)</sup> duplicis per mare Ulyssaei <sup>10)</sup>,  
 Nec saevam Pelopis <sup>11)</sup> domum  
 Conamur <sup>12)</sup>; tenues grandia: dum pudor <sup>13)</sup>  
 Imbellisque lyrae musa potens <sup>14)</sup> vetat  
 Laudes egregii Caesaris, et tuas  
 Culpam deterere ingentem.  
 Quis <sup>15)</sup> Martem tunicam tectum <sup>16)</sup> adamantina  
 Digne scripserit? aut pulvere Troia

cis. Demum ubi Achilles vidit, suum amicum Patroclum ab Hectore interfectum, ad bellum se retulit, quod, caeso Hectore, confecit. Quae ira vindicata proprie argumentum Iliadis Homeri constituit.

9) Cursus seu navigatio, errores Ulyssaei duplicis, id est: callidi, subdoli, aliud dicentis, aliud sentientis.

10) Genitivus a nominativo Ulyssaeus, qui derivatus est a Graeca voce tertiae declinationis contractorum, Ulyssaei; est hic trisyllabum, alias tantum dissyllabum est. Hi cursus porro Ulyssaei, qui alio nomine etiam Odysseus adpellatur, argumentum sunt Odysseae, poematis alterius epici ab Homero.

11) Domum Pelopis, id est: familiam a Pelope oriundam, saevam, idem ac, saevis et cruentis facinoribus insignem, domesticis caedibus infamem. Tantalus enim, Phrygiae rex, filium Pelopem interfecit; Atreus filius Pelopis, Thyestis fratris sui, filios interemit; Aegystus, Thyestis filius, Atreum, deinde Agamemnonem, Atrei filium, neci dedit; Orestes, Agamemnonis filius, matrem Clytemnestram peremit. Porro ista tragica facinora erant vulgo tragoediarum a Romanis poetis, et forte a Vario ipso, scriptarum argumenta; quibus tractandis imparem se fatetur Horatius, ut epico carmini.

12) Sensus: Nos tenues, id est: tam tenui ac parvo ingenio, qui adeo argumento levi, tenui solummodo vacare possumus, grandia illa seu gravia epici et tragici generis argumenta enarrare vix conamur, audemus.

13) Pudor, id est: verecundia, et meae tenuitatis conscientia.

14) Potens. Musa domina, et moderatrix meae imbellis lyrae, levioribus tantum argumentis adcommodatae, vetat, seu prohibet me, res ab eximio, egregio, Caesare et a te praeclare gestas deterere, id est: imminuere, obscurare, non ea, quam res postulat, dignitate describere, culpam a id est, propter debilitatem ingenii et imperitiam meam.

15) Sensus: arduum sane opus est, Augusti atque Agrippae res gestas digne describendas sibi sumere; hoc idem esset, ac si quis Martem, et heroes fortissimos, Merionem et Tydeum carmine celebrare vellet. Tacite igitur poeta cum heroicis Homericae Iliadis argumentis Augusti atque Agrippae res, ipsumque adeo Varium, qui solus eas digne scribere possit, cum Homero componit.

16) Martem vide in Myth. Tectum, id est, indutum, armatum tunica adamantina, ferrea, dura, et solida atque impenetrabili instar adamantis. Designatur ergo hic Mars loriceatus, qui a partibus Trojanorum steterat.

Nigrum Merionem <sup>17)</sup>? aut ope Palladis  
Tydiden <sup>18)</sup> superis parem?

O d e VI.

Ad Munatium Plancum.

Occasio et argumentum.

Occiso Caesare, Munatius Plancus pro Republica cum Octavio stetit, fuitque Consul cum M. Lepido a. u. 712. Deinde ad Antonium transiit, nec nisi a. u. 722 ad Caesarem rediit, qui cum ei fortasse ob praeterita non satis fideret, nec eo uteretur in bello, quod illo ipso anno decretum est contra Antonium et Cleopatram; hinc Plancus in Tiburtino praedio suo, aeger animi, consolatione illa eguit, quam afferre conatur Horatius. ode ista, enumerando nobilissimas Graeciae urbes, quibus quidem suas laudes esse, ait, easque multorum carminibus satis celebratas fuisse: se tamen Tiburtini agri dulcedine miro modo adfici ac maximopere teneri: quo tecte simul atque venuste admodum Planco, ut in hac, genio indulgendo, animum curis exoneret, innuere voluisse videri debet; quod idem paulo disertius declarat, amicum sedulo dehortando, ne se perpetuo moerore maceret atque conficiat. Ipsam enim naturam non in perpetuo quasi luctu esse, nubilaeque tempestati succedere serenam atque tranquillam. Animum adeoque aegritudine levandum, et quidem quod praesentissimum sit remedium, vino, omninoque meliora esse speranda. Docte atque graviter hoc Teucris, tam fortiter adversos casus ferentis, exemplo commonstrat, quem hanc ipsam animi fortitudinem sociis suis praecipientem inducit. — Constat autem certe, ante a. u. 722 non scriptam esse hanc odam, quod Plancus hactenus fuisset Augusti hostis.

17) Meriones fuit Idomenei Cretensium regis socius, dux fortissimus, et in bello Trojano clarus.

18) Tydides est Diomedes, Tydei filius, qui Martem ipsum in bello Trojano vulnerasse ab Homero scribitur, Palladis seu Minervae ope imprimis fretus. Dicitur eapropter superis par, quod steterit nempe adversus eos, et cum iis congressus sit.

Metrum Alamanium.

— — — | — — — | — — — | — — — | — — — | — — —  
— — — | — — — | — — — | — — — | — — — | — — —  
— — — | — — — | — — — | — — — | — — — | — — —  
— — — | — — — | — — — | — — — | — — — | — — —

Laudabunt alii claram Rhodon <sup>1)</sup>, aut Mitylenen <sup>2)</sup>,  
Aut Ephesum <sup>3)</sup>, bimaristae Corinthi <sup>4)</sup>  
Maenia, vel Baccho Thebas <sup>5)</sup>, vel Apolline Delphos <sup>6)</sup>  
Insignes, aut Thessala Tempe <sup>7)</sup>.  
Sunt <sup>8)</sup>, quibus unum opus est, intactae Palladis arces  
Carmine perpetuo <sup>9)</sup> celebrare, et  
Undique <sup>10)</sup> decerptam fronti praepondere olivam.  
Plurimus <sup>11)</sup> in Junonis honorem,

1) Rhodus insula et civitas maris mediterranei, fuit ibi Apollinis Colossus, 70 pedes altus, quo forte respicit Horatius dicens: claram Rhodon.

2) Mitylene, est urbs primaria insulae Lesbi, hodie Metelino.

3) Ephesus nobilissima Asiae minoris urbs; Dianae templo celebris.

4) Corinthus est urbs Achajae in Graecia, et bimaristae dicitur, quod sit in isthmo, quem efficiunt mare Jonium et Aegeum in Peloponneso. Maenia pro urbe ipsa posita sunt.

5) Thebae, urbs Boeotiae in Graecia, alia enim est ejusdem nominis in Aegypto, Bacchi patria, propterea etiam insignis seu celebris Baccho dicitur.

6) Delphi urbs Phocidis ad Parnassum, in ea celeberrimum Apollinis templum fuit.

7) Tempe, amoenissimae Thessaliae convalles, inter Ossam et Olympum montes, fluvio Penco irrigatae. Tempe hic in plurali sumendum.

8) Sensus: aliis unicum opus est, laudare Athenas, sacras intactae, id est, virgini, Minervae. Vide Myth. Athenae autem urbs primaria Atticae in Graecia.

9) Perpetuo, id est: carmine, quod omnes Athenensium res gestas inde ab urbis primordiis continua serie detextas, comprehendat; vel etiam: in omni, quocunque tandem scribant, carmine.

10) Sensus: et inde nominis sibi famam parare; is enim qui carminis aliquod argumentum sibi tractandum sumit, coronam inde sibi parat, hoc est, famam et gloriam. Jam haec corona pro vario carminis argumento potest esse varia: myrtea, quae erotico poetae; ederacea, quae Bacchi laudes canenti; laurea, quae epica tractanti praemio cedit; etsi in his, ut omnino sibi constant poetae, non facile expectes. Athenarum vero laudes celebranti coronam oleaginam tribuit adprime poeta, quod Minervae sacra erat oliva, et quod in arce Athenarum servabatur sacra ista olea, quam ipsa Minerva in ejus cum Neptuno super urbis recens conditae tutela certamine protulerat. Vide Myth. Undique, tantum est ac, undecumque, ex qualibet arbore sumta corona, frequens enim oliva crescebat in regionibus circa Athenas; quod etiam fingendae de hoc certamine fabulae occasionem prebuisse videtur.

11) Plurimus, id est: multi celebrant Argos; quae est urbs clarissima

Aptum dicit equis Argos, ditiesque Mycenae.  
 Me nec tam patiens Lacedaemon<sup>12)</sup>,  
 Nec tam Larissae<sup>13)</sup> percussit<sup>14)</sup> campus opimae,  
 Quam domus Albunae<sup>15)</sup> resonantis,  
 Et praeceps Anio<sup>16)</sup>, ac Tiburni<sup>17)</sup> lucus, et uda  
 Mobilibus pomaria rivis.  
 Albus<sup>18)</sup> ut obscuro deterget<sup>19)</sup> nubila caelo  
 Saepe Notus; neque parturit<sup>20)</sup> imbres  
 Perpetuos: sic tu sapiens finire memento  
 Tristitiam, vitaeque labores  
 Molli<sup>21)</sup>, Plance, mero; seu te fulgentia signis<sup>22)</sup>  
 Castra tenent, seu densa tenebit

Peloponnesi, et Argos Hippium dictum erat, quod agros haberet pascentis equis idoneos, eapropter dicitur etiam, aptum equis, alendis nempe. Ibi quoque maxime Juno colebatur, quod etiam de Mycenis valet, urbe itidem Peloponnesi non longe ab Argis, ubi regnavit Agamemnon. Ea de causa addit poeta: in honorem Junonis, id est: ad honorandam Junonem, quod ambae urbes illi essent sacrae et acceptissimae.

12) Lacedaemon, alio nomine Sparta dicta, patiens, id est, pueros ad patientiam instituens. In hac urbe Peloponnesi Lycurgus floruit, et Menelaus regnavit. Cives porro severissima disciplina a teneris annis instituebantur, ad omnium laborum in civili pariter, ac militari vita patientiam.

13) Larissa, civitas in Thessalia; unde Achilles oriundus fuit. Ca mp us Larissae opimae id est: ager circa Larissam opimus seu frugifer.

14) Percussit: animum meum movit, adfecit; non tam mihi placuit, quam etc.

15) Albunae: nomen est fontis et sylvae juxta Anienem fluvium; domus hic posita est pro fonte antro Nymphae ejusdem fluvii. Fons enim cujusque fluvii, Dei vel Nymphae ejusdem fluvii sedes est, ut pervulgatum.

16) Anio fluvius, per Tiburtinorum fines decurrens, et in Tiberim defluens.

17) Tiburnus Tibur, civitatem Italiae, condidit, in amoenissimo loco ubi luci, et pomaria rivis errantibus rigata. Tiburni lucus, est lucus Tiburno, tamquam heroi vel Deo indigeti consecratus.

18) Sensus: in hac amoenissima regione, genio indulgendo, curarum, quibus te nunc maceras, obliviscere; perpetuo enim ne moerore te conficias, ipsa rerum natura ac vicissitudo hortatur, vides enim serenam tempestatem succedere nubilae. Albus Notus, id est, caelum serenum ac candidum efficiens.

19) Deterget, id est: fugat, pellit nubila.

20) Parturit, pro, parat, adducit.

21) Molli, id est, dulci vino, vel vetusto.

22) Signis, id est vexillis militaribus. Sensus: seu militiae seu domus tuae fueris.

Tiburis umbra tui<sup>23)</sup>. Teucer<sup>24)</sup> Salamina, patremque  
 Quum fugeret<sup>25)</sup>, tamen uda Lyaeo<sup>(vino)</sup>  
 Tempora<sup>26)</sup> populea<sup>27)</sup> fertur vinxisse corona,  
 Sic tristes affatus amicos:  
 Quo nos cunque feret melior<sup>28)</sup> fortuna parente,  
 Ibimus, o socii comitesque.  
 Nil desperandum Teucro duce, et auspice<sup>29)</sup> Teucro;  
 Certus<sup>30)</sup> enim promisit Apollo,  
 Ambiguam<sup>31)</sup> tellure novam Salamina futuram.  
 O fortes, pejoraque<sup>32)</sup> passi

23) Tiburis tui; forte in ea regione villam Plancus habebat.

24) Sequitur hic exemplum, jam in argumento supra commemoratum, Teucris, qui fuit Telamonis filius, Ajacis frater; cum Troja capta rediret in patriam Salamina, insulam et urbem maris Aegei, eregione Atticae, indignatus Telamon, quod Teucer Ajacis, fratris sui, qui inimicorum injuriis exagitatus, et in furorem versus violentas sibi manus intulerat, necem non ultus esset, eum Salamina expulit; unde in Cyprum navigans ibi consedit, urbemque condidit, quam Salamina etiam adpellavit.

25) Sensus: quum a patre in exsilium pulsus mare exsul pererraret; tamen tantum absuit, ut hocce infortunium animum ejus frangeret, ut potius, vino (Lyaeus enim cognomen Bacchi ex Myth.) exhilaratus, socios suos pristinorum malorum, quae fortiter tulissent, recordatione erigeret, et ad nova subeunda, vino invitatus, excitaret. Inducit deinde ipsum loquentem Teucrum.

26) Uda tempora: nam vino hausto tument, incalescunt ac madent sudore tempora, seu caput.

27) Populus arbor Herculi sacra erat, quapropter a viris fortibus, aut ab iis, qui rem periculosam suscipere, adhiberi solebat, quasi ad invocandum Herculem. Is, devicto Cerbero, ab inferis populum arborem ex Acheroonte secum attulisse, eaque se coronasse fertur; unde illius exemplum victores populea fronde coronati fuerunt.

28) Melior, id est: mihi amior, indulgentior, benignior, quam ipse pater, a quo pellimur patria.

29) Id est: meo ductu et auspicio. Auspex ille dicebatur a Romanis, qui sumebat auspicia; vel cujus ductu, nomine, auspiciis aliquid gerebatur. Erant autem auspicia signa quaedam Deorum voluntatis, et favoris, et praesagia futurorum, sumta ex avium cantu, volatu, pastu. Vide Antiquitates.

30) Certus Apollo, qui vera, exitum habentia oracula edit, fuit enim Deus vaticiniorum. Myth.

31) Ambiguam, id est: ambiguum erit et dubium, cum sermo fuerit de Salami, utrum vetus illa, ubi pater meus regnat, an nova a me in alia regione condenda intelligi debeat, quia ambae idem habent nomen.

32) Sensus: o qui tam fortiter praesentia mala toleratis, imo his pejora, graviora tamquam viri jam perpessi estis; unde sperare licet, vos et leviora, quae nobis forte superanda sint, aequo animo laturos, pellite nunc curas et

Mecum saepe viri, nunc vino pelcite curas:  
Cras ingens iterabimus<sup>33)</sup> aequor.

O d e VII.

## A d L y d i a m.

Occasio et argumentum.

Lydia, cujus passim meminit Horatius, Sybarin ita amore corruperat, ut omissis omnibus, quae ingenium adolescentem Romanum decerent, studiis atque exercitationibus, totum se mollitiei traderet, atque apud se, tamquam Achilles in Lycomedis gynaeceo, delitesceret. Poëta igitur, ut Sybarin ab hoc amore avocet, mores ejus, generosamque indolem nunc deflexam atque in pejus mutatam, picturis quibusdam vivide delineatam, ei ob oculos ponit, ita tamen, ut hujus rei culpam in Lydiam, quae eum, illecebrarum suarum laqueis constrictam tenet, totam transferat, eamque tamquam fontem calamitatis ideo objurget. Sub Sybaris nomine nobilem aliquem Romanum, forte equestris ordinis, latere, probabile esse videtur.

Metrum Sapphicum majus.

— 0 | — — | — 0 0 | — 0 | — 0  
— 0 | — — | — 0 0 | — 0 0 | — 0 | — 0

Lydia<sup>1)</sup> dic, per omnes

Te Deos oro, Sybarin cur properas amando

Perdere<sup>2)</sup>? cur<sup>3)</sup> apricum

Oderit<sup>4)</sup> campum patiens<sup>5)</sup> pulveris, atque solis?

33) Iterabimus, h. e. cursum in mari repetemus, iterum navigabimus.

1) Lydia et Sybaris probabiliter nomina ficta sunt.

2) Properes perdere, id est: cur perditum is, corrumpis, dum eum amando, id est, amore irretitum tenes.

3) Exitiosi amoris istius vim atque effecta egregie per partes declarat poëta: Sybaris animum, et mores prorsus immutatos ac pejores inde factos esse; deditum eum olim fuisse campestribus ac militaribus, quae generosum adolescentem decerent, studiis, vacasse eum natationi, palaestrae, et sic porro: nunc contra omnem eum laborem subterfugere, atque mollitiae diffluentem in Lydiae sinu delitescere.

4) Id est: cur non veniat in campum, cur non vacet laboribus, exercitationibus in campo usitatis? per campum autem intellige Campum Martium, qui erat ingens quaedam planities, Marti sacra, sub maenibus Romae, ubi juvenus Romana se exercebat in illis exercitationibus, quas mox subjungit poëta.

5) Patiens, id est: qui pati potest solem et pulverem, vel qui deberet

Cur neque militaris<sup>6)</sup>

Inter aequales<sup>7)</sup> equitat, Gallica<sup>8)</sup> nec lupatis<sup>9)</sup>

Temperat ora frenis?

Cur timet flavum Tiberim tangere<sup>10)</sup>? cur olivum<sup>11)</sup>

Sanguine viperino

Cautius vitat? neque jam livida<sup>12)</sup> gestat armis

Brachia, saepe disco<sup>13)</sup>,

Saepe trans finem jaculo nobilis expedito?

Quid<sup>14)</sup> latet, ut marinae

Filium dicunt Thetidis sub lacrimosa Trojae

pati, ob aetatem et robur. Sensus igitur est: Cur nunc defugit exercitationes in Campo Martio, quasi solis aestum atque pulverem ferrenequeat?

6) Militaris, id est: militari more, ut hominem militare decet.

7) Inter aequales pro, inter ejusdem aetatis adolescentes, qui adeo iisdem studiis militaribus vacare deberet.

8) Sensus: neque equorum Gallicorum, erant enim hi praestantissimi, ora habenis flectat ac regat, seu temperet.

9) Lupatum vel lupatus est frenum asperrimum, ab lupinorum dentium similitudine dictum, qui acuti sunt et inaequales; est enim ejusmodi frenum, cui aculei ferrei inserti sunt.

10) Timet tangere: tactum refugit, tamquam nimis periculosum, pro, non tangit, non intrat Tiberim. Erat nempe Campus Martius prope Tiberim, in quo se abluebant, ad abstergendum sudorem, in illis exercitationibus collectum.

11) Olivum. Luctaturi nuda corpora oleo tingebant, vel unguento quodam ex oleo et cera facto, quod ceroma vocabatur; ut essent robustiores, nitidiores, et minus idonei captantibus. Ad Sybaris igitur animum ab his studiis palaestrae quam maxime alienum declarandum, cautius eum vitare ait, id est, sibi magis cavere, ne olio inungatur, ac si sanguine seu veneno viperino, quod efficacissimum putabatur, inficeretur.

12) Livor est color pallidum inter et sanguineum. Sensus est: cur non amplius gestat seu habet brachia livida facta a gestatione armorum, qui tam saepe jaculum aut discum expedit, id est, projecit trans finem, pro, ultra metam; et qui hac arte nobilis fuerat, hoc est: spectandus ob eam rem cum magna roboris et industriae laude.

13) Discus erat circulus vel orbis quidam solidus, e plumbo, aere, ferro: quem ope lori circumvoluti ad certum terminum vibrabant.

14) Sensus: cur abditus domi sedet, ut Achilles, qui sub, id est, paulo ante bellum Trojanum, quo Troja excisa est, et exstincta, delituit muliebri veste occultatus in aula Lycomedis, regis insulae Scyri in mari Aegeo, ne virilis vestis eum proderet, atque ita protraheretur ad bellum Trojanum, ubi cum Lyciis cohortibus dimicaret. Abdiderat autem eum mater Thetis, maris Dea, cum in fatis esse cognovisset, periturum, si Trojanum peteret. Detexit porro Achilles Ulysses in hunc modum: venit nempe in aulam Lycomedis, habitum usque mercatoris gerens, et inter taenias;



Funera; ne virilis  
Cultus in caedem, et Lycias <sup>15)</sup> proriperet <sup>16)</sup> catervas.

O d e VIII.

## A d T h a l i a r c h u m.

Occasio et argumentum.

Probabile est, Thaliarchum, amicum Horatii, ad quem hoc carmen est, fuisse Graecum juvenem, divitem et nobilem, qui Romae viveret, haberetque villam in Faliscis, haud procul monte Soracte; et in hac ipsa villa Horatium hanc oden fecisse. Igitur ab hiemis regioni isti, in quam e villa Thaliarchi prospectus erat, attemperata descriptione exorsus poeta Thaliarchum ad conviviorum, quae hiemali temporis aptissima sint, hilaritatem exhortatur. Hinc ad generale de vita suaviter ac sine curis transigenda praeceptum delatus, eundem monet, ne anxia futuri sollicitudine praesentis temporis fructum intercipi, sicque juvenilem aetatem, lusibus jocisque aptissimam, temere sibi elabi patiat, quum eam mox senectus morosa, omnisque hilaritatis expers, sequatur.

Metrum Alcaicum.

— — | v — — | — v v | — v v  
— — | u — — | — v v | — v v  
— — | v — — | — v v | — v v  
— v v | — v v | — v v | — v v

Vides <sup>1)</sup>, ut alta stet <sup>2)</sup> nive candidum  
Soracte <sup>3)</sup>; nec jam sustineant <sup>4)</sup> onus

armillas, et alias id genus merces, puellis idoneas, ense et arma miscuit, quae Achilles cum avide arripisset, agnitus est. Vide etiam Myth.

15) Lycia est regio Asiae minoris, cujus populi opem tulere Trojanis contra Graecos. Lyciorum duces erant Sarpedon et Glaucus, ab Homero celebrati. Lycii ponuntur pro Trojanis in genere.

16) Proriperet, hoc est, cogeret proficisci in caedem, ad pugnam.

1) Vides ut: nota ac satis frequentata poetis forma, qua orationi vigor conciliatur, legentisque animus erectior fit.

2) Stet, id est: totum sit opertum et candidum multa nive.

3) Soracte mons est non procul Roma in Etruria.

4) Id est: nec, jam prope ferre amplius possint onus nivis arbores la-

Silvae laborantes; geluque  
Flumina constiterint <sup>5)</sup> acuto?  
Dissolve <sup>6)</sup> frigus, ligna super foco  
Large reponens; atque benignius <sup>7)</sup>  
Deprome <sup>8)</sup> quadrimum Sabina <sup>9)</sup>,  
O Thaliarche, merum diota <sup>9)</sup>.  
Permitte <sup>11)</sup> Divis cetera, qui <sup>12)</sup> simul  
Stravere ventos aequore fervido  
Depraeliantes; nec cupressi,  
Nec veteres agitantur orni.  
Quid sit futurum cras, fuge <sup>13)</sup> quaerere; et  
Quem sors dierum cunque dabit, lucro  
Appone; nec dulces amores  
Sperne <sup>14)</sup> puer, neque tu choreas;

horantes, id est, ponderi aegre obnitentes; laborare enim dicuntur ea poetis, quae grave aliquod onus sustinent.

5) Id est: immota sint, acrique frigore constricta non fluant.

6) Sensus: mitiga et pelle frigus, igne multo congestis ac accensis in foco lignis; calor enim solvit et laxat ea, quae frigus constringit.

7) Idem ac largius, liberalius.

8) Deprome, pro, funde tibi vinum quadrimum, id est, quatuor jam annos natum, et conditum, vetustum diota Sabina.

9) Diota, a Graeco *διωτον*, est vas duabus ansis, quasi duabus auribus, instructum.

10) Sabina: putant hic aliqui intelligendum esse vas, quia vasa fictilia maxima fiebant apud Sabinos in Italia; alii autem non vas, quod esset in Sabinis factum, sed diotam subaudiunt, quae contineat vinum Sabinum, solemnem epithetorum translocatione.

11) Sensus: indulge igitur genio, et ceterarum rerum omnium curam a te alienam puta; Dii de iis viderint, qui omnia regunt numine suo.

12) Qui simul — orni. In his providentiam Deorum notat: qui statim, atque compressere, composuere ventos antea decertantes inter se in mari turbido; alta quoque pax terras tenet, ut nequidem arbores amplius moveantur. Ex omnibus autem arboribus tantum cupressos et ornos commemorat, quia ob celsitudinem suam prae ceteris vento exagitantur.

13) Id est: noli anxie cogitare de crastino die, ipsumque diem, quem tibi sors seu fatum fruendum dedit, lactus transige, in lucro habe, ita, quasi praeter expectationem vitae tuae termino adjectus sit.

14) Id est: indulge, vaca amoribus et choreis, dum adhuc puer es, et juveni tibi senectus nondum obtigit. Adeoque sensus est: Iis adeo, quae aetati tuae juvenili consentanea sunt, fruere, jucunde vive, dum per aetatem licet. In specie autem in amoribus et choreis, juvenili aetati consentaneis, poni possunt Musae et studia literarum, quae omnino oblectationes parant honestae juventuti.

Donec virenti canities abest  
 Mōrosa. Nunc <sup>15)</sup> et campus <sup>16)</sup>, et areae <sup>17)</sup>,  
 Lenesque sub noctem susurri <sup>18)</sup>  
 Composita repetantur <sup>19)</sup> horā.

O d e IX.

## Hymnus ad Mercurium.

Occasio et argumentum.

Hymnus erat cantus de Deo aliquo, nonnunquam etiam cum precibus conjunctus, in quo plerumque origo, nomen, attributa, officia, facta et merita de genere humano commemorabantur. Ex hoc genere igitur est etiam praesens ode ad Mercurium in cujus laudem poëta dicit: Tu, divina origine clarus, es informator hominum, eosque, qua Deorum nuntius, voluntatem horum cognoscere doces; lyrae inventionem hominum delectationi prospexisti; bobus dolose abstractis prudentiae exemplum iisdem dare voluisti; in Priamo porro per castra Achivorum ducto propulsatorem periculorum illis te praestitisti, et tandem animarum ad infera loca deducendarum officio etiam post mortem de genere humano bene mereris.

Metrum Sapphicum, ut in Oda II.

Mercūri, facunde nepos Atlantis <sup>1)</sup>,  
 Qui feros cultus <sup>2)</sup> hominum recentum

15) Nunc: dum per aetatem licet etc.

16) Campus Martius. Vide odam VII. not. 4.

17) Intellige hic porticus, in quibus deambulabatur sole nimium urente, conventicula amicorum fiebant, et nonnunquam etiam praelectiones atque disputationes philosophicae habebantur.

18) Intellige confabulationes vespertinas cum amicis composita, id est, constituta vel pacta hora sub noctem, seu crepusculi tempore.

19) Repetantur, iterentur, frequententur.

1) Nepos Atlantis a Maja, Plejadum una, Atlantis filia; erat enim Mercurius Jovis et Majae filius, eloquentiae, commercii et furum praeses. Myth. Frequentatum autem hoc antiquissimis poëtis, imprimis in hymnis, ut Deos a genere ipsorum designent, quo augustiorem iis speciem addant.

2) Sensus: qui mores barbaros hominum recens natorum in mundi primordiis formasti:

Voce <sup>3)</sup> formasti catus <sup>4)</sup>, et decorae  
 More <sup>5)</sup> palaestrae <sup>6)</sup>:

Te canam magni Jovis, et Deorum  
 Nuntium, curvaeque lyrae parentem <sup>7)</sup>;  
 Callidum <sup>8)</sup>, quidquid placuit, jocosum <sup>9)</sup>

Condere furto.

Te <sup>10)</sup>, boves <sup>11)</sup> olim nisi reddidisses  
 Per dolum amotas, puerum minaci  
 Voce dum terret, viduus pharetra

Risit Apollo.

Quin et Atridas <sup>12)</sup>, duce <sup>13)</sup> te, superbos,

3) Id est: eloquentiae arte, quae est ars vocis et sermonis.

4) Catus, id est: celer, prudenter, sapienti consilio, qui intelligeres, agrestes hominum cultus ita optime emendari posse.

5) Mōre i. q. usu, exercitatione palaestrae.

6) Palaestrae: intelliguntur hic exercitationes et certamina agonistica, quae fingunt corpora ad motus decoros et habiles. Itaque animos hominum eloquentia, corpora vero palaestra formavit Mercurius.

7) Parentem, i. q. inventorem. Construxit enim Mercurius ex incurvo seu convexo testudinis tergo lyram, cui nervos ovium intendit. Vide Myth.

8) Callidum condere, est Graeca constructio, pro callidum, ingeniosum ad condendum, occultandum furto; subintelligitur: canam.

9) Jocosus: id est, quidquid libuit furari per jocum; non quia indigere rebus quas furaris; sed quia sic ingenium et calliditatem ostendis. Omnino enim haec de furtis Mercurii notio e summa antiquitate repetenda videtur, ubi doli ac fraudes non tam in vetitis haberentur, quam potius ab ingenii solertia commendationem haberent; quam cum maximam Mercurio tribuerent, sane proclive erat, ut hanc eadem simplicitate eloquerentur ac declararent per furta ac fraudes, quibus Mercurius aliis illuderet.

10) Adfert jam poëta duo fraudulentum ejus ingenii exempla, alterum de bobus Apollini surreptis, alterum de pharetra eidem clam detracta. De his vide Myth. Sensus autem est: Apollo, cum olim te puerum asperioribus verbis terrere conaretur, minitans aliquid mali, nisi sibi redderes vaccas, quas ipsi furto amoveras, abdideras; non potuit risum continere, cum se quoque viderit exutum sagittis et pharetra sua, quam ipsi clam surripueras.

11) Apollo iratum Jovem fugiens in terras venit, ubi cum premeretur inopia, coactus est; boves Admeti regis Thessaliae mercede pascere.

12) Atridae sunt Menelaus et Agamemnon, Atræi filii, qui si vidissent Priamum Graecorum castra subeuntem, gravius aliquid in eum certe stitissent.

13) Priamus, ut Hectoris filii sui, ab Achille caesi, corpus pretio redimeret, duce Mercurio, qui cum obscura nebula sepsit, profectus est in Graecorum castra, et per medias excubias ad Achillis tentorium penetrans, eum precibus inflexit, eodemque duce quo venerat, Trojam incolis se recepit. Vide Hom. Iliad. Lib. ult.

Ilio <sup>14</sup>) dives <sup>15</sup>) Priamus relicto,  
 Thessalosque <sup>16</sup>) ignes, et iniqua <sup>17</sup>) Trojae  
   Castra fefellit <sup>18</sup>).  
 Tu pias <sup>19</sup>) laetis animas reponis <sup>20</sup>)  
 Sedibus, virgâque <sup>21</sup>) levem <sup>22</sup>) coërces <sup>23</sup>)  
 Aureâ turbam, superis <sup>24</sup>) Deorum  
   Gratus et imis.

O d e X.

A d L e u c o n o ë n .

Occasio et argumentum.

Leuconoë probabilius nomen fictum est; interim tamen ex hac oda concludere licet: Intelligi debere sub hoc nomine matronam quamdam Romanam, quae ex superstitione tunc temporis vigente hariolos, alias etiam Mathematicos, Astrologos aut Genethliacos adpellatos, de morte sua consuluit. Observabant autem hi Mathematici, quo habitu, quaque forma, quaque positura stellarum aliquis

14) Troja in Asia minori.

15) Dives, id est: aurum et munera, redemptionis pretium, secum gerens.

16) Thessalos ignes, id est: Graecos excubitores; solent enim vigiles, ubi excubant, ignem excitare et incendere. Thessalia autem est regio Graeciae; et in specie hos Thessalos memorat pro Graecis in genere, quia eorum excubiae Priamo, Achillem Thessalum, Myrmidonem ducem, petenti, trans-eundae erant. De ignibus porro vigiliarum mentio fit, quia iter noctu fiebat.

17) Iniqua, id est: infesta, inimica Trojanis castra Graecorum.

18) Fefellit, id est: latuit Atridas superbos seu fortes; a nemine visus detectusque penetravit. Graeco enim more fallere sumitur pro, ignorari.

19) Animas piorum corporum solutas, morte obita.

20) Reponis, id est: collocas, deducis ad beatas sedes, seu in Elysium, piorum sedem; in Elysio enim pii laetantur. Vide de Elysio Myth.

21) Virga, est caduceus, id est, bacillus quidam medius inter duos angues hinc inde implexos, et sibi obversos; habetur autem pro insigni pacis. Reliqua vide in Myth.

22) Levem turbam: animas corporis mole exutas.

23) Coërces: id est: cogis et compellis in eundem quasi gregem; ut pastor oves pedo congregat et compellit.

24) Superis, id est, Jovi reliquisque Diis superis, et imis, seu Plutoni et ceteris Diis inferis gratus et acceptus es, utrisque serviendo.

nascetur; tum deinceps ab inuente vita fortuna ejus, et mores et ingenium, et circumstantiae rerum negotiorumque, et postremum etiam finis vitae exspectabatur; eaque omnia, ut usu venerant, literis, quae ephemerides mathematicae dictae sunt, mandabantur. Composita ex ista, longo tempore continuata, observatione disciplina dicebatur genesis, genitura, cum iis, qui eodem habitu eademque forma astrorum nati fuissent, eadem etiam, quae ceteris, eventura existimarentur. Inspectio autem hujus disciplinae horoscopus, adpellata fuit. Horatius igitur, ut deterreret Leuconoën, ne genethliacis istis artibus uteretur, impium esse ait, in ea inquirere velle, quae prudenti quodam consilio Dii nobis occultaverint; contra multo satius esse, iis quae fato nobis impendeant, tolerandis parem fortemque adeo animum offerre, atque in iis adquiescere. Quumque, quam brevis vita sit, etiam absque Babylonii istis numeris perspicere possit, multo sapientius esse, praesentis temporis, quod certissimum sit, usura, quantam largiatur maximam, frui; quam in crastinum, quod admodum incertum sit, eam differre.

Metrum Asclepiadeum majus.

-- | - - - | - - - | - - - | - - -

Tu ne quaesieris <sup>1</sup>), scire nefas <sup>2</sup>), quem mihi, quem tibi Finem <sup>3</sup>) Di dederint, Leuconoë; nec Babylonios Tentaris numeros <sup>4</sup>). Ut melius <sup>5</sup>), quidquid erit, pati!

1) Id est: cave, ne curiose inquiras, noli inquirere, sollicita esse.

2) Scire nefas; legendae sunt hae duae voces intra parentesim: impium enim est, ea scire conari, sciscitari, quaerere, quae Di nobis occultarunt.

3) Finem, id est: qualem vitae exitum, quod genus mortis Di nobis vivendum constituerint, decreverint.

4) Id est: noli adhibere numeros et calculos, quibus utuntur Babylonii mathematici, ad astrorum cursus metiendos, et suas divinationes hinc desumendas. Numeri enim sunt computationes ex ephemeridibus, seu tabulis astrologicis, in quibus conjunctiones planetarum, et positiones siderum ad quemvis diem descriptae erant. Babylonios autem vocat, quia Astrologia e Babylonia, provincia et urbe Asiae antiquae, Romam advecta erat. Hinc ii qui hanc artem profitentur simpliciter etiam Chaldaei vel Babylonii dicti sunt. Chaldaea enim pars imperii Babylonici fuit, quapropter et Chaldaei promiscue pro Babylonii usurpantur.

5) Ut melius: id est: quanto melius, quanto satius est, pati et ferre aequo animo, quidquid erit, seu quodcumque tandem acciderit, quaecum-

Seu plures <sup>6)</sup> hiemes, seu tribuit Jupiter ultimam,  
 Quae <sup>7)</sup> nunc oppositis debilitat pumicibus mare  
 Tyrrhenum. Sapias <sup>8)</sup>, vina liques <sup>9)</sup>, et spatio <sup>10)</sup> brevi  
 Spem longam reseces. Dum loquimur <sup>11)</sup> fugerit invida  
 Aetas; carpe diem <sup>12)</sup>, quam minimum credula postero.

que fato nobis impendeant, quum sollicitudo futuri praesentem quoque laetitiam turbet.

6) Sensus: seu Jupiter, id est, fatum tibi plures, quos vivas, annos adsignaverit, sive hunc ultimum esse jusserit etc. Hiemes positi sunt pro annis, quia carmen confectum est hieme. De hieme illa porro, tunc saeviente, pluribus disserit Horatius, quod, cum esset forte asperior, ab ea sibi Leuconoë magis timeret, quae vivendi desiderio tenebatur, et astrologos de suae vitae diuturnitate consuluerat.

7) Quae nunc etc. Per pumices intellige scopulos marinis fluctibus exesos, instar pumicis, et excavatos. Sententia est: quae hiems frangit fluctus maris Tyrrheni, qui alliduntur, et concidunt ad oppositos scopulos. Porro Italia porrigitur intra duo maria Tyrrhenum et Adriaticum. Tyrrhenum est illud, quod est ab occidente, atque Galliam et Hispaniam respicit, vocatur etiam mare inferum, Adriaticus vero sinus illi oppositus ab oriente mare superum.

8) Sensus: quin tu potius meliorem vitae rationem, quaeso, inecas, et vita rectius utaris.

9) Liques, id est: percoles. Percolare autem vina, est ea per colum, hoc est, sacculum, seu tenue linum transmittere, ut quidquid est crassius secernatur, ita fiebant vina leniora et delicatiora. Quum enim vini defaecandi artem parum cognitam haberent veteres, oportebat illud hoc modo a faecibus purgare, ut liquidius fieret. Jam, etsi hoc muliebri esset negotium, poeta tamen non tam hoc agere videtur, ut Leuconoë ab astrologis rationibus ad operas femineas traducere velit, quam potius, ut futuri sollicitudinem missam faciat, eamque vinum bibendo animo ejiciat. Neque vero morari quemquam debet, quod feminae hoc poeta praecipiat, vinum enim curis pellendis aptissimum videtur poetae.

10) Sensus: cogitatione tam brevis spatii, ad vivendum nobis concessi amputa spem longioris vitae et felicitatis, vel: in tam brevi spatio vitae noli sperare diuturnam esse posse voluptatum usuram, cum vita brevis adeo sit.

11) Sensus: dum haec tecum loquor; dum haec ad te scribo, aetas et tempus invidens nostrae felicitati jam effugit, vitae pars aliqua transiit, mors propior est facta. Invida dicitur aetas, quae tam cito elabendo sui fructum nobis invidere videtur.

12) Carpe: fruere hoc die, ejusque voluptatibus, nulla interposita mora, parum fidens diei crastinae, quae admodum incerta est, seu, quum admodum incertum sit, an crastino vivas.

## Ad Caesarem Augustum.

Occasio et argumentum.

Poëta entusiasmo excelsiore, et impetu, magni alijus argumenti canendi, correptus, plenus sublimium sensuum ambigit, quod illud argumentum sit. Quare exemplo et imitatione Pindari e Musa sciscitatur, quis ille sit vir, aut heros aut Dëus, quem se canere velit. A Jove igitur, Deorum maximo exorsus ad ejus liberos transit. Memorantur adeo Pallas, Diana, Apollo; tum ex heroibus Hercules et Dioscuri. Deinde ad viros progressus, ut ad primarium carminis argumentum transitum sibi pararet, in summis suae gentis viris commemorat Romulum, Numam, Tarquinium Priscum, et Catonem Uticensem. Tum sequuntur priscae aetatis venerabiles viri nonnulli: Regulus, Scauri, Paullus, Fabricius, Curius et Camillus, fortitudine bellica, patriae caritate, generoso spiritu, gravitate et constantia clarissimi, disciplinae antiquae continentiaeque ac morum severitatis servantissimi. Facta de hinc magnifica transitione ad Marcellum juvenem, Augusto et populo Romano carissimum, gentemque Juliam, inde ad ipsum Augustum a Jove secundum, divisumque cum eo imperium habentem, enthusiasmi impetus defertur. Scripta vero est haec ode u. a. 731. Vivente adhuc Marcello, bellumque Augusto contra Parthos parante.

Metrum Sapphicum ut in Oda II.

Quem <sup>1)</sup> virum, aut herva, lyra <sup>3)</sup>, vel acri <sup>4)</sup> Tibia sumis <sup>5)</sup> celebrare, Clio <sup>2)</sup>?

1) Ordo est: o Clio, quem virum, quem heroa, quem Deum tibi celebrandum sumes lyra vel tibia?

2) Clio est una e Musis. Myth.

3) Lyra vel tibia, id est: carmine, quod ad lyram vel tibiam canatur, lyrico inde adpellato.

4) Acri, id est: acutum aut vehementem sonum edente, qualem reddere poterat illa, quae in Poëtica describitur: Orichaleo vineta, tubaeque consimilis.

5) Sumis: eligis celebrare, graece, pro, celebrandum, canendum.

Quem Deum? cujus recinet jocosa  
 Nomen imago <sup>6)</sup>,  
 Aut in umbris Heliconis <sup>7)</sup> oris,  
 Aut super Pindo, gelidove in Haemo?  
 Unde <sup>8)</sup> vocalem temere insecutae  
 Orphea silvae,  
 Arte <sup>9)</sup> materna rapidos morantem  
 Fluminum lapsus, celeresque ventos,  
 Blandum <sup>10)</sup> et auritas fidibus canoris  
 Ducere quercus.  
 Quid prius <sup>11)</sup> dicam solitis Parentis *Jovis*  
 Laudibus? qui res hominum ac Deorum,  
 Qui mare ac terras, variisque mundum  
 Temperat <sup>12)</sup> horis <sup>13)</sup>?  
 Unde <sup>14)</sup> nil majus generatur ipso,

6) *Jocosa imago*: echo, quae imago quaedam vocis est, eam reddens et remissam repraesentans: quasi ludendo, et garriendo cum eo, qui loquitur. Recinet ergo idem, quod: canendo iterabit.

7) Helicon est mons Boeotiae in Graecia, Musis sacer; ut Pindus et Haemus, ille in Thessalia, hic in Thracia. Ad exornandam Echus imaginem montes hos memorat, a quibus lyrae ac vocis sonus reflectatur. Quumque Musae canendi partes injungat, ex montibus cum delectu ponit Heliconem et Pindum, Musis sacros; Haemum vero, quod is olim nobilissimi poetarum Orphei cantibus insonnisset.

8) Sensus: unde, seu, quo ex Haemo voce suavissima canentem Orpheum silvae temere, id est, certatim, ordine nullo, et confusa festinatione secutae sunt. Orphea accus. Graecus.

9) Ars materna est musica, fuit enim Orpheus filius Calliopes, unius e Musis, quae canendi peritissima.

10) Blandum ducere, est Graeca constructio, pro: blande ducentem, seu, potentem ducere blanda voce, et canorae citharae nervis quercus auritas, hoc est, sentientes vocis suavitatem, ac si quasi auribus fuissent praeditae. Pervulgata enim est, fabula de Orpheo: illum tanta suavitate cecinnisse cithara, ut arbores, saxa, lapides, et ferae ad eum audiendum commoverent, fluvii cursum steterint et venti a flando conquieverint. Myth.

11) Sensus: quem prius celebrem quam Jovem? Ab hoc enim carminis initium facere decet, hujus laudes primum dicendae sunt. Respexit Horatius haud dubie antiquorum poetarum morem, quo carminibus prooemio aliquo, in Deorum, maxime Jovis, laudibus occupato, praeluderent. Hinc Jovis laudes solitas vocat, quae primo loco a poetis memorari solent.

12) Temperat: moderatur, regit.

13) Horae significant quatuor anni tempora: unde Homerus adpellat horam veris, pro, vere.

14) Quare, quum in Deos hominesque imperium exercent, universum-

Nec viget <sup>15)</sup> quidquam simile, aut secundum <sup>16)</sup>:  
 Proximos <sup>17)</sup> illi tamen occupavit.

Pallas honores.  
 Proeliis <sup>18)</sup> audax, neque te silebo  
 Liber <sup>19)</sup>, et saevis inimica virgo <sup>20)</sup>  
 Belluis; nec te metuende certa <sup>21)</sup>,  
 Phaebe, sagitta.  
 Dicam <sup>22)</sup> et Alciden, puerosque <sup>23)</sup> Ladae;  
 Hunc equis, illum superare pugnis  
 Nobilem: quorum <sup>24)</sup> simul alba nautis  
 Stella refulsit,

Defluit <sup>25)</sup> saxis agitatus humor,  
 Concidunt venti, fugiuntque nubes:  
 Et minax <sup>26)</sup>, Dī sic voluere, ponto  
 Unda recumbit.

que terrarum orbem regat, nihil generatur, nihil existit, quod majus, praestantius, potentius sit ipso Jove.

15) Nec quidquam ei simile, id est: nemo ei aequalis floret, dignitate et potentia nemo ei par est.

16) Aut secundum, id est: quod statim eum sequatur, quod ejus potentiam prope attingat: imo omnes reliqui Dii Jove longe inferiores sunt.

17) Sensus: etsi omnes infulto prope intervallo distent a Jove, tamen post illum proxime et maxime laudatur Pallas seu Minerva. Myth.

18) Vulgaris continuandae orationis ordo ferebat: Canam etiam Bacchum, Dianam, Apollinem; sed docte hunc variavit poeta, orationique ad Deos ipsos, e priscorum hymnorum forma, eam convertendo novum vigorem adjecit. Proeliis audax dicitur Bacchus, quia celebratur apud poetas ejus contra gigantes pugnantis audacia et fortitudo. Myth.

19) Liber, cognomen Bacchi. Vide Myth.

20) Virgo: Diana, quae venatione ferarum delectatur. Myth.

21) Sagitta dicitur certa, quae scopum attingit, et nunquam aberrat. Et ob hanc artem metuendus dicitur Apollo.

22) Jam ad heroum laudes descendit poeta, et memorat ex his Alciden seu Herculem, Alcei nepotem, et pueros Ladae.

23) Hi sunt Castor et Pollux, Ladae Tyndari uxoris filii; ita tamen, ut Castor patrem Tyndarum, Pollux Jovem haberet. Hic, nempe Castor, nobilis fuit superare, id est, celebris fuit, quia superabat omnes equestri et curuli certamine: ille vero, nempe ejus frater Pollux, cestu et pugnis, crudos enim pugnos ad luctam adhibebant Graeci pugiles. Myth.

24) Vide Odam III. notam 3. Sensus: Quamprimum adparet alba, lucida, stella nautis, statim tempestas sedatur, et mare tranquillum fit, quod graphice hic exornatur et describitur.

25) Id est: aqua, vi tempestatis agitata, et scopulis injecta, ex illis defluit.

26) Minax, id est, intumescens, ac naufragium veluti minitans unda residet, sternitur, ac in mare recidit.

Romulum <sup>27)</sup> post hos prius, an quietum  
Pompii <sup>28)</sup> regnum memorem, an superbos  
Tarquinii <sup>29)</sup> fasces, dubito, an Catonis <sup>30)</sup>  
Nobile letum.

Regulum <sup>31)</sup>, et Scauros <sup>32)</sup>, animaeque magnae  
Prodigum Paullum <sup>33)</sup>, superante Poeno <sup>34)</sup>,

27) Sequuntur viri, qui Romam magnam reddiderunt, quorum multitudine ita obruitur poëta, ut quem maxime laudet, nesciat, et sic praetereundo omnes extollat. Romulus autem ex Hist. antiqua satis notus.

28) Numa Pompilius rex secundus Romanorum fuit, qui, partum armis, imperium, pacis artibus, legibus ac religionum cura corroboravit.

29) Duo fuerunt Tarquinii, reges Romani, alter Priscus sive senior dicitur; alter superbus, et regum Romanorum ultimus, homo crudelis, quem proinde Horatius hic laudatum nolit. De Prisco igitur sermo est, qui cum reges Etruscorum vicisset, ab iis sumsit regiae dignitatis insignia, trabeam, fasces, et Romanis regibus utenda dedit. Superbos vocat fasces, quia regiae potentiae ac majestatis insignia erant, ac proinde idem, ac, splendidos. Sunt autem fasces collecti in fasciculum bacilli, in quibus media exstat securis; praeferebantur a lictoribus Romanis regibus, Consulibus et Praetoribus. Vide Antiquitates.

30) Catonem Uticensem intelligit, M. Porcii Catonis nepotem, ita dictum ab Utica, urbe Africae, ubi manus ipse sibi violentas attulit, ne veniret in manus Caesaris; postquam audivit, Pompejanos ab eo profligatos. Ejus letum nobile adpellat, quod, quum in republica ei amplius vivere non liceret, mori decrevisset. Atque hunc inter magnos viros memorare poëtam nihil vetuit, quum et Augustus libertatis propugnatores magni faceret, seque amicam pristini reipublicae status profiteretur.

31) Regulus dux fuit Romanorum, qui captus a Carthaginiensibus, et Romam de captivis permutandis missus, suavit, ne id fieret, ipseque, ut promiserat, rediit ad Poenos, a quibus nihil quam dira expectabat supplicia, quae fortissime tulit.

32) Scaurorum gens multos dedit Romanae reipublicae magnos ac nobiles viros, in quibus eminent M. Aemilius Scaurus, vir gravissimus et princeps senatus; ejusque filius M. Scaurus, aedilitatis magnificentia clarus; uterque autem consilio, gravitate, constantia clarissimus.

33) Paullus Aemilius Consul, in funesta, vitio collegae Terentii Varronis, Cannensi clade quum fortissime pugnasset, nolens tantae ignominiae, cuius unum insons erat, superstes esse, maluit perire cum reliquis Romanorum caesis, quam fuga vitam servare. Hinc prodigus, contemtor ac profusor animae seu vitae dicitur, quae eatenus magna habetur, quatenus generosus est, sic animum suum prodere.

34) Poeno, id est: Hannibale.

Gratus <sup>35)</sup> insigni referam Camena,  
Fabriciumque <sup>36)</sup>.  
Hunc <sup>37)</sup>, et in comitis Curium <sup>38)</sup> capillis  
Utilem bello tulit, et Camillum <sup>39)</sup>  
Saeva paupertas <sup>40)</sup>, et avitus <sup>41)</sup> apto  
Cum lare <sup>42)</sup> fundus.  
Crescit <sup>43)</sup> occulto, velut arbor, aevo

35) Gratus, id est: grata pietate illorum memoriam recolens insigni Camena, id est, carmine referam, celebrabo; quo ipsi insignes reddantur, ipsorum virtus posteris innotescat.

36) Fabricius Luscinus, quum contra Sannites et Pyrrhum bellum consul gereret, munera hostium sprexit, et difficilium ab honestate, quam sol a cursu suo, averti potuit.

37) Jam ea, quae sequuntur, praeclare frugalitatem et continentiam, quibus res Romana in tantum fastigium excrevit, exprimunt. Hunc, subintelligitur: Fabricium. Et simpliciter sic habetur: Fabricium, Curium impetum et Camillum, parvis paternis aedibus, et fundo his congruente contentos, paupertas rigida bello fecit aptissimos, seu utiles bello tulit; et sic ad reipublicae gloriam educavit.

38) Curius unus e priscis Romanis fuit; insigni abstinentia, et frugalitate, aurum a Sannitibus oblatum repulit, cum diceret: malle se divitiis imperare, quam divitem esse. Refertur etiam Curius morem veterem, et crines in comtos, intonsos atque impexos aluit, uti militares decet.

39) Camillus Gallos, incensa Roma capitolium obsidentes, fugavit; et eosdem Romam redeuntes magna strage ad fluvium Anienem cecidit; quintus Dictator fuit.

40) Paupertas, sensu Romano, non egestas et omnium rerum inopia; sed fortunarum mediocritas ea, unde dure, parce vivendum sit. Illa et corpus duratur, et animus roboratur, et sic magni et fortes viri finguntur, quapropter et saeva, id est, fortis et aspera dicitur, quae nos non emolliat; sed ad quaevis dura et perpessu gravia idoneos reddit adeunda.

41) Avitus fundus: agellus a majoribus acceptus, nullis accessionibus dilatatus.

42) Apto lare, id est: cum tecto, quod aptum erat et conveniebat fundi seu praedii exiguitati, adeo modico, exiguo. Lar enim positus est pro domo, qui proprie est Deus domesticus tutelariorum. Vide Myth. et Antiquit.

43) Sensus: Crescit, augetur gloria et fama Marcelli occulto aevo, id est, procedente tempore occultis sensim incrementis: ut arbor, in qua, quoties adspiciamus eam, nova germina ac folia, novosque ramos emicuisse videmus etiam, quin eorum occultum et successivum incrementum a nobis observatum sit.

Fama Marcelli <sup>44</sup>): micat <sup>45</sup>) inter omnes  
Julium <sup>46</sup>) sidus, velut inter ignes

Luna minores.

Gentis humanae pater <sup>47</sup>), atque custos,  
Orte Saturno, tibi cura magni  
Caesaris fatis <sup>48</sup>) data; tu secundo

Caesare regnes.

Ille <sup>49</sup>), seu <sup>50</sup>) Parthos <sup>51</sup>) Latio imminentes  
Egerit justo domitos triumpho,  
Sive subjectos Orientis oris

Seras <sup>52</sup>) et Indos,

Te minor latum reget aequus orbem;

44) Marcellus hic intelligendus est sine dubio Octaviae filius, nepos Augusti, qui, cum vix 17<sup>um</sup> aetatis annum attingisset, omni tamen virtute ornatissimus esset, sensim, ut arbor, ad veterum Marcellorum gloriam et famam surgebat. Summa enim erat de eo et Augusti, et omnium Romanorum, quorum delicias eum fuisse constat, exspectatio, ut ejus mortem a. u. 731 post pugnam Actiacam insequebamur universus populus communi luctu prosequeretur.

45) Jam a Marcello transitus erat facilis ad familiam Juliam, unde ille per matrem ortus erat, inque eam postea etiam insertus. Vulgaris sententia est: omnino gens Julia ad summum nunc gloriae fulgorem pervenit.

46) Julium sidus est familia seu gens Julia, quae inter ceteras omnes stellas, hoc est, familias Romanas emicat, uti luna reliquos ignes seu stellas obscurat. Desumpta autem est haec allegoria a crinita stella, quae sub Caesaris mortem per septem dies adparuit, et anima ejus esse credita est caelo recepta.

47) Hic Jovem intelligit, Saturni filium. Haec invocatio Jovis autem ita cum prioribus conjungenda est: Atque ex hac gente Julia est, eamque fulgentissimam fecit Augustus, quem tueatur Jupiter, quaesumus. Fac igitur o qui generis humani pater, et conservator es, maxime vero regum tutelam geris, ut Caesar regnet secundus a te; ut sit te solo minor, major vero ceteris regibus omnibus.

48) Fatis data, id est: a fatis commissa; Fato enim subesse Jovem credebant.

49) Graviter hic preces in vaticinationem transeunt: quemadmodum tu in caelo, ita Caesar in terra orbem universum, subactis ejus reliquiis, reget.

50) Seu etc. Sensus: Postquam Parthos, Romano imperio, cujus nempe prima sedes Roma in Latio, imminentes, seu, illud continuo lacessentes, bello devictos et domitos, una cum Indis et Seris, adhuc magis versus Orientem habitantibus, justo, id est, quo vindicentur injuriae populo Romano ab ipsis illatae, triumpho ante se egerit etc.

51) De Parthis vide Odam II. notam 42.

52) Seres populi erant ubi nunc fere Sina ponitur, apud eos bombyces multi, hinc telae sericae. Indi veteres iidem cum hodiernis.

Tu gravi curru quaties <sup>53</sup>) Olympum;  
Tu parum castis inimica mites  
Fulmina lucis <sup>54</sup>).

O d e XII.

## Ad Republicanam.

Occasio et argumentum.

Monet atque obtestatur hoc carmine Horatius Romanos, ne denuo in bella civilia irruant, id quod perpetua allegoria persequitur. Scilicet rempublicam jam tot tantisque calamitatibus labefactam et convulsam navi, procel-  
lis laceratae, omnibus praesidiis orbatae, ac nihilominus iterum mare ingredi paranti comparat, eamque, ut portum attingere studeat, enixe rogat. Mala illa varia et innumerabilia, quibus civitas laborabat, et pericula quibus eam nova bella civilia objectura essent, enumerandis singulis quassatae navis partibus repraesentat; in his tamen exigendis non ita anxie inhaerendum est, ut singulae ad rem significatam adplicentur. Probabilius scripta est ode a. u. 722 quo hostilitates inter Augustum et Antonium novum bellum civile minabantur.

[Metrum Asclepiadeo - Pherecratico - Glyconium.]

-- | - - - | - - - | - - -  
-- | - - - | - - - | - - -  
-- | - - - | - - -  
-- | - - - | - - -

O navis <sup>1</sup>)! referent in mare te novi  
Fluctus <sup>2</sup>)? o quid <sup>3</sup>) agis? fortiter occupa

53) Quaties, id est: fulminabis, tonabis. Simpliciter: Tu autem in caelo regnabis.

54) Lucis: silvis sacris, quas impii profanas fecerint.

1) Praeclare poeta, periculi metu perculsus, subita exclamatione orditur: O navis! ergo altum repetes, in altum provehes, ut iterum tempestatem experiaris?

2) Novi fluctus, id est: nova bella civilia in nova te pericula abripient?

3) Quid agis? Quae ista temeritas, amentia, mari se iterum credere velle, unde tanta calamitas acciderit?

Portum <sup>4)</sup>). Nonne <sup>5)</sup> vides, ut  
 Nudum <sup>6)</sup> remigio latus,  
 Et malus celeri <sup>8)</sup> saucius <sup>7)</sup> Africo,  
 Antennaeque gemant <sup>9)</sup>? ac sine funibus <sup>10)</sup>  
 Vix durare <sup>11)</sup> carinae <sup>12)</sup>  
 Possint imperiosius <sup>13)</sup>  
 Aequor? Non tibi sunt integra lintea <sup>14)</sup>,  
 Non Dî <sup>15)</sup>, quos iterum pressa voces malo;  
 Quamvis pontica <sup>16)</sup> pinus,  
 Silvae filia nobilis;

4) Imò fortiter, summa virium contentione hoc age, ut occupes portum, adeoque in tranquillo et tuto sis. Per portum hic pax et concordia designatur.

5) Rempublicam bellis civilibus plane exhaustam, praesidii-que suis orbatam servata allegoria declarat poeta per navem tempestate graviter adflictam.

6) Nudum remigio latus, id est: quod remos amiserit navis, vel quod proprie dicitur, remi detersi sint fluctibus aut ad scopulos. Potest autem allegoria hic explicari: Destituti sitis militibus, ut navis remigibus.

7) Saucius: fractus, labefactus.

8) Celeri: a praecipiti vento, seu vehementi Africo.

9) Gemant, id est, laborent; res enim dicuntur genere, quae vialiqua incumbente graviter adfliguntur, ob strepitum quem edunt.

10) Per funes hic intelliguntur retinacula ancorarum, quibus navis procellis exposita figitur, ne tanta vehementia jactari atque circumagi queat.

11) Durare: perferre diutius.

12) Carinae: traves, e quibus ima pars navis conficitur, pro ipsis navibus sumuntur.

13) Imperiosius: imperiosum, saevum, quod in navem crudele imperium exercet, eam hinc inde jactando. Alludit simul hoc epithetum ad tyrannidem, quam respublica Romana aegre tulit.

14) Lintea, id est: vela.

15) Habebat nimirum quaeque navis Deum aliquem tutelarem, cuius simulacrum cum ara in puppi solebat statui. Sensus ergo est: non habes amplius Deos, quos invocos, quorum auxilium implores, novis malis oppressa, ubi iterum cum tempestate collectandum tibi sit. Per nova mala intelligi debet novum bellum civile, quod Dii aversantur, et propter quod reipublicae non sunt amplius propitii.

16) Pontus est regio Asiae minoris, in qua optimae arbores ad naves construendas nascebantur. Sensus est: licet sis navis optima, et facta ex arboribus silvae celeberrimae, et glorieris hac praerogativa; tamen contra tempestatis vim nihil ista tua nobilitas valet. Alludit hic ad originem civitatis Romanae nobilem, quae per Romulum ex Marte, per Aeneam autem a Venere ortum suum deducit. Et sensus allegoriae est: non augusta tua, atque ab ipsis Diis deducta origo, quam jactas, neque vetusta gloria, tot rebus praeclare gestis parta, prohibebit, quin novo bello civili prorsus intereas.

Jactes et genus, et nomen inutile.  
 Nil pictis <sup>17)</sup> timidus navita puppibus  
 Fidit. Tu, nisi ventis  
 Debes <sup>18)</sup> ludibrium, cave.  
 Nuper <sup>19)</sup> sollicitum quae mihi taedium,  
 Nunc desiderium, curaque non levis,  
 Interfusa nitentes  
 Vites aequora Cycladas <sup>20)</sup>.

### O d e XIII.

## Nerei vaticinium de excidio Trojae.

### Occasio et argumentum.

Sunt quidam, qui forte superioris carminis spiritu pleni, in hoc etiam allegoriam sibi reperisse videntur, il-

17) Sensus: neque ornamenta tua in puppi, quibus adeo fides, te ab interitu servabant. Instantem tempestatem poeta innuit per nautam timidum, qui tum nil fidit, nullam spem salutis in picturis, quibus navis sua decorata est, reponit. More enim antiquo naves, imprimis puppes, coloribus ustis speciose pictae atque ornatae erant extrinsecus, puppes etiam intus. Innuit vero hic poeta reipublicae opes ac splendorem, aedificiis, templis, ac luxurioso vitae genere proditum.

18) Sensus: quum igitur, remis excussis, malo fracto, antennis labefactatis, ancora perditâ, velisque diruptis, nihil prorsus in te amplius habes praesidii, quo te adversus tempestatem tuearis; cave, tibi prospice, adeoque altum ne pete, nisi ventis ludibrio esse velis. Debes ludibrium, est loquutio Graeca. Illi debere risum et ludibrium a Graecis dicuntur, qui ridendi et illudendi sunt.

19) Sensus: o navis, quae mihi nuper eras taedio, nunc es mihi desiderio et curae, fuge scopulos et Cycladas aequoris! Misera navis conditio erat ei taedia, molesta, sollicitum eum faciebat, quapropter: sollicitum taedium; nunc vero, eam, utcumque adfectam, naufragium evasisse videns, iterum ejus desiderio tenebatur, eam iterum amare coepit. Explicatio allegoriae sequens est: taedebat eum vivere in republica, ubi omnia omnium miseriarum essent plenissima, nunc, quum sub Caesare Augusto iterum florere inciperet, renovabatur ejus desiderium, iterum curae cordique ei erat, timebat de ea, ne navis intestinâ motibus iterum labefactata penitus prosterneretur.

20) Cyclades insulae sunt maris Aegaei, sic dictae, quia in orbem et circum videntur esse dispositae; sunt autem scopulis plene, ad quos allisi fluctus edunt spumam albicantem, hinc nitentes dicuntur. Recte autem de Cycladibus et Aegeo meminit, pro omni mari; non solum, quia



Iudque referunt ad Antonium et Cleopatram. Sed quum difficile fuerit similitudinem Paridis cum Antonio, Helenae cum Cleopatra ostendere, Porphyrius sequemur, qui dicit: Hac ode Bacchilidem, Graecum poetam, imitatur Horatius; nam ut ille Cassandram facit vaticinari futura belli Trojani, ita hic Proteum. Totius igitur carminis argumentum eo redit: Proteus, marinus Deus, praeternaviganti Paridi in patriam reduci vaticinatur excidium Trojae, ob raptam Helenam Menelai Spartae regis uxorem, quod vividissimis coloribus depingit.

Metrum Asclepiadeo - Glyconium ut in ode V.

Pastor <sup>1)</sup> quum traheret <sup>2)</sup> per freta navibus  
Idaeis <sup>3)</sup> Helenen <sup>4)</sup> perfidus <sup>5)</sup> hospitam;  
Ingrato <sup>6)</sup> celeres obruit <sup>7)</sup> otio <sup>8)</sup>

Ventos, ut caneret fera <sup>8)</sup>  
Nereus <sup>9)</sup> fata: Mala <sup>10)</sup> ducis avi domum,  
Quam multo repetet Graecia milite,

pars ista maris est admodum periculosa propter scopulos; verum etiam, quia Graeciae adjacet, ubi prima belli civilis alea quasi iacta fuerat. Interfusa autem idem, ac: aequora fusa et currentia inter nitentes Cycladas.

1) Pastor: Paris, ita vocatur hic ab Horatio, quia Priamus eum in silvis exponi iusserat, cum admonitus fuisset, ipsum aliquando patriae exitialem fore; tamen Hecuba, ejus mater, clam illum inter pastores educari, et servari jussit; jam grandior a patre agnitus et acceptus, in Graeciam missus est; ubi humanissime hospitio exceptus a Menelao Spartae rege, Helenam ejus conjugem rapuit, et per mare abduxit Trojam.

2) Traheret: Trojam abduceret.

3) Idaeis: quarum materies in Ida, monte prope Trojam, excisa esset, et ad has naves extruendas adhibita. Praeterea plur. pro sing.

4) Helenam Jovis, seu Tyndari et Ledaee filia fuit, Menelai regis Graecorum uxor, a Paride raptam, et Trojam abducta, uti jam e praemissis apparet.

5) Perfidus dicitur Paris, quia, cum fuisset acceptus amice a Menelao, uxorem illi suam blanditiis deceptam abstulit.

6) Ingrato, id est: otio molesto Paridi festinanti.

7) Obruit, id est: silere jussit et quiescere.

8) Fera seu luctuosa, saeva, horrenda fata ut vaticinaretur.

9) Nereus, Deus maris, Oceani et Tethios filius, Doridis maritus, pater Nympharum maris, quae ab eo Nereides vocantur. De ejus facultate vaticinandi, qua praeditus erat, vide Myth.

10) Incipit hic vaticinium ipsum: Mala avi (inducitur Nereus loquens)

Conjurata <sup>11)</sup> tuas rumpere nuptias,

Et regnum Priami vetus.

Eheu <sup>12)</sup>! quantus equis, quantus adest viris  
Sudor! quanta <sup>13)</sup> moves funera Dardanae  
Genti! Jam galeam Pallas <sup>14)</sup>, et aegida <sup>15)</sup>

Currusque, et rabiem <sup>16)</sup> parat.

Nequidquam <sup>17)</sup>, Veneris <sup>18)</sup> praesidio ferox <sup>19)</sup>,  
Pectes caesariem; grataque <sup>20)</sup> feminis

id est: malo omine vehis in patriam tuam feminam, quam tota Graecia redit tibi postulabit multo milite, seu, magno exercitu etc.

11) Conjurata rumpere, Graeca constructio, pro, quae conjuravit se rupturam, dissoluturam tuas cum Helena nuptias, et eversuram Trojam, ubi Priamus jam diu regnat. Aulide in Boeotia concilium habuerunt Graeci, ubi inter se convenerunt, non prius se redituros esse domum, priusquam Helena recuperata et Troja diruta sit.

12) Hic cum summo vaticinationis spiritu rem futuram tamquam praesentem narrat et depingit. Ad graves labores bellicos declarandos autem memoratur sudor, quo perfusi sunt viri, seu milites et equi curru juncti, sensus ergo est: quantum laboris subeundum erit in proeliis!

13) Sensus est: quanta clade affligetur res Trojana! Graviter et cum indignatione poeta cladem istam ad Paridem, tamquam ultimam belli causam, referens ait: quanta funera moves; quantorum funerum, quanta caedis auctor es genti Dardanae, id est, Trojanae, a Dardano rege sic dictae.

14) Pallas, Minerva scientiarum et belli praeses. Graecis praecipue favebat, ut Venus Trojanis. Myth.

15) Aegis erat scutum caprinis pellibus obductum, in cujus medio vissebatur caput Medusae, horridum anguibus. Tribuitur vulgo Diis, et maxime Minervae; maxima autem huic scuto vis, ad terrorem hostibus incutendum, inesse credebatur. Vide Myth.

16) Rabiem parat, id est: concipit bellicum furorem, se exacuit ad bellandum. Sensus ergo est: Minerva Galeam adponit, Aegidem lateri suo adplicat, currum praeparat ascensura illum (temporibus enim heroum e curribus pugnatum est) et vehementissimam iram pectore suo concipit atque desiderium bellandi.

17) Pro vulgari; nequidquam pulchritudinem tuam jactabis, ornatus erat, parte tantum pulchritudinis memorata dicere: coma tua pulchra nequidquam superbie, et pro hoc: caesariem tuam pectes, ornabis, eleganter compones. Imago hominis imbellis, ac in medio belli tumultu desidentis, et de coma fingenda solliciti.

18) Orta inter Deas, Junonem, Palladem et Venerem controversia de praestantia formae, Paris adhuc inter pastores degens, iudex adhibitus, causam Veneri adjudicavit. Hinc odium Junonis et Palladis in Trojam, et Veneris praesidium atque favor erga eandem.

19) Ferox, id est: animosus, audax, fortis, fretus.

20) Grata carmina divides, id est: in medio feminarum circulo sedens modo huic, modo illi dulcem cantilenam ludes, quam cuius maxime placere scias, cithara imbelli, nonnisi amorem ac molliem sonante.

Imbelli cithara carmina divides;  
 Nequidquam <sup>21)</sup> thalamo graves  
 Hastas, et calami <sup>22)</sup> spicula Gnosii  
 Vitabis, strepitumque <sup>23)</sup>, et celerem <sup>24)</sup> sequi  
 Ajacem <sup>25)</sup>: tamen <sup>26)</sup>, heu! serus adulteras  
 Crines pulvere collines.  
 Non <sup>27)</sup> Laërtiaden <sup>28)</sup>, exitium tuae  
 Gentis; non Pylum Nestora respicis?  
 Urgent <sup>29)</sup> impavidi te Salaminius  
 Teucer, te Sthenelus <sup>30)</sup> sciens

21) Sensus: frustra declinabis, in thalamo te abscondens, exitiales hastas hostium et jacula.

22) Spicula calami Gnosii: tela seu sagittae e calamo Gnosio factae. Gnosus est autem urbs in Creta insula, sagittae porro ex arundine Cretae confectae praestantissimae habebantur.

23) Strepitum, id est: tumultum belli, et stridentem conflictum telorum.

24) Celerem sequi, graece pro: celerem in persequendo hostem; vel celeriter, acriter persequentem hostes.

25) Ajax duplex est, alter a patre Telamone, dictus Telamonius, qui cum Achillis, a Paride caesi, arma peteret, victus est Ulyssis eloquentia; et in furorem actus, gladio se confodit. Alter, ab Oileo patre Oileus cognominatus, rex Locrensium erat, velox pedibus, et peritus hastae vibrandae. Hic ob violatam Cassandram, vatem Apollinis, domum repetens fulmine exustus est in mari cum sua navi. Posteriorem hic intelligendam esse satis adparet.

26) Sensus: Etsi diu vitaveris mortem, tamen, sero ad Trojae utilitatem, crines adulteros, id est, eleganter comtos, unguentis delibutos capillos tuos, hominis quippe nimis mulierosi, collines, poltues, foedabis pulvere, hoc est: tu quoque occumbes. Paris autem a Pyrrho, Achillis filio, interfectus est.

27) Sensus: non vides instantes tibi ac minantes duces Graecorum? quorum aliquos exhibet poeta.

28) Laërtiades est Ulysses, Laërtae filius, qui ad expugnandam Trojam momenti plurimum attulit suis consiliis et dolis, ut Nestor rex Pyli, urbis in Peloponneso, sapientia. Exitium vero Trojanis Ulysses parabat potissimum adducendo Achillem, surripiendo Palladium, equique lignei aedificandi consilio dato.

29) Urgent, id est, instant tibi Teucer, oriundus e Salamina, insula et urbe prope Athenas. Vide Ode VI. not. 24.

30) Sthenelus dux unus Graecorum, filius Capanei, Diomedis socius, et vir fortissimus in proelio, eapropter dicitur, sciens pugnae; pugnabant autem Graeci vulgo e curribus, alter in curru stans, alter equos flectens ac regens. Utrumque a Sthenelo egregie fieri Nereus dicit, sive pugnandum e curru sit, sive equis imperitandum. Auriga non piger, ergo idem ac, strenuus, qui adeo in mediam hostium aciem currum immittat.

Pugnae; sive opus est imperitare equis,  
 Non auriga piger. Merionem <sup>31)</sup> quoque  
 Nosces. Ecce furit te reperire atrox  
 Tydides <sup>32)</sup>, melior patre;  
 Quem <sup>33)</sup> tu, cervus uti vallis in altera  
 Visum parte lupum gramini immemor,  
 Sublimi <sup>34)</sup> fugies mollis anhelitu,  
 Non <sup>35)</sup> hoc pollicitus tuae.  
 Iracunda <sup>36)</sup> diem proferet Ilio,  
 Matronisque Phrygum, classis Achillei:  
 Post certas hiemes <sup>37)</sup> uret Achaicus  
 Ignis Pergameas domos.

O d e XIV.

## Palinodia ad Amicam.

Occasio et argumentum

Puellae, quam jambis prosciderat, excusat se hoc carmine Horatii. Facti se nunc poenitere, ipsique puellae

31) Merionem, vide Ode V. not. 17. nosces, id est, malo tuo experieris, senties, qui vir sit.

32) Tydides, Diomedes, patre Tydeo fortior. Fuit rex Aetoliae, qui ad Trojam cum Aenea congressus, Veneream adjuvantem Aeneam percussit, quapropter illa multas ei miseras attulit. Nam uxorem ejus adulteram fecit; quod audiens Diomedes domum redire noluit, sed in Apuliam profectus Arpos condidit. Vide etiam Ode V. not. 18. Furit te reperire, id est: furenti animo te requirit, ardet tecum congredi atrox, saevus, bellicosus, fortis.

33) Sensus: quem tu vel e longinquo conspicatum ea virium, quas in pedibus habes, contentione fugies, ac si jam tuo tergo immineret: quem admodum cervus statim in pedes se conjicit, ubi lupum non ad se accedentem, sed e longinquo tantum, in extrema vallis parte, ipsi ne visus quidem, conspicit.

34) Sublimi anhelitu: id est: e sublimi ducto, spiritu ex alto tracto, graviter anhelans; ut solent cursu fatigati, aut valde irati et metuentes.

35) Sensus: hoc, ut fugeres, timidum te gereres, non es pollicitus Helenae, uxori tuae, cui potius insignem tuam virtutem bellicam jactaveras.

36) Moram quidem excidio patriae tuae faciet Achillis ira, qua aliquantisper a pugna abstinebit. Achilli Briseidem eripuerat Agamemnon: hinc Achillis ira, et otium a bellando. Cum tamen amicam suum Patroclum ab Hectore interentum vidisset, ad bellum se retulit, Hectorem occidit, quo caeso capta et incensa fuit Troja.

37) Id est: Post certum annorum numerum tamen comburet ignis Graecorum Ilium seu Pergamum. Achaja autem est pars Graeciae.

jambos istos, quos iratus olim scripsisset, abolendos tradere, statim in fronte carminis declarat. Tum omnem de ira, a qua excusationem repetit, locum poetice pertractat: Ira nimirum nihil esse vehementius, praepedire eam, atque conturbare penitus sanae mentis statum, adeo, ut furor, quem Cybele Gallis, Apollo sacerdotibus, Liber Maenadibus, et Corybantes pulsus tympanis immittant, longe superet; nullo adeo eam terrore cohiberi, atque ab ulciscendi studio posse reprimi. Nec mirum quum animus humanus ad iram tam propensus sit natura, ut vel invitus ea corripiaris, ejusque explendae quovis modo, vel cum maximo tuo malo, cupiditate incendaris maxima. Hinc enim repetendum Thyestae exitium, tot hominum caedes, tantarumque urbium ruinae. Eadem adeo irae insania me, ipsa aetate juvenili ad eam prouiore, ad istos jambos scribendos impulit, quos nunc, ut amica mihi iterum fias, omni modo deletos cupio. De puella hac, cum ejus nomen consulto omiserit poeta, nil certi potest statui. Quidam autem commentatores, ut Acron et Porphyrius, eam Tyndariden appellat.

Metrum Alcaicum, ut in ode VIII.

O matre pulchrâ filia pulchrior <sup>1)</sup>,  
 Quem criminosis cunque voles modum  
 Pones jambis <sup>2)</sup>; sive flammâ,  
 Sive mari libet Hadriano.  
 Non <sup>3)</sup> Dindymene <sup>4)</sup>, non adytis <sup>5)</sup> quatit <sup>6)</sup>

1) Ab initio statim pulchritudo puellae, ipsa matris, etsi pulcherrimae, praestantior extollitur. Sensus est: Pulcherrima amica, abolebis, quacun- que voles, poena scriptos in te jambos; criminosis, contumeliosis, injuri- osis jambis, quibus probra tibi ingessi, ponas, constituas licet modum seu finem. quemcunque voles; sive igne, sive aqua eos abolere placet; pro aqua au- tem positum est mare Adriaticum, tanquam impetuosis, de quo vide Ode X. not. 7.

2) Carmine jambico Archilochus, auctor ejus, usus est, ad alios male- dictis proscindendos; hinc jambi etiam aptissimi reputantur scribendis con- tumeliosis carminibus.

3) Naturalis ordo carminis hoc sententiarum nexu procedere deberet: Ira abreptus eo insaniae processi, ut carmen istud in te facerem; at quan- ta irae est vehementia, quanta ejus vis, vel maximam insaniam exsuperans! non enim ita suos sacerdotes Cybele, Apollo, Bacchus agitant, ut iracun- dia homines quatit.

4) Dindymene est Cybele, sic dicta a Dindymo Phrygiae monte; sacra

Mentem sacerdotum incola Pythius,  
 Non Liber <sup>7)</sup> aequae, non acuta  
 Si geminant Corybantes <sup>8)</sup> aera;  
 Tristes ut irae; quas neque Noricus <sup>9)</sup> *fac*  
 Deterret <sup>10)</sup> ensis, nec mare naufragum,  
 Nec saevus <sup>11)</sup> ignis, nec tremendo  
 Jupiter ipse ruens tumultu <sup>12)</sup>.  
 Fertur <sup>13)</sup> Prometheus addere principi *apostrophis*  
 Limo coactus particulam undique  
 Desectam, et insani <sup>14)</sup> leonis  
 Vim stomacho apposuisse nostro.

ejus erant enthusiastica, cum tripudiis, discursibus inter tympanorum, tibia- rumque sonos, quibus in furorem agerentur sacerdotes, celebrari solita. Sacerdotes hujus Deae sunt Galli.

5) Adytis: in adytis. Adyta sunt templi penetralia, quae profanis ho- minibus adire non licet. Intelligitur templum Delphicum, quod incolebat, et ubi reddebat oracula Apollo. Pythius dictus a serpente Pythone, quem interemerat. Hinc Apollo dicitur hic: incola Pythius. Myth. Apollinis sacer- dotes sunt Pythia et Sibyllae.

6) Quatit, id est: in furorem agit; Pythia enim, quotiescunque va- ticinabatur in furorem acta est.

7) Liber est cognomen Bacchi. Myth.

8) Corybantes iidem sunt ac Galli, etiam Curetes nominati, Cybeles sacerdotes, de quibus jam supra. Hi mentem audientium non aequae con- turbant, feriunt, si geminant, iteratis ictibus pulsant cymbala aerea; ac id faciunt tristes, saevae, vehementes irae, quas nihil omnino reprimere potest.

9) Noricum, regio Germaniae, quae hodiernam Austriam, Styriam, Sa- lisburgum et partem Bavariae in se complectebatur. Ferrum hujus regio- nis praestantissimum habebatur, et enses inde cusi; etiam hodie adhuc fer- rum Styriae magni valde aestimatur.

10) Deterret: exteret, sistit ac retinet. Iratum hominem non retardat metus periculi et mortis.

11) Saevus ignis pro: timendus ignis, idem ac, fulmen.

12) Tumultu, quem tonitru excitat.

13) Sensus vulgaris: ac in hoc quidem adcurare licet animi humani na- turam atque indolem, ita comparatam, ut ira facillime commoveamur atque exardescamus; unde maxima mala ac damna oriuntur necesse est. Hanc sententiam vulgarem autem poeta ita exprimit: dicitur Prometheus, cum formam humanam e luto composuisset, neque amplius haberet, unde hu- manam indolem effingeret, hanc ex omnibus animalibus decerptam homini inesse; coactus ergo fuisse addere ad lutum illud princeps, sive primi- genium, unde illorum corpora compegerat, particulam ab omnibus anima- libus desectam et decisam; et a leone sumsisse vim, id est iracundiam et rabiem, eamque in hominis stomacho seu pectore posuisse.

14) Insani, id est: furiosi, praeter modum iracundi.

Irae <sup>15)</sup> Thyesten exitio gravi  
 Stravere, et altis <sup>16)</sup> urbibus ultimae  
 Stetere causae, cur perirent  
 Funditus, imprimeretque muris  
 Hostile aratrum exercitus insolens.  
 Compesce <sup>17)</sup> mentem: me <sup>18)</sup> quoque pectoris  
 Tentavit in dulci <sup>19)</sup> juvena  
 Fervor, et in celeres jambos  
 Misit <sup>20)</sup> furentem: nunc <sup>21)</sup> ego mitibus  
 Mutare quaero tristia; dum mihi  
 Fias recantatis <sup>22)</sup> amica  
 Opprobriis, animumque reddas.

15) Generalem sententiam, irae effectus esse perniciosissimos, graviter declarat, atque exornat fraterni discidium exemplo poeta. Irae nimirum inter Atreum et Thyestem, fratres, de regno ortae dejecere de statu suo Thyestem atque immersere gravi exitio. Thyestes enim vindictae studio inflammatus, quod pacto de regno Mycenarum alternatim gubernando non staret. Atreus, hujus uxorem seduxit; quod hic aegre ferens, filium illius occidit et coctum patri epulandum adposuit. Myth.

16) Altis etc. Sensus: eadem iracundia fuit causa postrema, et gravissima, cur celeberrimae urbes penitus evertentur, et victor miles ac insolens aratrum duci, et sulcos imprimi juberet in eo loco, ubi moenia illarum steterant. Ita eversae sunt Troja, Numantia, Carthago etc. Idcirco autem jubebant urbis eversae solum arari, ut intelligeretur, ibi non amplius fore urbem, sed agrum, ut spes omnis restituendae urbis tolleretur.

17) Compesce mentem: id est, mitiga igitur iram tuam erga me.

18) Nam me quoque ira, qua juvenilis aetas, in qua ego nunc constitutus sum, facilius excondescere solet, eo usque provexit, ut jambos illos insanus scriberem.

19) Perpetuum epithetum oppositum senectuti morosae, tristi, nihil suavitatis habenti.

20) Misit, abripuit, impulit me, ut scriberem etc.

21) Sensus: cupio nunc tristia, amara, jambos tristes, acerbos seu acres commutare cum mitibus versibus, qui te mitem reddant; dummodo, ut mihi iterum amica fias, animumque, a me isto carmine abalienatum, reddas, amore me tuo iterum amplectaris, recantatis, revocatis opprobriis, id est: postquam falsa declaravero ista opprobria.

22) Recantare interdum est: eadem canere iterum; interdum, ut hoc in loco: contraria cantare, et prius dicta condemnare.

## Ad Tyndaridem.

Occasio et argumentum.

Habuit Horatius villam in Sabinis, quam a Maecenate dono acceperat. Hujus amoenissimam facit descriptionem, enumerando omnes amoenitates ejus, quae sunt: Agelli suavitas, caeli salubritas mitisque temperies, omninoque regionis felicitas, tranquillitas, ubertas. Jam poeta harum amoenitatum cupit participem esse Tyndaridem, puellam doctam, praeclaroque ingenio praeditam, quam et poëtriam fuisse e carmine ipso colligi potest. Itaque invitat eam rus suum, ut a virorum violentia tutam praestet, atque ibi otio et securitate perfrui posset aptissima.

Metrum Alcaicum carminis VIII.

Vēlox <sup>1)</sup> amoenum saepe Lucretilem  
 Mutat Lycaeo Faunus <sup>2)</sup>, et igneam  
 Defendit <sup>3)</sup> aetatem capellis  
 Usque meis, pluviosque ventos.  
 Impūne <sup>4)</sup> tutum per nemus arbutos <sup>5)</sup>

1) Amoenitates villae suae descripturus poeta, eas non a fontium praeterlabentium susurro, a nemorum umbris, vallium, gregumque ibi pascen-  
 tium laeto aspectu, in quorum descriptione nostri fere poetae luxuriantur, repetit; sed ut vividius eas declaret, totique picturae vitam quasi tribuat, exquisito utitur phantasmate, dum Faunum, villae suae deliciis invitatum, posthabito Lycaeo eam invisere, ibique saepius commorari dicit; poetae enim, quas amoenissimas describere vellent regiones, eas Diis frequentatas repraesentabant. Sensus ergo est: velox Faunus saepe relicto monte Arcadiae Lycaeo venit in Lucretilem, Sabinorum in Italia montem, quem pro villa, in vicinia montis hujus, ponit; epithetum, amoenum, ad totam villam pertinet.

2) Faunus, idem ac Pan, Satyrorum ac Deorum rusticorum princeps; velox dicitur, quia caprinos habebat pedes, cursuque ac saltu delectari ferrebantur Fauni et Satyri.

3) Defendit, id est: arcet prohibet usque, seu semper, ne aestas immodico aestu, aut venti pluviam adherentes meis capellis nocent.

4) Aliud praesentia Fauni effectum est agelli securitas, quam hac simplici notione expressit: securae per nemus pascuntur caprae, quod Fauni praesentia tutum est.

5) Arbutos, quae sunt arbores minusculae, et propterea in silva facile latent; ac thymum libenter carpunt, depascunt caprae.

Quaerunt latentes, et thyma deviae <sup>6)</sup>  
 Olentis uxores mariti;  
 Nec virides metuunt colubras <sup>7)</sup>,  
 Nec Martiales <sup>8)</sup> haeduleae <sup>9)</sup> lupos;  
 Utcunque <sup>10)</sup> dulci, Tyndari <sup>11)</sup>, fistula  
 Valles, et Usticae <sup>12)</sup> cubantis  
 Laevia <sup>13)</sup> personuere <sup>14)</sup> saxa.  
 Di me tuentur: Dis <sup>15)</sup> pietas mea,  
 Et Musa cordi est. Hic <sup>16)</sup> tibi copia  
 Manabit ad plenum benigno  
 Ruris honorum opulenta cornu <sup>17)</sup>.  
 Hic in reducta <sup>18)</sup> valle Caniculae <sup>19)</sup>  
 Vitabis aestus, et fide <sup>20)</sup> Teiã

6) Deviae, id est: huc illuc per nemus errantes uxores. Hirci male olentis, qui Virgilio adpellatur vir gregis. Uxores ergo idem, ac capellae.

7) Nec est quod metuant serpentes virides etc. Colubras feminino genere posuit, vulgari poetarum usu.

8) Martiales lupos, id est, Marti sacros.

9) Haeduleae, id est: parvae capellae. Aliqui etiam legunt, haedilia et haedulia, id est: stabula haedorum.

10) Utcunque etc. prioribus adhuc addenda sunt: dum, vel quia Faunus eas custodit, Faunus adest. Pro hoc autem ponit poeta: dum Faunus fistula canit; seu poetice: dum fistula Fauni, suaviter resonante, valles et saxa Usticae collis resonant; his enim praesentem tutelam Fauni indicat poeta.

11) Tyndari, indicat apostropham ad Tyndaridem.

12) Ustica mons seu collis fuit, Lucretili vicinus, cubans dicitur; hoc est, leniter declivis, et fere jacens. Altissimi enim montes videntur stare, humiles et demissi jacere.

13) Laevia, polita atque adeo ad vocem fistulae geminandam idonea.

14) Personuere, ut in Graeco aoristi, pro praesenti positum est.

15) Diis pietas, integritas mea, et facultas poetica cordi ac curae est; ego innocens et vates amor ab iis. Addi nunc debet sententia: venias ergo ad me, et fruere mecum hac Deorum gratia et tutela.

16) Hic in mea villa fluet tibi ad plenum, id est, ad sacietatem copia et abundantia omnium frugum et fructuum, veluti ex uberrimo Amaltheae cornu; hi fruges enim et fructus intelliguntur per opulentam copiam honorum ruris.

17) Cornu. Designatur hic cornu copiae Amaltheae caprae, cujus lacte Jupiter nutritus est. Myth.

18) Vallis reducta est, quae in longinquum recedit, se retrahit, sinuosa, inflexa.

19) Canicula, Sirius, stella in Cane majori, quae aestate una cum sole oritur; dies eapropter, quibus maximus calor regnare solet, ab illa nomen traxerunt.

20) Fide Teja: fidibus Tejis, lyra Anacreontis Teji, seu carmine Ana-

Dices laborantes <sup>21)</sup> in uno  
 Penelopen <sup>22)</sup>, vitreamque Circe <sup>23)</sup>.  
 Hic innocentis pocula <sup>24)</sup> Lesbii  
 Duces sub umbra: nec Semeleius <sup>25)</sup>  
 Cum Marte confundet Thyoneus  
 Proelia; nec metues protervos <sup>26)</sup>.

O d e XVI.

Ad P. Quinctilium Varum.

Occasio et argumentum.

Quinctilius Varus magnis muneribus, etiamque Consulatu Romae perfunctus, in Germania tandem attritus magna clade est, Variana idcirco dicta, et lamentabilis Augusto iudicata. Contigit ea clades, Horatio dudum mortuo, a. u. 762. An autem idem Varus sit, de quo hic agitur, affirmari non potest. Id tamen constat Varum hujus carminis fuisse Horatii amicum. Itaque laudem vini celebraturus poeta rem sub speciales notiones revocat, ita, ut

creontico dices, id est, canes etc. Poetrium fuisse Tyndaridem ex his verbis adparet.

21) Laborantes in uno, id est, unius Ulyssi amore flagrantes.

22) Penelope uxor Ulyssis, quo ad bellum Trojanum profecto, 20 annis constantissimo amore illum prosequuta est, licet a multis precis sollicitaretur.

23) Circe filia Solis et Persae nymphae, quae habitans in monte Circeo, tunc insula circa Campaniam, homines ad se venientes carminibus, et beneficiis mutabat in varias bestias, sicut etiam fecit Ulyssis sociis, quos transformavit in porcos, sed iterum rogante Ulysse restituit. Amavit etiam Ulysses. Vitrea autem dicitur, quia erat Nereis Circe, et mari vicina habitabat, ac proinde tantum, ac, marina, caerulea, viridis; maris, ac divinitatum maris haec perpetua sunt epitheta, et vitri color apud veteres vulgaris erat viridis et caeruleus.

24) Pocula Lesbii, vinum Lesbium, quod erat e praestantioribus, et dulcissimis. Innocens idem est ac, innoxium, non inebrians, quod adeo puellam bibere deceret. Duces, hauries, bibes.

25) Semeleus vocatur Bacchus, quia ejus mater fuit Semele, idem etiam Thyoneus ab eadem Semele, cujus cognomen Thyone. Sententia est: Mars non confundet, committet cum Baccho proelia; non venietur a poculis et ebrietate ad arma et vulnera.

26) Protervos; viros parum modestos et continentes.

Varum ad plantandas in agro Tiburtino, in quo is villam habebat, vites adhortetur, quum vini usu vita demum suavis atque jucunda reddatur, nihilque ad curas animo expellendas eo reperiatu efficacius. Modice tamen eo uti oportere; effecta enim vini, immoderate poti, esse gravissima atque perniciosissima.

Metrum Asclepiadeum majus odae X.

Nullam, Vare, sacra <sup>1)</sup> vite prius severis arborem  
 Circa mite solum <sup>2)</sup> Tiburis, et moenia Catili <sup>3)</sup>:  
 Siccis <sup>4)</sup> omnia nam dura Deus proposuit; neque  
 Mordaces aliter diffugiunt sollicitudines.  
 Quis post <sup>5)</sup> vina gravem militiam, aut pauperiem crepat?  
 Quis <sup>6)</sup> non te potius, Bacche pater, teque decens <sup>7)</sup> Venus?  
 At <sup>8)</sup> ne quis modici transiliat <sup>9)</sup> munera Liberi,  
 Centauræa monet <sup>10)</sup> cum Lapithis <sup>11)</sup> rixa super mero

1) Nullam arborem prius severis, plantes, in agro tuo Tiburtino, quam vitem sacram Baccho.

2) Mite solum dicitur ob aëris temperiem, quod ideo vitibus serendis idoneum sit.

3) Moenia Catili, hoc est, circa Tibur. Catilus enim, Amphiarai Thebani filius, hanc Italiae urbem fundavit, cum fratribus Tiburno vel Tibure et Corace. Tiburnus natu maximus nomen urbi dedit. In ea Varus habitabat, aut villam habebat non procul.

4) Siccis, sobriis, abstemiis, qui vino non utantur, Deus omnia gravia proposuit, constituit; neque aliter, nisi vino hausto, curae mordaces, quae animum consumunt, diffugiunt, animo pelluntur. Sententia est: vino enim uti decet, ad animum exhilarandum, et ad curas abigendas.

5) Quis post vina, vino hausto, crepat, queritur, cum dolore commemorat etc.? Sensus: ea enim, quae vitam aerumnosam atque molestam efficiunt, leviora fiunt vino hausto.

6) Quis non te potius, subauditur, crepat. Id est: quis non potius laudat Bacchum etc. Crepare enim aliquid, est de illa re loqui cum vehementiori cupiditate et affectu, seu doloris, seu laetitiae. Pater est commune Deorum epithetum.

7) Decens, ad gratiam refer, quae e decenti habitu, motu oritur.

8) Sensus: modus tamen in bibendo vino adhibendus est; quum innumera ex ebrietate oriantur mala, rixae, pugnae, arrogantia, insolentia, et alia. Pro vino autem posuit poeta munera Liberi, Bacchi.

9) Transiliat, id est: modum excedat, in bibendo nempe.

10) Monet: abstertere eum possunt illa, quae ebrietatem sequuntur mala, a Baccho poenae quasi loco inflicta, pro quibus malis memorat pugnam Centaurorum cum Lapithis, seu, rixam Centauræam debellatam, pugnatam, cum Lapithis super mero, inter vina et pocula.

11) Lapithae et Centauri erant populi Thessaliae; qui, cum Pirithous,

Debellata; monet <sup>12)</sup> Sithoniis non levis Evius <sup>13)</sup>,  
 Quum <sup>14)</sup> fas atque nefas exiguo fine libidinum  
 Discernunt avidi. Non <sup>15)</sup> ego te, candide Bassareu <sup>16)</sup>,  
 Inivtum quatiam <sup>17)</sup>; nec variis obsita frondibus

rex Lapitharum, Hippodamiam duceret, invitati ad epulum, rixam ebrii moverunt, in qua multi utrinque periere.

12) Monet: Docet etiam nos, modice vino utendum esse, Evius, id est, Bacchus non levis, gravis, noxius, exitialis Sithoniis, Thraciae populis. Sithonii positi sunt hic universe pro Thracibus, quorum computationes non nisi caede finire solebant. Mala ergo per vinum Thracibus importata nos admonent, cavendum esse ab ebrietate.

13) Evius Bacchus vocatus est a gemina voce Graeca, quae significat: euge fili, quam a Jove tum pronunciatam volunt, cum Bacchus in Gigantes rem strenue gereret, eosque, mutatus in leonem, e caelo detruderet. Evocae Bacche! est etiam communis exclamatio bacchantium. Myth.

14) Cum fas etc. Cum illi, Thracēs nempe, ebrii et avidi explendarum libidinum, discernunt exiguo fine fas et nefas; ponunt exiguum limitem inter fas, quod est licitum, et nefas, quod est illicitum; id est, honestum et turpe confundunt, et exiguo limite utrumque separant. Quod iterum inter effecta ebrietatis referendum est.

15) Non ego: sensus: o Bacche, non movebo tuas statuas, ac deripiam e suo loco, te invito, ac repugnante.

16) Bassareus est cognomen Bacchi a voce Thracia vel Afra βασσαρις, quam Hesychius et Suidas explicant: αλωπηξ. Pelles enim imprimis hincolorum et vulpium gestasse et Bacchas (inde Bassarides dictas) et ipsum Bacchum patet ex Eurip. Bacch. 24. etc. Quidam autem deducunt hoc cognomen a vocabulo Hebraeo, Bassar, quod sonat, amputare, vindemiare. Candide, id est, sincere, verax; in vino enim veritas. Alii deducunt hoc epithetum a perpetua Bacchi juventute, orisque pulchritudine.

17) Quatiam. Quatere, movere, commovere sacra, uti interpretes notant, est, sacra Deorum e templis proferre. Cum enim pararetur alicui Deo sacrificium, proferebantur ex templi adytis mysteria quaedam ejus numinis, atque hoc adpellabant, movere sacra. Quia porro Bacchi sacrificia extra urbem in montibus celebrabantur, necesse erat, eo deportari hujus Dei sacra: vannum, thyrsos, phallos, et haud dubie aliquam numinis effigiem. Hoc vero cum a Bacchis fieret, furiosus feminis, et quidem in cista solis pampinis et hederæ frondibus tecta; sacrificari Baccho non poterat, quin ejus sacra non tantum moverentur, quod Diis omnibus commune erat; sed etiam graviter concuterentur; imo, quin saepe eversa cista effunderentur, et omnibus ostenderentur, quae arcana esse debuerant; quod invito certe Baccho, et contra ritum ac morem sacrorum fiebat. Sensus ergo ex his sequens erit: ego non illas Bacchas imitabor, non indulgebo ebrietati praeter modum, ut contra voluntatem tuam, invito te, tua sacra graviter concutiam, quatiam, et cistis abdita, atque obsita frondibus varii coloris, id est, tecta frondibus hederaceis et pampinis sub divum rapiam, in apertum proferam, patefaciam, quae tamen praeter initiatos nemini patefacienda fuissent. Hoc est: ego non abutar vino.

Sub divum raptam. Saeva tene<sup>18)</sup> cum Berecynthio<sup>19)</sup>  
Cornu tympana, quae subsequitur caecus<sup>20)</sup> Amor sui,  
Et tollens vacuum<sup>22)</sup> plus nimio Gloria<sup>21)</sup> verticem,  
Arcanique Fides<sup>23)</sup> prodiga, perlucidior vitro.

O d e XVII.

## Ad Maecenatē.

Occasio et argumentum.

Quo tempore, quave potissimum occasione hoc odarion scriptum sit, etsi ex ipso vix commode elicias; magnam tamen veri speciem habet quorundam opinio, Maecenatē, quum in Apuliam profecturus esset, Horatio significasse, se in ejus villa Sabina deversurum, existimantium. Horatius ei respondet hac schedula poëtica, gratissimum sibi fore talem hospitem, sed aequi bonique illum facturum vinum id, cujus adponendi sibi copia sit.

Metrum Sapphicum carminis II.

Vile<sup>1)</sup> potabis modicis Sabinum  
Cantharis<sup>2)</sup>, Graeca<sup>3)</sup> quod ego ipse testa

18) Tene, comprime, cohibe. Sensus: noli me ad furorem et ebrietatem incitare, pulsando tua cornua, et tympana; quae tympana, quam ebrietatem sequitur amor sui caecus, inanis gloria sublime caput attollens, et temeritas in prodendis arcanis.

19) Berecynthium Bacchi cornu dicitur, quod furiosos perinde faceret eos, qui sonitum ejus audirent: quemadmodum faciebant cornua, quae adhibebantur in sacris Cybeles matris Deorum in Berecyntho Phrygiae monte. Saeva tympana ergo sunt, in furorem agentia.

20) Caecus amor sui dicitur, quia se solum respiciens, et sibi cum ipsis vitiiis placens est.

21) Gloria, id est: jactantia, insolentia; hic ergo in malam partem sumenda.

22) Vacuum; quatenus ipsa Gloria, vacua, inanis est. Alii ipsum etiam verticem vacuum cogitant, cui nulla laurea, aut aliud honoris insigne impositum sit.

23) Fides arcani prodiga, quae temere arcana revelat, id est, infidelitas, loquacitas damnosa, quae silenda prodit, et perspicua est magis quam vitrum, quod res ita non tegit, quin trans illud adpareant.

1) Hospitium frugale, quo Maecenatē excepturus sit, statim ab initio declarat Horatius, in eo tamen libenter illum acquieturum confidit. Vile, vulgare, non optima notae vinum, quale ager meus Sabinus, producit; Sabina regio autem non procul Roma erat, ubi vinum leve ac vile nascebatur. Ibi villam habebat Horatius.

2) Cantharis, seypis, poculis minoribus, pro: modice, quantum mihi

Conditum levi<sup>4)</sup>, datus in Theatro  
Cum tibi plausus<sup>5)</sup>, Care Maecenas eques<sup>6)</sup>; ut<sup>7)</sup> paterni  
Fluminis<sup>8)</sup> ripae, simul et jocosa<sup>9)</sup>  
Redderet laudes tibi<sup>10)</sup> Vaticanā

Montis imago.

Caecubum<sup>11)</sup> et praelo domitam<sup>12)</sup> Caleno  
Tu bibes uvam: mea nec Falernae<sup>13)</sup>

pro modica mea facultate adponere licet. Est autem Cantharus vas ansatum in convivii apud Romanos adhiberi solitum.

3) In yasis fitilibus vina apud Romanos condita fuisse, satis notum est. In usu erant maxime Graeca, a Graeco artifice facta; nam cum in ipsa Graecia multis locis, tum in coloniis Graecis Campaniae, maxime Cumis, eximia ejusmodi vasa facta sunt; qualia hodie adhuc superstant, vasorum Etruscorum nomine insignia. Cum in iis nonnisi nobiliora vina conderentur, eadem mox vilioribus etiam, ut haec ex illis aliquid traherent suavitatis, implere solebant. Quare ejusmodi Graeca testa forte usus fuerat Horatius, ut Sabino suo generosi quid conciliaret.

4) Levi, praeteritum est, a lino. Solebant Romani suas amphoras oblinere, et inducere pice, vel cera, in eaque imprimere nomen Consulis et anni, quo vinum in dolia vel amphoras fundebant.

5) Eo die, quo Populus Romanus te theatrum ingressum plausu excepisset. Quo sane Maecenati nihil blandius dici, aut major vino accedere poterat commendatio. Theatrum hic Pompeji intelligendum esse patet ex v. 7. nam illud erat juxta Tiberim Vaticano monti oppositum. Cum autem vir aliquis populo gratus in theatrum accedebat, solebat illi populus plaudere voce ac manu. De theatro vide praec. eloqu.

6) Eques. Gaudebat hac appellatione Maecenas, quae ipsius modestiam significabat; in equestri enim ordine constiterat, cum ad altiorem ordinem ascendere facile potuisset. Epithetum, care, valde adposite, cum plausus ille amorem totius populi in eum prodidisset.

7) Ut, id est: ita, ut etc.

8) Paterni fluminis, Tiberis, qui fluit ex Etruria Maecenatis patria.

9) Jocosa imago. Echo, quae laudes tibi a populo plaudente, cum in theatrum sibires, datas reddebat ac geminabat. Jocari porro videtur Echo, cum extrema verba repetit.

10) Tibi: quasi Tiberis et Vaticanus mons populi plausibus sese adungere cuperent.

Sensus: tuum est generosa vina bibere; meae res nou tam lautae sunt, ut talia in meis horreis condita servarem.

11) Caecubum vinum optimum a cognomine loco dictum in Campania.

12) Domitam uvam, id est: vinum pressum praelo Caleno, a Calibus, urbe Latii sic dicto. Vinum autem Calenum etiam generosum.

13) Falernus ager in Campania est, ubi vites optima. Formiae itidem oppidum in Italia, vino suo nobile, quod in vicinis collibus erat laudatissimum.

Temperant <sup>14)</sup> vites, neque Formiani  
Pocula colles.

O d e XVIII.

## Hymnus ad Dianam et Apollinem.

Occasio et argumentum.

Est ode ista hymnus in honorem Apollinis et Dianae, qui probabilius religioso usui destinatus fuerat, et a choro nobilium juvenum atque puellarum decantabatur. Ejus modi chori enim praesertim in sacris Dianae et Apollinis apud antiquos in usu erant. Fingit poeta virgines et pueros se invicem hortari, ut, Apollinis et Dianae cantandis laudibus, obtineant populo Romano et Caesari pacem, et rerum omnium copiam cum valetudine atque imperii incolumitate conjunctam. Putant aliqui hoc carmen referendum esse ad a. u. 731; quod hoc anno fame ac pestilentia Roma laboraret, et Apollo ac Diana peculiare populi Romani custodes et conservatores, atque Dii averrunci, qui malum ab hominibus averterent, habiti ac venerati sint. Verum Dii averrunci omni tempore orari poterant et solebant, mala ut averterent, adeo, ut de tempore hujus odae nihil certi statui possit.

Metrum Asclepiadeo - Pherecratico - Glyconium, ut in  
carm. XII.

Dianam <sup>1)</sup> tenerae dicite virgines;  
Intonsum, pueri, dicite Cynthium <sup>2)</sup>,

14) Jam proprie vinum in poculis temperatur, aqua admixta diluitur ac praeparatur, dum pocula temperantur vino infuso; et pro hoc exquisitiori forma: vites et colles pocula temperant, dum praebent vina in iis temperanda, iis infundenda. Sensus: at ego in poculis meis, nec a Falerno monte, nec a Formianis collibus acceptum vinum tempero, id est: aqua misceo.

1) Forma hujus odae est ea, qua chori se invicem alternatim provocant, et quidem juvenes ad laudandam Dianam puellas, puellae vero juvenes ad canendum Apollinem. De Diana vide Myth.

2) Cynthus vocatur Apollo a monte Cyntho in insula Delo. Intonsus etiam semper pingebatur, imberbis, ac juveni similis, tum ad venustatem indicandam, tum quia promissa caesaries solis radios belle exprimit.

Latonamque <sup>3)</sup> supremo

Dilectam penitus <sup>4)</sup> Jovi.  
Vos laetam <sup>5)</sup> fluviis et nemorum <sup>6)</sup> coma,  
Quaecunque <sup>7)</sup> aut gelido prominet Algido <sup>8)</sup>,  
Nigris <sup>9)</sup> aut Erymanthi <sup>10)</sup>

Silvis, aut viridis Cragi:

Vos Tempe <sup>11)</sup> totidem tollite laudibus,  
Natalemque <sup>12)</sup>, mares <sup>13)</sup>, Delon Apollinis,  
Insignemque pharetra,

Fraternaque <sup>15)</sup> humerum <sup>14)</sup> lyra.

Hic <sup>16)</sup> bellum lacrimosum <sup>17)</sup>, hic miseram famem  
Pestemque, a populo, et principe Caesare, in

3) Latona mater Dianae et Apollinis. Hujus laudes igitur ab utroque choro prolatas esse, adsumi potest. Quum enim in hymnis Deorum laudes etiam ab eorum claro ortu repeterentur, magnum sane nomen Latona in hymnis ad Apollinem et Dianam habuerit oportet. De Latona Myth.

4) Penitus, id est: intime amatam a Jove, fuit enim Jupiter Apollinis et Dianae pater.

5) Laetam: Dianam nempe, amantem fluviis et montes. Peculiare enim erat hymnis, etiam loca illa commemorare, in quibus Dii aut Deae praecipue commorati sunt, et divinis honoribus culti. Supplendum porro hic est: dicite, vel, laudibus tollite.

6) Nemorum coma, pro ipsis nemoribus.

7) Quaecunque. Sensus: quaecunque coma, quaecunque frondes arborum prominent, germinant ex arboribus, ac prodeunt, sive in Algido, sive in Erymantho, sive in Crago.

8) Algidus est silva et mons, non procul a Roma distans, Dianae sacer, a frigore ita vocatus; montes enim fere sunt frigidiores.

9) Nigris, umbrosis propter arborum densitatem.

10) Erymanthus est mons Arcadiae in Graecia; Cragus Lyciae in Asia minori: ambo celebres poetarum fimentis, et Dianae sacri.

11) Tempe vallis erat amoenissima in Thessalia Apollini sacra, quia post occisum Pythonem serpentem, eo secessit, ac sacrificia piacularia fecit. Erat ibidem ara eidem Deo dicata, indidem laureae coronae petebantur coronandis victoribus in Pythis ludis.

12) Natalem terram, id est: patriam; in Delo enim, insula maris Aegaei, natus est Apollo.

13) Mares, id est: vos pueri.

14) Humerum Apollinis insignem, decorum, ornatum pharetra, id est: pharetram gerentem, et lyram, uti fere in monumentis occurrit.

15) Fraterna, quam ipsi Mercurius frater, lyrae inventor et artifex, dedit.

16) Hoc, quod sequitur, probabilius uterque chorus cecinit; pronomen, hic, autem tam ad Apollinem quam ad Dianam referendum est, ut adeo singularis pro plurali, hi, positus sit.

17) Bellum lacrimosum, funestum, exitiosum.



Persas <sup>18)</sup> atque Britannos <sup>19)</sup>  
Vestra motus aget <sup>20)</sup> prece.

O d e XIX.

## Ad Aristium Fuscum.

Occasio et argumentum.

Ex priscorum hominum opinione poëtae in singulari Deorum tutela erant; quoniam nullis sceleribus contaminati, nugis tantummodo suis dediti, ac paupertate sua contenti vitam agerent, et hinc innocentes homines ac Diis imprimis cari putati sint. Jam Horatius magnum vitae periculum feliciter effugerat, cum lupo cuidem in silva obviam factus, ab hoc non laederetur: ita facile antiquae, quam diximus, opinionis acrior, ut fit, ac vividior animum poëtae sensus tangebatur. Igitur hinc oden orditur: Vir innocens, id est, vates illa innocentia sua ubique tutus est. Tum periculum, quod evasit, narrat, atque auget. Denique ubi vis terrarum tutum se sua integritate, eaque fretum tranquillo animo fore profitetur, idque divine eloquitur. Fuscus Aristius, ad quem carmen scriptum est, erat Grammaticus et Rhetor non contemnendus, familiarissimus atque amicissimus Horatii, jocosus idem et facetus homo.

Metrum Sapphicum carminis II.

Integer <sup>1)</sup> vitae scelerisque purus  
Non eget Mauris <sup>2)</sup> jaculis, neque arcu,

18) In Persas, populum Asiae Romanis infestum. Vide Od. II. not. 42.

19) Britannos. Angliam a Romanis nondum domitam.

20) Aget: a populo Romano et Augusto avertet, convertetque in hostes Romani nominis, Persas nempe et Britannos.

1) Integer vitae: vir vitae integrae, animi integri, innocens. Graeci, et Latini eos imitati, seclent genitivos cum adjectivis quibusdam jungere. Sic dicitur, felix animi, fortunatus laboris.

2) Mauri, populi sunt Africae, in mittendis jaculis exercitatissimi. Sensus: tutus est ipsa innocentia sua, non eget armis, quibus se tueatur, illa satis munitus. Alii autem sic explicant: non eget, tamquam Maurus, si in Mauritania versetur, jaculis; haec regio enim serpentum aliarumque ferarum frequentia quam maxime infestabatur, ut ibi sine jaculis vix tuto iter facere licuerit.

Nec venenatis gravida <sup>3)</sup> sagittis,  
Fusce, pharetra:  
Sive per Syrtes <sup>4)</sup> iter aestuosas,  
Sive facturus per inhospitalem  
Caucasum <sup>5)</sup>, vel quae loca fabulosus  
Lambit Hydaspes <sup>6)</sup>.  
Namque <sup>7)</sup> me silva lupus in Sabina <sup>8)</sup>,  
Dum sequor calles dubios, et ultra  
Terminum <sup>9)</sup> curis vagor expeditis <sup>10)</sup>,  
Fugit inermem.  
Quale <sup>11)</sup> portentum neque militaris  
Daunia in <sup>12)</sup> latis alit aesuletis <sup>13)</sup>,  
Nec Jubae <sup>14)</sup> tellus generat, leonum  
Arida <sup>15)</sup> nutrix.

3) Nec eget etiam pharetra gravida, plena, referta sagittis venenatis, pro sagittis in genere; solebant autem ferrum sagittae, et acumen imbueri veneno.

4) Syrtes sunt duo sinus in Africae litore ad mare mediterraneum, major et minor. Sunt loca periculosa propter aestus. Sed hic non sunt intelligendi tractus illi arenosi quos vada breviter secant in mari; Horatius enim de terrestri itinere loquitur, non de navigatione, in qua arcu et jaculis non est opus contra feras. Sunt ergo Syrtes istae, Libiae solitudines mediterraneae, ardentibus arenis aestuantibus, aut loca marinis illis Syrtibus propinqua.

5) Caucasus mons inter Caspium et mare nigrum situs, mons ergo Scythiae antiquae. Inhospitalis dicitur propter immanes solitudines ac feras in iis commorantes.

6) Hydaspes Indiae fluvius, de quo multa fabulosa narratur v. g. de immanibus belluis atque monstribus Indiae. Lambit, id est, adluit, rigat.

7) Sensus: hoc meo ipsius exemplo edoctus sum; nam lupus mihi paulo longius evaganti obviam venit, meque, etsi inermem, fugit.

8) Silva Sabina, quae adiacebat villae suae Sabinae, ad eamque pertinebat.

9) Ultra terminum, ultra fines mihi notos, ac vias tritas; ultra terminum solitae deambulationis. Calles dubii, sunt semitae ignotae.

10) Curis expeditis, id est: missis, finitis; seu animo, curis expedito.

11) Qualem lupum, monstri et portenti similem, neque Daunia ferox et bellicosa in silvis quercuum plenis nutrire solet; nec Mauritania, in qua Juba regnavit.

12) Daunia, est pars Apuliae in Italia inferiori, a Dauno rege sic dicta, nobilis viris fortibus gignendis.

13) Esuletum est silva aesulis seu quercubus frequens.

14) Juba fuit rex Mauritaniae in Africa, Pompejanis partibus addictissimus. Superato Pompejo sibi necem conscivit; de eo Jul. Caesar triumphavit.

15) Arida, sitiens, aestu solis torrida.

Pone <sup>16)</sup> me, pigris <sup>17)</sup> ubi nulla campis  
Arbor aestivā recreatur aurā;  
Quod latus <sup>18)</sup> mundi nebulae, malusque  
Jupiter <sup>19)</sup> urget <sup>20)</sup>:

Pone sub curru <sup>21)</sup> nimium propinqui  
Solis, in terra domibus negata. *non negat tibi vestigiū,*  
*(Sola me virtus dabit* <sup>22)</sup> *usque tutum,*  
*Sola beatum.*

O d e XX.

## Ad P. Virgilium Maronem.

Occasio et argumentum.

Quintilius hic longe diversus ab illo odae XVI. neque Varus, ut ille, sed Cremonensis a patria cognominandus. Fuit poëta, Virgilio familiarissimus, ipsique Horatio valde amicus; cujus mortem, quia Eusebius consignat a. u. 730, intelligimus, eodem anno scriptam esse hanc oden consolatoriam. Consolaturus itaque Virgilium poëta Melpomenen invocat, ut se moerore prostratum, modos tanto dolori aptos edoceat, doloremque Virgiliti, etsi immodicum, dum suum prorsus facit, tantum abest, ut improbet, sapientique viro indignum judicet, ut potius justissimum eum, virtutibusque Quintilii quam maxime debitum pro-

16) Praesentissimo hoc periculo liberatus poëta, jamque animosior factus, se ubique terrarum, vel in desertissimis regionibus secure commoraturum confidit. Pro incultis regionibus ponit duas Zonas, quae ex aetatis suae opinione inhabitabiles habebantur, frigidam et torridam, quas poëtica circumscribit. Pro hoc: sive sim etc. dicit: pone me, id est: colloca me sedem, mihi adsigna in Zona frigida vel torrida, ubique tutus et felix ero.

17) Pigris: ubi omnia inerti frigore constringuntur, et ne levis quidem aura calidior aspirat.

18) Latus, pro, parte, Zona vel etiam regione orbis terrarum.

19) Jupiter malus; aër inclemens, frigidus, nebulosus.

20) Urget: vexat, contristat.

21) Curru: sub Zona torrida, ubi sol hominum vertici velut incumbit; ubi nullae sunt domus propter gravitatem aestus.

22) Sola innocentia, virtus mea me usque, id est, ubique vel semper securum atque felicem reddet.

nunciet. Parato sic ad Quintilii laudes transitu, extollit ejus modestiam, justitiam, fidem, animi candorem; non mirum adeo videri debere ait, quod mors ejus bonis omnibus acciderit luctuosissima, maxime vero ipsi, qui amico eo usus sit integerrimo. Munita sic, qua se in Virgiliti pectus insinuaret, via, hortatur eum, ut tandem luctui, nihil quippe pro futuro, modum figat, patienterque jacturam ferat, quam nullo modo reparare possit.

Metrum Asclepiadeo - Glyconium carm. V.

Quis <sup>1)</sup> desiderio sit pudor, aut modus  
Tam cari capitis? Praecepte <sup>2)</sup> lugubres  
Cantus, Melpomene <sup>3)</sup>, cui liquidam <sup>4)</sup> Pater <sup>5)</sup>  
Vocem cum cithara <sup>6)</sup> dedit.

Ergo Quintilium perpetuus sopor <sup>7)</sup>  
Urget <sup>8)</sup>! cui <sup>9)</sup> Pudor, et Justitiae soror,  
Incorrupta fides <sup>10)</sup> nudaque Veritas <sup>11)</sup>,

Quando ullum invenient parem?  
Multis ille bonis flebilis <sup>12)</sup> occidit:  
Nulli flebilior, quam tibi, Virgili.

1) Quem pudeat aut dedeceat lugere tam carum caput, id est: hominem, qualis fuit Quintilius? vel quis in deflenda morte ejus modum servet? sententia vulgaris: in jactura tam cari amici nullus dolor videri debet aut indecorus, aut immodicus.

2) Invocatio Musae multum hic dignitatis habet, quasi metuat, ut ipse, dolore praepeditus, graviter satis tristissimi animi sensa eloquatur. Praecepte, id est, doce me, impera mihi.

3) Melpomene, una Musarum, lugubris cantus dea.

4) Liquidam vocem, id est: puram, dulcem, canoram.

5) Pater, est Jupiter, qui fuit pater Musarum.

6) Cum cithara, id est: et citharam; ut simul caneres voce et cithara. Melpomene vero vocem et citharam Jovi acceptam refert, quatenus omnia, quae singulis Diis attributa sunt, a Jove ipsis concessa putantur.

7) Sopor: somnus aeternus: ita mortem poëtae adpellant.

8) Urget, premit, ei incumbit.

9) Sensus: quo pudentior (id est, verecundior aut modestior) fidelior ac verior seu candidior homo nunquam erit.

10) Fides incorrupta, quae neque gratia, neque muneribus corrumpi, mutari potest; hinc soror Justitiae dicta, ei perpetuo juncta, quatenus homo justus idem est fidelis.

11) Nuda veritas; simplex, aperta, quae nihil adsciticii habet, quo aliis fucum faciat, quae et incomita maxime placet.

12) Magnum quidem apud omnes bonos et cordatos viros desiderium sui reliquit Quintilius; nulli tamen mors ejus tristior accidit, quam tibi,

Tu frustra <sup>13</sup> pius, heu! non ita creditum <sup>14</sup>)

Poscis <sup>15</sup>) Quinctilium Deos.

Quod <sup>16</sup>) si Threicio blandius Orphea <sup>17</sup>)  
Auditam moderere arboribus <sup>18</sup>) fidem <sup>19</sup>)

Non vanae redeat sanguis imagini <sup>20</sup>),

Quam <sup>21</sup>) virgā semel horridā <sup>22</sup>)

Non lenis <sup>23</sup>) precibus fata recludere,

Nigro compulerit <sup>24</sup>) Mercurius gregi.

Durum <sup>25</sup>)! Sed levius fit patientia <sup>26</sup>),

Quidquid corrigere est nefas.

qui amico eo utebaris, eum diligebas; licet hac pietate, hoc amore iusto et lacrymis tuis nihil sis illi profuturus vel tibi.

13) Frustra, quia eum non revocabis ab interitu.

14) Non ita creditum: non ita commissum tibi a Diis, id est, ea conditione, ut perpetuo eum possideres, et nunquam moreretur; vita enim nulli propria ac perpetua data est.

15) Poscis Deos, id est, rogas, ut eum vitae ac tibi reddant.

16) Sensus: enimvero lamentis tuis nihil proficies, nunquam eum in vitam revocabis. Poëtice: licet caneres suavius Orphea Thraciae vate, quem ipsae arbores canentem audierunt, ac secutae sunt, non tamen vitam reddes umbrae inani.

17) De Orphea vide Odam XI. not. 10.

18) Arboribus, id est: ab arboribus.

19) Fidem modereris, pro, lyram, seu lyrae, citharae, chordam pulses.

20) Imagini vanae, inani, corpore destitutae nunquam amplius redibit sanguis et vita. Umbrae enim mortuorum vento seu fumo similes, ac imagines tenues hominum viventium esse credebantur; ita ut corpori, in quo antea fuisset ejusmodi anima seu umbra, exacte responderet, et vulnera quoque, quae vivum corpus accepisset, referret.

21) Mythica accedit exornatio sententiae vulgaris: quae vita perfuncta est, quae semel loca infera intravit.

22) Virga horrida, est caduceus Mercurii. Vide Odam IX. not. 21. et Myth.

23) Non lenis: non facile exorabilis ad recludenda fata, id est, ad ea solvenda et resignanda, quae factorum lege ac decretis veluti clausa et obscurata sunt. Ex antiqua enim opinione loca infera munita atque clausa finguntur porta ferrea; jam qui vitae suae portionem fato sibi datam emensus est, is fato functus Orcum petere dicitur; cui eidem, si exinde reditus ad supera loca patet, ut denuo vitam degat, recte fata recludi dici possunt.

24) Compulerit; addiderit nigro gregi, conjecerit in turbam umbrarum et mortuorum; omnia enim, quae ad umbrarum regnum pertinent, poëtae nigro colore depingere solent.

25) Durum certe est, quod lamentis tuis fata flectere nequeas; igitur patienter te ferre decet, quod mutare nequeas, quod corrigere fas non est.

26) Patientia, id est, patienter ferendo.

(Ode an Lydia fess)

Ode XXI.

## Ad Musam de Aelio Lamia.

Occasio et argumentum.

Venustissimum hoc carmen in Aelii Lamiae, nobilissima et antiquissima gente orti, rebusque Cantabrico bello gestis clarissimi, versatur laudibus. Poëta nimirum in Musarum consortio ceterarum rerum, quae animum adfligant ac perturbent, curam a se alienam putare, seque studiis poëticis vacantem, nihil nunc antiquius habere profitetur, quam Lamiae laudes celebrare. Quas quidem dum ipse non exsequitur, sed Musis canendas delegat, splendidissimo Lamiam condecorat elogio, dignum, quem ipsae Musae extollant, judicando. Scriptum esse videtur hoc carmen a. u. 731, quod e versu 5 odæ deducere libet. Cantabri autem, cum quibus bellum gesserant Romani, de quo supra mentio facta est, sunt populus Hispaniae.

Metrum Alcaicum ut in ode VIII.

Musis <sup>1</sup>) amicus, tristitiam et metus  
Tradam protervis <sup>2</sup>) in mare Creticum <sup>3</sup>)

Portare ventis: quis <sup>4</sup>) sub Arcto <sup>5</sup>)

Rex gelidae metuatur orae,

Quid Teridatem <sup>6</sup>) terreat, unice

1) Musis etc. Dum ego Musis carus esse, id est, scientiis vacare poterō, deponam omnem tristitiam, et metus meos dabo ventis deportandos in mare, id est: longe amandabo, oblivioni tradam sollicitudines.

2) Protervis: lascivientibus, petulantibus, adeoque rapidis, vehementibus.

3) Creta est insula in mari mediterraneo, prope Peloponnesum. Mare Creticum positum est pro mari in genere quovis longinquo.

4) Quis sub etc. Sententia est: securus, seu nihil admodum sollicitus scire, quis nam rex in oris septentrionalibus metuatur, et quid illud sit, quod maximum Teridati metum incutiat.

5) Arctos vox Graeca, ursam significans; est autem Ursa sidus septentrionale.

6) Teridates, a. u. 724 rex creatus a Parthis (pulso ab illis in exilium Phraate, ipsorum legitimo rege, ob ejus saevitiam), Romam venit 731, supplicat ab Augusto petiturus contra eundem Phraaten, qui restitutus a Scythia fuerat in regnum. Augustus Teridatem Romae retinuit, et apud se esse jussit. Phraatis filium adolescentem, quem ab anno 724 obsidem Ro-

Securus. O <sup>7)</sup>, quae fontibus integris <sup>8)</sup>  
 Gaudes, apricos <sup>9)</sup> necte flores,  
 Necte meo Lamiae coronam,  
 Pimplei <sup>10)</sup> dulcis: nil sine <sup>11)</sup> te mei  
 Prosunt honores. Hunc <sup>12)</sup> fidibus novis <sup>13)</sup>,  
 Hunc Lesbio sacrare plectro,  
 Teque, tuasque decet sorores.

O d e XXII.

### Ad sodales convivas.

Occasio et argumentum.

Leve hujus carminis argumentum in convivii, cui Horatius interfuisset, descriptione versatur, illudque ita repraesentavit poeta, ut coram nobis omnia peragi videantur. Quum in eo convivae, vino largius hausto incensi ad rixandum et tumultuandum consurrexissent, Horatius magistri bibendi personam sumens, intemperantiam atque insolentiam eorum castigat, eosque ad sanio rem mentem re-

mae habebat, remisit patri, ea lege, ut signa militaria, Crasso et Antonio erepta, Romanis restitueret, quod ille tamen non praestitit, nisi triennio post. Adparet inde per regem metuendum orae gelidae intelligendum esse regem Scytharum.

7) Nexus: Musis amicus, Lamiam mihi canendum sumam, sed quum illi canendo minus idoneus mihi videar, tu Musa eum celebra etc.

8) Integris: quae amas fontes integros, puros, intactos.

9) Apricos, id est, ad solem se explicantes flores in coronam necte; flores enim soli expositi pulchriores sunt, quam qui in umbra crescunt. Solent autem poetae flores et coronam ponere pro carmine, quo aliquem laudare volunt.

10) Pimpleae vel Pimpleides Musae dictae sunt a Pimpla Thraciae monte et fonte Musis sacro.

11) Sine te etc. Sine tuo numine, mei versus, quibus honorem Lamiae impertio, nihil prosunt, vim nullam habent ad celebritatem illi conciliandam.

12) Hunc Lamiam decet te, et tuas sorores, nempe alias Musas, celebrare novis fidibus et Lesbio plectro.

13) Novis fidibus, id est, novo carminis genere, a Graecis ad Romanos a se primum traducto. Hinc et plectrum Lesbium vocat, quo Alcaeus olim lyram percussisset, Lesboum barbiton.

vocare studet. De magistro, seu rege convivii vide Odam IV. not. 24. et Antiquitates.

Metrum Alcaicum carminis VIII.

Natis <sup>1)</sup> in usum laetitiae scyphis  
 Pugnare, Thracum est. Tollite barbarum  
 Morem, verecundumque <sup>2)</sup> Bacchum  
 Sanguineis prohibete rixis.  
 Vino <sup>3)</sup>, et lucernis Medus acinaces  
 Immane <sup>4)</sup> quantum discrepat! impium <sup>5)</sup>  
 Lenite clamorem, sodales,  
 Et cubito remanete presso <sup>6)</sup>.

O d e XXIII.

### Nauta et imago Archytæ Tarentini.

Occasio et argumentum.

Communem moriendi necessitatem, tritam illam ac vulgarem sententiam novo artificio ita nobilitavit poeta, ut eam in drama conversam illustri Archytæ Pythagorei philosophi, in Geometria, Astronomia atque arte bellandi

1) Natis etc. sensus: convenit tantum barbaris, quales sunt Thraces, uti scyphis, hoc est, cyathis et poculis, tamquam armis ad pugnam committendam; nata enim sunt pocula et instituta ad hilaritatem, non ad bellum.

2) Verecundum: Bacchus modestus, qui rixas odit, positus est pro computatione verecunda, ad modestiam composita, adeo, ut sensus sit: rixae sanguineae et cruentae absint, quae comissionem dedecent.

3) Vino etc. Mirum quantum est discrimen inter vinum et arma, hoc est: alienus est a computatione armorum usus. Pro armis posuit poeta acinacem, gladium incurvum, Medis et Parthis proprium; et pro computatione ad multam noctem protracta, posuit: vinum et lucernas.

4) Immane; incredibile dictu est, quantum discrepet.

5) Clamor impius, id est, indecens, furiosus.

6) Cubito presso; pulvillis impresso, innixo, non erecto, ad ictus, et rixam non sublato. Jacebant enim in lectulis Romani, cum adcumberent mensae, et laevo cubito, ac sinistra manu nitebantur, caputque sustentabant, altera manu cibos ori admovebant. Igitur presso cubito remanere, est, quiete ad mensam adcumbere, non stare, non expedire manus, ut fit in rixa.

aeque versatissimi, qui prope Apuliae litus naufragio periisset, exemplo ostenderet. Inducitur itaque nauta, qui ex veteri navigantium more litus Matinum, in quo Archytas corpus fluctibus ejectum jaceret, forte praetervehens, eo conspecto, talem tantumque virum fato quoque obnoxium fuisse miratur, idque ipsum, ut fert commotioris animi natura, oratione ad ipsum mortuum directa, eloquitur. Archytas itaque, ut nauta se mortuum non miraretur amplius, eandem virorum se longe praestantiorum sortem fuisse, mortemque adeo, cujus tamen non unum genus sit, ad omnes pertinere ostendit. Exposita hinc fati sui ratione, sicque ad se iterum delatus, eundem enixe precatur, atque, ne insepultum se jacere sinat, maximopere obtestatur.

Metrum Alcmanium carminis VI.

*Nauta* Te <sup>1)</sup> maris, et terrae, numeroque carentis arenae Mensorem <sup>2)</sup> cohibent <sup>3)</sup>, Archyta <sup>4)</sup>, Pulveris <sup>5)</sup> exigui prope litus parva Matinum <sup>6)</sup> Munera: nec quidquam <sup>7)</sup> tibi prodest Aërias tentasse domos, animoque rotundum Percurrisse polum, morituro.

1) Nauta loquens inducitur quasi subsistens ad aspectum cadaveris Archytas. Sensus: tu qui antea universum terrarum orbem emetiebaris, tantillum arenae corpore tuo nunc occupas, paucillum terrae spatium mortuus complecteris.

2) Mensorem: sic Geometram vocat, cujus est terram, maria et litora metiri. Mensorem arenae autem vocat, quia etiam de numero arenae disputabant mathematici.

3) Cohibent te, habent te, scilicet terra, regio; locus nos tenere dicunt, in quo versamur, quem occupamus.

4) Archytas fuit patria Tarentinus, et uti jam dictum, celeberrimus philosophus et mathematicus. Quamvis autem ille ante hanc oden ab Horatio scriptam, tribus fere jam saeculis obiisset, fingi tamen ab Horatio potuit nauta ejusdem, quo vixit Archytas, temporis haec dixisse. Accedit, quod Horatius forte Graecum aliquem poetam imitatus sit in hoc carmine.

5) Pulveris exigui parva munera etc. id est, portio exigua pulveris, arena exigua, locus exiguus, in quo jacet corpus. Sepulchra enim etiam munera dicebantur, quia beneficia mortuis esse credebantur, cum corporis, inhumati et insepulti, umbra ad Stygem oberrare 100 annis debuerit, quin transferretur. De muneribus, Antiqu.

6) Matinum est promontorium in litore orientali Calabriae, confine Apuliae.

7) Nec quidquam etc. sententia est: neque caelestium rerum studium prohibuit, quin, morti succumberes, a moriendi necessitate te exemit. Pro

*Archytas* Occidit <sup>8)</sup> et Pelopis genitor <sup>9)</sup>, conviva Deorum, Tithonusque <sup>10)</sup> remotus in auras, Et Jovis arcanis Minos <sup>11)</sup> admissus: habentque Tartara Panthoiden <sup>12)</sup>, iterum <sup>13)</sup> Orco <sup>14)</sup> Demissum; quamvis clypeo Trojana refixo Tempora testatus, nihil <sup>15)</sup> ultra Nervos atque cutem Morti concesserat atrae;

caelo positae sunt aëreae domus, quas ille tentare dicitur, qui scrutando eas accedere conatur; synonymum huic est: percurrere polum. Pertinent ergo haec ad Archytas declarandum philosophiae studium, et maxime ad eam partem, quae in Deorum natura inquirat.

8) Hinc usque ad finem loquens inducitur Archytas umbra, quae ad priora respondere fingitur. Ad communem moriendi necessitatem declarandam, virorum se praestantiorum, qui mortem non magis effugerint, exempla adfert. Sensus: Noli, o bone, mirari, quod ego mortuus sim: mortuus est ipse Pelopis genitor, Tantalus, qui Deos convivio exceperat, mortuus Tithonus etc.

9) De Tantalos, rege Lydiae, et patre Pelopis, qui antequam Jovis iram provocasset, tentando Deorum omniscientiam, pietatis laude florebat, vide plura Myth.

10) Tithonus, Laomedontis filius, ob pulchritudinem adamatus Aurorae, a qua vitali succo perfusus diutissime vixit, tandemque senio confectus in vaporem tenuem evanuit, ut hic indicat Horatius iis verbis: remotus in auras; vel, ut alii fabulantur, in cicadum mutatus est.

11) Minos, Cretae rex, de legibus ferendis, quo majorem iis auctoritatem conciliaret, ipsum Jovem in consilium adhibuisse ferebatur; fuit severissimus justitiae cultor, ac post mortem inferorum iudicio ab eodem praefectus.

12) Panthoiden: hoc est, Pythagoram, Mnesarchi filium, qui hic Panthoides appellatur, quod ex doctrina sua de aminerum transmigratio in varia corpora, adfirmaret, se septingentis circiter ante annis fuisse illum. ipsum Euphorbum, Panthoi filium, qui ad Trojam occisus fuerat, cum antea exstitisset, Athalides Mercurii filius, subindeque in alios et alios mutatus esset, donec Pythagoras fieret. Cui rei ut fidem faceret, clypeum, qui in Junonis templo haud procul Mycenis inter alia arma adfixus esset, forte eo veniens, fuisse Euphorbi clypeum contendebat, quem Menelaus Euphorbo, a se interfecto, ereptum ibidem suspenderat seu fixerat; hocque ipsum nomen re ipsa ei inscriptum mox, detracto vel refixo eo, repertum esse ferunt.

13) Iterum: nempe primo, cum esset Euphorbus, secundo cum esset Pythagoras.

14) Orco demissum, id est: mortuum. Pars inferorum piis destinata erat, et Elysios campos vocabant; pars impiis, Tartarus dicebatur.

15) Nihil ultra etc. Corpore solo mortuus veluti erat, anima superstite, et in aliud corpus transeunte.

Judice <sup>16)</sup> te, non sordidus auctor  
 Naturae, verique. Sed omnes una manet <sup>17)</sup> nox <sup>18)</sup>,  
 Et calcanda semel via leti.  
 Dant <sup>19)</sup> alios Furiae torvo <sup>20)</sup> spectacula Marti:  
 Exitio est avidum <sup>21)</sup> mare nautis:  
 Mixta <sup>22)</sup> senum ac juvenum densentur funera; nullum  
 Saeva caput Proserpina <sup>23)</sup> fugit <sup>24)</sup>.  
 Me quoque devexi <sup>25)</sup> rapidus comes Orionis

16) Judice te: tu ipse non ignoras illum Pythagoram non sordidum, id est, non contemnendum, optimum auctorem seu magistrum philosophiae, quae naturalium rerum veritatem indagat. Tum celebris enim fama Pythagorae, et doctrina erat, ut hoc etiam nauta, licet alioquin imperitus, scire posset. — Totius ergo loci ordo naturalis, atque sententia haec est: Pythagoras ipse, qui rerum naturalium, ut nosti, scientissimus, atque philosophus peritissimus fuerat; quamvis, detracto e poste templi clypeo Euphorbi, testatus se Trojani belli temporibus Euphorbum fuisse, nihil dederat morti praeter nervos et cutem, id est, corpus; tamen iterum descendere in Orcum est jussus.

17) Manet, exspectat, omnibus imminet.

18) Nox, id est, mors, tenebrosa tota. Sensus: Enimvero moriendi ista necessitas ad omnes pertinet, omnes mori oportet, quamvis diversa mortis sit ratio. Posterius membrum Archytas subjicit, ut ad mortis genus, quo ipse perierit, transitum sibi aperiat, et pro hoc generali: diversa mortis ratio, duo genera mortis adducit.

19) Dant alios: Alii moriuntur in bello, in quo eos Furiae praebent quasi ludibrium et spectaculum Marti, qui cruenta ista tragoedia gaudet; Furiae enim ex antiquissima idea ipsae in proeliis versantur, pugnantesque ad matrem caedem impellunt.

20) Torvo Marti, id est: immiti, fero, qui tali adspectu laetetur.

21) Avidum mare, propter naufragiorum frequentiam.

22) Mixta, promiscue, nullo discrimine senum et juvenum funera densentur, acervantur, senes ac juvenes confertim cadunt, id est, cujusvis aetatis homines morti obnoxii sunt.

23) Proserpina, Plutonis uxor, quae jus quoddam habet in mortuos, utpote inferorum regina. Myth.

24) Fugit, praeterit, excipit, omnes sacrificio parat, nulli parcendo; hinc etiam saeva dicta Proserpina.

25) Devexi, id est: devexa caeli parte conspicui; cadentis, quia ad occasum vergit, occidit. Est enim Orion sidus in vicinia frontis Tauri, quae e septem stellis dignoscitur, versus meridiem conspicuum; quod cum oritur et occidit, id est, hibernis temporibus nocte conspicitur, ventos et procellas excitare dicitur, quia tunc frequentes esse solent, hinc etiam Notus, qui fluctibus Illyricis seu Dalmaticis, id est, mari Adriatico, maxime tempestuosus est, ejus comes nuncupatur. Sensus: quid mirum ergo, si et ipse naturae debitum persolverim, et fluctibus Adriatici maris, a rapido Noto excitatis, obrutus fuerim?

Illyricis Notus obruit undis.  
 At <sup>26)</sup> tu, nauta, vagae ne parce malignus arenae  
 Ossibus, et capiti inhumato  
 Particulam dare: sic <sup>27)</sup>, quodcunque minabitur Eurus  
 Fluctibus Hesperii <sup>28)</sup>, Venusinae <sup>29)</sup>  
 Plectantur silvae, te sospite; multaque merces <sup>30)</sup>,  
 Unde potest, tibi defluat aequo  
 Ab Jove, Neptunoque sacri custode Tarenti <sup>31)</sup>.  
 Negligis <sup>32)</sup> immeritis nocituram  
 Postmodo te natis fraudem committere? Fors <sup>33)</sup> et  
 Debita jura, vicesque <sup>34)</sup> superbae  
 Te maneant ipsum: precibus <sup>35)</sup> non linquar inultis;  
 Teque piacula <sup>36)</sup> nulla resolvent.

26) Sequuntur preces atque obtestationes Archytas de justis corpori suo impertiendis. Omnium scilicet populorum sensu atrocissimum, quod homini post mortem accidere posset, hoc habebatur, si corpus sepultura privaretur. Sensus: tu nauta, ne parce, non intermitte vagae seu mobilis, quae hinc illuc volvitur, arenae particulam dare, id est, aliquid pulveris, terrae, injicere ossibus et capiti, seu, corpori inhumato, quod nondum est sepultum. Malignus, id est, avarus, parcus.

27) Sic: particula ista precantis est. Ita faxint superi, inquit Archytas, ut quancunque procellam Eurus, Orientalis ventus, minabitur se excitaturum in mari Italo, ea procella omnis recidat, ac detonet in silvas Venusinas, te salvo, ac tuis navibus.

28) Hesperii: Italia vocata est Hesperia magna, ab Hespero, quia Graecis ad Occidentem jacebat.

29) Venusium, est civitas Apuliae. Silvae Venusinae, pro omni silva.

30) Merces etc. Maximumque lucrum e navigatione tibi obtingat! Poëtica: Magnum lucrum, unde potest, id est, ex omnibus partibus ex quibus possibile sit, aequo, favente Jove et Neptuno tibi adfluat!

31) Tarenti maxime colebatur Neptunus, quia urbis hujus custos et tutor, a Taro filio ejus aedificatae, habitus est. Est autem Tarentum civitas Italiae in Calabria.

32) Negligis etc. Preces sequuntur minae: An tu id non curas, quod ego te oro? negligis arenam injicere meo corpori? non vereris fraudem, id est, flagitium committere, quod ex te natis, hoc est, filiis tuis, postmodo, id est, longo post intervallo nociturum putas?

33) Fors: fortasse tu ipse adhuc poenas lues crudelitati tuae, superbiae tuae, debitas; fiet, ut vicissim ab aliis insepultus superbe negligaris, ut nunc me negligis. Jura vocat debita, quia jus est, ut ita cuique eveniat; uti de aliis est meritis, et suo ipse exemplo puniatur.

34) Vices superbae: poena facinori superbo et crudeli vicissim debita.

35) Precibus: Eveniet illud, quod imprecor: me superi ulciscuntur.

36) Piacula etc. Nulla sacrificia impedient, quominus poenam luas; ea

Quamquam <sup>37)</sup> festinas, non est mora longa, licebit  
 Injecto ter pulvere curras.

O d e XXIV.

A d I c c i u m.

Occasio et argumentum.

Quum Augustus, et Arabiae felicitis divitiis illectus, utque novam in Parthos viam experiretur, exercitum eo, duce Aelio Gallo, Aegypti praefecto, mittere in animo haberet; quod et, quamquam malo exitu a. u. 730 factum est, Iccius Horatii familiaris, omisso philosophiae studio, praeter omnium opinionem ad militiam se contulit, praedaeque faciundae cupiditate expeditioni isti se adjunxit. Poëta igitur hoc Iccii consilium suaviter ridens de rebus, quas in hac expeditione novus iste heros confecturus sit, facete jocatur, mox vero serio cum eo agit, eique, quod philosophiae studium intermiserit, exprobrat.

Metrum Alcaicum carm. VIII.

Icci, beatis nunc Arabum <sup>1)</sup> invides <sup>2)</sup>  
 Gazis <sup>3)</sup>, et acrem militiam <sup>4)</sup> paras  
 Non ante devictis <sup>5)</sup> Sabaeae  
 Regibus, horribilique <sup>6)</sup> Medo

te non solvent ac liberabunt. Piaculum significat crimen, et sacrificium etiam, quod fit ad illud expiandum.

37) Quamquam etc. Poteris navigationem institutam absolvere, et quamvis festinas, id te non diu morabitur, si ter, id est paucillum, pulverem meo cadaveri injeceris. Licebit curras, id est, porro naviges.

1) Arabia est regio Asiae, ad mare rubrum, quae dividitur in petraeam, felicem et desertam; remotior pars meridionalis nempe est Arabia felix, quae etiam Sabaea dicta est, ab urbe primaria Sabae.

2) Invides: adpetis gazas.

3) Gazis beatis: pro ipsa Arabia, quae his gazis seu opibus beata vel felix est.

4) Militiam paras: id est, militatum abis; quasi dux istius in Arabas expeditionis electus, aut rem maximam in isto bello confecturus sit Iccius; hinc etiam ridens acrem, ferocem, adpellat ejus militiam.

5) Non ante devictis: In Arabiam felicem nondum penetrarunt armis Romani, in petraea tantum partes quasdam ditioni suae subjecerunt. Salse admodum ergo innuit poëta: a te scilicet nunc domandis.

6) Horribili, id est, tam timendo hucusque Romanis hoste Medo seu Parthis nectis catenas, id est, triumphum de iis acturus es, servitutum iis paras.

Nectis catenas. Quae <sup>7)</sup> tibi virginum,  
 Sponso <sup>8)</sup> necato, barbara serviet?

Puer <sup>9)</sup> quis ex aula capillis

Ad cyathum <sup>10)</sup> statuatur unctis <sup>11)</sup>,

Doctus sagittas tendere Sericas <sup>12)</sup> *aut puer*

Arcu paterno? Quis <sup>13)</sup> neget arduis

Pronos <sup>14)</sup> relabi posse rivos

Montibus, et Tiberim reverti;

Quum tu coëptos undique nobiles

Libros Panaetii <sup>15)</sup>, Socraticam et domum <sup>16)</sup>,

Mutare loriceis Hiberis <sup>17)</sup>,

(Pollicitus <sup>18)</sup> meliora tendis <sup>19)</sup>?

Parthos vero Arabibus adjunxit poëta, quia etiam ad hos atque Indos spectare videbatur Galli expeditio. De Parthis vide od. II. not. 42.

7) Continua irrisione Iccio praedam poëta adnumerat, fortitudini ejus praemii loco cessuram. Generalem praedae notionem in specialem convertit, virginem ac puerum captivos ei adsignando. Sensus: Bellum infers Parthis praedae, seu, virginis, ac pueri nobilis potiundi causa.

8) Sponso necato, a te scilicet: per hoc feritatis ac truculentiae notam adspergit philosopho, et modum quo virgo in servitutum ejus adseritur declarat.

9) Puer ex aula; e nobilioribus suae gentis, cujus pater in aula Persica est.

10) Ad cyathum: ut vina tibi in poculum fundat; cyathus enim poculi genus.

11) Unctis: delibutis odorato unguento.

12) Serica, regio in Asia. Seres sunt Indiae populi, ad mittendas sagittas egregie instituti. Significat igitur illum puerum peritum esse jaculandi; et sericas sagittas ponit pro quibuslibet aliis. Multum vero pretii in eo posuerunt veteres, ut haberent pueros aut servos nobiles, et in artibus gentis suae bene institutos.

13) Mutato sententiarum colore aperte jam Iccio poëta exprobrat, quod philosophiae studio relicto miles factus sit.

14) Pronos relabi: qui ante prona et praecipites decurrerant de montibus arduis, nunc mutato cursu retro posse labi ad ipsa montium cacumina. Sententia est: Nihil est tam arduum, tam praeter naturam ordinemque rerum, quod fieri jam posse non credamus; cum te videamus e philosopho militem esse factum.

15) Panaetius fuit stoicus philosophus celeberrimus, Scipionis et Laelii praeceptor.

16) Domus: familiam, scholam, philosophos a Socrate derivatos; eorum libros intelligit. Socrates porro fuit Atheniensis philosophus, Platonis magister.

17) Hiberis, in Hispania fabricatis, ubi ferrum praestans, ergo, e ferro praestantissimo factis.

18) Pollicitus etc. qui meliorem vitae rationem instituisse, philosophiae studiis intentus, nunc pejora iis sequutus, militiam.

19) Tendis, cogitas, paras

## A d V e n e r e m.

Occasio et argumentum.

Quum ex antiquissima opinione Dii sacris adesse putarentur, Horatius usus prisco hoc figmento, Venerem rogat, ut se ad sacrum in Glycerae aedibus faciendum conferat.

Metrum Sapphicum carm. II.

O Venus, regina Gnidi <sup>1)</sup>, Paphique,  
Sperne <sup>2)</sup> dilectam Cypron, et vocantis  
Thure te multo Glycerae decoram <sup>3)</sup>  
Transfer in aedem.

Fervidus tecum Puer <sup>4)</sup>, et solutis  
Gratiae <sup>5)</sup> zonis, properentque <sup>6)</sup> Nymphae,  
Et parum <sup>7)</sup> comis sine te Juventas <sup>8)</sup>,  
Mercuriusque <sup>9)</sup>.

## A d A p o l l i n e m.

Occasio et argumentum.

Cum semper sibi propitium Apollinem credidisset Augustus, praecipue nuper in pugna Actiaca, ne ingratus videretur, templum in Palatio ei exstruxit; cuius solennis

1) Gnidus est urbs Doridis in Caria, in meridionale parte Asiae minoris, Veneris religione, ejusque simulacro a Praxitele sculpto celeberrima; uti et Paphus, oppidum in insula Cypro, Veneris cultu celebris.

2) Sperne: Desere, et veni in sacellum elegans, seu domum Glycerae, te vocantis, multo thure incenso. Glycera probabilis nomen fictum.

3) Decoram, id est, eleganter ornatam.

4) Fervidus Puer, id est, Amor, filius Veneris.

5) Gratiae, perpetuae comites Veneris, p̄ngebantur vestibus discinctis. Vide Myth. uti etiam de Nymphis.

6) Properent, id est, adsint tecum, veniant.

7) Parum comis, id est: minus suavis, hilaris, sine te; quae per te majus decus, majorem venustatem acquirit.

8) Juventas. Dea, praeses juventutis. Hebe. Myth.

9) Mercurius, Deus eloquentiae, ponitur in comitatu Veneris, quia nihil est eloquentius amore.

dedicatio cum a. u. 726 perageretur, solennitatem hujus diei poeta privata religione prosequutus, preces pro se, ut vate, facit. Quarum quidem rationem ac modum ita circumscribit, ut, quum alii divitias omninoque lautioris vitae delicias summam votorum suorum isto die faciant, lautitias istas, ut consentaneum erat, aspernatus, tenuem contra victum, tum animum, qui ab augendi cupiditate alienus partis secure fruatur, rectamque valetudinem cum mente sana, quaeque ad extremam senectutem vegeta permaneat, haec unice ab Apolline precetur.

Metrum Alcaicum carm. VIII.

Quid <sup>1)</sup> dedicatum <sup>2)</sup> poscit Apollinem  
Vates <sup>3)</sup>? quid orat, de paterā novum <sup>4)</sup>  
Fundens liquorem <sup>5)</sup>? Non <sup>6)</sup> opimas  
Sardiniae <sup>7)</sup> segetes <sup>8)</sup> feracis;  
Non aestuosae grata Calabriae <sup>9)</sup>  
Armenta <sup>10)</sup>; non aurum, aut ebur Indicum <sup>11)</sup>;  
Non rura, quae Liris <sup>12)</sup> quietā  
Mordet <sup>13)</sup> aquā, taciturnus amnis.

1) Orditur statim poeta, quasi dubitet, ac secum ipse deliberet, quae maxime sibi hoc festo die ab Apolline expetenda sint: Post tot aliorum preces, quibus fatigatur hodie Apollo, quid tandem orabit vates?

2) Dedicatum, id est: nova aede consecratum, dedicato templo ornatum.

3) Vates: Horatius de se loquitur in tertia persona.

4) Novum, id est: recens haustum e doliis, vel recens ex uvis pressum.

5) Liquorem: effusio vini vel liquoris, libatio dicebatur, eratque sacrificii genus, quo, sicut hostiae in honorem Deorum mactatae interibant, ita liquores effusi peribant. Effundebantur autem vel in aram, vel in mensam, quae arae loco erat, vel in locum, qui habebatur sacer, vel in mare pro Diis marinis, vel in alia loca.

6) Sensus: Non optat poeta divitias, quod per enumerationem, desumit a suo populo divitiarum generibus, declarat.

7) Sardinia est insula prope Siciliam frumenti ferax.

8) Segetes opimas: uberem proventum.

9) Calabria est Italiae regio, prope Siciliam, hodie pars regni Neapolitani, ubi multa sunt pascua. Aestuosa dicitur, quia calore solis fervet, aestuat.

10) Grata, id est: armenta grata adspectu, laeta, nitida, pinguis.

11) Indicum; ex India deportari solitum in Europam.

12) Sensus: Non rura, quae Liris praeterfluit. Est autem Liris fluvius in finibus Latii et Campaniae, quiete fluens, et sine strepitu. Erant in illa regione fertilissima rura ob caeli temperiem, et amoenissimae villae, tum etiam nobilissimae in collibus Formianis et monte Massico vineae.

13) Mordet: adluit, lambit.



Premant <sup>14)</sup> Calena <sup>15)</sup> falce, quibus dedit  
Fortuna, vitem; dives <sup>16)</sup> et aureis

Mercator exsiccat culullis <sup>17)</sup>

Vina Syra reparata <sup>18)</sup> merce,

Dis <sup>19)</sup> carus ipsis; quippe ter et quater

Anno <sup>20)</sup> revisens aequor Atlanticum <sup>21)</sup>

Impune. Me <sup>22)</sup> pascunt olivæ,

Me cichorea, levesque <sup>23)</sup> malvae.

Frui <sup>24)</sup> paratis, et valido <sup>25)</sup> mihi,

Latoë <sup>26)</sup>, dones, et precor, integra <sup>27)</sup>

14) Premere falce, id est, falcem imprimere in vitem, in ramos, adeoque amputare, pro: colere vineam.

15) Cales est oppidum Campaniae, cujus in agro vina erant optima. Sensus: Aliis non invidio vineas istas Campanas.

16) Sensus: Patior etiam, ut mercator dives exhauriat aureis poculis vina, quae comparavit, sive emit mercibus Syris, e Syria ab ipso advectis. Syria est regio Asiae continens Phoeniciam, Palaestinam, Judaeam, Idumaeam etc. omnium rerum ferax.

17) Cululli proprie erant calices fictiles, quibus Pontifices, Virginesque Vestales in sacris utebantur; erant autem sat magni, et ansis instructi. Exsiccat vina in culullis, hoc est, ebibat; bibendo enim vasa vacua fiunt et sicca.

18) Reparata, id est: parata, emta, acquisita; posset vero hoc etiam ad iteratam mercium permutationem trahi, mercatore suas cum Syriis, tum has cum vino commutante. Merces Syriae autem sunt, aromata et unguenta, ex India atque Arabia in Syriae ac Phoeniciae maritima oppida convecta, et inde Romam delata.

19) Sensus: Eumque ipse Dii tueantur, dum toties quoties in mari navigat, et divitias sibi congerit. Per Deos hic intelliguntur, Dii marini: Neptunus, Dioscuri etc.

20) Anno revisens, id est, per annum, in unius anni spatio navigans mare impune, absque jactura, sine naufragio.

21) Mare Atlanticum, mare ad litora occidentalia Africae et Europae, ita dictum, ab Atlante monte in septentrionali parte Africae versus Occidentem, ubi finis orbis Romani ponebatur.

22) Sensus: Ego facili ac tenui victu corpus alens, istas delicias non adpeto, fastidio; sed oliva, cichorea, nostris Enbivie, et malvis contentus sum.

23) Leves: salubres, quod levant corpus, alvum molliter solventes.

24) Sequitur sollemnis conversio ad Apollinem cum votorum expositione. Sententia est: Opibus et bonis (quae paravi, seu quae facile parari possunt, quae obvia sunt, et parvi sumtus, atque adeo semper parata et prompta) o Latoë, sine me frui; dones mihi etiam valido, et mente integra fruunt, precor, ne quondam degere debeam senectam turpem, aut citharae expertem.

25) Valido mihi et integra cum mente: id est, ut mente et corpore valeam.

26) Apollo, Latonae filius.

27) Integra mens, quae non laborat curis, cupiditatibus, vanis studiis etc.

Cum mente; nec turpem <sup>28)</sup> senectam  
Degere, nec citharā carentem.

IO d e XXVII.

## A d L y r a m.

Occasio et argumentum.

Odarii hujus initium ludentem potius, quam argumento alicui intentum ac praeparatum poetam prodit. Animo enim remissiori atque otioso indulgens poeta solenni ritu lyram invocat, ut carmen sibi suppetat, et in hac ipsa statim omnes suas cogitationes subita conversione defigit; dumque hujus vim ac virtutes exponit, totius simul poetæ, maxime lyricæ laudes complectitur. Dum vero eosdem modos, quos olim Alcaeo suggererit, poeta lyram poscit, haud obscure se, et Alcaei imitatore, et poetæ lyricæ inter Romanos auctorem profitetur.

Metrum Sapphicum carm. II.

Poscimur <sup>1)</sup>: — si quid <sup>2)</sup> vacui <sup>3)</sup> sub umbra

Lusimus tecum, quod et hunc in annum

Vivat, et plures; age, dic <sup>4)</sup> Latinum,

Barbite <sup>5)</sup>, carmen, *barbitos m*

Lesbio primum modulate <sup>6)</sup> civi;

28) Turpem, id est, tristitia deturpatam, tristem, morosam; adeoque intelligitur hic senectus hilaris, suavis, jucunda.

1) Poscimur; poscor, impellor; impelli me sentio ad canendum, canere jubeor.

2) Si quid olim cecini tecum, tuas fides pulsando, quod in hunc et in plures annos vivat; dignum adeo, quod ad posterorum memoriam perveniat, quod perpetuo placeat etc.

3) Vacui: id est, soluti omni cura.

4) Dic: id est, ede carmen latinum, seu Romanum, novum, a me inventum, cum olim Graeca funderes, a Lesbio cive, id est, Alcaeo pulsatus. Sententia ergo est: Si unquam carmina feci bona ac diu placitura, nunc imprimis tale mihi contingere cupio, cum te canere jubeor, cui ista debeo Barbite!

5) Barbitos, vox Graeca, significat lyram.

6) Modulate, pulsate. Tu, quem pulsavit et modulavit Alcaeus. Indicat autem Alcaeam primum inter Graecos poetam lyricum fuisse; se primum inter Latinos. Alcaeus Mitylenis in Lesbo insula oriundus. Fuit hic vir eximie

Qui <sup>7)</sup> ferox bello, tamen inter arma,  
Sive jactatam religarat <sup>8)</sup> udo

Litore navim,

Liberum <sup>9)</sup>, et Musas, Veneremque, et illi  
Semper haerentem <sup>10)</sup> Puerum canebat,  
Et Lycum <sup>11)</sup>, nigris oculis, nigroque

Crine decorum.

O decus Phoebi <sup>12)</sup>, et dapibus supremi  
Grata <sup>13)</sup> testudo <sup>14)</sup> Jovis, o laborum  
Dulce lenimen <sup>15)</sup>, mihi cunque <sup>16)</sup> salve <sup>17)</sup>

Rite vocanti.

O d e XXVIII.

### A d s e I p s u m.

Occasio et argumentum.

Horatius, quum sereno caelo tonuisset, cujus phaenomeni naturales causas adsequi non liceret, eo gravissime percussus ad ipsos Deos auctores illud refert, quasque de Diis animo concepisset notiones, Epicureorum placitis simillimas, nunc retractare, providentiamque adeo, quam

fortis, ac patriae amans, pro cuius libertate multa egit, passusque est; quae versu descripsit, moriensque civibus suis reliquit ad posteritatis memoriam.

7) Qui ferox. Sensus: Qui quamvis esset bello adsvetus, quod homines feroces et a Musis alienos reddere solet; tamen sive inter arma degeret, sive post longam et periculosam navigationem versaretur in otio et pace, barbato utebatur; et jam docte aliquot Alcaeï carminum argumenta enumerat, in lusibus et amoribus occupata.

8) Religarat: in litore, in portu post tempestatem ligarat; sive in portu quiescebat.

9) Liberum: Bacchum.

10) Haerentem Puerum: Cupidinem Veneri adfixum, perpetuum ejus comitem.

11) Lycus, Alcaeï amicus. Nigri oculi et crines in pretio erant apud veteres.

12) Decus Phoebi est lyra, quam Apollo gestat, quae eum decorat.

13) Dapibus grata, id est, quae exhilaras convivium supremi Jovis, utpote adhibita in conviviis Deorum.

14) Testudo, lyra. Primum enim lyram e squama, et dorso testudinis, et chordis aliquot compesigisse fertur Mercurius. Myth.

15) Dulce lenimen, consolatio laborum, curarum, molestiarum.

16) Cunque, id est, semper, ubicunque aut quandocunque te vocavero rite, decenter, recte.

17) Salve mihi: Propitia mihi sis tamquam Dea, id est; modos ac carmina mihi suppedites quandocunque illa, vel auxilium a te postulavero.

aliquando negasset, amplecti iterum se coactum manifesto hoc argumento fatetur. Neque vero poetam, ad tempus certe, ista re commotum fuisse, mirum videbitur ei, qui, quam superstitiosa religione alligati Romanorum animi omnium rerum insolitarum causas in Deos verterint, meminerit.

Metrum Alcaicum carm. VIII.

Parcus <sup>1)</sup> Deorum cultor <sup>2)</sup>, et infrequens <sup>3)</sup>,  
Insanientis dum sapientiae <sup>4)</sup>

Consultus erro <sup>5)</sup>, nunc retrorsum <sup>6)</sup>

Vela dare, atque iterare cursus

Cogor relictos. Namque <sup>7)</sup> Diespiter <sup>8)</sup>

Igni corusco <sup>9)</sup> nubila dividens

Plerumque, per purum <sup>10)</sup> tonantes <sup>11)</sup>

Egit equos, volucremque currum:

1) Sensus: Ego, qui ceteris hominibus rectius mihi sapere videbar, inveteratam illam, ac penitus insitam de Diis, eorumque in res humanas vi atque effectu opinionem tamquam vanam atque insulsam irridendo, nunc demum intelligo, quam perverso mentis acumine hoc fecerim, et in quo impio errore versatus sim. Prius membrum per consequens extulit poeta: qui Deorum cultum neglexi, templa eorum non frequentavi. Nam qui Deorum providentiam tollit, is et cultum ipsorum negligat necesse est.

2) Parcus cultor, id est: qui vilia et pauca illis munera tuli.

3) Infrequens est, qui templa Deorum non frequentat, non adit, ut sacra iis faciat.

4) Consultus sapientiae, professus sapientiam, hoc est: deditus opinionibus, quibus repertis vel adscitis sapere mihi videbar, et quas pro verissimis amplectebat, Deorum providentiam tollendo. Propterea hanc sapientiam dicit insanientem, quia nonnisi insanus ac vecors providentiam negare audet.

5) Dum erro, id est, sum; et propter allegoriam a navigatione desumptam: dum a recto cursu deferor, aberro.

6) Nunc retrorsum vela dare, retro navigare cogor, et repetere cursus relictos, viam, a qua aberraveram pro insanientem sapientiam.

7) Sensus: Jovem enim prospicere terrarum orbi, ejusque vim ad omnes res pertingere, evidentissimo argumento deprehendi; quod argumentum poeta desumit a tonitru, sereno caelo exaudito. Censebant autem veteres philosophi, praecipue Epicurei, fulmina omnia ex collisione nubium fieri, nec bene ex fulminibus probari, deos esse. Horatius autem e contra, se expertum affirmat, puro nubibus caelo tonitrua fieri, mittique fulmina, quorum cum nulla causa naturalis adpareret, concedendum erat ea a Deo proficisci, ad homines terrendos et commonendos.

8) Diespiter, Jupiter, dei pater.

9) Igni corusco: fulmine, nubila seu nubes dividente, findente.

10) Per purum: per caelum serenum.

11) Equos tonantes et volucrem, alatum, seu celerem currum; sunt synonyma, per quae tonitru et fulmen designatur.

Quo <sup>12)</sup> bruta <sup>13)</sup> tellus, et vaga flumina,  
 Quo <sup>14)</sup> Styx, et invisi horrida Taenari <sup>15)</sup>  
 Sedes, Atlantæusque <sup>16)</sup> finis  
 Concutitur. <sup>17)</sup> Valet <sup>18)</sup> ima summis <sup>19)</sup>  
 Mutare, et insignem attenuat <sup>20)</sup> Deus  
 Obscura <sup>21)</sup> promens. Hinc <sup>22)</sup> apicem <sup>23)</sup> rapax  
 Fortuna <sup>24)</sup> cum stridore <sup>25)</sup> acuto  
 Sustulit; hic posuisse <sup>26)</sup> gaudet.

12) Sententia ita efferenda erat: Quum tonitru ventorum ac nubium, conflictu oriri creditum sit; Jupiter, quo fulmen sibi ereptum vindicaret, sereno caelo tonuit, sicque vim suam ostendit, totam naturam perterrefaciendo.

13) Bruta tellus, id est: gravis, immobilis, iners; ex antiqua opinione, qua credebatur, solem circa terram moveri.

14) Styx: fluvius Tartari. Myth.

15) Taenari sedes. Inferi. Est Taenarus promontorium ad antrum quoddam in Laconia, ex quo poëtae fingebant descendi ad inferos. Itaque pro ipsis inferis sumitur. Invisi, pro non visi, obscuri, qui iter tenebricosum pandit.

16) Finis Atlanteus, pro fine terrarum. Atlas enim mons Africae in Mauritania, ubi finem orbis ponebant veteres.

17) Certissimum hoc providentiae divinae argumentum! Deorum numine omnia per universum terrarum orbem geri atque administrari, nunc plane persuasus sum. Pro hoc generali specialem et luculentissimam rei ideam posuit poëta, rerum humanarum vicissitudines ad Deos auctores referendo, ipsisque imperium in reges adeo vindicando.

18) Valet, id est, potest. Sensus: Est omnino Deus aliquis, qui humana gubernat.

19) Summis etc.: Potest, quae infimo loco posita sunt, summis, id est in summum mutare; et quae in summo, in infimum locum reponere, ac retrudere.

20) Attenuat: abjicit, tenuem et contemptum facit, id est, honoribus insignem obscurat.

21) Obscura promens, id est, in lucem proferens: obscuro homines et ignotos in luce honorum collocat, e tenebris educit. Docta ratione invertit ac variavit genera poëta: ima, insignem, obscura; cum pedestris sermo masculino genere totam sententiam extulisset.

22) Sensus: Deus huic imperium aufert, atque in illum transfert. Est igitur ulterior sententiae antecedentis amplificatio et exornatio.

23) Pro imperio est ejus insigne, diadema, et pro hoc paulo audacius, apex positus. Nam regum Persarum omninoque Orientis regum insigne erat diadema, apice munitum, tiara.

24) Fortuna posita est pro Deo, et dicitur rapax, quia rapaciter, subito, celeriter, praeter spem rapit bona.

25) Cum stridore acuto: id est, gravi et procelloso, quasi cum strepitu, nempe alarum.

26) Posuisse, id est: imponit apicem, imperium defert; et inde voluptatem capit.

## A d F o r t u n a m.

Occasio et argumentum.

Quod Augustus duo bella, alterum in Britannos, quo ipse exercitum ducturus erat, alterum in Arabiam ductu Aeli Galli gerendum a. u. 727 adpararet, faustas has populo Romano expeditiones adprecaturus poëta, vota in preces convertit, ac Fortunae pro Augusti exercitusque incolumitate supplicat. Facta hac augusta ad Fortunam conversione, consentaneum erat, ut carmen hymni naturam indueret, et in celebrandis Deae ejusque potentiae laudibus occuparetur, atque hisdem solenni conclusionis formula preces subjungerentur. Rogat autem Fortunam, ut servet Augustum cum exercitu, ex flore juventutis Romanae adversus Britannos collecto, neve ob praecedentia bella civilia irascatur Romanis. Destinatus fuisse videtur hic hymnus religioso usui in templo Fortunae Antii, quia preces poëtae ad Fortunam Antiatem directae sunt, quae Romanorum praeprimis fautrix, iisque propitia esse credebatur, et peculiaria quaedam adtributa habebat.

Metrum Alcaicum carm. VIII.

O Diva, gratum quae regis Antium <sup>1)</sup>,  
 Praesens <sup>2)</sup> vel imo tollere de gradu  
 Mortale <sup>3)</sup> corpus, vel superbos <sup>4)</sup>  
 Vertere funeribus triumphos:

1) Antium, Latii quondam civitas maritima, templo Fortunae, portu et multis procerum Romanorum, qui saepe illuc secedebant, palatiis clara; propterea dicitur gratum, amoenum Antium. Fortuna illud regere dicitur, hoc est, illi praeesse, ibi coli praecipue. Invocat autem hanc Fortunam poëta, quia forte sortes Antiatinae de suscipienda expeditione consultae, aut sacra Fortunae Antiatum pro felici successu ab Augusto facta sunt.

2) Praesens, id est: potens tollere, constructio Graeca, pro, ad tollendum, promovendum.

3) Mortale corpus, id est, hominem ex infimo gradu, vel statu.

4) Superbos, splendidos, magnificos triumphos funeribus, seu in funera vertere, hoc est: pompam triumphalem in funebrem convertere, mutare, ut adeo pro triumpho, quem acturus erat victor, funus ejus ducatur. Sensus vulgaris: De summo gloriae fastigio ad perniciem deturbare.

Te <sup>5)</sup> pauper ambit <sup>6)</sup> sollicita prece  
 Ruris <sup>7)</sup> colonus; te dominam <sup>8)</sup> aequoris,  
 Quicumque Bithyna <sup>9)</sup> lacessit  
 Carpathium <sup>10)</sup> pelagus carina.  
 Te <sup>11)</sup> Dacus <sup>12)</sup> asper, te profugi Scythae <sup>13)</sup>,  
 Urbesque, gentesque, et Latium <sup>14)</sup> ferox,  
 Regumque matres <sup>15)</sup> barbarorum, et  
 Purpurei <sup>16)</sup> metuunt tyranni;  
 Injurioso ne pede proruas <sup>17)</sup>  
 Stantem columnam; neu populus frequens <sup>18)</sup>

5) Sententia est: Potentia tua quaquaversum patet; totus terrarum orbis a tuo nutu pendet; pro hoc autem dicit poeta: Vim tuam, numen tuum omnes sentiunt et venerantur, et illud, omnes, per enumerationem declarat.

6) Ambire precibus, est, rogare supplicando, ut solebant candidati, qui honores ambiebant.

7) Ruris colonus, agricola.

8) Te dominam aequoris, subintelligitur, ambit: id est, Mercator implorat te, ut navigatio sua salva sit; navigatio enim omnino dubia et incerta est.

9) Bithyna carina, id est, navis, Bithyna merce onusta, nam Bithynia florebat mercatura, et maxime Romanis frequentabatur.

10) Carpathium mare, mediterranei pars, ad Aegyptum vergens; ita dicitur ab insula Carpatho, inter Rhodum et Cretam sita. Hic positum est, pro mari in genere.

11) Poeta imaginum, quibus Fortunae imperium in universum terrarum orbem ulterius exornet, ac repraesentet, ubertate quasi tumens et confusus specialibus notionibus generales subjicit; tum iterum per species rem declarat, iisque immoratur.

12) Dacus: Gens bellicosa, ferox, ubi nunc Moldavia, Servia et Bulgaria.

13) Scythae profugi, vagi, sedem perpetuo commutantes. Populi septentrionales, quorum plaustra vagas rite trahunt domos; in sua patria velut exules et profugi.

14) Latium ferox, pro universo populo Romano, cujus maxima gloria armis quaesita, atque parta.

15) Matres principum barbarorum, quae liberis timere solent; nam praeter Phryges Persae maxime Graecis barbari dicti sunt. Alii etiam interpretantur de Phraate ejusque matre, vide od. XXI. not. 6.

16) Purpurei tyranni, id est, reges purpura induti; pertinet omnino ad splendorem atque luxum regalem, qui de Persarum regibus satis notus est.

17) Ne proruas: metuunt, ne evertas suum imperium, et Republicam florentem, ac instar columnae firmae stantem. Cave putes esse hanc Horatii precationem; ea enim odiae extremae adservatur, estque proCaesare tota. Locus namque hic sic est intelligendus: Daci, Scythae, Romani metuunt, ne incolumem regni sui statum pessumdes; tyranni autem, ne seditione civium imperio exuantur.

18) Frequens, congregatus ad seditionem conspiret, et ceteram multitu-

Ad arma cessantes, ad arma  
 Concitet, imperiumque frangat.  
 Te <sup>19)</sup> semper anteit saeva Necessitas,  
 Clavos trabales <sup>20)</sup>, et cuneos <sup>21)</sup> manu  
 Gestans aëna <sup>22)</sup>; nec severus <sup>23)</sup>  
 Uncus abest, liquidumque <sup>24)</sup> plumbum.  
 Te <sup>25)</sup> Spes, et albo <sup>26)</sup> rara Fides colit <sup>27)</sup>  
 Velata panno; nec comitem abnegat <sup>28)</sup>,  
 Utcunque <sup>29)</sup> mutata potentes  
 Vestes domos inimica linquit.  
 At vulgus <sup>30)</sup> infidum, et meretrix retro  
 Perjura cedit: diffugiunt cadis <sup>31)</sup>

dinem cessantem, alios cessantes, concitet, instiget ad arma (quod cum vi repetitum, quasi adclamatio sit, ad arma, cives, ad arma!) in tyrannum capiessenda, sicque imperium, id est, imperii statum frangat, evertat abolita tyrannide.

19) Declarata per partes Fortunae potentia, nunc, quae illa in homines constituat, certissimum eventum habere, neque precibus ea averti, aut vi propulsari posse, vivida pictura ostendit; quapropter etiam dicit, Necessitatem praecedere Fortunam.

20) Clavi trabales sunt, quibus trabes compinguntur, ac proinde majores et crassiores.

21) Cunei, in latum acumen desinentes, inseri solent, ut validius adstringerent atque continerent.

22) Aëna, forti, dura, instar aeris.

23) Severus uncus, tenax, vi impactus, quo lapides aliaque consolidantur.

24) Liquidum, seu liquefactum plumbum, unco, quo firmior saxis inhaereret, circumfusum. Sunt autem haec mera attributa Necessitatis, ad indicandam immutabilitatem Fortunae.

25) Specialibus jam ideis immoratur poeta, et, quam vim fortuna adversa ad animos hominum habeat, exponit. Vulgarem sententiam: In adversa fortuna restare misero spem et fidem, hoc est, fidos amicos, animat poeta, Fortunae attribuendo, quae proprie ad eum spectarent, qui malignam eam experitur.

26) Albo etc. candidis induta vestibus, Fides enim pura et simplex debet esse. Rara autem dicitur, quia paucorum est vera fidelitas.

27) Colit, id est, amat ac sequi gaudet.

28) Abnegat etc. Te comitem non aspernatur, semper te comitantur Spes et Fides.

29) Utcunque etc.: Quodcumque mutata veste, pro albis nigris vestibus induta, relinquit domos potentium, et divitum; per Fortunam enim abeuntem et avolantem indicatur fortuna adversa.

30) Vulgus: Major pars amicorum. Sensus: Fideles amici domus a fortuna relictas, et amicos infelices non deserunt: sed populus, qui solam utilitatem suam spectat, discedit. Meretrix, id est, pellex inconstans, etiam si jure jurando se ad fidelitatem obstrinxerit, tamen cum fortuna abit.

31) Cadis siccatis: Ubi vident exhaustos ad imam usque faecem cados,

Cum faece siccatis amici,  
 Ferre jugum pariter dolosi.  
 Servus<sup>32)</sup> iturum Caesarem in ultimos<sup>33)</sup>  
 Orbis Britannos, et juvenum recens  
 Examen<sup>34)</sup>, Eois<sup>35)</sup> timendum  
 Partibus, Oceanoque<sup>36)</sup> rubro.  
 Eheu<sup>37)</sup> cicatricum et sceleris<sup>38)</sup> pudet  
 Fratrumque. Quid nos dura refugimus  
 Aetas? quid<sup>39)</sup> intactum nefasti<sup>40)</sup>  
 Liquimus? unde manum juvenus<sup>41)</sup>  
 Metu Deorum<sup>42)</sup> continuit? quibus  
 Pepercit aris? O utinam<sup>43)</sup> nova

nihil superesse, quod rapiant et liguriant, vel, unde utilitatis aliquid capiant; affugiunt amici falsi, jugum, id est, adversam fortunam ferre dolosi, seu, in ferendo jugo pariter una cum amico, perfidi, se subducentes calamitatibus.

32) Exposita Deae potentia, nunc jam ad preces se convertit poeta. Serva igitur Caesarem etc.

33) Ultimos etc.: Angliam, et vicinas quasdam Angliae insulas, esse orbis finem a septemtrione veteres putaverunt.

34) Examen etc.: Exercitum recentibus copiis collectum et ad bellum eductum. Metaphora ab apibus desumpta.

35) Eois: Orientalibus regionibus. Parthos et Medos intelligit, qui exercitum hunc ducendum in Orientem contra se arbitrabantur ob Crassum a se ante annos aliquot interfectum. Non autem ivit Augustus in Angliam; quia egatos Angli miser ad illum de pace in Galliam.

36) Oceano rubro: Mari Erythraeo, Arabico, pro Orientis populis, Arabibus et Parthis. Meditabatur enim etiam in Arabes bellum Augustus, quod iis anno post tertio intulit; hic intelligenda est Aelii Galli expeditio, de qua vide Odam XXIV. Argum.

37) Ex eo, quod ducat Caesar exercitum in Barbaros et disjunctos populos, occasionem sumit poeta belli civilis defendi, et externi belli laudandi. Sententiarum nexus sequens esse videtur: Serva Augustum cum exercitu, atque curam populi Romani, quem, bellis civilibus immersum, aliquamdiu aversata es, iterum suscipe: pudet enim nos sceleris, quo divina humanae jura violavimus.

38) Sceleris, vulnere, caedis, pugnae civilis, seu belli civilis scelerati, quod ortum sub Julio Caesare, et iterum cum Antonio.

39) Quid sceleris non suscepimus nos aetate hac dira et prope ferrea nati. Dura aetas, id est, nos duri, crudeles.

40) Nefasti: Nihil non nefarie attigimus, quod adeo tangere nefas erat: res sacras, templa Deorum violavimus, caede polluimus, diripimus.

41) Juventus, id est, milites. A quo scelere nostros exercitus religio detinuit?

42) Metu Deorum, id est, Deos vindices reverita.

43) Utinam hostes potius Romani imperii iis armis, quae in nosmet convertimus, petantur, ac deleantur!

Incude diffingas<sup>44)</sup> retusum<sup>45)</sup> in  
 Massagetis<sup>46)</sup> Arabasque ferrum.

O d e XXX.

## Ad Plotium Numidam.

Occasio et argumentum.

Numida quodam e gente Plotia, Horatii familiari, ex Hispania, confecta a. u. 730 Augusti in Cantabros, cui ille interfuit, expeditione, Romam post trium annorum absentiam reverso, poeta tum ipsi, cum amicis ejus, e quibus Lamiam honoris causa nominat, felicem reditum gratulaturus, in gaudii, quo primum ad canendum impulsus fuerat, adfectu declarando occupatur, quoque magis eum testatum faciat, diem votis, pro servato amico Diis persolvendis, festisque epulis celebrandum indicit ita, ut in vivida harum epularum descriptione praecipue occupatus sit.

Metrum Glyconio - Asclepiadeum carm. III.

Et<sup>1)</sup> thure, et fidibus<sup>2)</sup> juvat  
 Placare<sup>3)</sup>, et vituli sanguine<sup>4)</sup> debito  
 Custodes Numidae Deos;  
 Qui nunc, Hesperia<sup>5)</sup> sospes<sup>6)</sup> ab ultima,  
 Caris multa<sup>7)</sup> sodalibus,  
 Nulli plura tamen, dividit oscula,

44) Diffingas: Iterum in Massam conflata refingas, recudas atque veritas in Massagetis.

45) Retusum: In bellis civilibus hebetatos et attritos enses.

46) Massagetae sunt Scythiae populi, Parthiae vicini. Arabas autem commemorat propter supra inductam expeditionem Aelii Galli.

1) Sensus: Lubens voto, cui, Numida incolumi reverso, obstrictus sum, me nunc exsolvo, sacrum Diis, pro ejusdem salute promissum, adeoque debitum offerendo.

2) Fidibus: carminibus lyricis.

3) Placare, id est, venerari, satisfacere illis, et vota persolvere, quae promisi, si amicus rediret.

4) Sanguine, pro, sacrificio debito, quia illud promisi.

5) Hesperia vocatur Hispania, et quidem ultima, id est, in ultimo orbe posita, ad Occidentem versa, ut distingueretur ab Italia, quae dicitur etiam Hesperia; sic autem vocatur ab Hespero stella, quae occidente sole adparet.

6) Sospes: Reversus incolumis.

7) Multa. Sensus: Quamvis amicos, de ejus reditu laetos, amplectatur

Quam dulci<sup>8)</sup> Lamiae; memor  
 Actae non alio rege<sup>9)</sup> pueritiae,  
 Mutataeque<sup>10)</sup> simul togae.  
 Cressa<sup>11)</sup> ne careat pulchrâ dies nota<sup>12)</sup>:  
 Neu<sup>13)</sup> promptae<sup>14)</sup> modus amphorae,  
 Neu morem in Saliûm<sup>15)</sup> sit requies pedum:  
 Neu<sup>16)</sup> multi Damalis<sup>17)</sup> meri  
 Bassum<sup>18)</sup> Thrœicia vincat amystide: <sup>19)</sup>  
 Neu desint epulis rosae,  
 Neu vivax apium<sup>20)</sup>, neu breve<sup>21)</sup> lilium.

omnes suavissime, ac deosculetur, nullum ex iis tamen suavius, quam Lamiam; quippe meminit, se eodem rege pueritiam egisse, sub quo etiam egit Lamia

8) Dulci: suavi, veteri amico, caro.

9) Rege, id est, magistro, gubernatore, qui instituendae regendaeque juventuti amborum praefectus erat; adeo nempe a pueritia cum eo conjunctus fuit. De paedagogis vide Antiquit.

10) Mutatae etc.: Togam praetextam exuebant anno aetatis 17<sup>o</sup>, quo sumebant virilem togam, ac moderatores pueritiae dimittebant. Antiquitat.

11) Sensus: Festus igitur hic dies habeatur, hilariterque transigatur. Hilaritatem specialibus ideis poeta declaravit per computationem, saltationem, et epulas, et, qui epulis inserviant, florum copiam.

12) Cressa nota, id est, alba nota, creta ducta, terra cretica candida: quia in hac insula effoditur, a qua etiam nomen cretae duxit. Sensus est: Hic dies creta, seu nota distinguenda, inter felicissimos consignetur, et numeretur; notabant enim veteres dies felices albis lapillis seu calculis, infaustos vero nigris.

13) Neu: Neque modus sit, adhibeatur vini ex amphora hauriendi, id est, in potando excedere modum decet, fas est per diei solennitatem.

14) Promptae, id est: quae cito et sine mora petenti detur, vel: de-promptae, eductae et cella vinaria.

15) Saliûm in morem: Ut solent saltare Salii, Martis Sacerdotes, qui festis suis diebus saltationem exercebant in honorem Martis, summa agilitate iterum pedibus percutientes.

16) Sensus: Ne vincat Damalis Bassum, hoc est: certent inter se amy-stide, bibendo.

17) Damalis multi meri, id est, Damalis ebriosa femina: nomen cujusdam mulieris bibacis.

18) Bassus etiam potor egregius.

19) Amystis, Graeca vox, significans, poculi genus grande, quod sine interspiratione exhauriendum erat ex *μυστῶ* respiro et particula privativa. Threiciam vocat, vel quia revera Threïssa erat origine, vel quia Thraces ebriosi ferebantur, et ejus modi certamina, in quibus pocula uno ductu exhauriebantur, apud eos in usu fuerant.

20) Apium; herba diu virens et florescens. *Eppisch*

21) Breve, id est: cito deflorescens.

Ode XXXI.

## Ad Sodales.

Occasio et argumentum.

Pugna Actiaca a. u. 725 commissa, etsi sequentis demum anni initio Alexandriam Augustus peteret, eaque capta Antonium et Cleopatram ad voluntariae mortis desperationem adigeret; poeta, quo et fortius legentium animos feriret, rei que gestae dignitatem extolleret, ab historiae veritate discessionem facit hactenus, ut rem tamquam continuo gestam, Augustum adeo Antonio et Cleopatrae et pugna ista fugientibus instantem, obsessamque statim captamque ab eo Alexandriam, tum necem Cleopatrae insequutam traderet. Initio statim carminis effusioris laetitiae sensum, quo contactus ad canendum accesserat, praese ferens poeta ad communem hilaritatem sodales exhortatur, diemque festis epulis celebrandum indicit. His enim patriae quemque amantissimum nunc vacare, omnique omnino laetitiae genere certare oportere, propulsato, quod metu omnium continuisset animos, patriae periculo. Quum enim Cleopatra imperii Romani potiundi spem impotenti animo concepisset, ab hac, superata ac incendio absumta ejus classe, tam turpiter dejecta est, ut iuga vitae suae consulere necesse haberet, eoque tandem inopiae; instante Octaviano, redigeretur, ut, ne in hostium potestatem veniret, ipsa sibi manus inferret. Scriptum est hoc carmen, uti ex praecedentibus patet, a. u. 724.

Metrum Alcaicum, ut in carm. VIII.

Nunc<sup>1)</sup> est bibendum, nunc pede libero<sup>2)</sup>  
 Pulsanda tellus; nunc Saliaribus<sup>3)</sup>

1) Generalis sententia est: Hilariter nunc festum agamus diem! Pro hoc statim, quibus animum exhilarari vult, commemorat vinum, saltationem, epulas; fere, ut in praecedenti ode.

2) Libero pede, id est, a catenis, quae a Cleopatra timendae erant; seu, recuperata libertate.

3) Saliaribus dapibus: salii sacerdotes, de quibus superiori ode dictum est, lautissimas ac splendidissimas habebant epulas, pro quibus hic dapes positae sunt, adeo, ut inde natum sit proverbium Saliarium caenarum; ac proinde sensus est: nunc epulae adparentur splendidae ac magnificae pro diei solennitate.

Ornare pulvinar<sup>4)</sup> Deorum.  
 Tempus erat<sup>5)</sup> dapibus, sodales.  
 Antehac<sup>6)</sup> nefas depromere Caecubum<sup>7)</sup>  
 Cellis avitis<sup>8)</sup>, dum<sup>9)</sup> Capitolio<sup>12)</sup>  
 Regina dementes<sup>10)</sup> ruinas,  
 Funus<sup>11)</sup> et imperio parabat  
 Contaminato cum grege turpium  
 Morbo virorum; quidlibet impotens  
 Sperare<sup>14)</sup>, fortunâque dulci  
 Ebria<sup>15)</sup>. Sed<sup>16)</sup> minuit<sup>17)</sup> furorem  
 Vix una sospes navis ab ignibus<sup>18)</sup>:

4) Pulvinar: Post victoriam insignem aliquam solebant Romani Diis suis quasi epulum praeberere. Itaque mensas in templis struebant, ac dapibus cumulabant, circa mensas sternebant lectulos cum pulvinaribus, iisque Deorum, quasi convivarum, statuas imponebant.

5) Tempus erat, Graece, pro, tempus est.

6) Sensus: quod antea, republica in summum discrimen adducta, nefas seu impium fuisset, civem Romanum dedecuisset.

7) Caecubum, vinum generosum, in monte Campaniae Caecubo.

8) Avitis: in quibus illud avi, majoresque nostri considerant.

9) Sensus: eo tempore, quam regina Cleopatra dementi, et irrito conatu pararet evertere Capitolium, et imperium Romanum extinguere.

10) Dementes ruinas, id est, a demente regina conceptas.

11) Funus, id est, exitium.

12) Capitolium, pro republica: templum erat Jovis in clivo Tarpejo, dictum ab hominis capite, ibi invento, dum fundamenta ejus effoderentur. Aeternitatis autem rei Romanae templum hoc certissimum pignus habebatur.

13) Contaminato, id est, corrupto cum grege virorum, eunuchorum et spadonum, turpium morbo, id est, turpi morbo infamium, seu, qui solent turpi morbo laborare.

14) Impotens sperare: quae ea erat animi impotentia, adeo demens et vecors, ut auderet omnia sperare, etiam illa, quae fieri nulla ratione poterant. Promiserat enim Antonius Cleopatrae se Romanum imperium translaturum in Aegyptum, ipsamque dominam orbis facturum, quod ipsa sperare ausa erat, impuris suis spadonibus cincta.

15) Ebria, id est, insaniens, elata, insolens facta dulci fortuna, hoc est, fortunae blanditiis.

16) Sententia brevis: spem tamen istam abiecit, classe ab Octaviano ad promontorium Actiacum graviter adflicta.

17) Minuit: sed ejus potentiam et audaciam fregit accepta clades ab Augusto, qui vix unam ex ejus navibus ab incendio sospitem reliquit, et ejus animum furiosum, et vino ebrium Mareotico, quod in conviviis cum Antonio celebratis hauserat, veris timoribus implevit, non falsis, ut ejus spes erant falsae.

18) Ignibus: Haec spectant ad Antonii classem, quae ab eo deserta,

Mentemque lymphatam<sup>19)</sup> Mareotico<sup>20)</sup>

Redegit in veros timores

Caesar, ab Italia volentem<sup>21)</sup>

Remis adurgens<sup>22)</sup>: accipiter velut

Molles<sup>23)</sup> columbas, aut leporem citus

Venator in campis nivalis

Haemoniae<sup>24)</sup>: daret<sup>25)</sup> ut catenis

Fatale<sup>27)</sup> monstrum<sup>26)</sup>; quae<sup>28)</sup> generosius<sup>29)</sup>

Perire quaerens, nec muliebriter

Expavit ensem, nec<sup>30)</sup> latentes

Classe cita reparavit oras;

in longum fortissime pugnandi constantia perseveravit, et tandem pene tota cremata est. Cleopatra enim cum 60 navibus, vix inito proelio aufugerat, et Antonius eam sequebatur.

19) Lymphatam: furore perturbatam. Latinis enim lymphatus ponitur pro furioso, quia, qui a rabioso cane sunt morsi, aquam metuunt, et ille aquae metus, lymphaticus morbus vocatur.

20) Mareotis est palus et regio Aegypti, ubi optimum vinum nascebatur.

21) Ab Italia volentem: procul a finibus Italiae fugientem. Actium quidem, ubi pugna committebatur, est promontorium Epiri in Graecia; attamen transitus in Italiam navibus Cleopatrae, si vicisset, facilis erat per mare Adriaticum.

22) Remisürgens, id est: celerrime persequens.

23) Molles, id est, timidas.

24) Haemonia est Thessalia, ita dicta ab rege quodam suo Aemone.

25) Daret catenis: ut in vincula conjiceret, id est, ut viva ea potiretur, eamque triumphali pompae reservaret.

26) Monstrum adpellat Cleopatram poeta, ut ingentes, et ideo vanas spes ejus, quae ruinam imperii Romani intendeabant, et simul audaciam atque libidinem, omnem modum excedentem, indicaret.

27) Fatale, id est: perniciosum populo Romano, quasi a fato quodam et ira Superum inmissum.

28) Sententia vulgaris: illa autem indignum rata hoc modo perire, gloriosorem vitae exitum, ense arrepto tentavit; cumque mori decrevisset, non ignotos maris aut Nili recessus, in quibus delitesceret, sed regiam animo plane regio petiit, ibique regali induta cultu, admota corpori aspide, mortem sibi conscivit.

29) Generosius, splendidius, quam in catenis et triumpho; id est: mortis genere, quod magis reginam deceret, quam quo ignominiose per triumphum, manibus revinctis, ducta in carcere necaretur. Vim enim sibi, prolato telo, inferre conabatur, Proculejum, qui eam ad Octavium ducturus esset, conspiciata, qui illud manibus ejus vix extorsit.

30) Nec classe, quacum e proelio effugerat, cita, citato cursu, id est, fuga praecipiti reparavit, paravit, quaesivit, petiit oras latentes, hoc est, loca latebrosa, tutos recessus, quo Augustus non secuturus fuisset.

Ausa et jacentem <sup>31)</sup> visere regiam  
 Vultu sereno, fortis <sup>32)</sup> et asperas  
 Tractare serpentes, ut atrum  
 Corpore combiberet venenum;  
 Deliberata morte ferocior <sup>33)</sup>:  
 Saevis <sup>34)</sup> Liburnis <sup>35)</sup> scilicet invidens <sup>36)</sup>,  
 Privata deduci <sup>37)</sup> superbo  
 Non humilis mulier triumpho.

O d e VIII.

### Ad Puerum Ministrum.

Occasio et argumentum.

Simplicitatem in convivio adornando commendatur  
 poeta speciali eam idea, quam ipsum anni tempus suppe-

Cogitavit quidem primo de transvehendis e Nilo in sinum Arabicum navibus, et inde Arabiam vel Hispaniam petere voluit; abiecit tamen istud consilium, cum naves aliquot, primum transmissas ab Arabibus Petraeis, combustas audisset.

31) Jacentem regiam, id est: ausa est intrare adflictam, prostratam aulam regiam sereno vultu, hoc est ad laetitiam composito, quo ipsa animum magnum et fortem prodebat.

32) Fortis: forti animo tractare, manibus versare, corpori admovere serpentes asperas noxias, iratas, ut morsu earum venenato periret; subintelligitur: ausa est.

33) Ferocior: tanto animosior, cum mors ei esset deliberata. Naturali cogitandi ordine haec sententia praeposenda fuisset: adeo parum recessus notos petiit, ut potius, quam statim post pugnam Actiacam de morte sibi consciscenda deliberasset, eamque decrevisset, tanto animosior inde facta, ausa sit adhuc intrare etc.

34) Sensus: ne captiva Romam ad triumphum duceretur.

35) Liburnis navibus nempe angustioribus, in Liburnia, Illyrici regione, factis, quales erant illae, quibus Augustus in proelio navali contra Antonium usus erat.

36) Invidens: indignata et nolens, ob superbiam, hunc honorem navibus Liburnis, a quibus victa erat, et quae ideo saevae adpellantur, tribuere, ut iis Romam duceretur.

37) Deduci: duci ex Aegypto in Italiam, ut privata mulier, ipsa quae non obscuro, et infimo loco nata, sed nobilis et regina erat. Quidam, non humilis, etiam explicant: non parvo animo, et fracto. Est autem ordo: scilicet invidens hanc Caesari gloriam, ut ipsa, tanti nominis, tantae dignitatis mulier, capta et regno spoliata, instar feminae privatae, in Liburnis navibus, tamquam in triumpho, Romam deduceretur.

ditaret, eleganter ita expressit, ut nimiam pueri in conquirendis rosis, quae jam fere defloruissent, sedulitatem increpet, solamque myrtum, cujus facillima copia sit, coronis nectendis adhibere jubeat.

Metrum Sapphicum carm. II.

Persicos <sup>1)</sup> odi, puer <sup>3)</sup>, adparatus <sup>2)</sup>;  
 Displacent nexae philyra <sup>4)</sup> coronae;  
 Mitte <sup>5)</sup> sectari, rosa quo locorum  
 Sera moretur.

Simplici <sup>6)</sup> myrto nihil adlabores  
 Sedulas, curo; neque te ministrum <sup>7)</sup>;  
 Dedecet myrtus, neque me sub arcta <sup>8)</sup>  
 Vite bibentem.

1) Sensus: ego non quaero, non adpeto splendida convivia.

2) Persicos adparatus: splendidum luxuriosum convivandi morem, v. g. odores, unguenta etc. Persae enim in conviviis erant imprimis sumptuosi, et multarum deliciarum.

3) Puer: servule.

4) Philyra, est cortex interior, ac tenuissimus, ex arbore tilia decerp- tus; seu membranula nectendis floribus adhibita, cum in taenias ducebatur.

5) Mitte: noli, omitte investigare, ubi nascantur rosae tardiores.

6) Sensus: curo, cupio, volo, jubeo, ut nihil labores sedulo addere pro convivii adparatu ad simplicem myrtum; nihil nisi coronas e myrto volo. Myrtus adhibebatur in conviviis boni odoris causa, et quia fumos vini discutere credebatur.

7) Ministrum, id est, pocula mihi ministrantem.

8) Arcta, id est, densa, umbrosa. Cogit vero vitem ulmo vel populo adnexam, atque arctis pampinis ac ramis densam umbram efficientem.

*Arcta in Juliae Florae  
 in pin. bay. f. 18.*



# Q. Horatii Flacci

## Carminum

### Libri secundus.

#### Ode I.

### Ad C. Asinium Pollionem.

#### Occasio et argumentum.

C. Asinius Pollio, virtute bellica prudentiaque clarissimus, idemque in causis forensibus agendis exercitissimus, tragoediarumque scriptor nobilissimus, quum in enarranda bellorum civilium, quibus ipse interfuisset, historia occupatus esset, hoc ad eum carmen scripsit Horatius. Laudat et exhortatur Pollionem, ut, quod tam praeclare inchoaverit, opus, quamprimum ad finem pertextat. Jam quae illud tam desideratum faciant, et cur ab eo potissimum tam enixe efflagitet, duas maxime adfert causas: et operis suscepti difficultates, quas eum optime profligaturum sciat; et, quam summam ei tribuit, artem historicam. Ac hujus quidem alteram virtutem, quam adferre debet historicus, prudentiam civilem, initio statim carminis docte declarat, mirificeque in Pollione extollit; alteram autem, quae in rerum gestarum descriptione versatur, mox uberius designat, coloribusque vividissimis repraesentat. Delatus sic, animoque complexus singularum rerum gestarum memoriam, impetu quodam ad contemplandam detestandamque bellorum istorum atrocitatem abripitur, a quo se demum praeclara inflexione revocat. Scripta est haec ode circa a. u. 719.

Metrum, quod L. I. ode 8.

Motum <sup>1)</sup> ex Metello consule civicum,

1) Perfectissimum in forma operis sui Pollionem statim initio carminis poeta repraesentat, bellorum civilium descriptionem, totiusque operis ambitum iis adumbrando coloribus, qui et suscepti laboris difficultates, miramque in iis profligandis dexteritatem, omninoque historiam ejus, tamquam consummatae artis exemplum ostendunt. Vulgaris enunciatio esset: tu, o Pollio, bellorum civilium historiam paras, arduum omnino, atque

Bellique causas <sup>2)</sup>, et vitia <sup>3)</sup>, et modos <sup>4)</sup>,  
 Ludumque Fortunae <sup>5)</sup>, gravesque  
 Principum amicitias <sup>6)</sup>, et arma,  
 Nondum expiatis uncta <sup>7)</sup> cruoribus,  
 Periculosae plenum opus <sup>8)</sup> aleae  
 Tractas, et incedis <sup>9)</sup> per ignes  
 Suppositos cineri doloso.  
 Paullum <sup>10)</sup> severae Musa <sup>11)</sup> tragoediae

difficile opus! Tractas, exponis, describis motum civicum, motus civiles, quae turbae in republica exstiterint, quorum factiones civitatis statum subverterint, ex Metello consule, id est, inde a Metelli consulatu,

2) Belli causas: quomodo intestini isti motus bellum civile excitarint, quomodo bellum civile exarserit. Et proximae quidem causae, quae istam imperii societatem dissolverent, erant: caedes Crassi apud Parthos, et mors Juliae, Caesaris filiae, Pompejo nuptae. Tum enim mutuo metu, affinitatisque vinculo soluti, Pompejus nec parem, nec Caesar superiorem ferre, armisque uterque de principatu contendere coepit. Publicae vero hujus belli causae erant luxuries, et conflata inde multis rei familiaris egestas, qui adeo salva republica salvi esse non possent.

3) Vitia in administrando bello utrinque, maxime a Pompejanis admisa v. g. quod Pompejus tam flagitiose imparatus acerrimum ducem exercituumque provocasset; quod Roma Italiae excessisset; quod victoria, apud Dyrrhachium reportata, uti nescivisset; quod bellum, quod ipsi trahendum fuisset, impetu suo gereret; quod Caesarem, Thessaliam petentem, cum ei in Italiam transmittendum esset, sequeretur, Aegyptumque post pugnam Pharsalicam non Africam contenderet etc.

4) Modos, id est, ipsum belli gerendi modum. Etiam hoc late patet. Nam et quantis copiis, quibus utrinque sociorum auxiliis, quibus terrarum locis, et quanta pertinacia, partiumque illud gestum sit odio, comprehendit.

5) Ludum fortunae: fortuitos rerum eventus, ubi, quae summa ratione provisae erant, eventu destituuntur; temere contra coepita, feliciter cadunt.

6) Amicitias: initam inter Caesarem, Pompejum et Crassum potentiae societatem, conjurationem, reip. gravem, id est, perniciosam, exitialem.

7) Uncta, tincta, adpersa, polluta arma cruore, seu, sanguine nondum expiato, adeoque civium recens caesorum sanguine adhuc madida. Nam populus mutua suorum caede committit scelus, quo piaculis exsolvendus est: ipsa adeo arma, sanguis ita profusus expiandus est. Expiare autem est, rem aliquam aut personam ex impia et contaminata piam et scelere solutam efficere aliqua religiosa ceremonia.

8) Opus plenum periculosae aleae: opus periculosum, rem magnam et arduam moliris. Alea: de quavis re accipiti dicitur.

9) Eadem sententia variata: Incedis super ignes subjectos, latentes sub cinere doloso, qui ignem occultat.

10) Nexus: quo difficilius opus illud est, quod adgressus es, tanto major omnium ejus, tam egregie a te inchoati, est expectatio; ut qui illud

Desit theatris: mox, ubi publicas  
 Res ordinariis<sup>12)</sup>, grande munus  
 Cæcropsio repetes cothurno<sup>13)</sup>,  
 Insigne<sup>14)</sup> moestis praesidium<sup>15)</sup> reis,  
 Et consulenti, Pollio, curiae<sup>16)</sup>,  
 Cui laurus<sup>17)</sup> aeternos honores  
 Dalmatico peperit triumpho.  
 Jam<sup>18)</sup> nunc minaci murmure cornuum  
 Perstringis<sup>19)</sup> aures: jam litui strepunt:

a te solo commode tractari posse intelligant. Fac igitur, ut, omni tua cura ac studio in hoc converso, quamprimum illud desiderium expleas. Jam, quum Pollio eodem tempore tragoediis scribendis vacaret, poeta sententiam ita convertit: omittas tantisper tuum, quod arti tragicae tam laudabiliter impendis, studium, donec belli civilis historiam detexeris.

11) Musa severae tragoediae, hoc est, rebus funestis, tristibus occupatae desit; abstineat se paullum a theatro, ne conspiciatur per aliquod tempus in theatro.

12) Ordinariis: postquam rempublicam, bellis civilibus turbata ordinaveris, composueris, ordinem et quietem restitueris, pro, descriperis. Scilicet poetae rerum, quas gestas describunt, se participes, auctoresque suavi figmento profitentur, quod etiam de sequenti sententia valet: Deinde iterum tragoedias scribes, pro quo poeta dicit: composito bello civili, iterum repetes, suscipies munus tragoedi, et cothurnatus in scena ejedas. Munus autem hoc grande seu grave dicitur, ob argumenti et sententiarum gravitatem, etiam ob verba grandia.

13) Cothurnus erat genus calceamenti altioris, quo actores tragoediarum utebantur. Cecropsius adpellatur, id est, Atheniensis, a Cecrope rege Athenarum primo, quia tragoedia maxime Athenis vixit, ubi Sophocles, Euripides etc. floruerunt.

14) Insigne: nunc demum Pollionem adloquitur poeta, reliquarumque ejus virtutum elogium adnectit, quod a vulgari ratione recedit. Nam ordo naturalis fuisset: Pollio, insigne praesidium reis etc. tractas sive scribis motum civilem etc.

15) Praesidium reorum, qui reos egregie defendis, hoc est: qui orator es egregius et causarum actor.

16) Curiae, pro: Senatui, sententiam te roganti, intelligitur, praesidium es.

17) Qui etc. Qui de Dalmatis triumphasti. Sunt autem Dalmatae in Illyrio, quae regio est in ora maris Adriatici, contra Italiam. Dalmatiae urbs erat primaria Salona, quam Pollio cepit.

18) Jam nunc etc. Alteram historici virtutem, quae in justa, dilucidatione rerum gestarum expositione cernitur, adeo quidem, ut singula coram geri spectari, non narrari, videantur, nunc persequitur, summamque ejus laudem Pollioni tribuit Horatius.

19) Perstringis, feris, percillis aures, pro, audire videor murmur cor-

Jam fulgor armorum fugaces  
 Terret<sup>20)</sup> equos, equitumque vultus.  
 Audire<sup>21)</sup> magnos jam videor duces  
 Non indecoro pulvere sordidos;  
 Et cuncta terrarum subacta,  
 Praeter atrocem animum Catonis<sup>22)</sup>.  
 Juno<sup>23)</sup>, et Deorum quisquis amicio<sup>24)</sup>  
 Afris, inulta cesserat impotens  
 Tellure, victorum nepotes<sup>25)</sup>  
 Retulit<sup>26)</sup> inferias<sup>27)</sup> Jugurthae<sup>28)</sup>.

num. et litui strepitum. Cornua autem sunt buccinae breviores et intortae; litui contra buccinae longiores et parum incurvae. Vide od. 1<sup>am</sup> Lib. I. not. 24. Minax porro dicitur, quia ad pugnam pertinet, ejus conferendae signum dat.

20) Terret equos et vultus equitum, quia milites terrore percussi facie aversa fugiunt.

21) Audire videor: animo jam mihi fingo, repraesento, qua vi, quo strepitu, quanto cum vocis tum orationis vigore res a ducibus in pugna fortiter ac strenue gestas expositurus sis, ut paene ipsos pugnam obeuntes, belli pulvere adpersos, oculis videre sit, qui pulvis decori, honori multo ipsis cedit. Praeterea referentem te audire videor mihi, totum terrarum orbem subactum, omnes gentes a Caesare devictas esse, praeter invincibilem animum Catonis.

22) De Catonis Uticensis morte vide Lib. I. od. 11. not. 30.

23) Hic iterum supplendum est illud: jam audire mihi videor; quomodo Juno et Dii, qui Numidis in bello Jugurthino faverant, quum, fatis obstantibus, eos non possent defendere, suum in Romanos odium tum exerceuerint, quum ad Thapsum, urbem Mauritaniae in Africa, Julius Caesar, victis Scipione, Afranio et Juba, 10 Romanorum millia occiderit. Q. Scipio enim collecta manu Romanorum una cum Afranio, Pompeji duce, et pluribus aliis, huic parti addictis, viris in Africam concessit, et cum Juba, rege Numidiae, se conjunxit, libertatem Romani imperii vindicaturus; sed frustra.

24) Amicio: amicus Afris; omnes Dii tutelares, inter quos Juno primum locum tenet, qui cesserant tellure inulta, id est, victis et deletis Africae incolis in bello Jugurthino, quorum clades uncisci non possent, hinc impotentes. Excedunt enim Dii urbe, regione, cujus tutelam gesserant, hostibus eam devastantibus.

25) Nepotes, id est: posteros eorum, a quibus olim victi erant Africi.

26) Retulit inferias, id est, placavit manes Jugurthae a Romanis victi occisique.

27) Inferiae erant sacrificia, quae solebant mortuis, et inferorem umbris fieri. Immolabantur autem priscis temporibus aliquot e captivis hostibus, ad placandas caesorum ducum umbras, et ad eorum tumulos mactabantur.

28) Jugurtha fuit rex Numidiae in Africa. Is grave bellum gessit cum

Quis <sup>29)</sup> non Latino sanguine pinguior  
Campus sepulcris impia proelia

Testatur <sup>30)</sup>, auditumque <sup>31)</sup> Medis  
Hesperiae sonitum ruinae?

Qui gurgēs <sup>32)</sup>, aut quae flumina lugubris  
Ignara belli? quod mare Dauniae <sup>33)</sup>

Non decoloravere <sup>34)</sup> caedes?

Quae caret ora cruore nostro?

Sed <sup>35)</sup> ne, relictis, Musa procrax <sup>36)</sup>, jocis,  
Caeae <sup>37)</sup> retractes munera naeniae,

Metello primum, mox cum Mario: demum a Boccho Mauritaniae rege, ad quem confugerat, proditus, in Marii potestate venit, a quo Romam ductus, et ostentatus in triumpho, in carcere necatus est a. u. 648. Hoc ultimum etiam ratio est, quod Jugurthae soli ex universis Afris, qui diversis temporibus a Romanis caesi sunt, poeta litatum esse dicat, cum nimirum rei indignitas Junonem et ceteros Africae Deos maxime offenderet.

29) Memorata ad Thapsum civium internecio, plures, diversarum terrarum locis acceptas, civili bello clades poetae in mentem revocat, in quarum contemplatione, atrocitate sceleris abreptus, et quasi attonitus, dum omnes cogitationes defigit, a primario carminis argumento abductus, ad declarandam detestandamque belli istius impietatem totus convertitur, ejusque magnitudinem exprimit. Sententia generalis est: Quid? quod ubique terrarum civilibus armis depugnatum, ubique civium sanguis profusus est.

30) Sensus: testatur omnis campus, sanguine Romanorum profuso, pinguior factus, sepulcris suis, hoc est, frequentes in omnibus campis tumuli testantur, memoriam servant, documento sunt, proelia impia civium ibi facta esse.

31) Auditumque Medis etc. Cladem et ruinam Italiae, quae olim Hesperia magna dicta est, tantam, ut a Medis, remotissimis videlicet Orientis populis, et Romanorum hostibus, audita cum gaudio sit.

32) Gurgēs: est quaevis aquarum congeries, ergo: qui lacus, qui fluvii non sunt consecii proeliorum ad eos commissorum?

33) Dauniae caedes: Italorum; Daunus enim rex fuit Apuliae, quae pars est Italiae.

34) Decoloravere, id est, sanguine infecerunt.

35) Praeclara inflexione jam revocat Musam suam a tam gravi ac sublimi argumento, eamque ad leviora canenda hortatur poeta: noli, relictis amoerioribus argumentis, refricare veteres illas querelas.

36) Procrax: alii accipiunt pro: audax, temeraria; sed est simpliciter: petulans, lasciva, jocosa.

37) Caeae retractes munera naeniae: versus lugubres, qui olim a Simonide, vel inventi, vel praecipua cum laude facti sunt. Dicuntur illi naeniae Caeae, quia Simonides, poeta elegiacus, natus est in Ceo, insula maris Aegei, prope Euboeam. Est autem naenia carmen in funeribus cani solitum. Retractes, iteres.

Mecum Dionaeo <sup>38)</sup> sub antro  
Quaere modos levioere plectro <sup>39)</sup>.

O d e II.

## Ad C. Sallustium Crispum.

Occasio et argumentum.

Ostensusur poeta, quem vere beatum adpellare, quem vere sapientem salutare fas sit, solam divitiarum possessionem ad nominis hujus honorem tribuendum quidquam momenti efficere negat, quibus omnino recto demum honestoque earum usu (cujus insigne Proculeji exemplum adfert) pretium suum statuendum sit. Illos igitur, qui iis ita uti nesciant, in summa rerum omnium affluentia, quod eorum cupiditas nunquam expleatur, egenos, et, quod majorum famae semper excrucientur, nec partis fruuntur, miseros pronunciat; in beatis contra ac ditissimis eos habens, qui excelso animo opes despiciant, iisque, ut sapientem decet, fruuntur. Exquisitissimum autem hae sententiae, quae univarse positae videntur, Crispi Sallustii continent elogium. Is enim, Historici illius e sorore nepos, et in nomen ejus adscitus, Augusti etsi gratia floreret maxima, in equestri tamen ordine perstitit, fortunaque, in qua constitutus esset amplissima, laute ac splendide utens, alienissimum ab avaritia et ambitione ostendit animum. Scripta est ode a. u. 724.

Metrum ut Lib. I. carm. 2.

Nullus <sup>1)</sup> argento color <sup>2)</sup> est, avaris <sup>3)</sup>

38) Mecum quaere modos, id est, modulare carmina levioris argumenti in antro, Veneri sacro. Venus enim dicta est etiam Dione, quo nomine adpellata est mater Veneris, Oceani et Tethyos filia.

39) Plectrum, quo fides et lyrae percutebantur, erat instar pectinis, et ex ebore aut buxo constabat.

1) Sensus: Divitiae per se plane nullius sunt pretii, et pro hoc poeta dicit: O Crispe Sallusti, inimice lamnae, abditae in avaris terris, nullus est argento color, nisi usu temperato splendeat.

2) Color: dignitas, pulchritudo; nihil juvat pecunia, nisi utaris.

3) Avara terra dicitur ea, in qua argentum defoditur, quia illud celat, ut avari fatitant.

Abdito <sup>4)</sup> terris, inimice lamnae <sup>5)</sup>

Crispe Sallusti, nisi <sup>6)</sup> temperato

Splendeat usu.

Vivet extento <sup>7)</sup> Proculejus <sup>8)</sup> aevo,

Notus <sup>9)</sup> in fratres animi paterni:

Illum aget <sup>10)</sup> penna metuenta <sup>11)</sup> solvi

Fama superstes <sup>12)</sup>.

Latus regnes <sup>13)</sup> avidum domando

Spiritum <sup>14)</sup>, quam si Libyam <sup>15)</sup> remotis <sup>16)</sup>

Gadibus jungas, et uterque Poenus <sup>17)</sup>

Serviat uni.

4) Abdito: qui es inimicus argenti defossi, qui non amas aurum abdere, et furtim terrae deponere; qui ab avaritia es alienus.

5) Lamna, pro lamina; sumitur hic pro ipso argento vel auro, declaratur autem per hoc vocabulum, argentum infabricatum, rude, vel inutiliter reconditum.

6) Nisi usui temperato, hoc est, recto, prudenti, (non profundendo aut male dispensando) qui ei pretium facit, inserviat.

7) Extento: longo tempore producto, usque ad seram posteritatem vivet; immortalis erit Proculeji fama et memoria.

8) Proculejus fuit eques Romanus, Augusto carus; ejus fratres, Scipio et Muraena, cum, ob arma in bello civili contra Augustum gesta, patrimonio suo spoliati fuissent, Proculejus bona sua de integro acquis partibus cum ipsis divisit, instar patris amantissimi.

9) Notus: celebris propter animum paternum, Graeca constructio, ex omisso *κατα*; quod genitivum regit. Id est: propter liberalitatem suam in fratres.

10) Aget: fama illum aget, vehet, tollet penna, alis suis, per populos circumferet, hoc est, longe lateque diffundetur liberalitatis istius fama.

11) Metuenta solvi: hoc est, defatigari nescia, semper volante; quae nunquam solvetur, enervabitur, languescet.

12) Superstes: post illius mortem adhuc vivens, et duratura.

13) Regnes, regnabis, rex enim etiam dicitur, qui sibi imperat.

14) Avidum spiritum: avaritiam, cupiditatem majorum opum.

15) Libya, regio Africae.

16) Remotis, a Libya dissitis Gadibus: est autem Gades insula et urbs in ultima Hispania ad meridiem, unde etiam nomen freti Gaditani.

17) Uterque Poenus: tum qui est in Africa, tum qui in Hispania. Nam Carthaginenses Hispaniae partem diu obtinuerunt, urbemque nomine Carthaginem in ea condiderunt, quae Carthago nova dicta est. Sensus ergo totius sententiae est: Qui spiritum pecuniae avidum domat, divitias non congerit, eas non per se expetendas, sed usu demum fructuque pretiosas fieri censet, sane is animo ita adfectus latius regnat, quantulaecunque eae opes sint, quas possidet, ampliores habet; quam si non domito spiritu, avido, animo non iis fruendi, sed augendis intento, Africam et Hispaniam ditioni suae subjecerit, id est, immensas teneat divitias.

Crescit <sup>18)</sup> indulgens sibi dirus hydrops <sup>19)</sup>

Nec sitim pellit, nisi causa <sup>20)</sup> morbi

Fugerit venis, et aquosus albo

Corpore languor <sup>21)</sup>.

Redditum <sup>22)</sup> Cyri solio Phraaten <sup>23)</sup>,

Dissidens plebi numero beatorum,

Eximit Virtus, populumque falsis

Dedocet <sup>24)</sup> uti

Vocibus; regnum et diadema tutum

Deferens <sup>25)</sup> uni propriamque laurum <sup>26)</sup>,

Quisquis ingentes oculo irretorto <sup>27)</sup>

Spectat acervos.

18) Sensus: avari enim cupiditas nunquam expletur, imo crescit amor nummi, quantum ipsa pecunia crescit.

19) Hydrops morbus pro ipso aegrotante hoc morbo positus est; quo laborantes tanto plus sitiunt, quanto plus cupiditati bibendi indulgent, ita, ut semper magis intumescant seu crescant, omnibus alimentis, imo etiam ipsa carne, se in aquam resolventibus, et ea propter palorem corpore induente.

20) Causa morbi: aqua intercus.

21) Aquosus languor, pro ipso hydrope morbo. Totum est allegoria, per hydropem enim avaritia designatur.

22) Sententia generalis: E verae sapientiae praeceptis beatus non is est quem vulgus ad pellat, ad quem magna pecunia confluit; sed ille cui bonum omne in animo est. Sententia poetica: Virtus, seu, homines virtute praediti dissentiant plebi in eo, hoc est, a stolidi vulgi opinione, et excerpunt e numero beatorum, felicem non putant idcirco Phraaten, quod in solium Cyri fuerit restitutus.

23) Phraates, rex Parthorum, ob mores barbaros, ob patrem et triginta fratres cum filio suo, natu maximo, interfectos, in exilium a suis pulsus est, substituto illi Teridate; postea tamen Scytharum ope in regnum est restitutus. Dicitur autem Cyri solium, quia regnum Persarum a Cyro fundatum a Parthis postea occupatum fuit; non, quod Phraates Cyri filius aut haeres esset; Orodis enim filius fuit. Vide L. I. od. 21. not. 6.

24) Dedocet: docet, non uti falsis vocibus, eum felicem vocando, qui revera non est; iis, qui externo splendore capiuntur, ostendit hoc exemplo, falso istos vocari felices.

25) Deferens uni: illi soli nomen regis, felicitatem et gloriam tribuens, quisquis etc.

26) Laurum: gloriam, victoriam.

27) Irretorto oculo: qui cumulos auri et argenti ita praetereundo aspectat, ut ne oculos quidem reflectat; hoc est, qui nulla cupiditate illorum ac desiderio commovetur.

## A d A. D e l l i u m.

Occasio et argumentum.

A. Dellius, ad quem hoc carmen scriptum est, erat homo varius, ac desultor bellorum civilium. Ad Octaviani partes cum a. u. 723 transisset, magna ejus gratia, magnisque opibus floruit, unde post hunc annum hanc oden scriptam recte suspicēris. Vulgaris in ea idearum progressio est: frui, o Delli, vitae commodis, quando quidem mors, cujus ad omnes fatalis necessitas pertinet, nos omnibus iis, quae suavia ac jucunda censentur, exiit, et haec ipsa vitae usura, quae nobis data est, paucorum admodum dierum summa circumscripta est. Quibus quidem ut recte fruaris, neque tibi ipsi fructum intercipias, animum tuum adversus utramque fortunam firmatum, atque ita tene compositum, ut nec secundis rebus nimium efferaris, neve adversis deprimaris. Docte vero poëta ab hac sententia, quae omnis felicitatis fundamentum haberi debet, exorsus, ad primariam carminis sententiam de sectandis vitae deliciis transit, eamque vividissimis coloribus depingit.

Metrum ut in carm. 8. Lib. I.

Aequam <sup>1)</sup> memento rebus in arduis <sup>2)</sup>

Servare mentem, non secus in bonis

Ab insolenti temperatam

Laetitia, moriture <sup>3)</sup> Delli;

Seu moestus omni tempore vixeris,

Seu te in remoto <sup>4)</sup> gramine per diesFestos reclinatum <sup>5)</sup> bearisIntiōre <sup>6)</sup> nota Falerni <sup>7)</sup>.

1) Sensus: utramque fortunam moderate feras; neque nimium tristis in adversa, neque nimium laetus in secunda sis.

2) In arduis, id est: in adversa fortuna aequae fortis ostende animum, quemadmodum in bonis, prosperis rebus ab immodico gaudio remotum.

3) Moriture: siquidem aliquando es moriturus, sive semper vixeris moestus, sive aliquando genio indulseris, maxime festis diebus.

4) In remoto gramine: in amoeno recessu.

5) Te reclinatum bearis: pro reclinatus, fusus te bearis, recreaveris, exhilaraveris Falerno optimo.

6) Intiōre nota: Falerno optimo, et vetustissimo. Amphoris vini, quas

Qua <sup>8)</sup> pinus ingens, albaque populus

Umbram hospitalem consociare amant

Ramis, et obliquo laborat

Lympha fugax trepidare <sup>9)</sup> rivo:Huc vina, et unguenta, et nimium <sup>10)</sup> breves

Flores amoenos ferre jube rosae,

Dum res <sup>11)</sup>, et aetas, et Sororum <sup>12)</sup>Fila trium patiuntur atra <sup>13)</sup>.Cedes <sup>14)</sup> coëmtis saltibus <sup>15)</sup>, et domo,Villaque <sup>16)</sup>, flavus quam Tiberis lavit;

servatas Romani vellent, notam adponebant in operculo, quae indicaret, quod vinum esset, quo anno et Consule conditum. Quo vinum erat generosius, et servari dignius, eo interiore loco cellae vinariae condebatur, ut pote frigidore, et ad servandum vinum aptiore. Rursum, quia primae quaeque amphorae bibebantur, ultimae, interiore loco positae, erant vetustissimae.

7) Falernus mons Campaniae in Italia, ab eo vinum Falernum, quod erat ex optimis, nomen invenit.

8) Ordo naturalis: in tam certo igitur, tamque angusto vitae termino ne quaeso fructum ejus deseras, aut in crastinum diem differas; et in exhortando ipso, ad jucunde beateque vivendum, poëta statim, quod praesens datum est, temporis momento frui, illicoque in ea parte herti aut villae, ubi pinus et populus connexis invicem ramis densam umbram efficiunt, quae gratum epulantibus hospitium praebet, et ubi rivus praeterfluit, convivales laetitia adparari jubet.

9) Trepidare: sensus: qua lympha seu aqua rivi obliquo cursu deferatur, rivus inflectit se, sinuatur. Fugax, celerem cursum rivi designat; trepidare autem laborat, id est: cum labore trepidat; quatenus per anfractus procedit, trepidare, festinare aegre dici potest.

10) Nimium breves flores rosae, id est, rosas nimis cito deflorescentes, et amoene olentes.

11) Dum res patitur, fert, adeoque nihil obstat, quo minus his deliciis fruaris.

12) Sororum trium, id est: Parcarum, de quibus vide Myth.

13) Atra fila, hoc est, funesta, quibus videlicet resectis, mors obeunda necessario sit.

14) Sensus vulgaris: omnibus, ob quae vita expetenda videatur, post mortem carendum esse, omnia aliquando relinquenda esse, nobilitatur, doctaque enumeratione rerum, quibus Dellius beatus haberetur, vivide declarat a poëta. Cedes, discedes, demigrabis e saltibus etc.

15) Saltus hoc loco sunt pascua late porrecta, qualia divites Romani, rei pecuariae intenti, per Calabriam et Lucaniam possidebant.

16) Villa plura aedificia, in fundo extracta, comprehendit, tam ad usum rusticum, quae pars rustica et fructuaria dicebatur; quam ad domini eo secedentis commoditates, ac luxum disposita, quae pars urbana vocabatur. Vide Antiquit.

Cedes, et extractis <sup>17)</sup> in altum

Divitiis potietur haeres.

Divesne <sup>18)</sup> prisco natus ab Inacho <sup>19)</sup>;

Nil interest, an pauper, et infima

De gente, sub divo <sup>20)</sup> moreris <sup>21)</sup>;

Victima nil miserantis Orci.

Omnes <sup>22)</sup> eodem cogimur: omnium

Versatur <sup>23)</sup> urna, serius, ocus

Sors exitura, et nos in aeternum <sup>24)</sup>

Exsilium impositura cymbae.

O d e IV.

## Ad Septimium.

Occasio et argumentum.

T. Septimius erat eques Romanus, Augusto carissimus, et amicus Horatii, et quidem inde a veteri commilitio huic conjunctissimus, cujus haud fucatae amicitiae ipsum hoc carmen testem tenemus locupletissimum. In votis habet poëta, ut sibi in Septimii suavissimo consortio et quidem in amoeno ruris secessu, quod reliquum sit vitae, degere

17) Extractis in altum, id est, in cumulum congestis.

18) Ordo est: nihil interest, an sis dives, et ortus ab Inacho, an pauper et obscuro loco natus, ne tectum quidem et domum, quo te recipias, habeas; quippe futurus es perinde victima Orci nil miserantis, divites aequae ac pauperes damnantis leto.

19) Inachus fuit rex Argivorum, cujus filia Io fabulis celebrata est. Priscus dicitur, quia primus rex Argivorum fuit.

20) Divo, id est, sub nudo et aperto caelo, sine domo et habitatione.

21) Moreris: habites, degas.

22) Omnes in eundem locum compellimur, in Orcum nempe et tumulum. De Orco seu Tartaro vide Myth.

23) Versatur urna: suadet metri ratio vocem hanc in ablativo positam, ordinemque hunc esse: sors omnium, id est, moriendi fatalis hora, serius, ocus exitura, versatur et movetur in urna, nempe, Jovis aut Judicium trium apud inferos, qui finguntur tabellas nominibus omnium hominum inscriptas movere in urna, sive cista; ita, ut ii moriantur primi, quorum nomina priora educta sint. Myth.

24) Et quae nos impositura est cymbae Charontis, ut in aeternum exsilium ab eo deportemur, nempe ultra Stygem in Inferos. Vide Myth.

liceat. Jam e regionibus, quae dulcedine sua mitique caeli temperie eum ad sese invitent, primo loco memorat Tiburtinam, in qua villam habebat; altero autem, agrum Tarentinum, cujus laudes uberius pertractat, et in quo itidem Septimium villam habuisse probabile est.

Metrum quale L. I. carm. 2.

Septimi, Gades <sup>2)</sup> aditure <sup>1)</sup> mecum, et Cantabrum <sup>3)</sup> indoctum jūga ferre nostra, et Barbaras Syrtes <sup>4)</sup>, ubi Maura <sup>5)</sup> semper

Aestuat unda;

Tibur <sup>6)</sup>, Argeo <sup>7)</sup> positum colono <sup>8)</sup>,

Sit meae sedes utinam senectae;

Sit modus <sup>9)</sup> lasso maris, et viarum,

Militiaeque.

1) Aditure mecum. Sensus: qui me comitatus es, si mihi remotissimae vel periculosissimae terrarum plagae adeundae forent, hoc est: qui spectatissimae in amore es fidei, quocum summa mihi intercedit amicitiae conjunctionisque necessitudo.

2) Gades, extrema versus Occidentem insula.

3) Cantabrum indoctum, id est, qui adsuefieri nequit ad jugum nostrum ferendum, qui perdomari nequit. Pro ferissima regione cum delectu Cantabria in Hispania, ubi nunc Biscaja, posita est, cujus incolae ferocissimi, ac bellicosissimi, quibuscum Romani iteratis vicibus gravia bella gesserunt, quia in fide populo Romano nunquam permanserunt; etiam post ipsam Augusti de illis victoriam a. u. 728 eo absente rebellarunt. Inde conjecturam facere licet, circa hunc annum scriptam esse praesentem odam.

4) Sensus: tu sustineres mecum adire navibus Syrtes, eam Africae oram, cui Syrtes praetentae sunt, adeoque periculosissimam navigationem non recusares in mari, ubi unda Maura aestuat, ad quae vada continuo fluctus alliduntur, ubi mare est acerrimum. De Syrtibus vide Lib. I. od. 19. not. 4.

5) Maura; proprie dicendum esset Libyca, quia Syrtes duae, major et minor, procul absunt a Mauritania.

6) Sensus: utinam in Tiburtina regione extremam aetatem degere liceat! et pro hoc ornate: Utinam Tibur senectae meae, mihi, seni facto, sedes, locus requietis sit, aliquando contingat; utinam Tibure sedem figere, in senectute ibi requiescere liceat. De Tibure urbe vide Lib. I. od. 6. not. 17.

7) Argeo, id est, Argivo. Argos est urbs primaria Peloponnesi; fuit autem Tibur, fundator illius urbis, a se cognominatae, Argis oriundus.

8) Colonus dicitur etiam is, qui ex urbe quapiam commigrat, ad aliam habitandam.

9) Sit modus, finis, terminus mihi, lasso maris, Graeca structura, pro, lasso mari, itineribus maritimis, et viarum, id est, terrestribus, militiaeque, hoc est, per militiam factis, defatigato.

Unde <sup>10)</sup> si Parcae prohibent iniquae;  
Dulce pellitis ovibus <sup>11)</sup> Galaesi  
Flumen, et regnata petam Laconi  
Rura Phalanto <sup>12)</sup>.

Ille terrarum mihi praeter omnes  
Angulus ridet <sup>13)</sup>, ubi non Hymetto <sup>14)</sup>  
Mella decedunt <sup>15)</sup>, viridique certat  
Bacca <sup>16)</sup> Venafrō;

Ver ubi <sup>17)</sup> longum, tepidasque praebet  
Jupiter brumas: et amicus Aulon <sup>18)</sup>  
Fertilis Baccho minimum <sup>19)</sup> Falernis  
Invidet uvis.

Ille <sup>20)</sup> te mecum locus et beatae

10) Unde: a quo nempe Tibure, si Parcae me prohibent; non sinunt me ibi in senectute degere; hinc dicuntur etiam iniquae, adversae. Sensus: Quod si hoc per fata non licet, utinam agrum Tarentinum saltem concedant, senectutis meae sedem esse velint, et pro hoc dicit poeta: Petam flumen Galaesum, celebre ob oves pellitas; petam agros, ubi Phalantus Lacon regnavit, id est, Tarentum, prope flumen Galaesum situm in Calabria.

11) Oves Tarentinae, propter lanæ bonitatem, pellibus solebant tegi, ne illa aëris injuria corrumperetur.

12) Phalantus dux Lacedaemonius fuit, qui cum Spartanis Italiam petens Tarentum occupavit, propterea haec urbs circumscribitur per: rura regnata Phalanto, possessa a Phalanto, quae quondam tenuit Phalantus.

13) Ridet, id est, placet mihi haec regio prae omnibus propter soli bonitatem, et aëris temperiem.

14) Hymettus mons est Graeciae prope Athenas, ubi mel optimum, apes lectissimae.

15) Decedunt, id est: inferiora, deteriora sunt, nihil cedunt melli Hymetto. Decedere enim est, locum alteri, ut nobiliori, cedere, inferiorum se fateri.

16) Bacca olivae Tarentinae certat, de principatu contendit Venafrō, Graeca constructio, id est, cum Venafrō, et hoc pro: cum Venafrā bacca; oleum Tarentinum non cedit Venafrano. Est autem Venafrum Campaniae in Italia oppidum, ubi olivae praestantissimae.

17) Ubi per totum annum est mitis aëris temperies, id est, ver longum, quod statim bruma tepida, hiems remissior excipit.

18) Aulon mons est vini ferax in Calabria; propterea fertilis Baccho, id est vini feracissimus.

19) Minimum, id est: uvas fert, non deteriores, iis, quae nascuntur in Falerno, monte Campaniae; invidetur enim tantum melioribus.

20) Sensus: ibi ego tecum libentissime versarer, viverem. Ille locus, illa convallis beata, amoena ac ferax, et arces, editiora loca, colles beati, pro regione Tarentina positum est.

Postulant <sup>21)</sup> arces: ibi <sup>22)</sup> tu calentem <sup>23)</sup>  
Debita sparges lacrima favillam  
Vatis amici.

O d e V.

## Ad Pompejum Grosphum.

Occasio et argumentum.

Quum Horatius post Philippense proelium a. u. 713 Romam rediisset, Pompejus obfirmato animo in Brutianis partibus remansit, annoque demum 725 pace inter triumviros et Sextum Pompejum facta, exsulibus omnibus data redeundi impunitate, et Grosphus Romam rediisse videtur. Itaque Horatius, recepto praeter omnem expectationem amico veteri, quem revisurum se plane desperasset, exultat, festumque in ejus honorem diem indicit. Reminiscitur autem simul, ut fert animi humani natura, pristinae conjunctionis, quaeque cum laeta tum maxime tristia, quorum jucundissima est memoria, communia habuerint tempora.

Metrum ut Lib. I. carm. 8.

O saepe mecum tempus in ultimum <sup>1)</sup>  
Deducte, Bruto militiae duce,  
Quis te redonavit Quiritem <sup>2)</sup>  
Dis patriis, Italoque caelo,

21) Postulant, id est, invitant me tecum, vocant.

22) Sensus: Ibi ego senium componam, moriar; ista terra tegi, condi aliquando velim; et pro hoc cum tenerrimi amoris adfectu: ibi tu mihi justa persolves.

23) Calentem favillam, id est, cineres meos recenti rogo ustos, adeoque adhuc calentes consperges lacrimis debitis, justis, quas mortuis debet humanitas. Pro, meos, autem posuit poeta: Vatis, id est, poetae, qui est intus tuus amicus.

1) Ultimum: Qui saepe mecum in ultimum tempus deductus es, summum vitae periculum subiisti, in extremum vitae discrimen adductus es, Bruto militiae duce, dum uterque sub Bruto militaremus, Bruti partes sequeremur.

2) Quiritem: Civem Romanum. Veniam ab Augusto impetraverat ille Pompejus, quam nisi exoravisset exsul, privatus jure civitatis, et hostis patriae vixisset; merito igitur gratulatur Horatius, quod civitati et patriae redditus fuerit, et praeclarum illud Quiritis seu civis Romani nomen recuperaverit.

Pompei, meorum prime<sup>3)</sup> sodalium?  
 Cum quo morantem<sup>4)</sup> saepe diem mero  
 Fregi<sup>5)</sup>, coronatus<sup>6)</sup> nitentes  
 Malobathro<sup>7)</sup> Syrio capillos.  
 Tecum<sup>8)</sup> Philippos et celerem fugam  
 Sensi<sup>9)</sup>, relicta non bene parmula;  
 Quum<sup>10)</sup> fracta virtus, et minaces<sup>11)</sup>  
 Turpe solum<sup>12)</sup> tetigere<sup>13)</sup> mento.  
 Sed<sup>14)</sup> me per hostes Mercurius celer  
 Denso paventem<sup>15)</sup> sustulit aëre<sup>16)</sup>:

3) Prime sodalium: id est, quem sodalium omnium semper carissimum habui.

4) Morantem, qui tardius ire videbatur convivaturis nobis.

5) Frangere diem solidum mero; partem de die, gravibus ac seriis rebus destinato, demere, demtamque computationi dare; decurrere diei spatium, noctique illud adjicere, quod fit, computatione tempestivius instituta. Vide L. I. od. 1. not. 20.

6) Coronatus capillos, Graeca constructio: Gerens caput floribus redimitum, capillos sero ornatos, eosdemque nitentes, unctos, perfusos malobathro, unguento e malobathri folio. Utrumque enim ad lautioris convivi adparatum pertinebat.

7) Malobathrum, frutex in Indicis paludibus nascens, e cujus folio pretiosissimum oleum exprimebatur ad unguentum. Syrium autem dicitur, quod omnino Indiae merces a mercatoribus Romanis e Syria advehentur.

8) Tecum: Interfui tecum pugnae commissae ad Philippos, tecum e proelio fugi, clypeo turpiter abjecto.

9) Sensi: graviter, pro, expertus sum.

10) Quum nostri exercitus vires fractae fuerunt; quum animi ferocia pugnantium contusa, perdomita, repressa esset, hoc est, ii, qui atrociter pugnassent, devicti essent, occubissent.

11) Minaces etc. id est: qui fortissime dimicaverant Bruti et Cassii milites. Minae enim et ira, oris truculentia, solenni more virtutem bellicam designant apud poetas.

12) Turpe solum, id est, sanguine foedatum, cruentatum.

13) Mento tangere, idem ac, pronus in terram cadere, adeoque cadere, occidi in proelio.

14) Sensus: sed diversam uterque in fuga fortunam habuimus. Ego quidem feliciter ex isto belli naufragio enatavi, belloque deinceps abstinui; tu vero statim ei iterum implicitus es, in militia permansisti. Cum prioribus autem ita iunge: In qua pugna fortissimi quique ceciderunt, et nos ex ea servati sumus, sed diversa uterque fortuna. Mercurio porro suam attribuit salutem, quia in ejus tutela poetae sunt.

15) Paventem, id est: viribus diffusum, fugae intentum.

16) Denso aëre: Circumfusa nube tectum. Sic etiam Homerus fingit servatum Aeneam ab Apolline, Paridem a Venere.

Te<sup>17)</sup> rursus in bellum resorbens  
 Unda fretis tulit aestuosis.  
 Ergo<sup>18)</sup> obligatam redde Jovi dapem<sup>19)</sup>,  
 Longaque fessum militia latus<sup>20)</sup>  
 Depone sub lauru mea, nec  
 Parce<sup>21)</sup> cadis tibi<sup>22)</sup> destinatis.  
 Oblivioso levia Massico  
 Ciboria<sup>23)</sup> exple: funde capacibus  
 Unguenta<sup>24)</sup> de conchis<sup>24)</sup>. Quis<sup>25)</sup> udo  
 Deproperare apio coronas,  
 Curatve myrto? quem Venus<sup>26)</sup> arbitrum  
 Dicit bibendi? Non<sup>27)</sup> ego sanius

17) Te rursus: Tu caesis Bruto et Cassio ad Pompejum filium in Sicilia perrexisti, reliquias belli civilis persequens. Allegoria deducitur a Carybdi, quae naves ejectas resorbet; vel a tempestate, quae naves in litore tranquillo et vado positas, quandoque in altum abripit.

18) Ordo sententiarum: sed et haec nova effugisti pericula, ex his quoque servatus es; ergo Jovi σωτηρι servatori sacrum para.

19) Dapem, id est: epulas sacras, sacrificium obligatum, ex voto debitum redde, seu para, offer.

20) Latus: corpus, fessum per diuturnam militiam, recrea sub laurus meae umbra, hoc est, refice vires tuas apud me, qui inter poetas numeror, quorum laurus est arbor. Fortasse etiam patrocinium Maecenatis et Augusti, quod arti poeticae in acceptis refert, hoc loco innuere vult Horatius.

21) Nec parce: id est: vino largius indulge.

22) Tibi destinatis: in Grosphi enim honorem convivium adparabatur.

23) Ciborium poculi genus, ore superius lato, inferius angusto, instar fabae Aegyptiae, quam colocasiam adpellatam volunt, cujus calyx vasorum ac poculorum usum Aegyptiis praestaret. Sensus: Imple pocula levia, splendentia, affabrefacta vino Massico oblivioso, quod curarum oblivionem inducit L. I. od. 1. not. 19.

24) Conchae sunt vasa unguentaria, ad concharum formam facta. Sensus est: bene et large uncti sint capilli.

25) Suaviter Horatius, qui sibi prae festinandi studio satis occupatus videbatur, coronarum necendarum curam reliquis convivis relinquit et mandat. Et pro: conficiamus prope coronas ex apii vel myrtil frondibus, et regem convivii sortiamur, dicit: Quis ex humido apio, vel e myrto nobis coronas conficere properat, quibus utamur in convivii? et quem jactus Veneris, seu sors designabit convivii regem? Apium udum vocat, quia in humidis locis nascitur, vel etiam ad indicandum apium recens, adeoque viride.

26) Venus: In convivii moris erat, ut sortirentur tesseris, qui bibendi esset arbiter. Venus vocabatur tesserarum jactus felicissimus; infelicissimus contra, canis. Vide Antiquit. et L. I. od. 4. not. 26. *quam esse*

27) Non ego sanius, moderatius bacchabor, bibam Edonis, id est, Thracibus, ita dictis ab Edone, monte Thraciae, qui bibaciores erant; nam re-



Bacchabor Edonis: recepto  
Dulce mihi furere est amico.

O d e VI.

## A d V a l g i u m .

Occasio et argumentum.

T. Valgium Rufum, poetam epicum et elegiarum scriptorem, ab immoderato et continuo luctu ex *Mystae* cuiusdam, quem filii loco habuisse, saltem paterno amore amplecti esse videtur, morte suscepto abstrahere hoc carmine adnititur poeta, desumpto primo e natura, quae vices suas experiatur, in qua adeo tristibus laetiora succedunt, momento; deinde aliorum Valgio proponit exempla, qui similes casus moderatius tulerint, finemque aliquando luctui statuerint. Denique, quae splendidior hujus carminis pars est, monet eum, ut a privata tristitia animum ad publicam laetitiam, triumphosque Augusti, carmine celebrandos, convertat, et in hoc aegritudinis solatium quaerat. Scripta est haec ode vel exeunte anno u. 734 vel initio 735.

Metrum carm. 8. L. I.

Non <sup>1)</sup> semper imbres nubibus hispidos  
Manant in agros; aut <sup>2)</sup> mare Caspium <sup>3)</sup>  
Vexant inaequales procellae  
Usque; nec <sup>4)</sup> Armeniis <sup>5)</sup> in oris,

cepto, reddito mihi amico, dulce, jucundum est furere, hoc est: vino largius indulgere, exsultare.

1) Sententia generalis: non semper natura in luctu ac squalore est; non semper tristis rerum est facies, aliquando succedit et laeta. Hanc poeta specialibus exornavit ideis: Imbres non semper manant, torrentium instar effundunt se e nubibus in agros hispidos factos, hoc est, horridos, continuis imbribus squalidos, tristes.

2) Sensus: nec mare semper procellosum est; et pro hoc dicit poeta: Nec usque, id est, semper vexant mare procellae, quae inaequales vocantur, quia mare inaequale reddunt; nam mare fluctibus commotum poetis est asperum.

3) Caspium mare, est in Asia.

4) Sensus generalis: nec glacies, hiems per totum annum durat.

5) Armenia est regio Asiae, circa Taurum montem. Orae Armeniae hoc loco de montosis Armeniae tractibus, Tauro, Niphate et aliis intelligendae sunt.

Amice Valgi, stat glacies iners <sup>6)</sup>  
Menses per omnes; aut <sup>7)</sup> Aquilonibus <sup>8)</sup>  
Querceta <sup>9)</sup> Gargani <sup>10)</sup> laborant,  
Et foliis viduantur <sup>11)</sup> orni.  
Tu semper <sup>12)</sup> urges <sup>13)</sup> flebilibus modis  
Mysten ademtum; nec tibi <sup>14)</sup>, Vespero <sup>15)</sup>  
Surgente, decedunt amores,  
Nec rapidum fugiente solem.  
At <sup>16)</sup> non ter <sup>17)</sup> aevo functus amabilem  
Ploravit omnes Antilochum senex  
Annos; nec impubem <sup>18)</sup> parentes  
Troilon, aut Phrygiae sorores

6) Iners glacies, aqua frigore concreta stat, omnia enim poetis sunt inertia, quae motu suo destituta, cursu impedita sunt.

7) Sensus: Venti non per totum annum spirant, montes non semper infestantur Aquilonibus, et pro hoc doctius: Querceta Gargani non semper laborant, convelluntur, vix resistere valent Aquilonibus.

8) Aquilo, ventus septentrionalis.

9) Querceta, loca quercubus consita.

10) Garganus est mons Apuliae, qui in mare Adriaticum versus insulas Diomedaeas exit.

11) Viduantur, spoliuntur, privantur foliis.

12) Nexus sententiarum: Sicut non semper natura in luctu est: ita nec tu semper tristis sis.

13) Urges; prosequeris flebilibus modis, carmine flebili, lugubri Mysten mortuum.

14) Nec tibi decedunt: animo tuo non excedunt, obversantur tibi luctus, profecti ab amore pueri, tanto ingenio, tantisque virtutibus praediti, ut ipsum filii instar diligeres; mane ac vesperi, hoc est: nocte dieque hoc luctu excruciaris.

15) Vesper sive Hesperus Venus planeta dicitur ab astronomis. Cum circa solem in orbem vertatur, modo illum sequitur, id est, post solem adparet, nempe vesperi, et tum proprie Hesperus dicitur; modo antecedit, nempe mane, tuncque mutat nomen, et Eous, sive Lucifer et Phosphorus appellatur. Fugere solem dicitur hic ab Horatio, quia brevi obscuratur sole surgente, cui semper vicinus est. Rapidus, idem ac, velox.

16) Jam aliorum exemplis, qui, iisdem casibus etsi graviter addicti, moerore tamen ac lacrimis non consenuerint, a perpetuo luctu amicum dehortari, ad eandemque animi fortitudinem excitare conatur.

17) Nestor, qui tres hominum aetates vixit, Antilochum filium, in bello Trojano a Memnone interfectum, non deploravit per omnes vitae annos. Fuit hic Graecus, rex Pyli in Peloponneso.

18) Impubem, id est, juvenem imberbem Troilon, qui fuit filius Priami et Hecubae; ab Achille, cum quo congressus est, occidebatur. Sorores Phrygiae ergo sunt ejus sorores: Cassandra et Polyxena.

Flevare semper. Desine <sup>19)</sup> mollium  
 Tandem querelarum; et potius nova  
 Cantemus Augusti tropaea <sup>20)</sup>  
 Caesaris, et rigidum Niphaten <sup>21)</sup>;  
 Medumque <sup>22)</sup> flumen, gentibus <sup>23)</sup> additum  
 Victis, minores <sup>24)</sup> volvere vortices,  
 Intraque <sup>25)</sup> praescriptum Gélonos  
 Exiguus equitare campis.

## O d e VII.

## Ad Licinium Muraenam.

## Occasio et argumentum.

Licinius Varro Muraena, Proculeji ac Terentiae frater, homo turbulentus atque ambitiosus, eo maxime consilio pristinam dicendi agendique libertatem in aegra ac plane

19) Desine quaerelarum, Graeca constructio, pro, desine a quaerelis.

20) Nova tropaea: Intelligit victorias Augusti recentes ab Armeniis, Parthis et Gelonis reportatas. Jam etsi Augustus nullum ex his populum armis perdomuerit, solent tamen haec res mirifice augeri, amplificarique ab aetatis istius poetis, ac si vere istae gentes Romano imperio adjectae fuissent. Gloriosissimi adeo triumphi instar habebatur, quod Phraates, rex Parthorum, Augusto, quum a. u. 734 in Asia versaretur, nominis fama territus, signa, clade Crassi amissa, cum captivis remitteret. Ovationem ideo, et arcum triumphalem Augusto a Senatu decretum esse constat. Erat autem Tropaeum monumentum victoriae, collocatum in eo loco, ubi hostes devicti erant.

21) Niphates est fluvius et mons Armeniae, qui hic pro regione ipsa positus est; rigidus vocatur, quatenus montes majores in genere, stant, horrent ob altitudinem, vel quia saxosus. Armenia autem ab Augusto devicta dici poterat haecenus, quod ei, misso eo cum exercitu Tiberio, Tigranem, pulso Artabace, regem imponeret a. u. 734.

22) Medumque: Hic intelligendus est Euphrates, qui quondam et Medus dictus fuit. Constituit hic fluvius fines inter Parthicum et Romanum imperium, adeoque Medum stat hic pro: Parthicum. Quatenus autem hoc imperium subactum dici poterat, supra nota 20. indicatum est.

23) Gentibus additum victis, id est: in potestate Romanam redactum.

24) Minores etc.: Referenda haec sunt ad vocem, quae praecesserat: cantemus, dicamus illud flumen, quasi pudore suae cladis et dolore affectum, lenius et minori cum pompa fluere, nec tantos undarum vortices volvere, sed alveo conditos subsidere. Interpretare autem haec de populis Romanum imperium saepius inundantibus, in illud irruentibus.

25) Intraque praescriptum, subaudi, spatium. Dicamus intra terminos sibi ab Augusto definitos se continere, neque ultra campos exiguis excurrere,

deposita republica tuebatur jactabatque, ut, novam Augusti dominationem acerbe exagitando, populum ad res novas erigeret, imperiique formam novis belli civilis incendiis subrueret, atque everteret. Ita enim e mediocri fortunae statu se emersurum, pristinasque facultates, quas proscriptio amisisset, amplissimosque honores se recuperaturum atque consequuturum confidebat. Horatius igitur, quo ambitiosum atque impotentem ejus animum ad saniora consilia converteret, sedulo ei hoc carmine eam commendat animi moderationem atque temperantiam, quae periculi metu a conandis arduis facile abstineat, neque tamen ad humilitatem se deprimi patiatur, sed ab invidia aequae atque contentu tuta medium quoddam sectetur; hocque maximum momentum ad bene beateque vivendum efficere, ait. Animus enim ab ambitionis ludicio sic plane alienus, splendidam fortunam, utpote lubricam invidiaeque obnoxiam, uti minime suspiciet, expetendamque ducet, ita nec adversa ad desperationem agitabitur, sed aequabilem se in utraque praestabit. Saluberrima haec ad vitam recte instituendam praecepta quam parum in Licinii descenderint animum, docuit exitus. Siquidem initis cum Fannio Caepione Augusti opprimendi consiliis, iisque detectis, gravissimas temeritatis suae paenas dedit a. u. 732. Adeoque scripta est haec ode non multo ante hunc annum.

Metrum ut in Od. 2. L. I.

Rectius <sup>1)</sup> vives; Licini, neque altum <sup>2)</sup>  
 Semper urgendo; neque, dum procellas  
 Cautus horrescis, nimium premendo <sup>3)</sup>  
 Litus iniquum <sup>4)</sup>.

et equitare, quos ne praerent, vetuit. Geloni autem sunt Scythae populi, quos, cum Istrum transire et fines Romanos populari solerent, eodem hoc anno 734 Augustus, misso Lentulo, ultra ulteriorem ripam cum Dacis repulit.

1) Rectius, hoc est: recte, sapienter vitam institues, adeoque beate, tranquille deges; si semper mediocritatem secteris, neque honorum aut gloriae cupiditate efferaris, neve ad humilioris conditionis sordes deprimaris: et allegorice expressum: si neque nimis longe in altum proveharis, neque cursum nimis prope litus dirigas; nam illud quandoque procellis infestatur, hoc ob cautes prominentes accedere periculosum est.

2) Altum, mare nempe urgendo; temere persequendo, acriter instando, petendo.

3) Premendo, id est, nimis prope accedendo.

4) Iniquum: asperum scilicet saxis, scopulosum, adeoque infestum, periculosum navigantibus.

Auream <sup>5)</sup> quisquis mediocritatem  
Diligit, tutus caret <sup>6)</sup> obsoleti  
Sordibus <sup>7)</sup> tecti, caret invidenda

Sobrius <sup>8)</sup> aulā.

Sacrius <sup>9)</sup> ventis agitatur ingens  
Pinus; et celsae graviore casu

Decidunt turres; feriuntque summos  
Fulmina montes.

Sperat <sup>10)</sup> infestis, metuit secundis

Alteram sortem bene praeparatum

Pectus <sup>11)</sup>. Informes <sup>12)</sup> hiemes reducit  
Jupiter, idem

Submovet. Non <sup>13)</sup>, si male nunc, et olim

5) Sententia: Mediocritas enim sola vitam beatam jucundamque efficit; quando quidem ea nec invidiae patet, nec egestatis malis laborat. Aurea dicitur haec mediocritas, ad magnum ejus valorem indicandum, adeoque pretiosa.

6) Caret etc.: Ille domum non habet sordidam, et neglectam, neque altam et magnificam, cui invideri possit; sicque ista sua temperantia tutum se ab invidiae periculis, et ab avaritiae sordibus incommodisque praestat.

7) Sordes tecti obsoleti: domum sordidam, squalidam, obsoletam.

8) Sobrius caret aula: sibi temperans non expetit aedes splendidas, propter quas hominum invidiam incurrat.

9) Sententiarum ordo: Nec invidiae solum, sed et fortunae injuriis obnoxia est magna fortuna; quo excelsiore constitutus es loco, tanto magis lubrica atque incerta est rerum tuarum conditio. Quod iterum allegorice expressit poeta.

10) Alterum vitae sapienter instituendae praeceptum: In utraque fortuna animus sibi constet, neve secunda efferatur, aut adversa deprimatur, memor fortunae easdem, quae naturae, esse vices.

11) Pectus bene praeparatum, animus bene, sapienter, fortiter, praeparat, obfirmat sese adversus quamcunque sortis mutationem; adeoque sperat infestis, in adversa fortuna, alteram sortem, hoc est, melioris sortis spe erigitur; in secundis contra rebus metuit alteram, contrariam sortem; adeoque in re prospera non luxuriat, sed confirmat se adversus ingruentem adversam fortunam.

12) Sententia generalis: Natura quoque suas vices experitur. Et pro hoc poeta: Jupiter, tamquam omnis tempestatis arbiter; adducit hiemes informes, quae gratam naturae faciem deformant, squalidas, tristes; idem iterum submovet, pellit, adeoque serenitatem reducit.

13) Sententiam hanc: Si nunc pessima rerum tuarum est conditio, eadem non perdurabit, laetiora aliquando his tristissimis succedent tempora, poeta per sequentem adhuc amplificat: neque enim Dii semper irascuntur hominibus. Pro Diis autem in genere, positus est Apollo.

Sic erit. Quondam cithara tacentem  
Suscitat Musam, neque semper arcum  
Tendit Apollo <sup>14)</sup>.

Rebus <sup>15)</sup> angustis animosus, atque  
Fortis adpare: sapienter idem

Contrahes <sup>16)</sup> vento nimium secundo  
Turgida vela.

O d e VIII.

## A d Q u i n c t i u m.

Occasio et argumentum.

Quinctius Hirpinus, ad quem hoc carmen scripsit poeta, fuisse videtur natura anxius, reique suae, futuri metu, paullo intentior, si ex ipso carmine haud temere statuere licet. Monet itaque eum et exhortatur poeta, ut, missis omnibus, quae animum disturbare possint, se totum hilaritati tradat, vitamque quam jucundissime transigat; quando quidem vana prorsus omnis futuri sollicitudo sit in tam angusto vitae termino; illudque maxime aetatis tempus, quod fruendis vitae voluptatibus unice admodum sit, citissime praeterlabatur. Tum insurgit poetae adfectus; illicoque genio, vino, atque epulis litandum suadet. E primis carminis versibus adparet, id scriptum esse ante a. u. 734. quo demum Cantabros ab Augusto perdomitos, Scythasque a Lentulo represos esse constat.

14) Apollo non semper exitalem arcum tendit, ut homines infestet; sed interdum cithara canit, et feriat cum Musis. Sol enim, pro quo etiam Apollo seu Helios habetur, immodico calore pestem et perniciem adferens, arcu letali uti dicitur ab Homero. Illud, canere cithara, autem ita exprimit poeta: cithara silentes Musas et quasi dormientes excitat, et ad canendum exemplo provocat; id est, carmina Apollinis suscitavit; ad canendum eum, instigat.

15) Sensus: Quo circa adpare, praesta te animosus, qui malis non succumbat, erectum ac fortem in rebus angustis, adversis; animi fortitudinem et constantiam rebus adversis opponere; ast in secundis rebus ne animos tollas, moderato secundam fortunam fer animo. Hoc ultimum allegoria iterum a navigatione ducta, repraesentat poeta.

16) Contrahes: tempera, moderare cursum navis, vento secundo abreptae, adductis vel demissis velis, ne sint adeo turgida.

## Metrum carminis 8. L. I.

Quid <sup>1)</sup> bellicosus Cantaber <sup>2)</sup>, et Scythes,  
 Hirpinae Quincti, cogitet, Hadriâ  
 Divisus objecto <sup>3)</sup>, remittas  
 Quaerere <sup>4)</sup>; nec trepides <sup>5)</sup> in usum  
 Poscentis aevi pauca. Fugit <sup>6)</sup> retro  
 Levis <sup>7)</sup> Juventas, et Decor <sup>8)</sup>; arida  
 Pellente ludorum <sup>9)</sup> procaces  
 Canitie <sup>10)</sup> facilemque Somnum.  
 Non semper idem floribus est honor <sup>11)</sup>  
 Vernis; neque <sup>12)</sup> uno Luna rubens nitet

1) Sententia primaria: Sectare vitae voluptates, hilarem sume diem, indulge genio. Et pro hoc inversa ratione: Nulla animum tuum conturbet sollicitudo, omnia, quorum sensus molestus est, a te aliena existimato.

2) Cantabri, Hispaniae populus, et Scythae, Istri accolae, crebris incursionibus fines Romanorum fatigabant.

3) Objecto: hoc non ita accipiendum est, ac si Scythae litorales maris Adriatici plagas tenuerint, sed illud potissimum nominat poeta, quo major horum longinquitas difficultasque rei adpareat.

4) Quaerere: Sensus: Noli seu remittas quaerere, sollicitus esse, periculorum impendentium metu excruciari, aut de eo, quid Cantabri et Scythae moliantur, cogitent; nam mare Adriaticum irruptionem horum impedit, quasi vallum est objectum Scythis, ne impetum faciant in Italiam. Hoc ipso autem, quod Scythas, qui propiores sunt finibus Italiae, haud timendos esse, ait, ob locorum distantiam; etiam Cantabrorum incursiones in fines Romanorum, utpote magis adhuc distantium, eo minus ipsis, in Italia tegentibus, timendos esse comprobant.

5) Nec trepides, id est: Nec anxie sis sollicitus de eo, unde vivas, cum vita pauca poscat, paucis indigeat in usum, ut ea perfruaris. Ordo igitur est: Nec trepides aevi, pauca poscentis in usum.

6) Sententia: Aetas enim juvenilis, quae sola fruendis vitae deliciis apta est, quam citissime transit. Hoc autem suavissimo phantasmate repraesentavit Horatius: Dum in prima aetate constitutus sumus, adest ad latus Juventas Dea cum comitatu suo: Decore, Joco, et Somno; dum aetate provehimur, illa a senectute, quae nos excipit, pulsa retro fugit, recedit, nos deserit.

7) Levis, inconstans, stare diu ac durare nescia.

8) Decor, id est: pulchritudo, gratia.

9) Ludorum procaces, id est: ludos seu jocos petulantes.

10) Canitie, pro, senectute, quae, quia sicca, arida est, pellit ludos et jocos, et difficiliorem facit somnum; is enim humidis vaporibus maxime alitur et fovetur.

11) Honor, id est, pulchritudo.

12) Neque Luna uno, eodemque vultu rubens nitet, resplendet; Luna non eandem faciem servat, variat vultum crescendo et decrescendo; unde optime temporum decursio facta perspicitur.

Vultu; quid <sup>13)</sup> aeternis minorem <sup>14)</sup>  
 Consilii animum fatigas?  
 Cur <sup>15)</sup> non sub alta vel platanô, vel hac  
 Pinu jacentes sic temere <sup>16)</sup>, et rosa  
 Canos odorati <sup>17)</sup> capillos,  
 Dum licet, Assyriaeque Nardo <sup>18)</sup>,  
 Potamus uncti? Dissipat Evius <sup>19)</sup>  
 Curas <sup>20)</sup> edaces. Quis <sup>21)</sup> puer ociosus  
 Restinguet <sup>22)</sup> ardentis Falerni  
 Pocula praetereunte <sup>23)</sup> lympha?

## Ode IX.

## Ad Maecenatem.

## Occasio et argumentum.

Augusti res gestas a Maecenate scribere jussus poeta, sublimi huic argumento lyricam Musam suam, quae levibus tantum rebus fere contineatur, omnino sufficere negat, ipsumque Maecenatem vicissim, ut illud historice persequatur sedulo hortatur. Dum autem lyram suam gravioribus argumentis pertractandis convenire negat, in hac ipsa pro-

13) Quum igitur res omnes fluxae sint, in tanta aetatis juvenilis brevitate, quid fatigas, exerces, affligis animum consiliis; quid consilia capis aeterna, quae vitae humanae spatium egrediuntur, tamquam immortalis sis?

14) Animum minorem, id est: quibus curis par non est, quibus succumbit

15) Imo abjice vanas istas curas, nec praesens, quo frui licet, temere tibi elabi tempus sine. Miram vero energiam habet, quod poeta, in aliis hilaritatis sensum excitaturus, ipse in voluptate quasi bacchatur, illicoque computationem in amoena regione jubet adparari, et, instructam jam animo praecipiens, convivas ad bibendum exhortatur.

16) Sic temere: jacentes, ut casus tulerit, ut cuique libuerit.

17) Rosa odorati capillos, id est: roseis sertis redimitos habentes capillos; caput roseis sertis coronantes.

18) Nardum, unguenti pretiosi genus, confectum e nardo, planta Indica, quae in Syriam advecta, inde Romam deferebatur; propterea dicitur Assyria, seu Syria Nardus.

19) Evius: Bacchus. Myth. et Od. 16 not. 13. L. I.

20) Curas edaces; macerantes.

21) Sensus: Repleantur vino pocula; et pro hoc e veteri more: Misceantur, temperetur vinum aqua!

22) Falernum, est pro quolibet vino, et ardens dicitur ab effectu.

23) Praetereunte: id est, aqua e proximo fonte petita.

fessione, taliumque argumentorum enumeratione spiritum prodit excellentissimum, dumque Augusti res gestas cum talibus exemplis componit, exquisitissime simul eas extollit. Jam pro levibus argumentis, quibus se unice parem profitetur, in specie commemorat, atque vere canit Licymniam amicam, cujus admiratione adeo se teneri ait, ut animus, in hac defixus, ne aliam quidem nunc cogitationem admittat. Non constat, quaenam fuerit haec Licymnia, aliqui nominant eam Liciniam, et putant eam esse Licinii Murenae sororem, cui nomen Terentiae, quaeque deinde Maecenati nupsit. E carmine ipso hoc tantum eruere pro certo licet, eam fuisse puellam eximia pulchritudine, aliisque virtutibus praeditam ac exornatam.

Metrum quod et L. I. od. 5.

Nolis <sup>1)</sup> longa ferae bella Numantiae <sup>2)</sup>,  
Nec durum Hannibalem <sup>3)</sup>, nec Siculum mare  
Poeno purpureum <sup>4)</sup> sanguine, mollibus  
Aptari citharae modis;  
Nec <sup>5)</sup> saevos Lapithas <sup>6)</sup> et nimium mero

1) Sententia generalis: ego canendis Augusti laudibus plane me imparem sentio, res ejus gestas carmine lyrico digne describendi facultatem mihi vix arrogem; multo melius tu eas soluta oratione persequi poteris. Haec autem ita exsequitur: Nolis, id est, ne jubeas, ne injungas mihi, aptari a me, ut aptem, ut adcommodem gravia carminum argumenta citharae modis, citharae sonis mollibus, lyrae molli, leviori tantum argumento aptae, id est: ut graviora argumenta ad lyram meam canam. Jam pro grandibus carminum argumentis talia nonnulla enumerantur a poeta, quae satis illustria virtutis Romanae documenta constituunt; bella Punica et Numantinum.

2) Numantia Hispaniae Tarraconensis urbs, obsidione Romanorum, quam per annos 14 insigni cum hostium clade sustinuerat, funestoque interitu celeberrima. Hinc bella longa, et Numantia fera dicta, cujus incolae in ultimam rabiem furemque conversi, duces suos, seque, patriamque ferro et veneno, subjectoque undique igne peremerunt a. u. 621.

3) Bella Punica declarat poeta per Hannibalem, et pugnas navales ad Siciliam primo Punico bello gestas cum virtute, nam Romani in his superioribus discesserunt. Dedit autem Hannibal initium bello Punico 2<sup>do</sup> a. u. 536. ac post varias clades Romanis illatas, redire coactus est in Africam, quo bellum Scipio transportaverat; ibi ab eodem victus, ad Antiochum Syriae, tum ad Prussiam Bithyniae regem fugit, apud quem, cum ne se quidem tutum putaret, sibi veneno mortem attulit a. u. 571.

4) Purpureum mare, sanguine tinctum, infectum.

5) Historicis Mythicae antiquitatis exempla subnectit poeta.

6) Lapithae, Thessaliae populus, de quibus vide L. I. od. 16. not. 11. Saevi dicuntur, id est: ira incensi, furentes in pugna nempe cum Centauris.

Hylaeum <sup>7)</sup>; domitosve Herculea manu  
Telluris <sup>8)</sup> juvenes, unde <sup>9)</sup> periculum

Fulgens contremuit domus  
Saturni <sup>10)</sup> veteris. Tuque <sup>11)</sup> pedestribus  
Dices historiis <sup>12)</sup> proelia Caesaris,  
Maecenas, melius, ductaque per vias <sup>13)</sup>

Regum colla minantium <sup>14)</sup>.  
Me <sup>15)</sup> dulcis dominae Musa Licymniae  
Cantus, me voluit dicere lucidum  
Fulgentes oculos, et bene mutuis

Fidum pectus amoribus:  
Quam <sup>16)</sup> nec ferre pedem dedecuit choris,  
Nec certare joco, nec dare brachia

7) Hylaeus unus e Centauris, nimius mero, id est: mero immoderate hausto incensus.

8) Telluris juvenes, id est: Gigantes. De bello Gigantum, caelum oppugnantium, vide Myth. In hoc Hercules praecipue Jovis partibus adstitit, quapropter Gigantes, filii Terrae, domiti ab eo dicuntur.

9) Unde: a quibus Gigantibus.

10) Saturni domus, est caelum, fulgens stellis; vetus autem dicitur Saturnus, quia fuit Deorum antiquissimus.

11) Sententiarum ordo: Noli, seu ne jubeas me, describere carmine lyrico tam gravia argumenta, et praecipue res egregie gestas a Caesare, et triumphos ejus, quos tu multo melius historice describes.

12) Historiis pedestribus, id est, prosa scriptis; soluta oratione conscripta historia.

13) Romae maxime per viam sacram in Capitolium triumphantes vehabantur. Hinc fortasse intelligas, hanc oden ante 724 urbis c. non fuisse scriptam, quo anno ter, tribus deinceps diebus Augustus triumphavit: 1<sup>a</sup> die de Dalmatis, altera de Antonio et Cleopatra, et 3<sup>a</sup> de Aegypto.

14) Minantium, id est, qui in ipsa ea misera conditione, catenis collo circumdatis, ducti ante currum triumphalem minas adhuc, furemque feroci vultu, oculisque ardentibus ostendunt.

15) Sensus: equidem levia tantum argumenta tractare possum, in lusibus ac jocis unice Musa mea occupatur. Et pro hoc: Licymniae soli vacare nunc possum, hujus pulchritudo ac gratia omnes meas ad se convertit cogitationes, in hujus laudibus celebrandis nunc totus sum. Me jubet Musa cantare, extollere dulces cantus, id est, suavem vocem, oculos lucide fulgentes, et fidem in amore, atque constantiam Licymniae dominae, a me scilicet admiratae.

16) Sensus: quae in quovis saltationis genere excellit; non dedecet eam, id est, laudi maxime illi cedit, ferre pedem, incedere decenter in choris; neque certare cum aliis in mimica arte (jocari enim proprie de Mimis dicitur Ovid. Trist. II. 497), nec etiam dedecet eam ludentem, saltantem dare brachia concinne virginibus; nam in brachiorum motu inter saltandum molli et ad

Ludentem nitidis virginibus, sacro

Dianae celebris die <sup>17)</sup>.

Nam <sup>18)</sup> tu, quae tenuit dives Achaemenes <sup>19)</sup>,

Aut pinguis Phrygiae Mygdonias <sup>20)</sup> opes,

Permutare velis crine Licymniae,

Plenas <sup>21)</sup> aut Arabum domos?

*Sua flagrantia delinquit ad oculum  
Carviam aut facili recubia negat.*

O d e X.

*Quae potante in agris gaudet eripi.*

*Judentem sapienter* **In arbore m.** *Juni fa verit.*

Occasio et argumentum.

Carmen hoc ex eo genere est, quum ingenium poëtae a sensu aliquo, a quo graviter impulsus fuerat, progressum, mox ad alios sensus, qui ex ista naturali idearum successione fluunt, transit, iisque ad finem usque immoratur. Execratus igitur arborem poëta, cujus ictu paene oppressus erat, ad incertum cujusque fatum progreditur; tum idea mortis, regni Plutonii, quo jam in eo fuisset, ut descenderet, ita omnes ejus sensus occupat, ut versari in Elysio inter priscos

numeros facti, omnino maxima virtus erat; praeterea Virgilius etiam dicit: ludere in numerum, pro, saltare.

17) Dies Sacri seu festi Dianae plures erant per annum apud Romanos, unde et celebris audit, ab ipsis religiosissime culta. Hic dies autem admodum solemnem laetitiam, tam in urbe, quam in agris et silvis a virginibus agebantur choreis etiam, quae cum omnibus festis communes essent, tum ipsos Dianae choros repraesentarent; ut haec primaria exsplendescendi occasio esset formosis virginibus ac saltatricibus nitidis, id est, eleganter comitis et ornatis.

18) Ordo sententiarum esset: Musa me voluit dicere crines Licymniae pulcherrimos; omisso autem hoc, per saltum statim dicit: quos maximis opibus anteposuerim, auro mihi pretiosiores. Hos jam admirationis de pulchritudine Licymniae sensus, quos, ut in quolibet affectu fieri solet, omnium esse existimat, cum Maecenate communicat, hujusque eleganti judicio Licymniae dotes vel maximis opibus potiores visum iri certo confidit, sequenti fere modo: Maecenas, si nosceres caelestem illam pulchritudinem, an tu omnes regum thesauros pro crine Licymniae permutare velles? Certenunquam, supplendum est.

19) Achaemenes fuit primus rex Persarum.

20) Mygdones, antiqua Thraciae gens, quae, Europa relicta, Phrygiae partem occupavit, adeoque: pinguis, id est, opulentae, e solo pingui, Phrygiae opes Mygdonias, seu valde magnas intelligit hic poëta.

21) Plenae, id est: opulentae domus, seu divitiae Arabum.

poëtas lyricos, Sapphoque et Alcaeum audire sibi videatur; cujus ideae enthusiasmo ita abripitur, ut ei magnificentissime immoretur, et cum eo totum carmen finiat. Qua sane ad poëtarum istorum laudes conversione nihil splendidius aut excellentius cogitari potest.

Metrum, quale L. I. carm. 8.

Ille <sup>1)</sup> et nefasto <sup>2)</sup> te posuit die,  
Quicumque primum <sup>3)</sup>, et sacrilega <sup>5)</sup> manu

Produxit <sup>4)</sup>, arbos, in nepotum <sup>6)</sup>

Perniciem, obprobriumque <sup>7)</sup> pagi.

Illum <sup>8)</sup> et parentis crediderim sui

Fregisse cervicem, et penetralia <sup>9)</sup>

Sparsisse nocturno cruore

Hospitis; ille venena <sup>10)</sup> Colcha,

Et quidquid <sup>11)</sup> usquam concipitur nefas,

Tractavit, agro qui statuit meo

Te triste <sup>12)</sup> lignum, te caducum <sup>13)</sup>

1) Ordo naturalis: O arbos, quicumque te plantavit, ille, et te infausto die et sacrilega manu posuit in exitum nepotum, et obprobrium pagi; ille, ut opinor, parentis sui cervicem fregit etc., id est, sceleratissimus fuit.

2) Apud Romanos alii dies fasti dicebantur, ii scilicet, quibus praetoria illa verba: Do, Dico, Addico, nam his omnem suam jurisdictionem absol-vebat, fari licebat; alii nefasti, quibus Forum clausum, nec Praetor seu judex illa praedicta verba fari, et iis uti poterat. Hoc loco nefastus dies tantum est, ac, funestus, quo parum feliciter res succederent.

3) Quicumque primum, subintellige: te plantavi, te statuit in agro meo, quod inferius subjungitur, versu 10.

4) Produxit, id est, sevit, plantavit, protulit.

5) Sacrilega, id est: impia, scelerata.

6) In nepotum perniciem; in hanc finem nempe, ut posteris exitio esses.

7) Obprobrium pagi; quia posterius inde concludunt, hic valde scelestos habitasse homines.

8) Sententia est: Ille non sacrilegus solum, sed etiam parricida fuit, hospitem suum occidit, venena miscuit.

9) Penetralia: Interiorem partem domus noctu inquinasse sanguine hospitis a se occisi. Jus enim hospitii maxime sanctum habebatur, itaque gravissimum erat scelus, hospitem necare.

10) Venena Colcha, qualia Medea Colchica tractavit, adeoque praesentissima efficacissima. Colchis est regio, prope Pontum, ubi venena efficacissima nascuntur. De Medea, filia Aetiae regis Colchorum, vide Myth.

11) Quidquid nefas, id est: quodcumque scelus animo usquam concipitur, per totum terrarum orbem sit, ab eo illud patratum crediderim.

12) Triste lignum, ob tristes ejus effectus, adeoque: damnosum, exitiosum lignum, seu arbor.

13) Caducum, id est, quod caesurum, oppressurum eras caput domini,

In domini caput immerentis.

Quid <sup>14)</sup> quisque vitet, nunquam homini satis  
Cautum est, in horas. Navita <sup>15)</sup> Bosphorum <sup>16)</sup>

Poenus <sup>17)</sup> abhorrescit; neque <sup>18)</sup> ultra

Coeca timet aliunde fata;

Miles <sup>19)</sup> sagittas et celerem fugam

Parthi; catenas Parthus <sup>20)</sup> et Italum

Robur: sed <sup>21)</sup> improvisa leti

Vis rapuit, rapietque gentes.

Quam <sup>22)</sup> paene furvae regna Proserpinae <sup>23)</sup>,

Et iudicantem vidimus Aeacum <sup>24)</sup>:

seu dominum, possessorem hujus agri, me, immerentem, innoxium, nullius culpa conscium.

14) Dum periculi, quod incautum eum paene oppresserat, cogitatione poëtae animus intenditur, facilis erat ad communem de incerto cujusque fato sententiam progressio, illamque adjungit sine transitionis formula. Nunquam ab homine satis caveri potest, aut provisum, cautum est, quid quisque vitet, quae sibi vitanda sint in horas, id est: quae insent sibi pericula quovis temporis momento.

15) Egregie jam sententiam istam perquam adpositis exemplis communit atque exornat.

16) Bosphorus est fretum angustum et periculosum, inter mare Aegeum et Propontidem, Hellespontus alio nomine. Non procul abest alius inter Propontidem et Pontum Euxinum, Bosphorus Thracicus dicitur. Denique est Bosphorus Cimmericus, inter Pontum Euxinum et Meotidem paludem.

17) Poenus navita: mercator Phoenicius perhorrescit maxime, unice timet Bosphorum Thracicum, fretum aestuosum.

18) Neque ultra, ulterius, trajecto Bosporo, sub alia specie occurrentia fata caeca timet, id est, inexpectata et ignota.

19) Miles Romanus perhorrescit maxime Parthum, et pro hoc poëtice: timet celerem fugam, id est, Parthum in fuga simulata fortissime depugnantem, sagittis petentem, temere insequentem Romanum. Id, quod praecipue in clade Crassi factum est.

20) Parthus contra catenas Italas, seu Romanas metuit; ne bello a Romanis capiatur, in triumpho ab ipsis catenatus ducatur; tum robur, id est, carcerem roborem, seu roboreis textis communitum, ne videlicet in carcere obruncetur. Generatim ergo: timet Parthus captivitatem et necem a Romanis.

21) Sed hoc iterum in generalem sententiam, a qua exorsus fuerat, convertit poëta dicens: Leti vis, mors improvisa rapuit, rapietque, et ad inferos deducet gentes, seu homines.

22) Sensus generalis: Ita et ego paene occubuissem, pro quo dicit poëta: Vidimus, subiunxit regnum Proserpinae, loca infera.

23) Proserpina uxor Plutonis, Cereris filia, de qua vide Myth. Furva seu nigra dicitur ob perpetuum rerum inferarum epithetum.

24) Aeacus. Tres erant apud inferos noti iudices: Minos, Aeacus et Radamanthus. Vide Myth.

Sedesque discretas piorum; et

Aeoliis fidibus querentem

Sappho <sup>26)</sup> puellis de popularibus <sup>27)</sup>;

Et te sonantem plenus aureo,

Alcaeae <sup>28)</sup>, plectro dura navis,

Dura fugae mala, dura belli.

Utrumque <sup>29)</sup> sacro digna silentio

Mirantur umbrae <sup>30)</sup> dicere: sed magis <sup>31)</sup>

Pugnas et exactos tyrannos

Densum humeris bibit aure vulgus.

Quid mirum <sup>32)</sup>? ubi illis carminibus stupens

Demittit atras bellua centiceps <sup>33)</sup>

Aures <sup>34)</sup>, et intorti capillis

25) Sedes discretas, id est: loca sejuncta a reliquis regionibus, flumine interjecto; adeoque Elysium.

26) Sappho fuit poëtria, oriunda e Lesbo insula, in qua urbes quaedam Aeolicae ditionis erant, itaque idem est hic Aeoliis, atque Lesbii. Aeoles autem Graeciae populi fuerunt, qui, relicta patria, transierunt in Mysiam, regionem Asiae minoris inter Troadem et Joniam.

27) Puellis de popularibus querentem: querebatur illa adhuc vivens, se puellis Lesbii parum amari, et hanc querelam mortua instaurabat. Erat enim ea veteribus opinio: iisdem studiis teneri mortuos, quibus, dum viverent, indulserant.

28) Alcaeus poëta lyricus Lesbii etiam, ex Mytilene civitate, et auctor Alcaici versus. Hic arma pro patriae libertate gerens adversus Tyrannos, nonnunquam victor, sed aliquando etiam victus et fugere coactus, aspera multa pertulit. Vide L. I. od. 27. not. 6. Cum in suis carminibus agat de rebus bellicis, et duris fati fugae navalis; habet eapropter stylum grandiolem et pleniorem, quam Sappho, adeoque plenus sonans, canens, plectrum aureum.

29) Abreptus phantasiae vi poëta, se plane ad inferos delatum, Alcaicumque et Sappho in medio umbrarum, maxima eos frequentia stipantium, audientiamque facientium, turba canentes audire se opinatur.

30) Umbrarum mirantur utrumque, Sappho et Alcaicum, dicere digna silentio, id est: auscultant eis, admiratione defixae, dicentibus, canentibus; admirantur eorum cantum, dignum sacro silentio, cujus maxima dulcedo est, quae delinitae silentium tenent sacrum, quale in sacris obtinet, adeoque altis sinu.

31) Sensus: magis tamen Alcaeae cantus umbras tenet, et pro hoc: vulgus, id est, multitudo umbrarum densa, condensata humeris, constipata bibit aure, seu, avidè haurit, intente audit Alcaicum.

32) Quid mirum? non est mirum illos audiri tam attente ab umbris inferorum, siquidem ipse Cerberus aliaque Erebi monstra istis carminibus demulcentur.

33) Centiceps bellua, Cerberus, cui tria vulgo capita adunguntur; a poëtis autem interdum centena.

34) Aures demittit illis carminibus stupens, id est: audito Alcaeae can-

Eumenidum<sup>35)</sup> recreantur angues:  
 Quin<sup>36)</sup> et Prometheus<sup>37)</sup>, et Pelopis<sup>38)</sup> parens  
 Dulci laborum<sup>39)</sup> decipitur sono;  
 Nec curat Orion<sup>40)</sup> leones  
 Aut timidos agitare lyncas

O d e X I.

### A d P o s t u m u m.

Occasio et argumentum.

Videtur ille Postumus, ad quem ode ista directa est, fuisse dives atque opulentus, sed parcus idem et avarus, qui adeo anxia futuri sollicitudine a praesentis temporis fructu detineretur. Igitur de morte omnibus communi, vitaeque brevitate, atque hinc ducto illa perfruendi officio philosophiam, toties jam tractatam, hoc etiam carmine persequitur; ita tamen, ut in primis plenius exactiusque exprimat communes de morte et brevitate vitae locos, ipsa inde derivanda vitae praecepta leviter tantum attingat, amicoque ipsi inde colligenda relinquat.

Metrum praecedentis carminis.

Eheu fugaces, Postume, Postume,  
 Labuntur anni; nec pietas<sup>1)</sup> moram

tu, stupore correptus, mitescit, exuta ferocia, quod demittendo aures indicat. De epitheto atro, vide supra not. 23.

35) Eumenidum, id est, Furiarum angues, cum quibus depingi solent capillorum loco, se delectant, pro: Furiae ipsae mitigantur, iram remittunt, ipsis propriam. De Furiis vide Myth.

36) Sensus: quin et ii, qui Tartaro inclusi, poenas luunt, Iyrae suavitate, permulcentur, dolores minus sentiunt, cantu deliniti.

37) Prometheus, Japeti filius, qui ob ignem de caelo clam sublatum detrusus est ad Inferos; ubi vultur ejus jecur immortale rodit. Myth.

38) Pelopis parens, Tantalus, qui mediis in aquis sitit. Vide Myth.

39) Laborum decipitur, id est: sono cantus deliniti laborum decipiuntur, ita, ut sensus ipsorum a laboribus, cruciatibus, avocetur; obliviscuntur miseriarum suarum.

40) Orionis exemplo umbras Alcaei carmine ita demulciri atque detineri ostendit, ut vel ea studia atque occupationes, quibus maxime delectentur, omittant ac negligant. Orion autem venator, dum viveret, insignis erat.

1) Nec pietas etc. Tua virtus et pietas senectutem et mortem non retardabit.

Rugis et instanti senectae  
 Adferet, indomitaeque Morti.  
 Non<sup>2)</sup>, si trecenis, quotquot eunt dies,  
 Amice, places illacrimabilem<sup>3)</sup>  
 Plutona tauris; qui ter amplum  
 Geryonen<sup>4)</sup>, Tityonque<sup>5)</sup> tristi  
 Compescit<sup>6)</sup> unda<sup>7)</sup>, scilicet omnibus,  
 Quicumque terrae munere vescimur,  
 Enavigandā<sup>8)</sup>, sive reges  
 Sive inopes erimus coloni<sup>9)</sup>.  
 Frustra<sup>10)</sup> cruento Marte<sup>11)</sup> carebimus,  
 Fractisque rauci fluctibus Hadriae;  
 Frustra<sup>12)</sup> per autumnos nocentem  
 Corporibus metuemus Austrum<sup>13)</sup>;  
 Visendus<sup>14)</sup> ater flumine languido

2) Non si etc. non retardabis aut effugies mortem, etiamsi placare coneris Plutonem sacrificio quotidiano trecentorum boum.

3) Illacrimabilem: activam habet vox ista hic significationem, nempe lacrimari nescium, indocilem flecti lacrimis, immisericordem, durum.

4) Geryon fuit Hispaniae rex, qui, quod insulas tres, ut ajunt, aut tres provincias obtineret, fictus est a poetis tria corpora inter se juncta habere, ab Hercule occisum ferunt.

5) Tityus, unus e gigantibus, qui jacens occupare dicitur novem jugera. Hic ab Apolline, quod Latonam violare vellet, sagittis necatus, et ad inferos trusus est. Cujus jecur a vulture exedi perhibetur, et quotidie renasci in poenam.

6) Compescit, id est: inclusos tenet, prohibetque, ne ad superos emergant.

7) Unda, nempe Styge et aliis Inferorum fluvii.

8) Enaviganda. Quam scilicet omnes, qui frugibus terrae vescimur, id est, in hac terra vivimus, enavigare debemus.

9) Coloni, agricolae. Sensus: sive divites aut potentes, sive pauperes simus.

10) Sententia: vana adeo est omnis hominum vitae valetudinisque tuendae cura ac sollicitudo, cum mors certissima nobis impendeat.

11) Cruento Marte carebimus, id est: frustra abstinebimus a bello, et a navigatione naufragii metu. Pro mari procelloso positi sunt fluctus Hadriae, maris Hadriatici fracti, ad scopulos adlisi, et inde relabentes, unde raucum illud murmur.

12) Sensus: frustra cavemus, ne corpus morbo tentetur.

13) Auster, ventus meridionalis, qui tempore auctumni humido calore, praecipue in Italiae regionibus, morbos et febres adferre solet, propterea dicitur a poeta nocens seu noxius, infestus valetudini corporis.

14) Sententia generalis: mortem enim nequaquam effugiemus, descendendum aliquando ad loca infera. Designat ea poeta per Cocytum, regio-



Cócytus errans, et Danaï<sup>15)</sup> genus

Infame, damnatusque longi

Sisyphus<sup>16)</sup> Aeolides laboris.

Linquenda<sup>17)</sup> tellus, et domus, et placens

Uxor; neque harum, quas colis, arborum

Te, praeter invisas cupressos<sup>18)</sup>,

Ulla brevem<sup>19)</sup> dominum sequetur.

Absumet haeres Caecubā<sup>20)</sup> dignior<sup>21)</sup>

Servata centum clavibus; et mero

Tinget<sup>22)</sup> pavementum, superbis<sup>23)</sup>

Pontificum potiore<sup>24)</sup> coenis.

nis inferae fluvium segniter fluentem, per Danaides et Sisyphum, atque hos quidem, in scelerata sede, seu Tartaro a poëtis collocatos, memorat, totamque regionem inferam intelligi vult.

15) Danaides, filiae Danaï, quae, quod suos sponso, Aegypti patri sui filios, interemissent, ea damnatae poena sunt, ut aquam immittant in dolium pertusum; propterea harum genus dicitur infame, diffamatum scelerum portentis. Danaus et Aegyptus fratres fuere, Beli regis Aegypti filii. Danao erant 50 filiae, Aegyptio filii totidem, qui filias Danaï duxerunt, et ab iis omnes prima nuptiarum nocte sunt caesi, praeter Lynceum, cui pepercit Hypermnestra.

16) Sisyphus, Aeoli filius, atrocissimi infamis; ob hospites, aquis meros, aut saxo interfectos, in Tartaro saxum ingens in montis verticem propellere cogitur, quod semper sua sponte devolvitur, longo labore, et irrito.

17) Eadem fere sententia, aliis tantum coloribus adumbrata: omnibus iis, quae in hac vita jucunda fuere, aliquando carendum; omnia tibi erunt relinquenda.

18) Cupressini rami figebantur prae foribus ejus domus, in qua quis diem obiisset; eodem ligno cadavera cremabantur. Caesa cupressus non revirescit amplius, aut repullulat: ita mortuus homo non revirescit. Hinc adhibita haec arbor in funeribus, et invisita dicitur a poëta, quatenus omnia, quae ad mortem et res inferas spectant, invisita sunt.

19) Brevem, id est: brevi tempore viventem.

20) Caecuba vina sunt generosa in Campania.

21) Dignior, te scilicet, qui utatur bonis, quibus tu male parcis, quaeve centum clavibus adservas.

22) Tinget: effundet in pavementum, et disperdet.

23) Superbis: magnificis, splendidis.

24) Potiore, id est: praestantiore vino, quam quod in coenis pontificum adponitur. Salios intelligit sacerdotes, qui laute admodum, certis praesertim diebus, epulabantur. Vide L. I. od. 30. not. 15.

Ode XII.

## In sui aevi luxuriam.

Occasio et argumentum.

Invehitur hoc carmine Horatius in profusissimam privatorum hominum, aedificiis splendidis, villarumque insanis structuris, tum hortis, piscinis ac vivariis, solius amoenitatis ac voluptatis gratia, immensos sumtus impendentium luxuriam, laudatque e contrario priscam veterum Romanorum frugalitatem, severamque continentiam, qui modicis privatis opibus contenti, omnia sua in publicam utilitatem contulerint.

Metrum praecedentis carminis.

Jam<sup>1)</sup> pauca aratro jugera regiae<sup>2)</sup>

Moles relinquent; undique<sup>3)</sup> latius

Extenta visentur Lucrino<sup>4)</sup>

Stagna lacu; platanusque caelebs

Evincet<sup>5)</sup> ulmos; tum<sup>6)</sup> violaria, et

1) Initio statim carminis erumpit liberrima poëtae indignatio per sententias breves, nulloque nexu adpositas. Sententia: jam procedente sic luxuria fieri non potest, quin brevi agri arationi defuturi sint, propter immanem hominum in aedificiis exstruendis insaniam.

2) Regiae moles sunt aedificia regali luxu educa, sumtuosa, splendida.

3) Alterum luxus genus, quod villis exornandis, gulaeque inserviret, erant piscinae, quae vel injectis mari molibus, si villa litori praetenderetur, vel mari in terras recepto, ac vel per montes suffossos ducto, in continenti in hunc finem adornabantur, ut exquisitorum marinorum piscium quovis tempore suppeteret copia. Sensus: haec stagna passim per totam Italiam cernere licebit et quidem latius, id est, magis extenta, ampliora, quam Lucrinus lacus.

4) Lucrinus lacus erat prope Bajas juxta lacum Avernum; illum autem Augustus publici commodi causa, magnis sumtibus, cum hoc et ipso mari conjunxit, unde portus Julius vocatus est.

5) Evinct: loco cedere coget, honore ac numero superabit ulmos. Jam cum ulmi, populi etc. ad quas vites ducerentur, ita vel in pedestri sermone dicerentur maritari, docte poëta platanum coelibem dixit, cui vitis non adhaereret, et quae vitibus jungendis apta non est, propter densas ramorum umbras. Hoc unico igitur epitheto declaratur: omnem hominum curam a vitibus ad platanos conserendas mox traductum iri, platanos brevi agros vitibus consitos occupaturas esse, quae utpote opacitati et umbrae magis inserviunt.

6) Sensus: spargent, diffundent in olivetis odorem, pro: occubabunt agros, qui olivis consiti fuerant; ubi oliveta fuerant, unde utilitates retundarent in priorem dominum, ibi erunt violaria, myrteta, et omnis copia narium, id est: flores omnis generis suaveculescentes.

Myrtus, et omnis copia narium,  
 Spargent olivetis odorem,  
 Fertilibus domino priori:  
 Tum <sup>7)</sup> spissa ramis laurea fervidos  
 Excludet ictus. Non ita Romuli <sup>8)</sup>  
 Praescriptum <sup>9)</sup>, et intonsi Catonis  
 Auspiciis <sup>10)</sup>, veterumque norma <sup>11)</sup>.  
 Privatus <sup>12)</sup> illis census erat brevis,  
 Commune magnum: nulla <sup>13)</sup> decempedis <sup>14)</sup>  
 Metata privatis opacam  
 Porticus excipiebat Arcton <sup>15)</sup>:  
 Nec <sup>16)</sup> fortuitum <sup>17)</sup> spernere cespitem

7) Sensus: ubique laureta conserentur, quae opacas et amoenas deambulationes praebeant, et pro hoc: in quibus laurus spissa ramis seu densis ramis fervidos solis ictus, hoc est, radios excludat, arceat, amoenamque umbram spargat.

8) Ordo sententiarum: ac in hoc quidem quantum ab institutis Majorum discessimus. Alia sane exempla nobis majores nostri reliquere.

9) Praescriptum, id est: institutum.

10) Auspiciis, legibus scilicet, quae, captis prius auspiciis, ferebantur; auspex enim is dicebatur cujus ductu et auctoritate fiebat aliquid.

11) Norma, id est: vitae usus et ratio, quae nobis vivendi norma et regula esse debet. Notum autem est: Romulum in fundatione Romae, legibus institutis, non nisi dua jugera cuilibet civi Romano adsignasse, et Catonem majorem labentem disciplinam veterem, luxuque diffluentem civitatem, morum atque censurae asperitate continere conatum esse, prodita hac ejus antiquae disciplinae severitate etiam corporis habitu, barbaque intonsa; unde intonsus appellatur.

12) Sententia: quorum census, seu divitiae et opes privatae, res familiaris cujusque brevis, angusta, exigua erat; commune contra, quod ad omnes pertineret, opes Reipublicae magnae, immensae.

13) Sensus: domus privatae non magnifice exstructae erant, aut splendide exornatae.

14) Decempeda est pertica seu mensura 10 pedum. Vocat illas privatas, quasi diceret: non habebant privati, ut nunc sit, porticus oppositas Septemtrioni, quae patebant versus Septemtrionem et clausa erant versus Meridiem, et decempedis metatas, id est, amplas.

15) Arcton significat proprie ursam, signum septentrionale. In hoc vero loco significat ventum frigidum a Septemtrione et Arcto flantem, quo aestivi calores lenirentur, et cui obversa erat porticus, ut exciperet auram frigidam. Opaca Arctos, pro: unde non adluet sol, unde umbra est.

16) Sensus: majores enim nostri privatim frugalitatis continentiaeque maxime rationem habebant; quae autem, ad dignitatem et majestatem imperii tuendam, vim haberent, ea, ut quam splendidissime adpararentur, sedulo curabant.

17) Fortuitum, id est, obvium, parabilem, vilem, oppositum materiae,

Leges sinebant, oppida <sup>18)</sup> publico  
 Sumtu jubentes, et Deorum  
 Tempa novo decorare saxo.

O d e XIII.

## Ad Pompejum Grosphum.

Occasio et argumentum.

De Pompejo Grospho vide argumentum Lib. II. od. 5. Sententiarum hujus carminis sequens progressio est: Omnes quidem otium tam corporis, quam animi tranquillitatem, vitam adeo curis molestiisque vacuam exoptant, sed non veram viam, qua ad eam pervenitur, ingrediuntur. Honorum, divitiarumque, quae eam efficere somniant, inexplebili cupiditate laborant, nec intelligunt, animum ita curis, corpus autem laboribus continuo fatigari, quibus tamen se levatos quam maxime cupiant. Imo vero tranquillitatis verae unice capax est animus sorte sua qualicunque contentus, in quo tanto lubentius adquiescit, quum recordetur, nullius hominis conditionem ab omni parte beatam esse posse, et huic bonum aliquod contingere, quo alteri carendum sit; eidemque contra negari, quod alteri obtigerit. Illustrat hoc poeta Tithoni et Achillis, tum etiam suo et Grosphi exemplo.

Metrum, quod L. I. carm. 2.

### Otium <sup>1)</sup> Divos rogat in patenti

quae magna cum difficultate atque impensa conquiritur. Leges ergo jubebant adhiberi et praeferi sumtuosis lectis, ac sedilibus cespitem vilem, id est, humum nudam et gramineam, in qua sederent et dormirent.

18) Oppida, id est, urbem jubebant eadem leges, publico sumtu factis aedificiis, exornari; et templa Deorum decorari ac extrui saxis, quo decor, splendor iis accederet; novis, quorum nempe usus minus frequens esset, quae privatis aedibus non adhiberentur; intellige marmor.

1) Ordo sententiarum: unus quisque otium, hoc est: vitam tranquillam curisque vacuam maximo studio expetit. Quam cum in divitiarum honorumque splendore publica hominum reponat persuasio, congerendis, comparandisque istis omnes vel cum vitae periculo operam navant maximam. Enimvero haecce ne utiquam praestant vitae tranquillitatem etc. Contentiones vero ac studia hominum, quibus se otium obtenturos sperant, specialibus picturis adumbrat poeta.

Prensus <sup>2)</sup> Aegaeo, simul <sup>3)</sup> atra nubes  
 Condedit Lunam, neque certa <sup>4)</sup> fulgent  
 Sidera nautis:

Otium <sup>5)</sup> bello furiosa Thrace,  
 Otium Medi <sup>6)</sup> pharetra decori,  
 Grophe, non gemmis, neque purpura ve-  
 nale <sup>7)</sup>, nec auro.

Non <sup>8)</sup> enim Gazae <sup>9)</sup>, neque consularis  
 Submovet lictor <sup>10)</sup> miseros tumultus <sup>11)</sup>  
 Mentis, et Curas laqueata <sup>12)</sup> circum  
 Tecta volantes.

Vivitur <sup>13)</sup> parvo bene, cui paternum  
 Splendet in mensa tenui salinum <sup>14)</sup>;

2) Nauta seu mercator prensus, deprehensus tempestate in medio, altissimo mari. Aegaeum, utpote procellosissimum, pro quocunque mari positum est. Patenti, id est: ubi latissime patet, alto, ubi nullum refugium est.

3) Simul, id est: simul atque, vel postquam.

4) Certa sidera, quae cursum navigantium certo regere possint, quae certo et constanter adpareant.

5) Otium, subaudi: rogat Deos. Thrace, idem, ac Thracia, Europae regio supra Graeciam et Aegaeum mare sita, belli artibus clara; propterea furiosi, bellicosi Thraces dicuntur.

6) Medi prope Persidem habitabant in Asia; pharetra decori, id est, sagittiferi, qui semper in armis sunt, propter crebras ipsorum, seu Parthorum, in fines Romanorum incursiones ac bella, et cum his, et cum finitimis gesta. Sensus: etsi lubenter Thraces bello detineantur, et Medi in armis vitam tegant, tamen aliquando otium, quietem praeoptant.

7) Non venale: enimvero illud otium nullis opibus, neque gemmis nec auro etc. redimas, obtineas.

8) Sententia prior amplificata: nam divitiis atque honoribus animi curae non cedunt, imo iis augentur.

9) Gazae idem, ac opes, proprie enim haec vox significat Persarum Thesauros.

10) Lictor, publicus minister, qui Magistratibus praebat, ac fasces praeferebat. Vide Antiquit. Illius munus erat, populum submovere, ut eunti Consuli via pateret, tumultum cohiberet etc. Lictor stat hic pro honoribus.

11) Miseros tumultus, id est, perturbationes animi submovet, abigit.

12) Laqueata tecta: idem ac lacunar, seu laquear, tectum trichlinii tignis transversis in quadratas degressiones seu loculamenta divisum, quae auro, coloribus, picturis illustrabantur. Magnus in hoc genere etiam luxus erat divitum.

13) Sensus: is demum bene, beate ac tranquille vitam degit, qui sorte sua, etsi mediocri, vel adeo tenui, contentus est, quem nulla augendae rei cupiditas vexat. Et pro hoc dicit poeta: vivitur ab illo bene, seu beate, cui est salinum paternum mundum et nitidum in tenui et frugali mensa.

14) Salinum: vasculum salis. In mensis veterum praecipua quadam re-

Nec leves somnos Timor <sup>15)</sup>, aut Cupido  
 Sordidus aufert.

Quid <sup>16)</sup> brevi fortes jaculamur aevo  
 Multa? quid <sup>17)</sup> terras alio calentes  
 Sole mutamus? Patriae <sup>18)</sup> quis exsul  
 Se quoque fugit?

Scandit <sup>19)</sup> aeratas <sup>20)</sup> vitiosa naves  
 Cura; nec turmas <sup>21)</sup> equitum relinquit,  
 Ocior cervis, et agente nimbos  
 Ocior Euro <sup>22)</sup>.

Laetus <sup>23)</sup> in praesens animus, quod ultra est,  
 Oderit curare, et amara lento

figione sal adponebatur, et sacer esse putabatur. Deinde victus tenuis sale significatur; pauperes enim salem pro obsonio lingebant. Splendet, autem designat hominem ita frugalem, ut sordidus et immundus non sit.

15) Timor aut Cupido sordidus, id est: avaritia, quae metu turbatur, ne bonis exuatur, et augendarum rerum cupiditate insatiabili tenetur; quae divitis avari animum misere torquent, sordidum reddunt et coinquant, ejusque somnum turbant.

16) Sententia: cur fortes, id est: tanto cum nisu, tantopere jaculamur, adpetimus multa; cur magnis consiliis tanta cum intentione imminemus; cur cogitationes nostras, augendarumque opum studium longè ultra vitae nostrae terminum extendimus, quasi in aeternum victuri simus; cum tamen brevi aevo vivamus, brevissima nostra sit vita?

17) Sensus: cur quaestus et lucri causa migramus in longinquas oras, calidiores aut frigidiores, ubi sol proinde alius videtur esse, atque est in patria nostra, quam relinquimus?

18) Patriae quis etc. Enimvero is, qui patriam fugit, relinquit, alias aditurus regiones, num se quoque fugit? hoc est: is animi sui aegritudinem ubique secum fert, curae cum isto peregrinantur.

19) Amplificator jam specialibus picturis sententia: hominem animo aegrum itinera, terra marive animi recreandi causa suscepta, non levant: ejus aegritudinem nequiquam minuunt aut tollunt.

20) Aeratas naves scandit, id est: conscendit cum domino vitiosa, morbosa, aegrotata cura aeratas naves; rostra enim navium, seu prorae, et anteriores partes aere et ferro muniebantur.

21) Turmas equitum, id est: non relinquit, continuo sequitur numerosum comitatum equestrum hominis divitis, terra iter facientis.

22) Eurus est ventus ab Oriente flans, qui creber procellis rubes ante se propellit maxima cum celeritate.

23) Animus e contra ab omni cupiditate liber, ac laetus in praesens, id est: praesenti, quod vivendum datur, hilariter fruens, oderit curare, id est: ne curet, quod ultra est, quod nondum attigimus; ne sollicitus sit de futuro, et amara, id est: adversa, acerba, injucunda temperet, comprimatur, levet risu lento, moderato; ne succumbat, malis, aut iis nimium contristetetur.

Temperet risu. Nihil <sup>24)</sup> est ab omni

Parte beatum.

Abstulit <sup>25)</sup> clarum cita mors Achillem <sup>26)</sup>,

Longa Tithonum <sup>27)</sup> minuit senectus;

Et mihi forsan, tibi quod negarit,

Porriget hora <sup>28)</sup>.

Te greges <sup>29)</sup> centum, Siculaeque <sup>30)</sup> circum

Mugiunt vaccae; tibi <sup>31)</sup> tollit hinnitum

Apta quadrigis equa; te bis Afro

Murice <sup>32)</sup> tinctae

Vestiunt lanae; mihi <sup>33)</sup> parva rura <sup>34)</sup>, et

24) Nihil, id est: nemo.

25) Ultimam sententiam insignibus horoicae ac mythicae aetatis exemplis illustrat poeta.

26) Achilles heros Graecorum fortissimus, filius Pelei, regis Thessaliae, et Thetidis, occisus est fraudulenter a Paride Trojae in templo Apollinis, quo venerat sub induciis, ut duceret Polyxenam filiam Priami. Fuit autem invulnerabilis praeterquam in parte pedis, qua Thetis eum puerum tenuit, dum ejus rei gratia ipsum aqua Stygia immersit. Cita mors, designat mortem in ipso flore aetatis. Contigit ergo illi maxima nominis gloria cum brevissima vita. Vide Iliad.

27) Tithonus, Aurorae maritus, cui cum vitam longissimam, imo ipsam immortalitatem uxor a Jove exorasset, gravi et molesta senectute confectus est, ita, ut exsiccato corpore, membrisque contractis, ab eodem Jove petierit, ut in cicadam mutaretur. Vide L. I. od. 23. not. 10. Huic ergo vita longa, sed decrepito, contigit.

28) Hora, id est: occasio, tempus. Sensus: etiam alterutri nostrum, casu aliquod obvenire potest, quod alter ardentissimis votis frustra obtinere studeat. Modeste hic Horatius se ab omni cupiditate liberum, quaeque sibi fortuna largiatur sumentem, Grosphum contra in maximis divitiis ulterioribus desideris laborantem ostendit.

29) Jam, quo uterque beatus esset, quae diversa uterque bona nactus esset, perspicuitatis causa subnectit poeta: tu in summa omnium opum affluentia vivis; ego vero pauper, at, quo me beatissimum praedico, facultate aliqua poetica polleo.

30) Siculae vaccae, id est: pingues, quia in Sicilia erant laeta pascua, vel quia Grosphus ipse agros in Sicilia habebat.

31) Tibi tollit hinnitum, id est: tu habes, possides armenta equorum. Et pro hoc: in tuum commodum edit hinnitum equa idonea, quae adhibeatur in certamine curuli quadrigis juncta.

32) Murice: pisciculo, e genere concharum, cujus e sanguine fit purpureus color, qui ut esset vividior et diuturnior, bis eo lanae tingebantur. In Africae autem litore murices optimi capiebantur, ut in Tyrio.

33) Sensus: ego tales opes non habeo, sed alia mihi obtigerunt, quibus beatus sum.

34) Rura, id est: villam parvam in Sabino.

Spiritum <sup>35)</sup> Grajae tenuem Camenae  
Parca non mendax <sup>36)</sup> dedit, et malignum <sup>37)</sup> spernere vulgus.

O d e XIV.

## Ad C. Cilnium Maecenatem.

Occasio et argumentum.

De Maecenate vide Lib. I. od. 1. not. 1. Hunc itaque, quem adversa valetudo, qua saepius, maxime per extremos vitae annos, tentatum fuisse constat, misere excrucia- ret, mortisque instantis metu plane conficeret, Horatius hoc carmine ab hac cogitatione abducere, vitaeque longioris spe erigere conatur hoc modo: Dii omnino nolunt, ut tu prius obeas, imo, ut eodem uterque die moriamur, volunt. De quo minime dubitandum videtur, quum similitudo utriusque nostrum fata fuerint, adeo quidem, ut nobis unam eandemque genesin obtigisse plane persuasus sim; e quo ipso necessario sequitur alterum hoc, nobis eundem vitae terminum a fati constitutum esse. Praeclare vero poeta in fine simile utriusque mortis periculum, e quo servati fuerint, commemorat, quo animum ejus a moerore abduceret, novaque recuperandae valetudinis spe erigeret.

Metrum, quale Lib. I. carm. 8.

Cur <sup>1)</sup> me querelis exanimas tuis?

35) Spiritum: ingenium ad lyricos versus, Graecorum exemplo, facien- dos. Alcaeus enim et alii, quos imitatus est Horatius, Graeci erant. Ordo sententiarum: parca mihi dedit parva rura, et spiritum exiguum Graecae Camoenae. Eadem mihi dedit, spernere vulgus, hoc est: hanc mihi facultatem et laudem tribuit, ut a vulgo dissentiam, ejus de me opinionem spernam.

36) Non mendax: verax, cujus decreta sunt immutabilia.

37) Malignum, id est, invidium. Sensus: constituit me superiorem invidia, maximam mihi e poësi lyrica famam conciliavit.

1) Initio statim carminis tenerimus amoris, quo adversus Maecenatis valetudinem molliuscule ferebatur Horatius, erumpit adfectus: cur me exanimas, occidis, hoc est: excrucias, angis querelis tuis, subintellige: de morte tibi instante. Sensus: Vanae istae tuae sunt querelae, quod morti proximus sis.

Nec Dis amicum <sup>2)</sup> est, nec mihi, te prius  
 Obire, Maecenas, mearum  
 Grande decus <sup>3)</sup> columenque rerum.  
 Ah! te meae si partem <sup>4)</sup> animae rapit  
 Maturior <sup>5)</sup> vis, quid <sup>6)</sup> moror altera?  
 Nec carus <sup>7)</sup> aequae, nec superstes <sup>8)</sup>  
 Integer. Ille <sup>9)</sup> dies utramque  
 Ducet ruinam. Non <sup>10)</sup> ego perfidum  
 Dixi sacramentum: ibimus, ibimus,  
 Utcunque <sup>11)</sup> praecedes, supremum <sup>12)</sup>  
 Carpere iter comites parati.  
 Me <sup>13)</sup> nec Chimaerae <sup>14)</sup> spiritus <sup>15)</sup> igneae,  
 Nec, si resurgat <sup>17)</sup>, centimanus Gyges <sup>16)</sup>,  
 Divellet <sup>18)</sup> unquam. Sic potenti

2) Amicum est, id est: gratum est.

3) Decus columenque mearum rerum: in quo omnes meae res ac fortunae repositae sunt, quo adeo mortuo, nihil amplius est, cur vitam expectandam existimem. Vide etiam L. I. od. 1. not. 2.

4) Partem animae, sicut Virgilium L. I. od. 3. Animae dimidium vocat.

5) Vis maturior: mors maturior te, quam me, rapit.

6) Quid etc. sensus: nec ego sine te diutius vivere potero, quia tu es vitae meae decus et praesidium.

7) Nec carus, id est: cum non aequae ac antea, quamdiu tu, pars mei melior, superesses, carus mihi futurus sim, vitam non amplius jucundam ducam.

8) Superstes integer; amissa scilicet altera animae parte.

9) Ille dies, quo tu morieris, utriusque nostrum ruinam, seu casum ducet; uterque eodem die occumbemus, moriemur.

10) Non ego etc. Jurejurando me obstrinxi, sancte juravi tibi, adeoque non perfide, me nunquam te deserturum, nos una ituros ad tumulum.

11) Utcunque: statim, simul ac praecedes, sequar te, pro quo poeta iteratum, ibimus, ponit.

12) Supremum iter, ad inferos scilicet, carpere, id est: facere simul parati sumus, pro: paratus sum una tecum mori.

13) Sententia: nullis terriculis, ne horrendis quidem Tartari monstris, in hoc itinere objectis, me a te divelli patiari, constanter tibi adhaerebo.

14) Chimaera, mons in Lycia Asiae minoris, fumum et flammam eructans quandoque. De hoc fabulantur poetae, quod sit monstrum capite leonino, caprino ventre et cauda draconis. Ignea dicitur, quia ignem vomere fingitur hoc monstrum.

15) Spiritus, halitus, flatus.

16) Gyges. Unus e Gigantibus, quem centum habuisse manus fingunt poetae.

17) Si resurgat; nam jacebant Gigantes prostrati in Tartaro.

18) Divellet: a te separabit.

Justitiae placitumque <sup>19)</sup> Parcis.  
 Seu <sup>20)</sup> Libra <sup>21)</sup>, seu me Scorpius <sup>22)</sup> adspicit <sup>23)</sup>  
 Formidolosus, pars <sup>24)</sup> violentior  
 Natalis horae, seu tyrannus  
 Hesperiae Capricornus <sup>25)</sup> undae;  
 Utrumque <sup>26)</sup> nostrum incredibili modo  
 Consentit astrum. Te Jovis <sup>27)</sup> impio

19) Sic placitum, id est: constitutum est a Justitia, tamquam Dea, potente, cujus decreta, ut Parcarum, immutabilia sunt. De Parcis vide Myth. Sensus prosaicus: ita jus fasque est pro nostra amicitia; quod ipsum fata decreverunt.

20) Sensus: ac de hoc, quin scilicet uno eodemque tempore morituri simus, dubitationem plane eximit casuum atque eventorum, quae utriusque nostrum acciderunt, similitudo; cujus quidem causas in consensu sideris nostri natalitii latere existimo. Jam cum inde mortis etiam tempus definiunt genethliaci, facile intelligitur, quantam ista ad Maecenatis animum, huic superstitioni alligatum, vim habere debuerit argumentandi ratio. Et pro vulgari: quodcunque sidus fuerit, sub quo natus sum etc. ponit poeta enumerationem siderum.

21) Libra est 7<sup>um</sup> signum in zodiaco.

22) Scorpius 8<sup>um</sup>, formidolosus, metuendus, gravis; quia scorpius, quia animal, noxiam valde habet naturam, ideo sidus etiam noxium habebatur.

23) Adspicit, id est: mihi nascenti praefuit.

24) Pars natalis horae: vide argumentum od. 10. L. I. In nativitate hominis plures stellae observantur, earumque intervalla, quibus tum inter se, tum ab astro primario, id est, eo, quod momento nativitatis oriebatur, distabant. Jam quum Scorpius in noxiis haberetur, sidus autem, quod in ipsa natali hora emergeret, ceteris efficacius putaretur, docte poeta Scorpium sidus natalitium partem appellat violentiorem, quae vim reliquorum, quae genesin efficiunt, beneficam frangit ac hebetat.

25) Capricornus signum 10<sup>um</sup> zodiaci. Putant astrologi capricornum occidentali terrarum parti maxime dominari, vimque in ea suam imprimis exercere, tempestates excitando etc. unde dicitur hic tyrannus maris Hesperii, id est, occidentalis, ab Hespero, stella vespertina.

26) Sensus: quodcunque tandem sidus fuerit, quaecunque in hora mea natali conjunctio siderum; ea certe tuae genesi simillima fuerit, necesse est; quando quidem par fere fatum uterque habuimus, et in discrimen mortis adducti, et inde servati. Ceterum Maecenatis genesin non plane suam facit Horatius; sed eam diversae tantum potestatis, tam noxiae quam salutaris, stellis similiter ita temperatam fuisse contendit, ut salutare noxiis praevalerent, vimque harum retunderent.

27) In Maecenatis genitura praesidebat Saturni sidus impium, pestiferum, exitiosum, grave, cujus tamen vis Jovis stellae radiationibus mitigabatur. Jovis igitur tutela, sidus tutelare, salutare refulgens, ex adverso radians, id est, opposita Saturni stellae, eripuit, subtraxit te Saturno impio, periculo a Saturni sidere pernicioso imminente.

*Carminis Jovis anlygus. p. 130*  
 Tutela Saturno refulgens

Eripuit, volucrisque <sup>28</sup>) Fati  
 Tardavit alas, quum populus frequens  
 Laetum theatri ter crepuit sonum:  
 Me truncus <sup>29</sup>) illapsus cerebro  
 Sustulerat <sup>30</sup>), nisi Faunus <sup>31</sup>) ictum.  
 Dextra levasset, Mercurialium <sup>32</sup>)  
 Custos virorum. Reddere <sup>33</sup>) victimas  
 Aedemque votivam memento:  
 Nos humilem <sup>34</sup>) feriemus agnam.

O d e X V.

## A d a v a r u m.

Argumentum.

Suo ipsius exemplo hoc carmine ostendit Horatius, quam vere beatus is sit, qui ab omni cupiditate liber mediocri sorte sua contentus vivit; ridetque contra atque exagitat insanas atque improbas divitum saeculi sui cupiditates, a quibus explendis ne mortis quidem ipsius instantis cogitatione absterreantur, atque abstrahantur.

28) Sensus: teque a praesentissimo vitae periculo liberavit. Pro hoc poeta: Jupiter tardavit, inhibuit, alas Fati volucris, Fatum impetuose in te involans, irruens; quod accidit tunc, quum, seu, quo die primum, recuperata valetudine, populus te in theatro adfuturum audierat, frequens, magna ideo frequentia in theatri congregatus ter crepuit sonum, id est: quo laetitiam suam ob receptam sanitatem testatam faceret.

29) Vide od. 10<sup>am</sup> hujus libri.

30) Sustulerat: sine dubio occidisset.

31) Horatius suam salutem ita Fauno tribuit, ut astrorum vi benigna factum esse velit, quod servatus a Fauno fuerit: quemadmodum Maecenas valetudinem, medicorum ac remediorum ope quaesitam, Jovi tribuit. Mentionem porro Fauni facit, quia est Deus ruris, et casus ille arboris contigit ruri.

32) Mercuriales viri sunt eruditi, qui sunt in tutela Mercurii, eloquentiae praesidis; atque inter hos etiam poetae numerantur. Potest autem Faunus eatenus custos poetarum haberi, quod in Bacchi comitatum adlectus sit, cui se libenter adiungunt poetae, recessus nemorum petentes.

33) Sensus: quare memento reddere, persolvere victimas et templum, voto, si convalesceres, promissum; quod autem ad victimas etiam referendum est.

34) Ego tenuem victimam, meis fortunis congruentem, agnam nempe immolabo; haec enim Fauno immolari solita erat.

Metrum choreum.

— — — — —  
 — — — — —

Non <sup>1</sup>) ebur, neque aureum  
 Mea renidet <sup>2</sup>) in domo lacunar <sup>3</sup>):  
 Non trabes Hymettiae <sup>4</sup>)  
 Premunt columnas ultima recisas  
 Africa <sup>5</sup>); neque <sup>6</sup>) Attali  
 Ignotus heres regiam occupavi;  
 Nec <sup>7</sup>) Laconicas <sup>8</sup>) mihi  
 Trahunt <sup>9</sup>) honestae purpuras clientae <sup>10</sup>).  
 At fides <sup>11</sup>), et ingenium  
 Benigna <sup>12</sup>) vena est; pauperemque dives

1) Sententia vulgaris: pauper ego sum, et in hac paupertate mihi admodum placeo; divitias neque possideo, neque desidero. In domo mea nihil pretiosum, quod oculos perstringat, neque eboris neque ulla auri lamina, conspicitur, est.

2) Renidet, id est: splendet, fulget.

3) Lacunar, idem, quod laquear. Vide hujus Libr. odam 13. not. 12.

4) Hymettiae, id est: recisae in monte Hymetto Atticae trabes; hoc loco, superiores columnae partes, epistylum et coronam, trabeationem etiam simpliciter dictam, complectuntur. Erant eae fere lignae, auro, et anagallide maxime sculpturis, aliisque modis condecoratae; sed et lapideae ac marmoreae eas fuisse constat.

5) Africa seu Numidia ultima, id est: remota. Nobilissimum autem marmor Numidicum, pavimenti maxime et columnis ob duritiam a veteribus adhibitum.

6) Sensus: neque facultates, quales Attalus Pergamenorum rex reliquit, hoc est, immensas, amplissimas possideo. Pro maximis opibus autem posuit poeta, regiam Attali, regias opes Attali; has occupat, invadit, sibi vindicat heres ignotus, id est: non suus, non legitimus seu institutus; sed alienus, artibus malis nactus haereditatem. De Attalo vide adhuc Lib. I. od. 1. not. 12.

7) Sententia: nec purpureis vestibus, stragulis utor.

8) Laconicas, id est: vestes tinctas murice ad Laconiae oram capi solito, qui utpote nobilioris generis erat.

9) Trahunt, ducunt fila lanea, nent lanam purpura tinctam.

10) Clientae honestae, seu, nobiles; quo enim nobiliores quis habuerat clientes, eo magis honori ipsi cedebat; erat autem clientium, praecipue feminarum, tales labores pro patrono perficere, uti: nere, acu pingere, fila ducere etc. Vide Antiquit.

11) Mihi e contra est; ego possideo fidem, quae hic sumi potest pro animi integritate.

12) Benigna vena ingenii, id est: ingenium fertile, facultatem poetice fecundam.

Me petit <sup>13)</sup>; nihil supra  
 Deos lacesso <sup>14)</sup>; nec potentem amicū <sup>15)</sup>  
 Largiora flagito,  
 Satis beatus <sup>16)</sup> unicus Sabinis.  
 Truditur <sup>17)</sup> dies <sup>18)</sup> die,  
 Novaeque pergunt interire Lunae <sup>19)</sup>:  
 Tu secunda <sup>20)</sup> marmora  
 Locas sub ipsum funus; et sepulcri  
 Immemor, struis domos;  
 Marisque <sup>21)</sup> Bajis obstrepentis urges  
 Submovere litora,  
 Parum locuples <sup>22)</sup> continente ripa.  
 Quid <sup>23)</sup>? quod usque proximos

13) Petit: etsi pauper sim, tamen divites, maximi in republica viri meam amicitiam ultro expetunt; iis placeo facultate mea poetica.

14) Lacesso: a Diis praeterea nihil expeto, nihil ulterius concupisco.

15) Potentem amicū, id est: Maecenatem non flagito, ut mihi amplius quidquam largiatur.

16) Satis beatus: Satis contentus villa mea in agro Sabino, quam Maecenati in acceptis refero.

17) Nexus sententiarum: equidem in parva mea fortuna lubentissime adquiesco, de eaque amplianda tanto minus animum subito cogitatio; quo angustius vitae tempus est, quo fructus ea licet. Quam stulte igitur faciunt ii, qui in tam praecipiti temporis fuga, tamque certa adeo vitae brevitate novas usque spes inchoant; qui, lineis admoti, de aedificiis quam splendidissime extruendis exornandisque, quae ne intraturi quidem sunt, unice cogitant ac laborant. Quam insanos, quam flagitiose perditos putas eos, qui insatiabili augendarum rerum cupiditate ducti, nullum rapacitati suae modum figunt? scilicet ut tanto majores opes sint, quibus aliquando exuantur.

18) Dies diem trudit, expellit; dies decedit, alio ipsi succedente.

19) Lunae novae: luna continuo crescit ac decrescit, lunae pergunt novae fieri, atque interire.

20) Tu secunda: tu, quisquis es, sub ipsam mortem, paullo ante obitum, qui tibi imminet, conducis homines, qui secent tibi marmora, struendis novis domibus.

21) Maris obstrepentis etc. Urges, enixe hoc agis, totus in eo es, ut submoveas, longius promoveas, propellas litora maris, Bajas obstrepentis, pro: Bajas adluentis, seu litora sinus Bajani adluentis. Fuit autem hic sinus non procul Neapoli: ibique propter loci amoenitatem aedes multae visebantur, a nobilibus exstructae.

22) Parum locuples: non contentus adhuc, si ripam continentem possideas; sed quo latius possessiones tuas extendas, ipsi mari inaedificas, ipsum mare occupas.

23) Quid? etc. Sensus: tu non tantum mari detrahendo, quod sane

Revellis <sup>24)</sup> agri terminos, et ultra  
 Limites clientium <sup>25)</sup>  
 Salis <sup>26)</sup> avarus? Pellitur <sup>27)</sup> paternos  
 In sinu ferens Deos  
 Et uxor, et vir, sordidosque natos.  
 Nulla <sup>28)</sup> certior tamen,  
 Rapacis Orci sine, destinata  
 Aula divitem manet  
 Herum. Quid <sup>29)</sup> ultra tendis? Aequa <sup>30)</sup> tellus  
 Pauperi recluditur  
 Regumque pueris: nec <sup>31)</sup> satelles <sup>32)</sup> Orci  
 Callidum Promethea <sup>33)</sup>  
 Revenit auro captus. Hic superbum

absque cuiuspiam injuria facis, possessiones tuas dilatas, sed et vicinos pauperum agros scelestissima fraude invadis, occupas.

24) Revellis, moves, effodis proximos agri terminos, id est, proximorum agrorum lapides terminales, effossosque ulterius usque defigis.

25) Clientium: hic sceleris, exarato termino commissi, atrocitas adluce magis exaggeratur; quod isto clienti a patrona fraus innectatur, quem, in fidem suam receptum, ut omni modo tutaretur, et ab iniquitate hominum prohiberet, injuriaque adfectum vindicaret, lege cautum erat.

26) Salis avarus, id est: transgredieris ultra limites clientium, cupidus agri eorum.

27) Sententiarum nexus: tu eo usque limites clientium coarctas, donec victus inopia sedes suas relinquere cogantur. Et pro hoc poetice: pellitur a te, clientium et vicinorum agros invadente, vir, una cum uxore, ferens in sinu, tamquam rem auro pretiosiore, Deos paternos, Larium et Penatium icunculas, et natos, liberos sordidos, squalidos, utpote parentum ad summam paupertatem redactorum.

28) Nexus: in re quidem admodum incerta, an scilicet aedificia, quae magnificentissimo apparatu moliris, unquam inhabitaturus sis, hoc tamen certissimum habeto, sedes inferas te certo aliquando esse intraturum. Et pro hoc: nulla aula, nullum domicilium, nulla sedes certior; aut certius destinata manet, pro: destinata est; manet divitem herum, vel maximarum possessionum dominum; sine Orci, quam fines, regnum Orci, regio infera rapax, omnia rapiens.

29) Sensus: Quid ulterius, quam mortalem decet, cogitationes tuas extendis, nullumque ideo cupiditatibus tuis modum statuis, tamquam aeternum victurus sis?

30) Enimvero tellus aequa, aequae pauperi regumque pueris, filiis, potentibus recluditur, patet; hoc est: terra tum pauperes tum divites in se recondit.

31) Sensus pedestris: unde nulli, ne ditissimis quidem, reditus datur.

32) Satelles Orci est Charon, inferorum custos ac portitor, atque Plutonis quasi satelles. Myth.

33) Prometheus callidus dicitur, quia caelestem ignem dolo e caelo in

Tantalum <sup>34</sup>), atque Tantalī <sup>35</sup>)  
 Genus coërcet; hic <sup>36</sup>) levare functum  
 Pauperem laboribus  
 Vocatus, atque non vocatus, audit.

Ode XVI.

### Hymnus ad Bacchum.

Argumentum.

Horatius hoc carmine adsequi imitando conatus est Graeca dithyrambici generis carmina. Declarando nempe ab initio, quo ad laudes Baccho dicendas impulsus sit, summo cum entusiasmo, exponit poeta ex priscorum hymnorum ratione virtutes Dei, ejusque res gestas, easque neglecto fere idoneo nexu, acdumulat, magnificoque spiritu exornat; id quod effrenatoris enthusiasmi naturam mirifice decebat.

Metrum, quale L. I. carm. 8.

Bacchum <sup>1</sup>) in remotis <sup>2</sup>) carmina rupibus  
 Vidi docentem (credite <sup>3</sup>) posterī!)

terras detulit, inscio Jove; a quo eam ob rem detrusus est ad inferos. Vide Myth. et L. I. od. 3. not. 26.

34) Tantalus prae superbia Deos, quos ad convivium vocaverat, falli a se posse speravit, illisque Pelopem filium suum caesum coctumque adposuit, quapropter apud inferos ita cruciari dicitur, ut ad fluvium stans, et arborem dulcibus pomis onustam ante se videns, semper tamen esuriat et sitiatur. Myth.

35) Tantalī genus. Atreum, Thyesten et Agamemnonem. Vide L. I. od. 5. not. 11. Coërcet, id est: continet.

36) Hic Charon, vel mors audit levare, id est: audit, ut levet onere suo pauperem, functum laboribus, aerumnas perpessum, vocatus etc. Sensus: adest ad levandos pauperes, et liberandos ab aerumnis, quas perferunt in vita, sive ab iis vocetur, sive non vocetur: cum contra divites ad graviores tantum poenas abripiat invitos, et ab iis profecto, non vocatus.

1) Excelsiore spiritu contactus incensusque poeta videtur sibi in abditiis silvarum recessus agi, Bacchique ibi cum Maenadibus, Nymphis et Satyris versantis conspectui objici, numine ejus adflari, adeoque discurrere, ipsisque sacris, et quae in iis repraesentarentur, interesse. Sensus vulgaris: vidi Bacchum docentem Nymphas carmina, inter Nymphas et Satyros canentem. Baccho igitur choragi personam induit poeta hoc loco; nam is proprie chorum docet modos carminis, ac motus leges. De Nymphis et Satyris vide Myth.

2) Remotis a frequentia hominum, deviiis rupibus.

3) Credite posterī! Egrege haec animum poetae ostendunt rerum vi-

Nymphasque discentes, et aures  
 Capripedum Satyrorum acutas <sup>4</sup>).  
 Evoc <sup>5</sup>)! recenti mens <sup>6</sup>) trepidat metu,  
 Plenoque Bacchi pectore turbidum <sup>7</sup>)  
 Laetatur. Evoc <sup>8</sup>)! parce, Liber!  
 Parce, gravi metuende thyrso <sup>9</sup>)!  
 Fas <sup>10</sup>) pervicaces est mihi Thyadas <sup>11</sup>)!,  
 Vinique <sup>12</sup>) fontem, lactis et uberes  
 Cantare rivos, atque truncis  
 Lapsa cavis iterare <sup>13</sup>) mella;

sarum admiratione defixum, earundemque imagines tamquam praesentes complexum, adeo quidem, ut de quo ipse, phantasiae vi abreptus, plane persuasus sit, eundem et in aliis sensum ac persuasionem excitari cupiat; id quod animi humani naturae mirifice convenit.

4) Acutas: ad audiendum erectas. Pinguntur Satyri cum auriculis grandioribus, et in acumen desinentibus.

5) Poetae dithyrambici enthusiasmum, quo ad laudes Bacchi dicendas feruntur, ita efferunt, ut Baccharum insaniam plane suam faciant. Thyrso adeo Bacchi percussi in furorem aguntur, discursitant, Evoc! adclamant, verbo, orgia simulant. Vide L. I. od. 16. not. 13.

6) Mens trepidat; attonita stupet, perturbatur metu recenti, id est: horrore a Deo recens incusso. Trepidat enim et metuit sibi a Baccho poeta, quum furorem accedere sentit.

7) Turbidum: cum perturbatione laetatur mens; laetitia simul atque horrore perfunditur, pectore pleno Bacchi, Baccho pectus insidente.

8) Etsi plenus jam Baccho vates, novis tamen usque furoribus se incendi ac perturbari sentit; hoc adeo, ne iis plane succumbat, deprecatur; totum enim numen vix capere credebatur humana natura. Liber cognomen Bacchi. Sensus: ne thyrsus mihi intentes, ne thyrso impacto graviores mihi insaniam immittas; haec enim isto effici credita sunt.

9) Thyrsus est hasta pampinis involuta, qua Bacchus armatur.

10) Sententia: Bacchum canam ab ipso excitatus, plenus illo. Fas est virtutes et sacra Bacchi celebrare.

11) Thyadas, Bacchas, Maenadas, pervicaces, indomitas, effrenas, furore correptas.

12) Legitur, Baccharum alia saxum thyrso pulsante, vini fontem manasse; aliis digito terram scalpentibus, copiosum lac prosiluisse; ex thyrsis denique hederaceis mel effluxisse. Cum autem summam ubertatem plures antiquiores populi per vini ac lactis fontes e terra scatientes, et mellis copiam in terram fluentem, declarent; auream etiam aetatem his fere coloribus a poetis depingi videas; ut haec imago mox, imprimis ad sacra Bacchica, traducta, in iisque inter Bacchi miracula repraesentata ac celebrata sit: ad haec omnino respexisse Horatius videri potest hoc loco.

13) Iterare, id est: mella lapsa, defluentia in terram e cavis arborum truncis iterare, canere. Iterat enim poeta, quae gesta describit.



Fas <sup>14)</sup> et beatae <sup>15)</sup> conjugis additum  
 Stellis honorem, tectaque Pentheï <sup>16)</sup>  
 Disjecta non leni ruina,  
 Thracis et exitium Lycurgi <sup>17)</sup>.  
 Tu flectis <sup>18)</sup> amnes, tu mare barbarum <sup>19)</sup>:  
 Tu separatis uvidus in jugis  
 Nodo coërces viperino  
 Bistonidum <sup>20)</sup> sine fraude crines.  
 Tu <sup>21)</sup>, quum parentis regna per arduum  
 Cohors gigantum scanderet impia,  
 Rhoetum retorsisti leonis

14) Fas et celebrare honorem, ornamentum, decus, quo Ariadnes conjugis caput redimitum fuerat, id est: coronam ejus auream additam stellis, inter sidera relatum. Erat autem Ariadne filia Minois, cujus ope Theus evasit e labyrintho Cretensi. Is eam abductam postmodum in insula Naxo destituit; mox a Baccho in uxorem ducta est. Venus ei dedit coronam nuptialem, quam Bacchus novem stellis ornatam caelo imposuit. Unde caeleste sidus, quod corona Gnosiae dicitur.

15) Beatae conjugis, quia uxor Dei fuerat.

16) Pentheus, rex Thebarum, qui cum sacra Bacchi contemneret, a matre ac sorore, ceterisque feminis bacchantibus laceratus est, et ejus regia eversa. Sensus: fas est canere tecta disjecta, prostrata non leni ruina, id est: graviter in terram collapsa.

17) Lycurgus, Thraciae rex, qui, cum videret mores vino corrumpi, vites succidi jusserat; sed furore a Baccho immisso, cum vites se crederet falce amputare, crura sibi succidit.

18) Maximam vim habet subita orationis, ad Bacchum conversae, mutatio. Flectis retro cursus annium, Hydaspis nimirum et Orontis, quorum prior est in India, hic vero in Syria. Hos enim, thyrsu ejus tactos, sicco pede transiisse in Indica expeditione sua, prisca narratio erat.

19) Barbarum, id est: Indicum mare sedas, tranquillum reddis, quod eadem occasione factum fuisse narratur a poetis.

20) Bistonides sunt Bacchae, a Bistonibus Thraciae populo, ita nominatae; sensus est: tu uvidus, madidus vino, furens vino, adeoque discurrens, versans in separatis, desertis montium jugis, coërces, constringis crines Baccharum nodo viperino, viperis, id est: serpentes implicas Baccharum crinibus sine fraude, sine noxa, impune: vel, ut illis nihil noceant viperarum; vel, ut quidam volunt, Bacchi respectu; sine noxa tractas manus viperarum, easque Baccharum crinibus innectis. Pingebantur enim Maenades anguibus coronatae.

21) Sensus: tu, quum cohors Gigantum impia (ob adfectatum regnum caeleste) regnum parentis tui Jovis, caelum scanderet per arduum; quum arduam viam in caelum moliretur, retorsisti, dejecisti, in leonem conversus, Rhoetum Gigantem unguibus et mala, seu maxilla et dentibus leoninis, quibus cum fugasti. De bello Gigantum vide Myth.

Unguibus, horribilique mala;  
 Quamquam <sup>22)</sup> choreis aptior, et jocis,  
 Ludoque dictus, non sat idoneus  
 Pugnae ferebaris; sed idem  
 Pacis eras, mediusque belli.  
 Te <sup>23)</sup> vidit insons <sup>24)</sup> Cerberus aureo  
 Cornu decorum, leniter atterens <sup>25)</sup>  
 Caudam, et recedentis <sup>26)</sup> trilingui  
 Ore pedes, tetigitque crura.

O d e XVII.

## Ad Maecenatem.

Argumentum.

Generoso spiritu hac ode Horatius immortalitatem nominis, facultate poetica parti, sibi pollicetur certoque auguratur, eamque nova plane ac vividissima imagine ita repraesentat, ut se in cyncnum, avem Apollini sacram, transformatum totum terrarum orbem pervolaturum dicat; igitur, ubi inter homines esse desierit, luctus omnino causam non dari, quandoquidem mortalis conditionis plane expers sit.

Metrum praecedentis carm.

Non ') usitatâ, non tenui ferar

22) Sententia: sicut te egregium bellatorem ostendisti: quem imbellem ac mollitie diffluentem antea disserebant. Et pro hoc: quamquam choreis aptior dictus etc. id est: quum natus magis ad choreas ducendas, ac serendos jocos, quam ad proelia obeunda et arma tractanda habereris; ideo non sat idoneus pugnae ferebaris: sed idem eras, eundem te esse ostendebas, sive medius esses pacis, sive versareris in pace, seu in bello; utriusque aequum commodum te praestabas: in pace remissiorem, choreis indulgentem, luxuque diffluentem, in bello autem strenue pugnantem.

23) Sensus: quin et Tartari monstra submittere se tuo numini, remissa ferocia, Bacchus enim inferos petivit, ut Ariadnen uxorem eriperet inde et liberaret.

24) Insons, id est, innoxius tibi Cerberus vidit te aureo cornu decorum; tribuuntur enim Baccho cornua, antiquissimum roboris atque potentiae symbolum; aurea vero, tamquam Deo.

25) Atterens leniter tibi caudam; adblandiens tibi cauda mota, quod canes blandientes dominis facere solent.

26) Recedentis, id est: quum revertereris ex inferis, in reditu tuo pedes cruraque tua attingit ore trilingui, tribus linguis suis, ore exsertis, itidem blandientium canum instar; licet alias triiceps ille Cerberus reditum umbra negaret. De Cerbero vide Myth.

1) Famam alicujus, nominisque celebritatem ad remotiores terras per-

Penna, biformis per liquidum Aethera  
 Vates: neque in terris morabor  
 Longius; invidiaque <sup>2)</sup> major  
 Urbes relinquam. Non ego <sup>3)</sup>, pauperum  
 Sanguis parentum, non ego, quem vocas,  
 Dilecte, Maecenas, obibo;  
 Nec Stygia <sup>4)</sup> cohibebor unda.  
 Jamjam <sup>5)</sup> residunt <sup>6)</sup> cruribus asperae  
 Pelles; et album mutor in alitem  
 Supernam <sup>7)</sup>; nascunturque leves  
 Per digitos humerosque plumae.  
 Jam <sup>8)</sup> Daedaleo oior Icaro  
 Visam gementis <sup>9)</sup> litora Bospori,

tingentem quum poëtae fere ita efferant, ut eum vel famae alis, vel suis-  
 met ipsum levatum pennis totum terrarum orbem volatu lustrantem fingant;  
 Horatius se, cycni assumpta forma, omnes terrarum plagas pervolaturum,  
 omnesque populos cantu suo permulsurum generoso spiritu jactat; quo  
 phantasmate simul etiam declarat; unde sibi illa gloria obtigerit. Non usi-  
 tata, non communi, qualis paucis contigit, id est: ingenti, altissime assur-  
 genti, non tenui, densa, valida penna, pro alis, ego vates biformis, re-  
 spectu prioris humanae ac novae cycni formae, in quam nondum plane abie-  
 rat, ferar per liquidum aerem. Sensus vulgaris: ego alte in aerem evolabo.

2) Invidia major: excelsior, cujus gloriae invidia nihil amplius detra-  
 here evadat.

3) Ego, etsi filius, sanguis, pauperum parentum, utpote libertino pa-  
 tre natus, ob humilitatem generis vulgo despectus, non obibo, quem ita  
 compellere soles: Dilecte Horati! Sensus: summam nominis claritatem con-  
 sequar, in ore omnium ero, quem nunc, libertino patre natum, rodunt.

4) Nec Stygia cohibebor, id est: Stygem non trajiciam, Tartara non  
 videbo. Immortalitatis notio novo colore adumbrata. Styx cohibet seu coër-  
 cet manes, ne ad superos regredi possint.

5) Sententia vulgaris: in cycnum enim mutatus pervolabo totum terra-  
 rum orbem. Animatur haec imago poëtica vivida metamorphoseos represen-  
 tatione per partes facta.

6) Residunt asperae pelles: pellis aspera fit, residit, adhaerescit. Dum enim  
 crura humana extenuantur, cycni formam exilem induunt, necesse est, ut  
 cutis subsidat ossibus propius admoveatur, contrahatur, adeoque aspera,  
 rugosa evadat.

7) Supernam, id est: superiore parte corporis in albam avem, cycnum muto r.

8) Sententia vulgaris: ad remotissimas terrae oras in cycnum mutatus  
 penetrabo. Et pro hoc: ego Ales canorus oior, celerior, quam volatus fuit  
 Icaro Daedalei, Daedali filii, visam, volando petam litora Bospori, Syrtes-  
 que Gaetulas, Hyperboreosque campos.

9) Gementis: ob procellas, quae in eo frequentes excitantur. De Bos-  
 phoro vide hujus Lib. od. 10. not. 16. et de Syrtibus Lib. I. od. 19. not. 4.  
 Syrtes Gaetulae, pro: Libycae; ora enim Africae a Gaetulis habitata, om-  
 nino pro Africae regione sumitur hic.

Syrtesque Gaetulas canorus  
 Ales Hyperboreosque <sup>10)</sup> campos.  
 Me <sup>11)</sup> Colchus <sup>12)</sup>, et, qui dissimulat metum  
 Marsae cohortis, Dacus <sup>13)</sup>, et ultimi  
 Noscent Geloni <sup>14)</sup>: me peritus  
 Discet Hiber <sup>15)</sup>, Rhodanique <sup>16)</sup> potor.  
 Absint <sup>17)</sup> inani <sup>18)</sup> funere naeniae,  
 Luctusque turpes <sup>19)</sup> et querimoniae:  
 Compesce <sup>20)</sup> clamorem, ac sepulcri  
 Mitte <sup>21)</sup> supervacuus honores.

10) Hyperborei erant extremi populi versus Septentrionem, nondum cogniti.

11) Me noscet, id est: ego pertingam volando usque ad etc.

12) Colchus, populus Asiae juxta Pontum, ad quem Jason cum Argo-  
 nautis navigavit.

13) Dacus dissimulans, celans metum Marsae cohortis, Marsorum tan-  
 quam fortissimorum militum in exercitu Romano, ac proinde pro: exerci-  
 tus Romani. Dacus, Europae populus, qui habitabat in hodierna Bulgaria,  
 Valachia, Moldavia. Metuunt autem Daci Romanos, ab his victi, ac in fines  
 suos repulsi; sed dissimulant hunc metum, armis iterum contra Romanos  
 sumtis, in repellendo pervicaces. Marsi denique erant Italiae populi, qui  
 pedestri pugna imprimis valebant.

14) Geloni, Scytharum gens, Istri accola. Ultimi, qui Romanis inno-  
 tuerant versus Septentrionem, remotissimi.

15) Iber, Hispanus, a fluvio Ibero sic dictus. Peritus: quia jam Ho-  
 ratii tempore aliquam Hispani notitiam e commercio, quod ipsis cum Ro-  
 manis intercedebat, traxerant, unde periti, exculti artibus. Discet, id est:  
 audiet meum cantum.

16) Rhodani potor: Galliae populus. Rhodanus enim est Galliae fluvius  
 Lugdunensis.

17) Sententia vulgaris: quocirca, ubi inter homines esse desiero, ne  
 lugeas me ut mortuum, Maecenas! Absint, id est: noli tristibus naeniis  
 funus meum prosequi. Naenia enim est cantus lugubris.

18) Inani funere, id est: absint ab inani funere, quando quidem fu-  
 neri, exequiis corpus deest, in cycnum utpote mutatum. Mihi enim, in  
 cycnum mutato, inutile funus erit, ubi nullum cadaver, nullus mortuus;  
 ero namque immortalis.

19) Turpes: ad pompam autem exequialem pertinent etiam querimoniae  
 et clamor, lamenta et ejulatus in funere instituti; turpes dicuntur ob ve-  
 stem lugubrem et squalidam; alii autem putant: quia vultum deformant  
 ejusmodi querimoniae.

20) Compesce, reprime, contine clamorem, id est: lamenta.

21) Mitte: omitte honores, ne impertiaris honores sepulcro; ad hos  
 autem pertinebant pompa funebris, naeniae, fletus, rogus etc. vide Anti-  
 quitates.

Q. Horatii Flacci

Carmina

Libertertius.

Ode I.

De vera felicitate.

Argumentum.

Ostendit Horatius hac ode popularibus suis: Hominem in re modica constitutum, eaque contentum, utpote, quem nec metus, neque cupiditates tangant, solum recte atque beate vivere; hoc fere sententiarum ordine: Homines, utcumque prae ceteris mortalibus imperii, divitiarum, honorumque amplitudine conspicui, eadem, qua tenues atque infimae sortis, moriendi necessitate tenentur, atque adeo hactenus ne hilum quidem ab his differunt. Tum ne beatos quidem in ista fortuna facile eos dixeris, quando quidem is ipse splendor, quo et sibi ita videntur, et pravo vulgi iudicio utique aestimantur, tantum abest, ut vitam suavem atque jucundam efficiat, ut eam potius aegritudine curarumque multiplici aestu involvat, atque plane obruat. Ac in amplissimo quidem honoris constitutos gradu perpetua angustia sollicitudine, ne inde dejiciantur; divites autem, praeterquam quod opum continuo jacturam metuant, earundem augendarum cupiditate vexari, voluptatumque, quibus sese immergant, distorqueri fastidio.

Metrum, quod L. I. od. 8.

Odi <sup>1)</sup> profanum <sup>2)</sup> vulgus, et arceo:

1) Mystera verae felicitatis explicaturus, tamquam ex adytis Musarum, quarum se sacerdotem fert, ab initio statim profatur poeta, adhibitis illis quae in antiquis mysteriis profari mystes solebat, religiosiis formulis. Prima nimirum formula excludit profanos, qui philosophiae suae praeceptis et opinionibus intelligendis haud sunt idonei; altera autem silentium imperatur iis, qui non sunt profani, ac proinde digni, ut in adytis Musarum sacris suis intersint. Odi et arceo, id est: procul hinc facessere jubeo profanos.

2) Profani proprie dicuntur, qui a fano et sacris arcendi sunt, non religiosi, non initiati.

Favete <sup>3)</sup> linguis: carmina <sup>4)</sup> non prius  
Audita Musarum <sup>5)</sup> sacerdos  
Virginibus <sup>6)</sup>, puerisque canto.  
Regum <sup>7)</sup> timendorum <sup>8)</sup> in proprios greges <sup>9)</sup>,  
Reges in ipsos imperium <sup>10)</sup> est Jovis,  
Clari <sup>11)</sup> Giganteo triumpho,  
Cuncta <sup>12)</sup> supercilio moventis.  
Est <sup>13)</sup>, ut viro vir latius ordinet  
Arbusta sulcis; hic <sup>14)</sup> generosior  
Descendat in campum petitor;  
Moribus hic <sup>15)</sup> meliorque fama

3) Favete linguis: audite cum silentio!

4) Carmina non prius audita: carmen novum singulare, ob nobilissima, quae ejus argumentum faciunt, vitae praecepta, ad quae penitus haurienda mire sic acuitur ac praeparatur legentis animus.

5) Musarum sacerdos: augusta poetarum appellatum.

6) Virginibus etc. id est: canto, praecino virginum atque puerorum choro, tamquam choragus; hujus enim erat praecipere et docere modos ac verba, a choro virginum et puerorum ediscenda atque decantanda.

7) Sententia per sequentes v. v. ita continuatur: homines, quocumque sive potentiae, sive divitiarum, sive denique honorum, ad quos vel nobilitas generis, vel propria ipsos virtus evexit, fastigio atque amplitudine insignes, eadem, quae imae sortis homines, mortalitatis manet conditio; ne splendidissima quidem fortuna quemquam a fati necessitate immunem praestat.

8) Timendorum: auget imperii et potestatis notionem. Sensus: reges, quorum summa potestas est, qui solo Jove minores sunt, qui soli Jovi cedunt potentia; hos tamen ipsos necessitas sortitur etc. Reliqua inter ornamenta poetica repone.

9) Proprios greges: populos sibi subjectos.

10) Imperium est, id est: imperium exercent reges in subditos, et in illos Jupiter.

11) Clari: qui insignem gloriam retulit gigantibus debellatis.

12) Cuncta, id est, universam rerum naturam commoventis, solo supercilio moto, nutu. Augusta ac plena majestatis imago.

13) Sententia: alius in summa opum abundantia vivat. Hoc, uti et reliqua, quae subjiciuntur, per comparisonem poeta extulit: alius alium divitiis antecellat; et pro hoc: viro vir, id est: alius alio agros latiores, majores possideat, in quibus per sulcos et scrobes humi factas arbores ordinet, plantet atque colat.

14) Hic: alter petitor, petiturus summos magistratus, candidatus descendat, prodeat in campum Martium, populique, creandis magistratibus ibi convocati, suffragiis se committat generosior, nobilitate generis fretus, ceteris competitoribus generosa prosapia praestans. Vide Antiquit.

15) Hic: alter ignobili quidem genere ortus, homo novus, at moribus,

Contendat; illi turba clientium

Sit major: aequa <sup>16)</sup> lege Necessitas

Sortitur insignes, et imos;

Omne capax <sup>17)</sup> movet urna nomen.

Destructus <sup>18)</sup> ensis cui super impia

Cervice <sup>19)</sup> pendet, non Siculae <sup>20)</sup> dapes

Dulcem elaborabunt saporem,

Non avium citharaeque cantus

Somnum reducent. Somnus <sup>21)</sup> agrestium

Lenis virorum non humiles domos

Fastidit <sup>22)</sup>, umbrosamque ripam,

sua virtute, et, quam inde consequutus est, fama, bona existimatione melior, praestans, gratus apud populum, contendat cum reliquis de suffragiis auferendis seu, de magistratu obtinendo, hoc est: praestet aliis.

16) Necessitas Dea, quae urnam, in quam omnium hominum nomina conjecta sunt, perpetuo movet, sortitur insignes et imos, id est: nomina tum insignium, illustrium, quam imorum, infimae sortis hominum in urna circumagat, aequa moriendi lege cunctis, claris et obscuris, proposita.

17) Capax urna movet, id est, ampla urna, mota circumacta a Necessitate, omnium nomina continet.

18) Sententiarum nexus ita animo informandus videtur: Homines vel amplissimae dignitatis etc. neutiquam morti exempti sunt. Quid? quod ne beatos quidem istos, dum vivunt, in isto fastigio facile dixeris, quandoquidem omnes lautioris splendidiorisque conditionis fructus curis ac sollicitudine, quae illam continuo comitantur plane intercipiuntur; regibus, ne regno; locupletibus, ne divitiis calamitatum aliquo genere exuantur, timentibus.

19) Homini impio, cui ensis vagina destructus imminet super cervice, quem adeo perpetua animi versat anxietas, illi dapes Siculae vel conquistissimae epulae non elaborabunt, efficient dulcem, gratum, ac jucundum saporem, insipidae ipsi erunt; neque ullus cantus somnum ipsius adjuvabit, hoc est: omnes huic vitae deliciae insuaves erunt. Respicit hic poeta historiam Damoclis. Erat ille Dionysii, Siciliae tyranni, aulicus et assentator; cuius cum felicitatem, et conditionem praeter modum laudaret; Dionysius, ut eum dedoceret, jussit hominem adcumbere ad regiam mensam, et ut regem tractari; sed supra illius caput ense nudum, equina seta adpensum, demitti voluit, quo metu Damocles ita exanimatus est, ut ne cibos quidem attigerit.

20) Siculae dapes: exquisitae, magnificae; erant enim Siculi in conviviis lautissimi, ut eorum epulae in proverbium abierint.

21) Sententia: Quanto beatiore contra tenuioris sortis homines, qui neque timent, neque cupiunt quidpiam! quantam animi tranquillitatem sua ipsis praestat innocentia atque continentia!

22) Non fastidit, non spernit, ultra subito somnus levis humiles domos agrestium hominum, umbrosamve ripam aquae leniter strepentis.

Non <sup>23)</sup> Zephyris agitata Tempe.

Desiderantem <sup>24)</sup>, quod <sup>25)</sup> satis est, neque

Tumultuosum sollicitat mare,

Nec saevus Arcturi <sup>26)</sup> cadentis

Impetus, aut orientis Haedi:

Non <sup>27)</sup> verberatae grandine vineae,

Fundusve <sup>29)</sup> mendax, arbore <sup>30)</sup> nunc aquas

Culpante, nunc torrentia agros

Sidera, nunc hiemes iniquas.

Contracta <sup>31)</sup> pisces aequora sentiunt,

23) Non fastidit Tempe, pro quavis valle amoena, Zephyris agitata, quae Zephyri perflant.

24) Sensus: scilicet is demum beate vivit, cui, quantum satis est, sufficit. Modicis enim facultatibus contentum neque augendi distorquet cupiditas, neque periculorum, quae lucro inhiantibus continuo imminet, conturbat metus. Illustratur hoc divitis Romani, e mercatura et latifundiis questum facientis, exemplo.

25) Quod satis est. Expetentem nihil ultra, quam quae ad vitam commode sustinendam sufficiunt, non angit metus naufragii mercatorem.

26) Arcturus est stella in Boote signo, ursam consequente, quod propterea etiam Arctophilax dicitur. Occidit Arcturus 4. Cal. Nov. Haedus autem est gemina stella in sinistra manu Aurigae, et oriuntur Haedi pridie Non. Oct. vespere. Occidens autem Arcturus et orientes Haedi tempestates excitare crediti sunt a nautis; propterea saevus impetus, id est: furor tempestuosus, procellosus.

27) Sensus: neque ista sollicitudo ejus animum subit, quae latifundiorum dominum continuo premit, ne proventus ex agris calamitate aliqua intercipiatur.

28) Verberatae, pulsatae, fructu decusso.

29) Fundus mendax; ager qui spem domini illudit, destituit, proventus, quem pollicebatur, negato.

30) Arbore culpante: arboribus sterilitatis suae culpam conferentibus modo in aquas et imbres nimios; modo in calores, ab sideribus agros torrentibus, id est, urentibus, profectos; modo in hyemis asperas. Hoc autem arboribus poeta tribuit, ac si essent sensu et intelligentia praeditae.

31) Nexus: neque vero divites ideo beatos dixeris, quod deliciarum atque voluptatum omnium divitiae usum ipsis atque copiam largiantur: etenim quae voluptas sincera esse potest, animo intus tumultuante, atque cupiditatibus districto? Nonne hoc ipso animum inquietum produunt, quod, prioribus in fastidium adductis, novis usque sese immergant deliciarum generibus? Jam, quibus opes suas explicarent, animique aegritudinem et faterentur, et expellere conarentur divites Romani, plura poeta adnumerat genera. Ac primo quidem loco tangit saeculi sui insaniam, villas in mari aedificandi; tum peregrinationes memorat mari terraque recreandi animi causa susceptas; denique, quae orationis variandae causa conclusioni ad-

Jactis <sup>32)</sup> in altum molibus: huc <sup>33)</sup> frequens  
 Caementa demittit redemptor  
 Cum famulis, dominusque terrae  
 Fastidiosus <sup>34)</sup>: sed <sup>35)</sup> Timor et Minae <sup>36)</sup>  
 Scandunt eodem, quo dominus; neque <sup>37)</sup>  
 Decedit aerata trirēmi, et  
 Post <sup>38)</sup> equitem sedet atra Cura.  
 Quod <sup>39)</sup> si dolentem nec Phrygius <sup>40)</sup> lapis,  
 Nec purpurarum <sup>41)</sup> sidere clarior  
 Delenit <sup>42)</sup> usus, nec Falerna <sup>43)</sup>  
 Vitis, Achaemeniumve costum <sup>44)</sup>;

ficiuntur, aedificia splendida, pretiosam suppellectilem, atque oblectamenta convivalia.

32) Jactis immensis in altum saxorum molibus, quibus mare excludatur, et regnum piscium coarctetur.

33) Huc, id est: in altum mare redemptor, qui opus faciendum certa mercede conduxit, frequens cum famulis, pro, cum frequentibus, multis servis operariis, demittit caementa, struem lapideam, rudia saxorum fragmenta, informem et minutam materiem, ad explendum istud spatium injectam.

34) Terrae fastidiosus: quem pertaesum est in terra habitare, quem aegritudo terra expellit.

35) Sensus simplex: sed nec hic ipsi contingit esse tranquillo.

36) Timor et Minae: personae cogita, quae terrent animum scelerum conscium, (Furiarum instar, scandunt eodem, quo dominus, comitantur eum.)

37) Neque, si mari iter, relaxandi animi causa, faciat, Cura, aegritudo decedit ab aerata seu rostrata navi; una cum eo navem conscendit, peregrinatur.

38) Et si equum conscendit, iter voluptuarium facturus, sedet, imminet tergo ejus.

39) Conclusio: itaque si honorum ac divitiarum amplitudo, quasque eae vitae commoditates ac delicias afferunt, tantum abest, ut curas dispellant, ut novis potius animum onerent, et ad majora concupiscenda irritent; cur quaeso meae mediocritatis poeniteat me, quae sola maximum ad bene beateque vivendum momentum efficit?

40) Divitiarum usum specialibus, quas aetas sua ipsi suggerit, notionibus exposuit poeta. Primo loco memoratur Phrygius lapis. Marmor Synnadicum, ad Synnada, Phrygiae oppidum, caesum. Candidum erat, maculisque distinctum purpureis. Declaratur adeo a poeta aedium magnificentia, columnis Phrygiis distinctarum.

41) Purpurarum: purpurae usus sidere clarior, inversa ratione dictum, pro, usus purpurae clarioris sidere, id est, resplendentis.

42) Delenit: dolores et morbos levat dolentis.

43) Falerna vitis: vina agri Falerni Campaniae, adeoque, nobilissima.

44) Costum: unguentum e radice fruticis ejusdem nominis. Aromatis genus.

Cur <sup>45)</sup> invidendis <sup>46)</sup> postibus et novo  
 Sublime <sup>47)</sup> ritu <sup>48)</sup> moliar <sup>49)</sup> atrium?  
 Cur <sup>50)</sup> valle permutem Sabina  
 Divitias operosiores? *L. P. P.*

O d e II.

## Ad Juventutem Romanam.

Occasio et argumentum.

Horatius hoc carmine, tamquam in tabula, praeae Romanorum virtutis imaginem ad vivum delineare voluisse videtur, atque eo quidem consilio, ut populares suos, ab ista veterum norma immane quantum degressos, ad adumbrandam eam exprimendamque exhortaretur, atque incenderet. Exhortatus igitur juventutem Romanam ad pristinam laborum tolerantiam, fortitudinemque bellicam, quibus adversus externos hostes defenseretur respublica, ad virtutem commendandam progreditur. Scilicet ut studia cupiditatesque honorum atque ambitiones e civitate, haud raro graviter inde concussa, tolleret; virtutem seu honesti studium, non tam ob externa praemia, quae admodum fortuita sint, quam per se expetendam pronunciat; suam enim ipsimet dignitatem inesse amplissimam, suam esse aeternam nominis famam. Tum qua nullum fortius ad continendam civitatem cogitari potest vinculum, fidem in specie memorat, ad eamque servandam Juventutem Romanam, proposita Deorum vindicta, graviter exhortatur.

Achaemenium, id est: Parthicum, ab Achaemene, Persarum rege, dicitur, quod illud ex India per Parthorum regionem Romam adveheretur.

45) Sensus: cur magnificas aedes exstruam?

46) Invidendis, id est: invidiae obnoxiiis. Postes sunt januae latera: pro tota domo accipiuntur.

47) Atrium: primus erat locus aedium, et quasi aditus ad reliquam domum, arcam, in medio positam interdum, et circumaddita aedificia continens: pro tota domo hic sumitur. Atrium sublime, ergo idem ac, palatium. De atrio vide adhuc Antiquit.

48) Novo ritu, id est: gustu, ad novas architectonicas regulas exstructum.

49) Moliar, id est: exstruam, scilicet, pro tenui aedificio.

50) Sensus: cur vallem et agrum meum Sabinum, permutem divitiis molestioribus, in quibus conservandis operae multum et curae consumam.

Metrum, quale L. I. carm. 8.

Angustam <sup>1)</sup> amice <sup>2)</sup> pauperiem pati  
 Robustus acri <sup>3)</sup> militia puer  
 Condiscat, et Parthos <sup>4)</sup> feroces  
 Vexet <sup>5)</sup> eques <sup>6)</sup> metuendus hasta;  
 Vitamque sub divo <sup>7)</sup> et trepidis <sup>8)</sup> agat  
 In rebus. Illum <sup>9)</sup> ex moenibus hosticis  
 Matrōna bellantis tyranni  
 Prospiciens, et adulta virgo  
 Suspiret; eheu <sup>10)</sup>, ne rudis <sup>11)</sup> agminum

1) Sententia: juvenus Romana severa disciplina contineatur, unde corpus ad tolerandos militiae labores induretur, corroboretur. Jam severam disciplinam paupertatis notioni subiecit poeta, quae adeo victu modico ac duro, vigiliis, caloribus ac frigoris patientia, tolerandisque laboribus corpus atque animum confirmat ac ad fortitudinem acuit, uti contra luxus et ignavia enervat ac deprimit.

2) Amice non est vocativus, ut quidam volunt, sed adverbium, quia metri necessitas exigit e longum, ac proinde amice pati, idem est ac, libenter facere, uti Graecum, φιλως περιου.

3) Acri militia, id est: dura, laboriosa.

4) Jam acrem militiam exponit poeta, memoratis speciatim, quibuscum congregiatur miles Romanus, Parthis, ferocissima eademque Romano nomini infestissima gente.

5) Vexet: conturbet, adfligat, adsidue instando.

6) Eques, scilicet in pugna adversus equites Parthos, de quibus jam saepius sermo fuit.

7) Sub divo: sub aere in castris; nam et haec ad aerumnas militiae referenda sunt, ut soli ac frigori corpus adsuescat.

8) Et versetur in rebus trepidis, periculosis, in summo discrimine, ne animus ad subita belli expavescat. Hoc igitur ad animum, illud ad corpus confirmandum spectat.

9) Vulgarem sententiam: timendus sit hostibus, audaces hostes invadat, vivide adumbrat poeta, pictura ad sensuum et adfectuum naturam ac veritatem adornata. Cogita legiones Romanas in hostili agro urbi admotas, hostem, eruptione facta, in aciem progressum atque manum conserentem; tum imbellem aetatem atque sexum, ac proinde etiam uxorem regis in hac urbe hostili, e moenibus proeliantes spectantem, suisque atque urbi timentem. Igitur: illum, nempe militem Romanum pugnantem prospiciens e moenibus hosticis matrōna tyranni, uxor regis bellantis cum populo Romano, et eheu adulta, nubilis suspiret, hoc est: suspiriis timorem prodant, metuant, he etc.

10) Eheu, exclamatio cum suspirio conjuncta.

11) Rudis agminum: imperitus pugnandi, cum tali scilicet adversario commissus.

Sponsus <sup>12)</sup> lacessat <sup>13)</sup> regius asperum  
 Tactu leonem <sup>14)</sup> quem cruenta  
 Per medias rapit ira caedes.  
 Dulce <sup>15)</sup> et decorum est pro patria mori:  
 Mors et fugacem persequitur virum;  
 Nec parcit <sup>16)</sup> imbellis juventae  
 Poplitibus, timido ve tergo.  
 Virtus <sup>17)</sup>, repulsae <sup>18)</sup> nescia sordidae,  
 Intaminatis <sup>19)</sup> fulget honoribus;  
 Nec sumit <sup>20)</sup> aut ponit secures <sup>21)</sup>  
 Arbitrio popularis aurae.

12) Sponsus regius: juvenis regiae virgini desponsus.

13) Lacessat: irretet, adgrediatur leonem, juvenem Romanum, leonis instar ferocientem, fortissime pugnantem.

14) Ira cruenta: ardor, cupiditas pugnandi cruenta, seu cruoris cupida rapit, praecipitem agit per medias caedes, per hostium confertim a se caesorum agmina, hoc est: qui late stragem edit.

15) Nexus: strenue rem agat miles Romanus, memor, nihil aut dulcius aut gloriosius esse, quam atrociter dimicando pro patria mortem oppetere, a qua nec ignavi ac fugientes et proelio immunes sint.

16) Nec parcit: interficit etiam imbelles juvenes, qui terga et poplites vertunt hosti. Est autem poples genu aversum. Praestat igitur mori fortiter pugnando, quam turpiter fugiendo.

17) Laudata fortitudine seu virtute bellica nunc poeta virtutem civilem commendat, momentis, quae ad amplectendam eam invitent ac perducant, ex ipsa deductis. Sensus est: juvenus Romana etiam in virtute civili instituenda est, ad eam exercendam induci debet; inculcandum illi est, dignitatem ac veram animi magnitudinem non in honoribus ac magistratibus, sed unice in virtute positam esse. Exornat autem poeta hanc sententiam dogmatibus e philosophia Stoicorum petitis, quibus virtus idem est, ac sapientia; sententiam enim: in virtute sola reposita esse omnia, dignitatem habere ex se sola, praemia adeo, quibus amantes sui condecoret, esse ampla, certa ac solida, Stoici ita exprimunt: sapiens est rex, sapiens est consul, sapiens est dictator, sapiens est magistratus perpetuus.

18) Repulsae nescia: quae nunquam novit turpem, dedecore plenam repulsam pati; etsi enim viri probi petitos honores non assequantur, sua tamen se virtute consolantur, eaque sola satis honorati sunt.

19) Intaminatis, id est: puris, incorruptis, non obnoxiiis invidiae, petitionum indignitati et molestiae; nam gloria vera semper virtutem comitatur.

20) Nec sumit: neque consulatum aut praeturam ad auram popularum, ad arbitrium populi gerit; id est: honores consuetos, qui populi suffragiis et favore deferuntur, spernit, gloriam suam a populo non emendicat.

21) Secures, insignia consulatus et praeturae. Erant illae secures in medio virgarum fasciculo. Duodecim fasces consuli, sex praetori praeferebantur.

Virtus <sup>22)</sup>, recludens <sup>23)</sup> immeritis mori  
 Caelum, negata <sup>24)</sup> tentat iter viā:  
 Coetusque <sup>25)</sup> vulgares, et udam  
 Spernit humum fugiente <sup>26)</sup> penna.  
 Est <sup>27)</sup> et fideli tuta silentio  
 Merces <sup>28)</sup>: vetabo <sup>29)</sup>, qui Cereris sacrum <sup>30)</sup>  
 Vulgarit arcanæ, sub isdem  
 Sit trāribus <sup>31)</sup> fragilemque mecum  
 Solvat phaselum <sup>32)</sup>. Saepe Diespiter <sup>33)</sup>  
 Neglectus incesto addidit integrum:

22) Alterum virtutis incitamentum est immortalitas.

23) Recludens, patefaciens caelum immeritis mori; mori haud sinit viros immortalitate dignos, in caelum subvehit sui amantes.

24) Via negata ceteris vulgaribus, ardua, difficili, iter tentat; perumpit obices omnes, ut iter in caelum sibi faciat, id est, ut immortalitatem sibi pareat.

25) Coetus vulgares: vulgus virtutis expers, cui adeo inaccessa haec via; et hamum udam, nebulosam, humidam, ob crassum aërem, qui terrae proximus est.

26) Fugiente, id est: celeri.

27) Virtute in genere laudata, speciatim nunc poeta commemorat fidem, utque huic sua constet merces, suum praemium, ita perfidiae contra poenam manere ait certissimam. Itaque etiam fidei servandae intenta sit juven-tus Romana.

28) Merces tuta, praemium certum constitutum est fideli silentio, fidei, quae silentio praestatur; proprium enim hoc habet fides tamquam virtus, quae sibi ipsi merces est.

29) Sequitur oppositio: perjuro contra statuta est poena gravissima. Jam hoc ita convertit poeta; perjurus haud minus nocens est, quam, qui mysteria Eleusinia divulgat; et ut adhuc magis indignationem suam exprimat: detestor, aversor tam scelerati hominis consortium.

30) Cereris sacra sunt Eleusinia, ita dicta a loco in Graecia, ubi sacra fiebant. Haec sacra adeo arcanæ fuerunt, ut, si quis ea aperiendo vel explicando alteri silentium eatenus rupisset, pro maximo scelere reputaretur. Vide Myth.

31) Sub trāribus iisdem, id est: sub eodem tecto mecum.

32) Phaselus est cymba, navicula. Solvat phaselum, id est: funes quibus litori adligatus est, pro: vetabo, non committam, ut pareat mecum navigationem, ut mecum naviget.

33) Diespiter neglectus: Jupiter contemptus, offensus, spretus addidit incesto integrum, hoc est: cum incesto, scelerato, perfido perdidit simul innocentem, purum sceleris, cum illo degentem; perjurum ulturus, interdum ne insonti quidem, cum isto viventi, parcit; scilicet ne noxius elabatur; communis enim haec populorum antiquorum opinio erat de vindicta divina, qua et scelerum contagioni obviam iri, aliosque a perpetrandis iis, metu Deorum injecto, absterri credebant.

Raro <sup>34)</sup> antecedentem scelestum  
 Deseruit pede <sup>35)</sup> Poena claudo.

O d e III.

## Ad Caesarem Augustum.

Argumentum.

Exposita atque vividissimis coloribus adumbrata animi in recto atque honesto constantia ab initio, ad praemia, quae ei parata atque constituta sunt maxima, poeta progreditur; eaque, maxime in aeternitate nominis posita, ad majorem rei fidem faciendam, heroum statim, qui ista consequuti sint, exemplis declarat atque illustrat. Percensita igitur Dioscurorum, Herculis et Bacchi, quibus Augusti numen mira arte imiscetur, apotheosi, in Romulo, immortalitatem adepto, subsistit. Atque hujus quidem, urbis quippe imperiique Romani conditoris, consecrationem poeta latius persequitur, itaque tractat, ut rem in concilio Deorum de recipiendo inter ipsos Romulo agitatum transactionemque plane repraesentet. Quod ut adsequeretur poeta, senatus Romani de Julio Caesare divinis honoribus mac-tando statuentis atque deliberantis speciem magna cum dignitate ad Deos transtulit; neque vero perrogatas singulorum Deorum sententias adposuit, sed satis habuit, solam Junonis, utpote quae ceterarum judicia, quibus Romulum ornasent honorificentissimis, satis manifestaret, luculenta oratione explicitam referre. Igitur initio statim exsultat de eversa Troja muliebris Junonis impotentia, ipsas hujus urbis ruinas sepultas, solumque vastum, ferisque inhabitatum superbe laetatur; utque acceptae a Paride injuria, primariarum irarum causae, qua vix gravior ulla feminae offerri possit, perpetua haec sint solamina, unice laborat. Hinc facilem sese Marti pro Romulo deprecanti praebet, in ejusque apotheosin consentit, et vel immensam imperio Romano magnitudinem spondet, dummodo ne Troja unquam a

34) Graviter claudit generalis sententia: sceleri vindictam divinam imminere, raro sceleratum poenam effugere, Poena autem hic est personificata, quae, scelerum vindex, antecedentem scelestum insequitur.

35) Pede claudo: pede tardigrado, per quod indicatur, poenam nunquam tarde insequi, sed tamen non emanere.

Romanis exsuscitetur. Ductum hoc plane ex animi commo-  
toris natura, qua alteri omnia lubentes largimur, dummodo  
de quo cupide laboramus, id consequamur.

Metrum, quod L. I. od. 8.

Justum <sup>1)</sup> et tenacem propositi virum  
Non civium ardor <sup>2)</sup> prava jubentium,  
Non vultus <sup>3)</sup> instantis tyranni  
Mente quatit <sup>4)</sup> solida, neque Auster <sup>5)</sup>,  
Dux inquieti turbidus Hadriae,  
Nec fulminantis magna manus Jovis:  
Si fractus <sup>6)</sup> illabatur <sup>7)</sup> orbis,  
Impavidum ferient ruinae.  
Hac <sup>8)</sup> arte <sup>9)</sup> Pollux <sup>10)</sup> et vagus <sup>11)</sup> Hercules  
Enisus <sup>12)</sup>, arces attingit igneas:

1) Justum, eundemque tenacem propositi, hoc est, in proposito suo,  
in justo sectando perseverantem virum nihil a virtute sua abstrahit.

2) Ardor civium, tumultus, seditio civium, prava, civitati exitiosa ju-  
bentium, volentium, vi ad obtinenda ea grassantium.

3) Vultus instantis seu minantis tyranni, id est: saevitia, quam vultu  
et minis ostendit.

4) Quatit: concutit, labefactat, deturbat eum de mente solida, contur-  
bat animi ejus constantiam, adversus omnia confirmatam.

5) Auster: sensus: neque rerum, quas formidabiles natura habet,  
timor sapientis animum percellit. Pro mari tempestuoso positus est Auster  
dux Hadriae, qui in mari Adriatico exercet imperium, procellas excitat  
gravissimas. Est autem mare Hadriaticum inter Graeciam et Italiam.

6) Pulchre variavit poeta orationis structuram, quae ita continuanda  
erat: nec caeli ruina viri justii animum conturbabit.

7) Illabatur: si orbis caeli frangatur et irruat in ipsum; ruens caelum  
opprimet quidem eum, sed impavidum, imperterritum. Scilicet rudiori  
aero, quum homines tonitrus fragorem a caelo aereo, per quod Jupiter  
curru itidem aereo inveheretur, repeterent, proclive sane fuit, ut graviore  
sono perterriti ipsam caeli ruinam aliquando extimescerent.

8) Nexus sententiarum vulgaris: virum justii tenacem nihil a proposito  
suo divellit, hujusque constantiae fructus in ipsum redundant uberrimi,  
amplissima eum manent praemia; hoc ultimum illustratur exemplis.

9) Hac arte; hac certa agendi norma, scilicet ut in justo perseverarent,  
hac invicta animi in sectando justo constantia.

10) Pollux Jovis et Ladae filius, Castoris frater, qui ob multas res  
praeclare gestas, maxime in fugandis piratis, relatus est inter sidera.

11) Vagus, qui totum terrarum orbem pervagatus ubique virtutis suae  
monumenta reliquit. Fuit Hercules Jovis et Alcmenes filius, Junonis odio,  
domitisque monstris famosus. Vide labores Herculis in Myth.

12) Enisus: enisi in altum, viam in caelum moliti, attingere, penetrare,

Quos inter Augustus <sup>13)</sup> recumbens  
Purpureo <sup>14)</sup> bibit ore nectar.  
Hac <sup>15)</sup> te merentem, Bacche pater <sup>16)</sup>, tuae  
Vexere tigres, indocili <sup>17)</sup> jugum  
Collo trahentes. Hac Quirinus <sup>18)</sup>  
Martis equis Acheronta <sup>19)</sup> fugit;  
Gratum <sup>20)</sup> eloquuta consiliantibus  
Junone Divis: Ilion <sup>21)</sup>, Ilion  
Fatalis incestusque <sup>22)</sup> judex <sup>22)</sup>,

pervenere ad arces igneas, ardentis stellis, caelum stellatum, hoc est:  
Dii facti, immortalitatem consequuti sunt.

13) Sententia vulgaris esset: ita et Augustus viam sibi in caelum para-  
vit; ast poeta, quum in terris adhuc morantem populus Romanus divinis  
prosequeretur honoribus, eum in caelo cum Diis conviventem nectarisque  
hanstu se proluentem exhibet. Satis enim constat, a Senatu Augusto vivo  
divinos hactenus honores decretos fuisse, ut in hymnos nomen ejus refer-  
retur; privata autem religione eundem aris, templis et effigie numinum  
maxime in provinciis cultum fuisse, plures testantur.

14) Purpureus, splendidus.

15) Hac virtute etiam Bacchus meruit immortalitatem; et pro hoc poeta:  
te merentem adscribi caelo ob egregia tua facinora, tigres, curru tuo junctae,  
in caelum invexere. Vide Myth. Curram Bacchi trahere finguntur tigres.

16) Pater appellatur Bacchus tamquam Deus.

17) Indocili collo, id est: currum trahunt cervice seu collo jugo alli-  
gato, indocili, ob feritatem natura insitam illis, quae perdomanda Baccho erat.

18) Quirinus, Romulus, de cujus apotheosi vide Myth. Nam sublimem  
eum, coorta subito tempestate, raptum, idque a Marte, cujus filius esse  
credebatur, communis opinio erat. Fortasse autem hic virtutem bellicam  
Romuli intelligi poeta vult.

19) Acheronta: inferos effugiens, caelum petivit, id est: immortalitatem  
est adeptus. Acheron flumen inferorum. Myth.

20) Sensus: Junone tandem placata, seu in apotheosin Romuli consen-  
tiente. Hanc sententiam, in qua subsistit, et quacum totum carmen finit,  
ita exprimit poeta: ubi Juno in Deorum consessu hanc orationem habuis-  
set, gratam auditu ceteris Diis, quoniam Junonem haud amplius sua de  
Romulo, inter Deos recipiendo, consilia moraturam intelligerent. Praeclare  
autem statim initium Junonem muliebri exsultantem prodit impotentia, qua  
suam Trojae demum excidio iram exsatiatam manifestat.

21) Ilion istud splendidum atque opulentum Ilion corruit; inest adeo  
amara pristinae ejus urbis potentiae recordatio, cum intimo voluptatis ex  
eadem subversa sensu.

22) Judex: Paris, qui electus judex inter Junonem, Venerem et Miner-  
vam, palmam Veneri adjudicavit, et sententiam, patriae suae fatalem, id  
est, exitialem tulit. Vide Myth.

23) Incestus, non castus, impudicus, quia Helenam uxorem Menelai  
rapuit.



Et mulier <sup>24)</sup> peregrina vertit  
 In pulverem <sup>25)</sup>, ex quo <sup>26)</sup> destituit Deos  
 Mercede pacta Laomedon <sup>27)</sup>, mihi  
 Castaeque damnatum Minervae  
 Cum <sup>28)</sup> populo, et duce fraudulento.  
 Jam <sup>29)</sup> nec Lacaenae splendet adulterae  
 Famosus <sup>30)</sup> hospes; nec Priami domus  
 Perjura <sup>31)</sup> pugnaces Achivos  
 Hectoreis <sup>32)</sup> opibus refringit <sup>33)</sup>;  
 Nostrisque ductum <sup>34)</sup> seditionibus <sup>35)</sup>  
 Bellum resedit <sup>36)</sup>. Proténus <sup>37)</sup> et graves

24) Et mulier peregrina, Helena, quam e Graecia raptam Paris Trojam vexit.

25) In pulverem vertit: in cinerem redegit, evertit.

26) Ordo: damnatum poenae, exitio addictum (quod delendum statutis, et summendi supplicii de eo curam mihi et Minervae injunxeratis) ex quo, id est, postquam Laomedon destituit, fraudavit Neptunum et Apollinem mercede, pro muris instaurandis pacta, id est: ob Laomedontis perjurium.

27) Laomedon, Priami pater; cum Trojae muros extrueret, Neptunus et Apollo suam illi operam ad eos condendos certa mercede locaverunt. Opere confecto, promissum pretium solvere Laomedon recusavit. Hinc Deorum ira in Trojanos. Vide Myth.

28) Cum populo et duce fraudulento: cum universa gente Trojana. Nam perjuria infamia universae deinceps genti, ejusque regibus inhaerebat. Dux fraudulentus: Laomedon perfidus.

29) Non amplius splendet, cultu regali ac forma conspicuus est, jactat sese Lacaenae adulterae, Helenae hospes; vel inversa ratione: Helena haud amplius cultum Paridis et formam ejus miratur, pulchritudinis ejus splendore capitur.

30) Hospes famosus dicitur Paris ob laesum hospitium.

31) Perjura; ob Laomedontem: vide not. 27.

32) Hectoreis opibus: Hectoris virtute et fortitudine. Fuit autem Hector Trojanorum dux fortissimus, filius Priami et Hecubae; post multas Graecorum caedes occisus est ab Achille.

33) Refringit: retundit, reprimit cum clade Graecorum pugnacium; fortiter oppugnantium aciem, sustentat Trojam.

34) Ductum: productum in 10 annos bellum.

35) Nostris seditionibus: dissidiis, cum alii nostrum pro Trojanis, alii pro Achivis staremus.

36) Resedit: tandem compositum finitum est.

37) Proténus; jam nunc Marti, pro Romulo filio deprecanti, in ejus adeo gratiam iras graves, id est, funestas reliquias Trojanorum, Romanis nimium; et invisum nepotem, id est: odium erga nepotem, Romulum redonabo, missum faciam, deponam. Romulus enim fuit filius Rhaeae Silviae, sacerdotis Troicae, id est, e Troja oriundae, filiae Numitoris nomen unius ex

Iras, et invisum nepotem,  
 Troica quem peperit sacerdos,  
 Marti redonabo. Illum <sup>38)</sup> ego lucidas  
 Inire sedes <sup>39)</sup>, ducere nectaris  
 Succos, et adscribi quietis  
 Ordinibus <sup>40)</sup> patiar Deorum.

Dum <sup>41)</sup> longus inter saeviat Ilion  
 Romamque pontus; qualibet exsules <sup>42)</sup> Romani

In parte regnanto beati: —  
 Dum <sup>43)</sup> Priami <sup>44)</sup> Paridisque busto  
 Insultet armentum, et catulos ferae  
 Celent <sup>45)</sup> inultae <sup>46)</sup>; stet <sup>47)</sup> Capitolium  
 Fulgens, triumphatisque possit  
 Roma <sup>48)</sup> ferox dare jura Medis.

Horrenda <sup>49)</sup> late nomen in ultimas  
 Extendat oras, qua <sup>50)</sup> medius liquor

Aeneae posteris, propterea dicitur invisus; nepos autem, quia ferebatur Romulus filius Martis, nati ex Jove et Junone. Vide Myth.

38) Ego patiar, pro: haud amplius repugnabo, quo minus inter Deos Romulus recipiatur.

39) Sedes Deorum lucidas, id est: caelum.

40) Ordinibus quietis Deorum, pro: in ordinem Deorum quietorum.

41) Sensus: Modo ea lege, ut Roma et Troja, interposito mari longo, separentur; et hoc pro: dummodo, ne terram hanc incolant, Iliumque instaurent Romani.

42) Exsules Romani, ab Aenea profugo oriundi, in qualibet terrarum parte regnanto, regnent; ad quasvis terrarum oras imperii sui fines proferant, beati hoc ipso, quod late regnent.

43) Dummodo Troja mera vastities sit; dum armentum pascat in solo Trojano, dum ferae ibi habitent.

44) Pro Trojae ruinis ponit poeta Priami Paridisque busta seu tumulos, quibus armenta insultant.

45) Celent ibi, parturiant; latibulum ferarum sit Troja.

46) Inultae: ita ut nemo existat, qui injuriam, manibus Trojanorum illatam, ulciscatur, eas proturbet; adeoque secure, tuto, utpote in vastissima solitudine.

47) Sententia: Respublica Romana florentissimo statu gaudeat. Exquisite poeta Capitolium in specie memorat, nam illud aeternitatis imperii sui pignus haberi volebant Romani. Erat autem praecipuum Romae templum, Jovi sacrum. Fulgens, id est: inconcussum, statu integro.

48) Roma ferox bello, bellicosa, Medis seu Parthis triumphatis det jura, pro, triumphet de Parthis, iisque det jura, leges victoriae jure imponat, in provinciam Romanam redigat.

49) Horrenda, terribilis facta gentibus magnitudine, sua extendat, dilatat nomen suum, imperii fines ad extremas usque terrarum oras.

50) Qua parte medius liquor, id est, mare mediterraneum Europam

Secernit Europen ab Afro,  
 Qua tumidus rigat arva Nilus<sup>51)</sup>:  
 Aurum<sup>52)</sup> irrepertum<sup>53)</sup>, (et sic melius situm,  
 Quum terra celat, spernere fortior, *Roma*  
 Quam cogere, humanos in usus;  
 Omne<sup>54)</sup> sacrum rapiente dextra.  
 Quicumque<sup>55)</sup> mundo terminus obstitit,  
 Hunc tangat armis, visere gestiens,  
 Qua parte debacchentur ignes,  
 Qua nebulae pluviique rores.  
 Sed<sup>56)</sup> bellicosis fata Quiritibus  
 Hac lege dico, ne nimium<sup>57)</sup> pii,  
 Rebusque fidentes, avitae<sup>58)</sup>  
 Tecta velint reparare Trojae.

disjungit ab Africa, hoc est: ad fretum usque Gaditanum, adeoque usque ad extremum Occidentem.

51) Ultimam Orientis plagam designat poeta per Nilum Aegypti fluvium, tumidum, exundantem, et ita rigantem arva et fecundantem.

52) Nexus sententiarum: Roma quaquaversum extendat imperium suum; ast consequutura hoc, enisura in tantum fastigium omnino fortior erit, fortem et excelsum animum ostendendo, id est, dum sustinebit spernere, dum alto animo spernat potius, contemnat aurum, divitias, quam cogat, congerat, coarcevet. Adeoque paupertatem, frugalitatem ad exemplum priscorum Romanorum, quibus virtutibus res Romana adeo increverat, spretis divitiis amplectendam esse a Romanis Juno exhortatur.

53) Irrepertum; quod reperire haud laborent; et sic, cum terra celat, occultat, multo melius situm, quippe ab usu hominum ita remotum; quod adeo haud erui debuerat, ob innumera, quae inde in genus humanum redundarunt, mala atque calamitates.

54) Additur hic causa: nullum enim tam immane facinus est, ad quod perpetrandum non impellat avaritia, nihil tam sacrum, quod non sacrilega manu contingat. Aurum adeo, ait poeta, avaritiae, sicque omnium scelerum fecundissimam parentem esse. Et pro hoc: dextera avari, id est, avarus rapit, convertit in usus humanos seu profanos, hoc est, profanat omne sacrum, vel sanctissima quaevis, dum cupiditates suas expleat.

55) Quaecumque regio, etiam orbis ultimi, obstabit armis Romae victricibus, ejusque triumphos morari voluerit, hanc debellet, eo perveniat armata et victrix: etiam in illas oras pertingat, ubi calores et fulmina debacchantur, nempe in torridam mundi zonam; aut in illas, ubi glacies et nebulae rigent: indicatur hic zona frigida. Visere gestiens: id est: eam mundi plagam visendi, adeundi cupida.

56) Sed: haec tamen felicia Romanis fata denuncio, et praedico, ea tantum conditione etc.

57) Nimium pii: nimio erga patriam suam, id est, Trojam amore capti, rebusque secundis, opibus confisi, potentia freti etc.

58) Avitae: Roma enim Trojae quasi colonia fuit.

Trojae<sup>59)</sup> renascens alite<sup>60)</sup> lugubri  
 Fortunâ tristi clade irritabitur,  
 Ducente victrices catervas  
 Conjuge me Jovis et sorore.  
 Ter<sup>61)</sup> si resurgat murus aëneus  
 Auctore<sup>62)</sup> Phoebo, ter pereat meis  
 Excisus Argivis<sup>63)</sup>; ter uxor<sup>64)</sup>  
 Capta virum, puerosque ploret.  
 Non<sup>65)</sup> haec jocosae<sup>66)</sup> conveniunt lyrae:  
 Quo Musa tendis<sup>67)</sup>? Desine<sup>68)</sup> pervicax  
 Referre sermones Deorum, et  
 Magna modis tenuare parvis.

#### O d e I V .

### A d C a l l i o p e n .

#### A r g u m e n t u m .

Singularem hoc carmen ingressum habet; poeta enim, sublimium sensuum ac phantasmatum plenus, Musam invocat, quae illa evolvat, sibi praeesto sit. Quumque hujus praesentissimam opem experiretur, animum ejus pristinum, a Musis sibi collatorum, beneficiorum subit recordatio, quibus recensendis gratissimus immoratur, indeque sese, Mu-

59) Sententia: Troja instaurata iterum excindetur.

60) Alite lugubri: infausto augurio, pessimis auspiciis reaedificatae Trojae fortuna, seu fatum iterabitur, idem erit tristi clade, funestissimo interitu; cum ego Juno iterum adversus Trojam hostes paratura, victrices hostium catervas ductura sum.

61) Sententia: quoties resurgat, toties pereat murus aëneus, id est: Troja firmissimo munimento circumdata.

62) Auctore Phoebo: structure aedificante. Vide supra not. 27.

63) Meis Argivis; Graecis enim praecipue favebat Juno.

64) Uxor capta, in servitute abducta luceat virum, maritum et filios, insolentia victoris occisos.

65) Tandem cohibet Musam poeta et revocat, paulo liberius evagatam, Junonis indignatione effervescente, penitus quae exaestuante.

66) Jocosae lyrae: jocis, et lusibus tantum accomodatae.

67) Tendis: evagaris, fines tuos excedendo, sublimia tractando?

68) Desine, noli pervicax, pervicaci ausu, arroganter referre sermones Deorum, id est, Junonis, atque ita magna, quae majoris sunt moliminis, quae vires tuas excedunt, tenuare, extenuare, imminuere, deprimere modis parvis, tenuioribus cantibus, quam argumenti dignitas ac gravitas postulat.

sis quippe addictum, earumdem praesidio ubivis locorum tuto versaturum gloriabundus proficitur; qua sententiarum conversione poeta suo ipsius exemplo comprobare voluit, optime cum eo agi, qui Musis sese in clientelam commendaverit: sicque satis complanata via erat, ad primarium carminis argumentum, quo Augustum, finitis bellis civilibus, ad Musarum castra transgressum, mitem ac lenem principem Romanis poeta exhibere atque commendare conatus est. Musis enim deberi ait, quod Augustus imperium et acceperit, et tenuerit, quae quippe talibus animum ejus praeceptis imbuerint, quibus illud optime fundatum sit, atque in dies corroboretur.

Metrum, quale L. I. carm. 8.

Descende caelo <sup>1)</sup>, et dic age tibi  
Regina <sup>2)</sup> longum Calliope melos <sup>3)</sup>,  
Seu voce nunc mavis acuta <sup>4)</sup>,  
Seu fidibus citharaque <sup>5)</sup> Phoebi.  
Auditis <sup>6)</sup>? — an <sup>7)</sup> me ludit amabilis  
Insania? Audire <sup>8)</sup> et videor pios  
Errare per lucos, amoena  
Quos et aquae subeunt et aerae.

1) Caelo Musam devocat poeta; quod Musae tanquam filiae Jovis et sedem habeant in Olympo; descendant tamen non raro in terras, ut et in his montes, templa, atque fontes sibi sacros habere dicantur.

2) Regina: Vel eam sic honoris tantum causa nominat, quatenus epithetum commune omnium Dearum est; vel quia Calliope, Musa heroici carminis, Musarum princeps esse dicitur.

3) Dic melos: cane carmen longum, longe duraturum, perenne; quod quidem nihil arrogantiae habet, cum illud carmen a Calliope dici cupiat.

4) Acuta voce: clara, arguta. Dicuntur Musae voce canere, Phoebus vero cithara.

5) Tibiam et citharam cumulat poeta, quoniam ad utrumque carmina lyrica canebantur. Fidibus citharaque, pro: fidibusque citharae.

6) Voti compos factus, sese in Musarum lucos abreptum, ibique consortio concentuque Dearum suavissimo frui sibi adeo persuasum habet poeta, ut et alios eadem videre atque audire credat. Unde: *Auditis?* scilicet Musarum cantum?

7) An enthusiasmo correptum deludit me vana imago? an decipior falsa specie? Insania praecelare de animo; sublimium phantasmatum vi ac copia conturbato, qui excelsiore spiritu incensus, expulso humano sensu, furens instar extra se rapitur.

8) Ego quidem certe videor mihi illam polo delapsam audire et circumerrare in amoenis saltibus, et lucis piis, Musis consecratis, quos aquae amoena subeunt, perfluunt, et aerae amoena, lenes perflant.

Me <sup>9)</sup> fabulosae <sup>10)</sup> Vulture <sup>11)</sup> in Appulo,  
Altricis extra limen Apuliae,  
Ludo fatigatumque somno <sup>12)</sup>  
Fronde nova puerum palumbes  
Texere: mirum <sup>13)</sup> quod foret omnibus,  
Quicumque celsae nidum Acherontiae <sup>14)</sup>,  
Saltusque Bantinos <sup>15)</sup>, et arvom  
Pingue tenent humilis Ferenti;  
Ut tuto ab atris corpore viperis  
Dormirem et ursis; ut <sup>16)</sup> premerer sacra  
Lauroque collataque myrto,  
Non sine Dis animosus infans.

9) Quum Musas sibi invocanti praesto esse intelligeret, vivide hujus rei sensu percussus inflammatusque pristinorum, quae sibi ab iisdem inde a tenerima aetate obtigerint, beneficiorum memoriam grata mente recolit, atque ita suo ipsius exemplo sententiam luculentissime comprobat; illos, qui Musarum sese addixerint patrocinio imperturbata securitate frui. Ordo verborum: me puerum aliquando in Vulture Appulo ludo somnoque fatigatum fabulosae palumbes texere.

10) Fabulosae palumbes: quarum plura in fabulis ministeria occurrunt, quae narrationi de sua juventute mirationem faciunt, prodigiosa.

11) Vultur, seu Vulturus, mons in finibus Apuliae, cujus jugum in Lucaniam porrigebatur. In hoc igitur, quod extra limen, seu fines Apuliae, altricis suae, hoc est, quae patria ipsi esset, protenditur, ferocioribus animalibus infestum, Horatium puerum evagatum cogita, ita, ut ibi ludens seque distrahens tandem dormiturus decubuerit.

12) Somno fatigatus dicitur is, qui eo obrepente vincitur, opprimitur ei tandem succumbit. Eleganter ergo jungere potuit poeta: ludo et somno fatigatum contexere palumbes nova fronde, id est: viridi; ramis recentibus non aridis.

13) Mirum: id quod mirabantur omnes in vicinia habitantes, nempe Acherontini, Bantini et Ferentini, quomodo in regione, saevissimis feris infestata, tam confidenter somno indulgerem, corpore nempe tuto, seu tutus, nihil timens a viperis et ursis atris, venenatis, et nocuis.

14) Acherontia urbs exigua in limite Apuliae et Lucaniae, in monte posita instar niduli.

15) Bantia et Ferentum oppida etiam in Apuliae finibus, illa erat saltibus et pascuis amoena; hoc vero in valle fertilissima situm; unde humile et pingue arvum Ferenti.

16) Supplendum est hic: omnes mirati sunt, ut, vel quomodo ego infans puer animosus non sine Diis, id est: fretus praesidio Musarum, qui non expavisset solus terrores nemorum, premerer, tegeger Apollini sacra lauro et myrto collata, comportata a palumbibus; magnam enim frondium in eum congestarum copiam animo subjicit. Vide supra not. 12.

Qui <sup>42)</sup> terram inertem <sup>43)</sup>, qui mare temperat  
 Ventosum, et urbes, regnaque <sup>44)</sup> tristia,  
 Divosque mortalesque turmas  
 Imperio <sup>45)</sup> regit unus aequo.  
 Magnum <sup>46)</sup> illa terrorem intulerat Jovi  
 Fidens, juvenus <sup>47)</sup> horrida, brachiis <sup>48)</sup>,  
 Fratresque <sup>49)</sup> tendentes opaco  
 Pelion imposuisse Olympo.  
 Sed <sup>50)</sup> quid Typhoeus <sup>51)</sup>, et validus Mimas,  
 Aut quid minaci Porphyrion statu <sup>52)</sup>,  
 Quid Rhoetus, evulsisque truncis  
 Enceladus jaculator <sup>53)</sup> audax,  
 Contra sonantem Palladis aegida  
 Possent ruentes <sup>54)</sup>? Hinc <sup>55)</sup> avidus <sup>56)</sup> stetit  
 Vulcanus; hinc matrona Juno, et  
 Nunquam <sup>57)</sup> humeris positurus arcum,

mam Gigantum, quos Jupiter fulmine caduco, desuper irruente, cum impetu dejectos, prostravit ac fugavit.

42) Descriptio Jovis omnia gubernantis.

43) Inertem, brutam, immobilem.

44) Regna tristia, id est, Tartara, Inferos.

45) Imperio aequo: sapienter, juste.

46) Immani virium robore istos valuisse, declarat poeta per consequens ipsum Jovem exterritum fuisse istorum molitionibus.

47) Juventus horrida, Titanum, quos pro Gigantibus, eorum fratribus, ponit: horrida, id est: immani corpore et adspectu.

48) Brachiis fidens, hoc est, immani robore.

49) Fratresque: Othum et Ephialten, qui singulis mensibus novem digitis crescebant, a poeta designari, patet ex sequentibus; nam hi tendebant, nitebantur Pelium montem Olympo opaco, seu nemoroso imponere. Ambo autem hi montes sunt in Thessalia.

50) Sententia: neque tamen quidquam temerarii isti adsultu valere adversus vim Deorum prudenter oppositam.

51) Typhoeus, Mimas, Porphyrion, Rhoetus, Enceladus, Gigantum sunt nomina.

52) Statu, statura, habitu corporis.

53) Jaculator audax: truncos arborum radicibus evulsos ad caelum audacter jaculans.

54) Ruentes: irruentes, temeraria audacia adgressi Pallada, pro quo significantius poeta Aegida Palladis posuit, quo insignior esset Gigantum temeritas, propter Gorgonis caput, Aegidi insertum. Vide Myth. et od. 13. not. 15. L. I.

55) Hinc avidus stetit: variavit poeta orationem, quae vulgari modo ita procedebat: quid efficere istis adversus Palladem, Vulcanum, Junonem, Apollinem?

56) Avidus pugnandi, et ulciscendi cupidus.

57) Qui semper arcum portat Apollo, quia sic pingitur.

Qui rore puro Castaliae <sup>58)</sup> lavit  
 Crines solutos, qui Lyciae <sup>59)</sup> tenet  
 Dumeta <sup>60)</sup>, natalemque silvam,  
 Delius et Patareus Apollo.  
 Vis <sup>61)</sup> consilii expers mole ruit sua:  
 Vim <sup>62)</sup> temperatam Di quoque provehunt  
 In majus, idem <sup>63)</sup> odere vires  
 Omne nefas animo moventes.  
 Testis mearum centimanus Gyges <sup>64)</sup>  
 Sententiarum, notus et integrae  
 Tentator <sup>65)</sup> Orion Dianae,  
 Virginea domitus sagitta.  
 Injecta <sup>66)</sup> monstris Terra dolet suis,  
 Maeretteque partus <sup>67)</sup> fulmine luridum <sup>68)</sup>

58) Castalia fons est Parnassi, Apollini sacer; hunc tenet, incolit Apollo, et pro hoc: rore puro, unda pura lavat crines solutos, promissos, ut declaretur Apollinis juvenitas.

59) Lycia est regio in Asia minori; ejus praecipua urbs Patara, ubi Apollo colebatur.

60) Dumeta, id est: nemora, et natalem silvam in Cyntho, monte Deli, ubi natus Apollo. Myth.

61) Sententia ex antecedentibus deducta: vires consilii expertes, prudentia destitutae, per se, ipsa mole sua, corrumpunt, praecipites dantur.

62) Contra vero vim prudentia temperatam, hominem potentia, qua pollet, sapienter utentem Dii in majus provehunt, id est, Dii augent, extollunt, successum ejus conatus habere jubent.

63) Iidem Dii graviter in eos animadvertunt, qui animo movent, moliantur, concipiunt omne nefas, id est, nefaria quaevis, nihil non ex animi lubricine agentes.

64) Gyges, Cottus et Briareus, Centimani, Caeli et Terrae filii, a patre in Tartara detrusi, indeque a Jove ad debellandos Titanas reducti, hisque in Tartarum conjectis custodes adpositi. Iterum satis manifestam cosmogonicarum istarum fabularum deprehendere licet confusionem, qua Centimani, qui multo antiquiores sunt, et quos a partibus Deorum stetisse perhibent cum Gigantibus rebellibus permiscuntur.

65) Tentator. Orion Gigas, infamis, famosus ob tentatam a se Dianam integram, illaesam pudicitia, perpetua virginitate gaudentem, a qua ille sagittis confossus est.

66) Ordo sententiarum vulgaris: testes mearum sententiarum sunt Gigantes; montibus atque insulis obruti, et Titanes, fulmine in Tartarum detrusi. Et pro hoc poeta: Terra mater dolet injecta, Graece pro, se injectam impositam monstris filiis suis, Gigantibus. Jupiter enim montes in eosdem detorsit, eosque illis obruit.

67) Partus, id est: filios missos, deturbatos.

68) Luridum: pallidum, perpetuum Orci epithetum.

Missos ad Orcum: nec perēdit<sup>69)</sup>  
 Impositam celer ignis Aetnen:  
 Incontinentis nec Tityi<sup>70)</sup> jecur  
 Relinquit ales<sup>71)</sup>, nequitiae additus  
 Custos<sup>72)</sup>: amatorem trecentae  
 Pirithoum<sup>73)</sup> cohibent catenae<sup>74)</sup>.

O d e V.

In laudem Caesaris Augusti.

Occasio et argumentum.

Phraates, quum filium Romae detentum, a. u. 731 ea lege ab Augusto recepisset, ut captivos et signa militaria, Crassi et Antonii cladibus amissa, restitueret; huic tamen ut satisfaceret, haud prius impelli potuit, quam ea ab Augusto, quem in Asiam trajecisse, et ad Syriam usque pervenisse satis constabat, bello repetitum iri fama percubisset. Anno itaque 734, quo id factum est, elapso, ea propter celebratus est tanto plausu ejus reditus in urbem, ut indictae sint feriae, quae Augustalia sunt adpellatae, et ara ex senatus consulto Fortunae reduci sit consecrata; qua de re excusus exstat nummus cum gemina inscriptione; hinc quidem: *Fortunae Antiatum*, illinc: *Caesari Aug. Fortuna redux S. C.* Ne autem inter haec sileret, Horatius hanc scripsit oden, quae Apotheosis quaedam Augusti est, similis illi, quae legitur sub finem L. I. od. 11. Cum enim ante aliquot annos Augustus sibi subjecisset Britannos, ultimum fere populum tunc orbis noti

69) Ignis, celeriter res absumens, haud peredit, exussit, absumsit Aetnen impositam Typhaeo, pro: Typhaeus nunquam Aetnae mole levatur, adhuc sub Aetna laborat.

70) Tityus aeternas in continentiae suae poenas apud inferos luit. Vide L. II. od. 11. not. 5.

71) Ales: vultur perpetuo exedit jecur incontinentis, quod Latonam temerarie tentaret.

72) Hominis impuri et impudici custos et tortor adpositus, qui, adhaerendo ejus jecuri, poenas nequitiae illius irrogatas, exigit.

73) Pirithous, Thesei amicus, qui cum eo adortus est, rapere ex Inferis Proserpinam: sed Pluto admonitus eos in vincula coniecit. Theseum tamen postea Hercules solvisse dicitur, manente in Inferis Pirithoo. Myth.

74) Catenae trecentae firmitatem vinculorum designant; ex quibus adeo sese Pirithous nunquam expedit.

ad Occidentem; et a. 734. Parthos ad Orientem remotissimos domisset sine bello, sic ut jam videretur inferiorem orbem habere totum potestate, putavit poeta posse Augustum Jovi subparem Deum dici, et alterum in terris Jovem. Initio itaque statim evidentiora divinitatis Augusti argumenta vix dari posse persuasissimum habet, quandoquidem is ab hoste formidolosissimo, quae maximi antea duces magnis amisissent proeliis, absque ullo certamine receperit. Tum quo exactior magnitudinis rei fieri posset judicatio, vivide poeta declarat ignominiam, turpi Crassianorum militum deditio, turpiusque acta servitute Romani imperii majestati inflictam, quam Augustus, salva ejusdem dignitate absterserit, armisque vindicandam statuerit; captivos humili redemptionis conditione liberandi indignum rei publicae damnosum existimans. Generosum hunc Augusti sensum, quo incalescit poetae, patriae amantissimi, animus, Reguli, eadem olim de captivis stautentis, gravissima oratione explicuit. Atque hac sententiarum conversione, tacitaque Augusti cum Regulo, venerando priscae disciplinae exemplo, comparatione, ipsius Augusti, disciplinae severissime regundae itidem intenti, laudes quam maxime celebrantur.

Metrum, quale L. I. carm. 8.

Caelo<sup>1)</sup> tonantem credidimus Jovem  
 Regnare: praesens Divus habebitur  
 Augustus, adjectis Britannis<sup>2)</sup>  
 Imperio, gravibusque Persis.  
 Milesne<sup>3)</sup> Crassi conjuge barbara

1) Splendida atque augusta rei imago: divisum imperium cum Jove Divus Augustus sortitus est; ille caelum moderatur, huic orbis terrarum cura suscepta; hujus numen praesens venerari licet, illius certis tantum signis cognoscere datur. Quemadmodum, quando tonantem audimus Jovem, eum credimus regnare caelo; ita quum Augustum videmus Persas et Britannos adjecisse imperio Romano, nemo dubitare poterit, quin revera Deus sit, etiam praesens et vivens.

2) Hic aliquid est adulationis poeticae. Britanni enim non aliter imperio adjecti erant, quam quod pacis condiciones ab Augusto acceperant a. u. 727. Phraates vero Parthorum rex sine bello reddiderat captivos et signa. Vide argumentum.

3) Omissis Britannis immoratur unice poeta victoriae, de Parthis reportatae; utque speciosior magnitudo rei esset, persequitur atque exaggerat ignominiam, caesis exercitibus, militibusque turpiter sese deditibus, turpiusque in ista captivitate viventibus, nomini Romano inustam, quam sola imperii sui majestate, rerumque gestarum fama Augustus aboleverit. — Adeone, ait, miles

Turpis <sup>4)</sup> maritus vixit? et hostium <sup>5)</sup> —  
 Proh <sup>6)</sup> Curia inversique mores! —  
 Consenuit <sup>7)</sup> socerorum in arvis <sup>8)</sup>,  
 Sub rege Medo <sup>9)</sup>, Marsus <sup>10)</sup> et Appulus,  
 Anciliorum <sup>11)</sup> et nominis <sup>12)</sup> et togae <sup>13)</sup>  
 Oblitus, aeternaeque Vestae <sup>14)</sup>,  
 Incolumi Jove, et urbe Rōma?  
 Hoc <sup>15)</sup> caverat <sup>16)</sup> mens provida Reguli <sup>17)</sup>,

Crassi, civis Romanus sub Crasso stipendia merens, sui, oblitus est, itane a majorum virtute degeneravit, ut, qui mortem pro patria oppetere debuisset, turpem deditionem honestae morti praeferret, eoque delaberetur infamia ac dedecore, ut maritus, ducta conjugē barbara externa viveret, ut matrimonium cum Parthica femina iniret?

4) Turpis: turpe enim erat Romano, barbaram et hostis filiam conjugem accipere.

5) Et hostium socerorum. Ordo est: Et Marsus atque Appulus, oblitus anciliorum, nominis et togae, Jovē incolumi et Roma consenuit sub rege Medo in arvis hostium, socerorum suorum, nempe Parthorum, quorum filias duxerat.

6) Proh curia etc. O inversos Curiae mores! Quantum inversa est, deflexit Curia, senatus a pristinis moribus, ab antiqua majestate, qui tanti dedecoris infamiam per tam longum annorum decursum sustinere potuit, adeo, ut ne bello quidem eam vindicandam, armisque captivos redimendos statuerit!

7) Consenuit: cum M. Crassus ab Orode Phraatis patre victus caesusque esset a. u. 701, necesse fuit milites eos, qui tum a barbaris capti fuere, jam senuisse a. u. 734.

8) In arvis: designat Romanos milites in Parthorum gentem ac familias adscitos, tamquam novos colonos in nova sede arvis colendis operam dantes.

9) Sub rege Medo: Parthorum regis jugo, servitio, adsuefacti, quum in libera republica vixissent antea.

10) Marsus et Appulus positi sunt pro fortissimis Romani exercitus militibus: ambo sunt populi Italiae.

11) Ancilia erant clipeoli 12 sacri. Eorum unus e caelo decidisse ferebatur, editumque fuisse oraculum, fore, ut tamdiu Roma staret, quamdiu ille servaretur. Is igitur ne facile surripi posset, ad ejus formam 11 alii facti erant, qui in templo Martis adservabantur.

12) Nominis, Romani scilicet et gloriae.

13) Togae: Dignitatis ipsorum pristinae, quod liberae reipublicae cives fuissent. Toga, vestimenti genus, Romanis proprium, quod tunicae imponebatur instar pallii. Vide Antiquitates.

14) Vestae aeternae, cujus ignes aeterni, hoc est, nunquam exstinguendi, et ipsi Romam aeternam spondebant. Vide Myth.

15) Amplificare pergit Crassianae cladis infamiam, per comparisonem illius, quam Atilius Regulus tantam putaverat, ut quamquam sibi pereundum videret: tamen apud senatum contenderit, nequaquam redimendos eos, qui cum ingenti probro servire, quam, sicut Romanos decebat, cadere maluissent pugnando.

16) Caverat, id est, cavere studuit, dedecus a populo Romano prohibere

Dissentientis <sup>18)</sup>, conditionibus  
 Foedis, et exemplo <sup>19)</sup> trahenti  
 Perniciem veniens in aevum,  
 Si non periret immiserabilis  
 Captiva pubes. Signa <sup>20)</sup> ego Punicis  
 Adfixa delubris, et arma  
 Militibus sine caede <sup>21)</sup>, dixit,  
 Derepta vidi: vidi ego civium  
 Retorta <sup>22)</sup> tergo brachia libero;  
 Portasque <sup>23)</sup> non clausas, et arva  
 Marte coli populata nostro.  
 Auro repensus <sup>24)</sup> scilicet acrior

vult, ne scilicet turpem deditionem Romanus miles spe redemptionis honestae morti praeferret.

17) M. Atilius Regulus bello Punico primo circa a. u. 500 vixit. Is captus a Carthaginiensibus Romam missus est ad senatum, captivos utrumque redimendi causa, ille autem hoc dissuasit.

18) Dissentientis: Dissuadentis, repudiantis foedas condiciones. Ea enim conditio proponebatur a Poenis, ut redderent Romanos captivos; ac suos vicissim ipsi, facta permutatione, reciperent; hoc autem indignum ac turpe Romano nomini censebat Regulus.

19) Exemplo trahenti, scilicet, dissentientis, id est: qui exemplum extare volebat, quod tracturum, adlaturum esset perniciem, quod perniciosissimum esset inveniens, futurum aevum, ad omnem posteritatem; si captiva pubes, capti milites, immiserabilis, id est, sine misericordia non periret, non in captivitate eam retinendam senatus judicaret. Ordo sententiarum vulgaris est, dissuasit condiciones recipiendas, foedas quippe, pessimique ad posteros exempli, si captivi redimerentur.

20) Oratio Reguli in senatu, quae habet miram gravitatem ad concitantem augendamque in audientium animis indignationem. Sensus: vidi ego arma et signa militaria Romanis derepta suspendi delubris, templis Punicis. De veteri ritu, quo signa atque arma hostibus erepta in templorum fastigiis, donarii loco, suspendi solita sunt. Vide Antiqui.

21) Sine caede: qui milites Romani non occisi, sed in turpissimam deditionem concedentes, per summam ignaviam arma sibi eripi passi sunt.

22) Retorta: vidi cives nostros et milites, qui antea erant liberi, quorum praecipua laus et gloria libertas. esse debuit, retortis, restrictis in tergum manibus ligatos, instar servorum.

23) Portas etc. Vidi Carthaginienses in summa securitate degentes, ex contentu vestri, quos quidem a se fractos oppressosque, ignominiam vix unquam ulturos existimant, Securitatem designant portae non amplius clausae. Vidi et arva nunc, tamquam in pace, coli, quae modo depopulata erant Marte nostro, a militibus nostris.

24) Repensus: neque vero turpe tantum, sed et inutile atque damnosum adeo Reipublicae est, captivos redimi. An enim unquam sperare licet, mili-

*Handwritten note:*  
 Dissentientis 18) M. Atilius Regulus  
 (Joh. Mart. Jorgens)

Miles redibit. Flagitio <sup>25)</sup> additis  
 Damnum. Neque amissos colores  
 Lana refert medicata fuce <sup>26)</sup>,  
 Nec vera virtus, quum semel excidit,  
 Curat reponi dēterioribus.  
 Si pugnat <sup>27)</sup> extricata densis  
 Cervae plāgis, erit ille fortis,  
 Qui perdidit se credidit hostibus;  
 Et <sup>28)</sup> Marte Poenos proteret altero,  
 Qui lora restrictis lacertis  
 Sensit iners, timuitque mortem.  
 Hic <sup>29)</sup>, unde vitam sumeret, inscius,  
 Pacem duello miscuit. O pudor!  
 O magna <sup>30)</sup> Carthago, probrosis  
 Altior Italiae ruinis!

tem, qui semel vitam abjectis armis cum hoste pactus sit, auro repensum, ubi auro penso ab hoste redemptus fuerit, acriorem rediturum, manu magis strenuum, fortiorem deinceps evasurum?

25) Flagitio: Praeterquam quod flagitiose agitis, infamiam nomini Romano adspersistis, damno insuper adficiis rempublicam, pretio pro ignavis istis solvendo; turpiter auri jacturam facitis.

26) Fucus est herba marina aliquatenus rubens, qua in Creta tinguntur vestes. Purpura itaque intelligenda videtur, quae male fuci succo restituitur, pannis jam decoloribus. Sensus: ut lana colorem, quem, fuce medicata, id est, tincta, amisit, nunquam postea refert, resumit, sed illum posteriorem retinet: ita animus iners, ignavia semel imbutus, amissam fortitudinem non recipit, semper ignavus restat; et pro hoc: virtus quae semel excidit animo, amissa est, non curat in deterioribus, ignavis, qui perdendo fortitudinem ignavi facti sunt, ut iterum restituatur in animum, e quo excidit.

27) Sensus: qui semel captus est, is non magis fortis erit, quam cervae plagis seu retibus extricata, elapsa.

28) Sensus: neque Marte seu proelio altero unquam proteret, prosterneat Poenos hostes, qui semel iners seu ignavus manus ad terga sibi ligari sivit, et non potius mortem oppetivit.

29) Sententia: hic, per contentum: ignavus iste miles (nesciens vitam ac salutem non esse precibus, aut fuga quaerendam, sed manu et victoria retinendam, in ipsa acie) cum pugnandum fuisset, pacem ac vitam ab hoste petere maluit; resque disjunctissimas ita confudit, ac miscuit pacem duello, id est: in ipsa pugna cum hoste, tamquam in pace, transegit; de impetranda vita armatus cum hoste pactus est; dēditionis pactione saluti suae consuluit, vi atque ferro tantum obtinendae.

30) Sensus: O magna Carthago, quantum gloriae partem tibi est ex nostro hoc dedecore! Altior Italiae ruinis! cujus magnitudo nostris cladibus probrosis, summa cum ignominia conjunctis, unice innititur!

Fertur <sup>31)</sup> pudicae <sup>32)</sup> conjugis osculum,  
 Parvosque natos, ut capitis minor,  
 Ab se removisse, et virilem  
 Torvus humi posuisse vultum:  
 Donec <sup>33)</sup> labantes consilio patres  
 Firmaret auctor <sup>34)</sup> nunquam alias dato <sup>35)</sup>,  
 Interque <sup>36)</sup> moerentes amicos  
 Egregius properaret exsul.  
 Atqui <sup>37)</sup> sciebat, quae sibi barbarus  
 Tortor pararet: non aliter tamen  
 Dimovit obstantes propinquos,  
 Et populum reditus morantem,  
 Quam <sup>38)</sup> si clientum longā negotia

31) Huc usque oratio Reguli in senatu habita. Prosequitur poeta: Fertur, narratur, quod capitis minor, id est, capite deminuto etc. Caput apud Romanos statum significabat, qui perfectus erat, cum quis et liber et civis esset. Si alterutrum, id est, aut libertatem aut jus civitatis amiserat, minui capite vel capitis dicebatur. Cum itaque Regulus jure jurando se ad reditum in captivitatem obstrinxisset, si, ob quae missus erat Romam, in effectum non deduceret; se non jam ut Romanum civem aspiciens, sed ut servum, utrumque amisisse dici poterat; cumque servi etiam cognationis jus amiserint, eatenus etiam dici poterat, se conjugem ac liberos, quasi alienos amovisse tamquam capitis minorem, id est: preces eorum, quibus ad remanendum eum deprecanti sint, non exaudivisse, et, virilem seu immobilem vultum suorum lacrimis et civium precibus, humi posuisse seu defixisse.

32) Pudicae, id est, castae conjugis Marciae. Pudicitia enim maximum Romanorum matronarum ornamentum.

33) Sensus: atque ita Regulus tamdiu perstitit, donec patres firmaret consilio suo, in sententiam, quam ipse suasisset, quamquam sibi perniciosissimam; prius enim labantes, dubii erant.

34) Auctor appellatur is, qui aliquid suadet, consulit, praestat, et in se recipit.

35) Nunquam alias dato, id est: inauditum.

36) Sensus: e curia se proripit, atque citato gradu, quo laetitiam suam testatam faceret, inter amicos, abitu ejus contristatos, ad hostem pergit tamquam exsul egregius, singularis prorsus exempli, ut qui sui ipse exsilii auctor esset, captivos retinendos suadendo.

37) Atqui: attamen, quamquam probe norat, quae sibi barbarus tortor pararet, quibus cruciatibus pereundum foret, si infecta re Carthaginem rediret; ita dimovit, repulit, viam sibi per obstantes aperuit etc. Dicunt autem Regulum revera maximis cruciatibus occisum fuisse a Carthaginiensibus. De ejus supplicio non consentiunt scriptores; vulgo eum ajunt resectis palpebris, inclusum arca seu machina, undique acutis stimulis munita intus, necatum.

38) Non aliter, ac si urbem relinqueret, in qua clientum negotiis, quae vel orator, vel advocatus curasset, quaeque diuturnitate sua summo eum taedio adfecissent, dētensus atque distractus fuisset.

Dijudicata <sup>39)</sup> lite relinqueret,  
Tendens <sup>40)</sup> Venafanos <sup>41)</sup> in agros  
Aut Lacedaemonium Tarentum <sup>42)</sup>.

O d e V I.

## A d R o m a n o s.

Occasio et argumentum.

Quum respublica, collapsa, qua ad summum cacumen emersisset disciplina veteri, perditissimis laboraret moribus, adeo quidem, ut innumeris malis gravissimisque, quae inde in eam redundarent, calamitatibus in summum eam discrimen adductum iri posset colligi; Augustus, sustentaturus eam, multis gravibus severisque legibus latis, corruptelam morum coërcendam statuit. Quum autem praeprimis Deorum cultum, jamjam labantem, in hunc finem restituere vellet; Horatius, utrumque ad erigendam stabiliendamque rempublicam efficacissimum, hoc carmine commendaturus, Romanorum in universum terrarum orbem imperium a Deorum cultu, maximas contra clades, quae illud paene perverterint, a neglectis religionibus repetendas esse pronunciat. Inde ad alterum malorum fontem, morum corruptelam, delatus, eam vividissimis coloribus depingit. Tum, quo magis perspiceretur quantum ista pestis reipublicae detrimenti adferret, enervi suae aetatis proli graviter opponuntur mores priscorum hominum, qui pudice nati, duriterque educati, maximas olim terra marique res patrassent.

Metrum, quod L. I. carm. 8.

Delicta <sup>1)</sup> majorum immeritus lues,  
Romane, donec templa refeceris,

39) Dijudicata, id est, iudicium sententiae finita et composita.

40) Tendens, profectus in praedium suum Campanum, pro quo in specie Venafrum posuit, aut Tarentinum.

41) De Venafro vide L. II. od. 4. not. 16.

42) De Tarento vide L. II. od. 4. not. 12. Lacedaemonium dicitur, quia fundatum a Phalante Lacedaemonio.

1) Delicta: sensus: ob majorum flagitia, dabis poenas, ac licet eorum scelera non commiseris, atque adeo immeritus et innocens videaris, juste tamen plecteris, ob tuam in rebus sacris, templis v. g. reficiendis, negligenti-

Aedesque labentes Deorum, et  
Foeda nigro simulacra <sup>2)</sup> fumo.  
Diis <sup>3)</sup> te minorem quod geris, imperas:  
Hinc <sup>4)</sup> omne principium, huc refer exitum.  
Di multa neglecti dederunt  
Hesperiae <sup>5)</sup> mala luctuosae.  
Jam bis <sup>6)</sup> Monaeses et Pacori manus  
Non auspicatos <sup>7)</sup> contudit impetus  
Nostros, et adjecisse <sup>8)</sup> praedam  
Torquibus exiguis renidet.

tiam, et impietatem. Neglectam in Deos pietatem ita designat poeta, quod Augustus cum reficiendorum, tum novorum templorum exstruendorum curam populo, quamquam aliis de causis, ostentaret.

2) Simulacra Deorum foeda, squalida, sordida nigro fumo, quorum adeo cura diu intermissa fuerat. Consueverant enim Deorum simulacra, fumo aërisve injuriis inquinata, stato tempore ac solenni ritu purgari apud veteres.

3) Imperas, id est, imperium orbis terrarum tenes, omnia tibi prospere cedunt, quod, seu, propterea quod, quatenus te minorem Diis geris, Deos te superiores habes, eorum adeo benevolentiam cultu atque obsequio promereri studes.

4) Hinc: A Diis et eorum cultu initium pete rerum omnium agendarum: Huc, id est, ad eosdem refer, iis refer acceptum exitum, et felicitatem tuam in rebus bene gerendis. Nota porro vocem hanc, principium, esse trisyllabam, quasi esset, principum.

5) Hesperiae, id est, Italiae, vide L. I. od. 30. not. 5. Luctuosae, quae habet multum luctum, tristi, cladibus adfectae, et in luctum inde versae.

6) Exemplis gravissimis e suo populo petitis jam illustrat poeta, quantum humana consilia castigantur, ubi se caelestibus praeferant. Bis ait cladem res Romana a Parthis acceperat, primum imperatore M. Crasso, quem Monaeses Orodis dux, circumfusus immanibus copiis equitum, una cum parte majore exercitus Romani interemit; et iterum duce M. Antonio, cujus primum legatus Didius Saxa cum legionibus interemit a Parthis a. u. 714. duce Pacoro, Orodis regis filio, tum et ipse a. u. 718 exercitum adversus illos ductum amisit. Uterque Diis adversantibus istam adversus Parthos expeditionem susceperat.

7) Non auspicatos impetus, id est: neglectis auspiciis et Deorum monitis, se adgredi ausos contudit, fregit, gravissima clade adflixit. Fuit haec veterum superstitio, ne quid alicujus momenti susciperent, nisi captis prius auspiciis, hoc est, nisi observato motu et volatu avium, ex quibus posset divinari, quis exitus futurus esset.

8) Adjecisse, Imago ad augendam rei invidiam mire efficax, maxime si cogites, Crassum Parthici auri cupiditate hoc bellum molitum fuisse. Parthus nempe renidet, id est, arroganter ridet, hiantibus leviter labiis, adjecisse, hoc est, quod adjecerit suis torquibus, quos antea admodum exiguos habuerat, praedam, id est, militibus Romanis, maxime equitibus, detractos torques aureos. Sensus ergo est: superinduit exiguis suis torquibus majores et aureos equitum Romanorum, istaque praeda se jactat, cum irrisione nostri.



Paene <sup>9)</sup> occupatam seditionibus  
 Delevit Urbem Dacus <sup>10)</sup> et Aethiops <sup>11)</sup>:  
 Hic classe formidatus, ille  
 Missilibus melior sagittis.  
 Fecunda <sup>12)</sup> culpa saecula nuptias  
 Primum inquinavere, et genus, et domos:  
 Hoc <sup>13)</sup> fonte derivata clades  
 In patriam populumque fluxit.  
 Motus <sup>14)</sup> doceri gaudet Jonicos <sup>15)</sup>  
 Matura virgo, et fingitur <sup>16)</sup> artibus  
 Jam nunc, et incestos amores  
 De tenero <sup>17)</sup> meditatur ungui.  
 Non <sup>18)</sup> his juvenus orta parentibus

9) Aliud impietatis genus subjicit poeta, bella civilia; quibus Deos adeo populo Romano infensos fuisse factos ait, ut immissis externis hostibus urbem atque imperium Romanum paene deleverint.

10) Dacus, populus Europae septentrionalis, ubi nunc Transylvania, Moldavia, Hungaria. Hujus incursiones Augustus repressit, tribus eorum ducibus caesis; erat autem hic populus peritus sagittandi arte.

11) Aethiopes vero vocantur hic Aegyptii, qui in bello Aegyptiaco contra Augustum pro Cleopatra sua et pro Antonio pugnare, navium copia atque magnitudine formidati.

12) Altera calamitatum origo: Mores antiqui adulterii, omnium flagitiorum seminarii, potissimum subversi atque prostrati. Sensus: aetas ista flagitiorum ferax, connubia primum corripuit, genus atque familias inquinavit adulteriis, id est: primam morum labem adulteriis contraxere nostra saecula; nam depravarunt haec adulteria genus, id est, sobolem, ita, ut non solum in corpus, sed etiam in animum liberorum transfusa sit turpitudinis macula. Atque sic fieri haud poterat, quin malum istud per plures domos seu familias propagatum universam tandem civitatem invaderet.

13) Sententia: hic fuit fons, unde profluxit patriae, totiusque populi labes.

14) Hinc illud est, quod a tenerrima statim aetate feminae non tam prava institutione, quam ipsa natura duce, ad omnem lasciviam ac nequitiam proclives ferantur. Sensus: postquam puella adolevit saltationis Jonicae modos omnes cupide discit, et ea jam aetate, nequitiae artibus cunctis imbuitur, adhucque tenera, nefarios amores incipit cogitare.

15) Jonum mollitia atque lascivia prae ceteris Asiae populis nota erat, adeo quidem, ut proverbio traducerentur ipsorum saltationes ac lasciviores gestus. Vocabulum igitur, motus non tantum ad saltationes, sed omnino ad gestum, habitum corporis atque incessum referendum est.

16) Fingitur, id est, instituitur in artibus his cunctis nequitiae jam nunc, in tam tenera adhuc aetate.

17) De tenero ungui, id est: inde a prima aetate.

18) Flagitiosae saeculi hujus libidini, capitali reipublicae pesti, graviter opponitur antiquae simplicitatis, fugalitat, severiorisque disciplinae, quibus

Infecit <sup>19)</sup> aequor sanguine Punico,  
 Pyrrhumque <sup>20)</sup> et ingentem cecidit  
 Antiochum <sup>21)</sup>, Hannibalemque <sup>22)</sup> dirum:  
 Sed <sup>23)</sup> rusticorum mascula militum  
 Proles <sup>24)</sup>, Sabellis <sup>25)</sup> docta <sup>26)</sup> ligonibus  
 Versare glebas, et severae  
 Matris <sup>27)</sup> ad arbitrium recisos  
 Portare fustes; sol <sup>28)</sup> ubi montium  
 Mutaret umbras, et juga <sup>29)</sup> demeret  
 Bobus fatigatis, amicum  
 Tempus agens <sup>30)</sup> abeunte curru.  
 Damnosa <sup>31)</sup> quid non imminuit dies?

domi militiaeque majores inclaruerunt, remque Romanam ad summum fastigium evexerant imago sanctissima. Non his tam mollibus flagitiosis parentibus orta erat illa juvenus, proles, quae maximas olim res terra marique patraret, maximosque exercitus deleteret.

19) Infecit: profudit mari sanguinem Carthaginiensium.

20) Pyrrhus rex Epirotarum in Graecia, a Tarentinis in auxilium vocatus adversus Romanos, hisque aliquot proeliis superior, tandem a Curio Cons. ad interneconem victus est. A. u. 480.

21) Antiochus, rex Syriae Hannibalis impulsu Romanos bello adgressus, primum mari, duce Aemilio Regillo, dein terra ab Acilio Glabrione et Corn. Scipione devictus est. A. u. 567. Ingens dicitur, quod tanto adparatu illud adversus Romanos bellum moliretur, ut vix aliud formidolosius fama videretur.

22) De Hannibale vide L. II. od. g. not. 3.

23) Sensus: sed hi ruri nati educatique, sub dio opere rustico faciendo membra ad omnium laborum tolerantiam firmaverant.

24) Proles rusticorum militum: prognati a parentibus rusticis, luxuria ac desidia haud corruptis, sed militia, agriculturaeque studio induratis; unde mascula, robusta, fortis.

25) Sabellis, id est, Sabinis. Erant illi Italiae populus, apud quem diutissime vixit illa morum asperitas, continentia, laborumque tolerantia, quae eos militiae aptissimos efficeret.

26) Docta a pueritia, ad rusticorum operum molestias adsuefacta. Pro rusticis operibus ponit poeta enumerationem horum operum.

27) Matris severae, seu durae ad arbitrium, id est, jussu portare fustes, intellige ligna seu sarmenta, coenae adparandae inservientia.

28) Sol ubi etc. Vesperi cadente sole, qui umbras montium projicit in aliam partem, atque illam, in quam oriens eas projiciebat.

29) Juga: sol demit, detrahit, solvit juga bobus fatigatis, opere diurno fessis; suaviter, quatenus occasus ejus detrahenda ea admonet.

30) Agens: id est, adducens amicum, jucundum illis tempus noctis, cessationem ab opere diurno, requiem, properante versus occasum solis ipsius curru.

31) Damnosa, quae omnia consumit. Sensus: sic tempus omnia carpit successu temporis omnia deteriora fiunt.

Actas<sup>32)</sup> parentum, pejor avis, tulit  
 Nos nequiores, mox daturos  
 Progeniem vitiosiore.

O de VII.

## A d M a e c e n a t e m.

Occasio et argumentum.

Maecenas, quum Calendis Martiis, ipso adeo Matronalium die, ad festas epulas ab Horatio invitatus esset, neque, quid poëta sibi caelibi cum importuno solennium apparatu vellet, perspiceret; ingenue ipsum, ne mala sedulitate risum moveret, monuerat. Horatius igitur respondet Maecenati hoc carmine, veraque sacri causa exposita, ut huncce diem sepositis curis publicis, erat enim tum temporis Maecenas praefectus Urbi, hilarissime secum agat, adhortatur. E versu 17 patet, hoc carmen ad a. u. 754 referendum esse.

Metrum, quod L. I. od. 2.

Martiis<sup>1)</sup> caelebs quid agam Calendis,  
 Quid velint flores, et acerra<sup>2)</sup> thuris  
 Plena, miraris, positusque carbo<sup>3)</sup>  
 Cespite vivo,  
 Docte<sup>4)</sup> sermones utriusque linguae.  
 Voveram<sup>5)</sup> dulces epulas, et album

32) Aetas parentum, id est, qua parentes nostri vixerunt. Sensus: nostri parentes erant avis nequiores, nos parentibus sumus, et nostri liberi nobis erunt.

1) Sacrae Junoni, utpote conjugiorum praesidi, erant Calendae Martiae, magnaue eas matronae prosequabantur religione, sacra isto die Junoni pro conjugii felicitate facientes; unde Matronalium nomine ipse iste dies festus insignitus erat. Viri suis uxoribus hoc die munera floresque missabant. Cum autem Horatius sine uxore esset, bene inducitur interrogans illum Maecenas, quid sibi vellet festivus ille adparatus?

2) Acerra, thuris vasculum, unde thus in foco ad olendum expromebatur.

3) Carbo: carbones positi, ingesti cespiti vivo, seu arae e cespite viridi exstructae, quales in privatis sacrificiis usitatae erant.

4) Docte, id est: qui probe calles sermones tam Graecae quam Latinae linguae. Sensus: O Maecenas, qui Latinam et Graecam linguam egregie doctus es, miraris quid agam, quid mihi velim cum isto sacrificio? etc.

5) Poëta Baccho, seu Libero, qui praesentissimum mortis periculum, arboris trunco ipsi intentatum, a cervicibus suis depulisset, sacrum se voti-

Libero caprum<sup>6)</sup>, prope funeratus  
 Arboris ictu,

Hic<sup>7)</sup> dies anno redeunte festus  
 Corticem adstrictum pice demovebit  
 Amphorae, fumum<sup>8)</sup> bibere institutae  
 Consule Tullo.

Sume<sup>9)</sup>, Maecenas, cyathos amici  
 Sospitis<sup>10)</sup> centum<sup>11)</sup>, et vigiles lucernas  
 Perfer<sup>12)</sup> in lucem: procul omnis esto  
 Clamor et ira.

Mitte<sup>13)</sup> civiles super Urbe curas:  
 Occidit<sup>14)</sup> Daci Cotisonis<sup>15)</sup> agmen:  
 Medus<sup>16)</sup> infestus sibi luctuosis  
 Dissidet armis:

vum isto die debere ait, tamquam agresti, ac speciatim hortorum, eidemque poetarum tutelari numini. Vide L. II. od. 10.

6) Caprum album offert, quia hoc animal sacrum erat Baccho, et quia Diis inferis atrae, superis vero candidae immolabantur hostiae.

7) Sensus: hic dies festus, mihi solennis erit anno in se redeunte, seu quotannis; et pro vulgari: hoc die demovebitur, detrahetur cortex seu suber, pice adstrictus, obturatus, amphorae, dicit poëta: dies festus demovebit, detrahet amphorae suber; subere enim claudi solebant vini amphorae.

8) Sensus vulgaris: amphorae optimaе notae, quae vetustissimum vinum continet; et pro hoc dicit poëta: amphorae institutae seu destinatae fumum bibere, seu ad fumum maturitatemque contrahendam, id est: amphorae in fumario repositae Consule Tullo a. u. 688. Erat autem mos veterum, vina in superiore aedium parte, quae fumo pervia erat, unde vetuscerent, amaritudinemque contraherent, reponendi. Voluit ergo poëta per hanc hyperbolem vinum vetustissimum indicare, quod bibiturus sit in honorem Bacchi hoc festo die.

9) Praeclare poëta, adparando convivio intentus, ipsum statim repraesentat, et convivas ad bibendum exhortatur.

10) Sospitis: in gratiam amici gravissimo periculo liberati.

11) Centum: magnam omnino isto die bibendi copiam designat.

12) Perfer, id est: fac, ut continuent usque ad lucem lucernae. Sensus: Producito convivium usque ad diem; compotemus, lucernis accensis, et vigilemus in lucem, sed sine rixis et clamore, quo saepe compotores debacchantur.

13) Sententia: Totum te hodie da mihi, et recte animum civilibus curis exsolvere potes, quum ab externo hoste omnia tuta sint. Erat scilicet Maecenas tum temporis a. u. 734 praefectus Urbi, absente atque occupato in Oriente Augusto cum Phraate Parthorum rege, cujus adeo vices per totam Italiam sustinebat.

14) Securitatem imperii externam ostendit poëta adnumeratis, qui nuper victi subactique essent, populus.

15) Daci fines Romanos continuis incursionibus infestantes, duce rege ipsorum Cotisone, occiderunt, gravissima clade adfecti sunt a Lentulo a. u. 734.

16) Medus, id est, Parthi infesti nobis, sibi dissident, discordant inter se

Servit Hispanae vetus hostis orae,  
 Cantaber <sup>17)</sup>, sera domitus catena:  
 Jam Scythae <sup>18)</sup> laxo <sup>19)</sup> meditantur arcu  
 Cedere campis.  
 Negligens <sup>20)</sup>, ne qua populus laboret,  
 Parce privatus nimium cavere;  
 Dona praesentis cape laetus horae, et  
 Linque <sup>21)</sup> severa.

O d e VIII.

A d M e r c u r i u m.

Argumentum.

Lydes, puellae asperae et feroculae, animum carmine exoraturus poeta, Mercurium, inventorem Lyrae, ipsamque lyram, tanquam numen, invocat, ut sibi in re tam ardua ac difficultatis plena praesto sint, ipsique modos suppeditent, quibus Lydes duritia emolliatur. Invocationi laudes ac vir-

armis luctuosis, bellis civilibus; discordia civili, quae vires ipsorum atterit. Respicit autem poeta intestinas post Phraatem a Scytharum rege solio reditum in ejus regno turbas, Teridatis, regno dejecti, partibus ob immanem illius crudelitatem continuo rebellantibus. Vide L. II. od. 2. not. 23. Atque inter ipsa haec bella civilia Romanis signa cum captivis a Phraate, metu externi belli, hoc ipso anno 734 reddita fuisse constat.

17) Cantabri, bellicosissima Hispaniae septentrionalis natio, hoc ipso demum anno, post insignes clades, ac difficulter admodum ab Agrippa devicta est; ac proinde servit, plane subjugata est haec natio, quae jam diu seu vetus hostis Romanorum fuit; cui etiam respondet, sera catena.

18) Scythae sunt Istri accolae, et hos ultra Istrum a Lentulo submotos designant illa: meditantur, maxime in eo sunt, ut coacti a Lentulo cedant, excedant campis citerioris Istri ripae, finibus Romanis, quos continuis incursionibus vexaverant.

19) Laxo, id est, laxato, inutili arcu.

20) Sensus: quo circa, missis curis civilibus, quibus recte supersedere potes, da te hodie hilarem. Negligens, id est, remittens paulisper curam, qua republicae providebas, parce, seu fuge, cum tu sis privatus, nimium cavere et sollicitus esse, ne quid populus detrimenti capiat, ne qua parte laboret. Fuit enim praefectura Urbis non tam magistratus ordinarius, quam commissum ad tempus officium; ne per absentiam Caesarum deesset Romae rector, et tanquam imperii vicarius.

21) Linque severa, id est: omissis seriis, abjectis curis cape, ne elabi sine, fruire laetus donis horae seu temporis; intellige: vitam, valetudinem, opulas.

tutes lyrae, more priscorum hymnorum, adnectit, itaque ad loca infera delatus, effectus ejus in summis Inferni cruciatibus gravissimos ac plane stupendos vividissime designat, sicque fortuito potius, quam quaesito transitu in Danaidum saevitia, hujusque poena exponenda immoratur; scilicet gravissima crudelissimarum Danaidum poena exposita Horatius Lyden docere voluisse putandus est, superbiam illam delicatam atque fastidiosam a Diis gravissime vindicari.

Metrum, ut L. I. carm. 2.

Mercuri <sup>1)</sup>, nam te docilis magistro  
 Movit Amphion <sup>2)</sup> lapides canendo,  
 Tuque testudo <sup>3)</sup>, resonare septem  
 Callida <sup>4)</sup> nervis,

Nec loquax <sup>5)</sup> olim, neque grata; nunc et  
 Divitum mensis, et amica templis;  
 Dic <sup>6)</sup> modos, Lyde quibus obstinatas  
 Adplicet aures.

Tu <sup>7)</sup> potes tigres, comitesque silvas  
 Ducere <sup>8)</sup> et rivos celeres morari.  
 Cessit immanis tibi blandienti

Janitor aulae,

1) Mercurium invocat poeta, tanquam inventorem lyrae, ejusdemque scite pulsandae artificem solertissimum. Vide Myth.

2) Amphion, Jovis et Antiope filius, haec fuit uxor Lyci regis Thebanorum, cumque in Citherone monte gemellos edidisset, Amphionem et Zetum, inventos pueros educarunt pastores. Amphion cithara delectatus, quam a Mercurio acceperat, ad ejus sonum Thebarum muros extruxit. Zetus venationem adamavit. Dicitur eapropter de Amphione: docilis te magistro, id est, edocutus a te, usus te magistro, tua opera movit, effecit canendo, ut lapides moverentur, mutuoque nexu in muros Thebanos erigerentur.

3) Testudo posita est pro lyra. Eam invenit Mercurius et compegit primo e testudinis tergo et tegmine, quod cavum est, additis 7 chordis. Myth.

4) Callida, quae calles resonare, quae scite resonas, septem nervis seu chordis instructa.

5) Nec loquax: quae non eras canora, apta ad canendum, priusquam Mercurius te nervis instruxisset, et ideo etiam nec grata; ast nunc amica, frequenter adhibita in lautioribus epulis, et templis Deorum, festisque sacris, choreis celebrari solitis.

6) Dic modos: O Mercuri, o lyra mea, doce me carmina, quae Lyde libenter audiat.

7) Tu potes etc. Suam lyram alloquitur, et ei adtribuit effecta Orphea lyrae. Myth.

8) Comites ducere, id est, movere, ut cantum tuum sequerentur.

9) De Cerbero vide Myth. Est janitor aulae seu Inferorum, excubans

Cerberus <sup>9)</sup>; quamvis furiale <sup>10)</sup> centum  
Muniant angues caput ejus, atque  
Spiritus <sup>11)</sup> teter saniesque manet

Ore trilingui.

Quin <sup>12)</sup> et Ixion <sup>13)</sup>, Tityosque <sup>14)</sup> vultu  
Risit invito <sup>15)</sup>: stetit <sup>16)</sup> urna paullum  
Sicca, dum grato Danaï puellas

Carmine mulces.

Audiat Lyde scelus atque notas  
Virginum <sup>17)</sup> poenas, et inane <sup>18)</sup> lymphæ

Dolium fundo pereuntis imo,

Seraque fata <sup>19)</sup>,

in limine, vestibulo immani vastae, horrendae Plutonis regiae. Cum Orpheus descendisset ad Inferos Eurydicem, conjugem suam, repetiturus, Cerberus eidem cessit, non prohibuit eum aditu. Vide Myth.

10) Furiale caput, id est, anguibus hirsutum, ut caput Furiarum.

11) Spiritus, anhelitus tetri; foedi odoris, et sanies, spuma tetra pestilens, tabum manet, profluat ex tribus ejus oris.

12) Quin et ii, qui Tartaro inclusi scelerum poenas luunt, lyrae suavitate permulcentur, dolore minus sentiunt, cantu deliniti.

13) Ixion, cum Junonem temerare voluisset, dejectus in Inferos fuit, et rotae, quae perpetuo circumagitur, adfixus.

14) Tityus aeternas incontinentiae suae poenas apud inferos luit. Vide L. II. od. 11. not. 5.

15) Invito, id est, voluptatem cepere tuo cantu, hocque vultu prodiderunt invito, quem ad hilaritatem componere admodum difficile erat, propter summos cruciatus, quibus continuo adficerentur.

16) Sententia vulgaris: etiam Danaïdes laborum oblita sunt, tuo cantu attonitae. Urnae Danaïdum, quibus aquam haustam in dolium pertusum et rimosum infundunt, siccae aliquamdiu manserunt, illis te audientibus, et laborem omittentibus.

17) Virginum, id est, Danaïdum; sic vocantur a patre Danao Argivorum rege; appellantur etiam Belides ab avo suo Belo. Aegyptus et Danaus fratres fuere, Beli filii: Aegyptus filios habebat 50 quibus uxores a fratre Danao petiit totidem ejusdem Danaï filias: adnuit Danaus, sed, cum accepisset oraculum, se ab uno e suis generis necandum esse, filiabus suis imperavit, ut suos singulae sponsos mactarent noctu, quod omnes, praeter Hypermnestram, fecere. Damnatae sunt caprepter ad poenam commemoratam not. 16.

18) Ordo est: et audiat dolium inane lymphæ pereuntis, seu effluentis, in imo ejusdem dolii fundo, pertuso scilicet. Inane dolium, pro, vacuum aqua, nunquam aqua plenum.

19) Fata: poenas a fatis destinatas; sera vocat, quia post mortem inferuntur sceleratis sub Orco, quae viventibus jam inferri debuerant; vel quia nullo exitu terminanda sunt. Sensus ergo est: audiat Lyde, perpendat, Danaïdum exemplo admonita superbiam exuat.

Quae manent <sup>20)</sup> culpas etiam sub Orco.

Impiae, nam quid potuere majus <sup>21)</sup>?

Impiae <sup>22)</sup> sponsos potuere duro

Perdere <sup>23)</sup> ferro.

Una de multis, face <sup>24)</sup> nuptiali

Digna, perjurum <sup>25)</sup> fuit in parentem

Splendide <sup>26)</sup> mendax, et in omne virgo

Nobilis <sup>27)</sup> aevum:

Surge, quae dixit juveni marito <sup>28)</sup>,

Surge, ne longus tibi somnus <sup>29)</sup>, unde <sup>30)</sup>

Non times, detur; socerum et scelestas

Falle <sup>31)</sup> sorores,

Quae, velut nactae <sup>32)</sup> vitulos leaenae,

Singulos, cheu! lacerant: ego illis

Mollior <sup>33)</sup>, nec te feriam <sup>34)</sup>, neque intra

Claustra <sup>35)</sup> tenebo.

Me pater <sup>36)</sup> saevis oneret catenis,

20) Quae manent: Quae fata, quae poenae destinatae fato inevitabili manent, constitutae sunt culpis, id est, sceleratis hominibus etiam post mortem.

21) Majus, crudelius, subaudi: facere?

22) In repitito, impiae, magna vis est: crudeles, detestandae, execrabiles.

23) Perdere duro ferro, id est: occidere ense immiti, ad scelus praecusso et adhibito.

24) Face nuptiali, id est, propter humanitatis sensum tali conjuge digna. Facem nuptialem vocat matrimonium, quia ad faces noctibus nubebant.

25) Perjurum: jura hospitalia violentem, perfidum, scelestum parentem Danaum.

26) Splendide, gloriose, pulchre mendax, id est, fallens, promissis jure jurando confirmatis non stando; mendacium enim hoc Hypermnestrae maximae laudi cedebat, honorificentissimum erat.

27) Nobilis puella, cujus generosus animus, humanitas in omne aevum, ad omnem posteritatem vigeat.

28) Juveni marito, id est, Lynceo.

29) Longus somnus, id est, mors.

30) Unde non times: ab ea manu, quae tibi suspecta non est, a me; aut a Danao, si te vivum offendat.

31) Falle: clam socero Danao et sororibus meis scelestis aufuge.

32) Nactae: quemadmodum leaenae, quae inciderunt in vitulos, ita sorores suum quaeque trucidant sponsum.

33) Mollior. Ego tantum facinus in me non admittam, molliore, humaniore sensu praedita.

34) Feriam, non occidam.

35) Claustra: nec etiam thalamo inclusum servabo, ab aliis necandum; fugam tuam non cohibebo.

36) Sensus: etiamsi vincula, atque extrema omnia mihi impendeant; modo

Quod viro clemens misero peperci;  
Me <sup>37)</sup> vel extremos Numidarum <sup>38)</sup> in agros  
Classe releget <sup>39)</sup>.

I, pedes <sup>40)</sup> quo te rapiunt et aerae,  
Dum favet nox et Venus <sup>41)</sup>: i secundo <sup>42)</sup>  
Omne; et nostri memorem sepulcro  
Scalpe <sup>43)</sup> querelam. ||

O d e I X.

## Ad fontem Blandusiam,

Argumentum.

Laudes fontis Blandusiae, qui haud longe a villa sua sub monte Lucretili profluebat, poeta a limpidiissima ejus aqua locique amoenitate repetit, quibus adeo delenitur, ut sacrificium in posterum diem ei promittat, immortalitatisque sese eum carmine consecraturum gratus spondeat.

Metrum, ut L. I. carm. 12.

O fons Blandusiae <sup>1)</sup>, splendidior <sup>2)</sup> vitro,  
Dulci digne <sup>3)</sup> mero, non sine floribus,

Lynceus meus sospes evadat. Et pro hoc dicit poeta: Licet me pater in vincula conjiciat, propterea, quod clemens fuerim erga virum, eique pepercerim.

37) Me patria extorrem agat, exsulem patria proturbet. Quae poena iis infligi solebat, quos propter consanguinitatem ultimo supplicio adficere nefas putabatur.

38) Numidarum, id est: Africae.

39) Releget, id est: in exsilium mittat classe, seu navi.

40) I, pedes etc.: sententia: proripe te hinc quam potes velocissime quocumque, vel terra vel mari, dum eundi tibi potestas est. Illud, quocumque, proverbiali locutione expressit poeta, quo pedes ferunt, et venti te impellunt. Rapiunt et aerae: festinationis rationem expriment.

41) Venus, id est, ob meum in te amorem et pietatem.

42) Secundo, hoc est: fausto omine.

43) Scalpe: incide mei sepulcri monumento querelam, hoc est, epigrammen, miserimi fati indicem, si mortua fuero crudelitate patris; nostri memorem, id est: qua significes te nostri, mei amoris, et vitae, meo beneficio tibi servatae, meminisse.

1) Blandusia, quam nonnulli etiam Bandusiam vocant, fons est in Sabinorum finibus, ubi Horatius villam habebat, a Maecenate donatam.

2) Splendidior, id est: perlucidior, purior vitro, cujus aqua limpidiissima est.

3) Digne mero: qui dignus es, cui fiat sacrificium, fontium numini fieri solitum, sparsis floribus et mero.

Cras donaberis haedo <sup>4)</sup>,

Cui frons turgida <sup>5)</sup> cornibus  
Primis, et Venerem et proelia destinat;  
Frustra <sup>6)</sup>: nam gelidos inficiet tibi  
Rubro sanguine rivos

Lascivi soboles gregis.

Te flagrantis atrox hora <sup>7)</sup> Caniculae <sup>8)</sup>  
Nescit tangere <sup>9)</sup>: tu frigus <sup>10)</sup> amabile

Fessis vomere tauris

Praebes, et pecori vago.

Fies <sup>11)</sup> nobilium tu quoque fontium,  
Me dicente <sup>12)</sup> cavis impositam ilicem

Saxis, unde <sup>13)</sup> loquaces

Lymphae <sup>14)</sup> desiliunt <sup>15)</sup> tuae.

4) Haedus cras tibi immolabitur, seu numini, quod tibi praesidet. Sua enim singulis fontibus esse credebantur numina, unde etiam sacri saepe adpellantur. Vult scilicet sacrum tribus rebus absolvi poeta, vino libando, floribus spargendis, et haedo mactando. Sensus simplex ergo: cras vino, floribus, haedo sacrum tibi parabo. His autem tribus fontis Genio, Nymphisque fontanis, uti omnino Diis agrestibus, ad quos isti referendi sunt, rem divinam factam esse, explorata res est.

5) Turgida: e cujus fronte prorumpunt prima cornua; sed quum nascentia cornua haedi maturitatem indident, qua ad Venerem exstimuletur, docte poeta frontem ejus turgidam, ait, destinare, hoc est, adpetere, cupere Venerem, et proelia propter hanc ipsam Venerem cum aliis haedis.

6) Sed frustra; nam tibi in honorem, o fons, tinget sanguine rivos, seu aquas tuas gelidas soboles gregis lascivi, id est: haedus ille lascivus mactabitur.

7) Hora, de quavis anni tempestate; hic autem designatur calida tempestat, aestivum tempus, quo saevire solet Canicula.

8) Canicula est sidus, quo circa medium Julium exoriente maximi calores excitantur.

9) Nescit tangere, id est: non potest te attingere, ad te penetrare, ob densum, quod circa et supra est, nemus.

10) Frigus amabile, id est: tu gratam umbram refrigerium praebes; umbris aquisque tuis refrigeras tauros, vomere, seu arando in aprico solo fessos, et pecus vagum seu pascens.

11) Tu quoque fies unus fontium, poetarum carminibus nobilium illustrium.

12) Medicente: id est: cum ego laudabo quercum, quae imminet rupi, e qua fluis.

13) Unde, id est: e quibus saxis.

14) Lymphae loquaces, garrulae, suaviter strepentes.

15) Desiliunt, defluunt, decurrunt.

## Augusti laudes.

Occasio et argumentum.

Quum Britanni, in quos a. u. 727 Augustus, exercitu in Galliam ducto, bellum translaturus videbatur, pacem per legatos ab eo obtinuissent, idem, Galliae rebus, quae per intestinos motus turbatae essent, iterum compositis, quum adversus Cantabros, imperium Romanum detrectantes, belli molem convertisset, subito gravi morbo implicitus Tarracone subsistere cogebatur. Quum igitur perdomitae Cantabrorum gentis, felicisque Augusti fama reditus, spectatoris, Romam perlata esset, poeta publica populo Romano solennia hoc carmine indicit, ad aequo privata cujusque laetitia prosequenda suo ipsius exemplo hortatur. Ab initio itaque publicos familiae Augusti, totiusque populi laetitiae sensus manifestat; in fine autem suos privatim exponit.

Metrum, quod L. I. carm. 2.

Herculis<sup>1)</sup> ritu<sup>2)</sup>, modo dictus, o plebs,  
Morte<sup>3)</sup> venalem petiisse laurum,  
Caesar, Hispana repetit Penates<sup>4)</sup>  
Victor<sup>5)</sup> ab ora.  
Unico<sup>6)</sup> gaudens mulier marito

1) Comparat poeta Augustum cum Hercule, qui olim in Hispaniam profectus, illius regem Geryonem superavit. Ordo est: o plebs, o Quirites, Caesar Augustus, qui modo, qui nuper vobis dictus est, laurum et victoriam de Cantabris, Hispaniae populo, morte venalem petiisse, instar Herculis, repetit victor domum ab Hispania.

2) Ritu, id est, more et exemplo Herculis.

3) Morte venalem laurum: victoriam sanguine et periculo sui capitis emendam. Alludit hic ad morbum Augusti, quo laboravit Tarracone in Hispania Tarraconensi, in qua regione etiam Cantabri habitabant.

4) Penates. Dii domestici, pro ipsa domo ponuntur. Vide Myth.

5) Victor: de Cantabris.

6) Supplicationes pro felici Augusti reditu ad omnia Deorum pulvinaria decretas magnifice persequitur poeta, pompam matronarum, vota pro maritorum, fratrum, filiorum, generorum denique reditu suscepta, inter sacra publica solventium, sigillatim exponendo. Sensus: mulier, Livia, id est, uxor Augusti, gaudens marito unico, hoc est, uxor mariti plane singularis, egregii, prodeat obviam Caesari, postquam sacrificia obtulerit Diis justis, qui Augustum, id merentem, et belli et morbi periculo liberaverunt.

Prodeat, justis operata<sup>7)</sup> Divis;  
Et soror<sup>8)</sup> clari ducis, et decorae

Supplice vitta

Virginum matres<sup>9)</sup>, juvenumque<sup>10)</sup> nuper  
Sospitum. Vos<sup>11)</sup> o pueri et puellae  
Jam virum expertes, male<sup>12)</sup> ominatis

Parcite verbis.

Hic<sup>13)</sup> dies vere mihi festus atras  
Eximet curas: ego nec tumultum<sup>14)</sup>,  
Nec mori<sup>15)</sup> per vim metuam, tenente  
Caesare terras.

I, pete<sup>16)</sup> unguentum, puer, et coronas,  
Et cadum Marsi<sup>17)</sup> memorem duelli,  
Spartacum<sup>18)</sup> si qua potuit vagantem  
Fallere testa.

7) Operari idem ac, facere, sacrificare.

8) Soror Augusti, Octavia, Antonii nuper demortui uxor.

9) Tum matres decorae more supplicantium, pro vulgari: supplicaturae, vota exsoluturae pro generorum ac filiorum reditu. In publicis enim supplicationibus solebant matronae Romanae caput et manus taeniolis quibusdam sacris ornare.

10) Juvenum sospitum, qui nuper e bello Cantabro sospites reverterunt.

11) Jam ad eos se convertit poeta, quibus bellum istud legendi materiam praebuerit, monetque, ne importunis lamentis ac querelis sacrarum solennitatem inturbent. Ex his nominat pueros patribus, et puellas tam mature jam virorum expertes, id est, orbatos per istud bellum.

12) Sensus: abstinete verbis sinistri ominis infaustis, rem divinam profanantibus, id est: lamentis et querelis.

13) Privata jam cujusque cum publica certet laetitia. Pro hoc suo ipsius exemplo statim, quo fortius eundem in aliis sensum excitaret, poeta Augusti reditum celebrandum proponit. Sensus: hic dies vere mihi festus erit, aut hoc die omnes curas missum faciam, totum me hilaritati tradam.

14) Tumultum, id est: bellum civile.

15) Mori per vim: mortem violentam per tales civiles tumultus.

16) Percenset adparatus convivalis solennia: unguenta, coronas, vinum; hoc peti, adferri jubet vetustissimum, alloquiturque puerum seu servum.

17) Vetustatem vini designat a bello Marsico; solebant enim, ut saepe dictum antea, inscribere in operculo cadi, seu dolii, quo anno vinum conditum sit. Bellum porro Marsicum etiam sociale dicitur, quia fuerat conflatum a sociis Italiae populis et foederatis; qui cum jus civitatis sibi promissum obtinere non possent, arma ceperunt. Hos inter quia praecipui Marsi erant, Marsicum est vocatum. Incidit in a. u. 663.

18) Si qua ratione, vel si forte aliqua testa potuit fallere, id est, latere Spartacum vagantem per totam Italiam, et eam devastantem. Fuit autem Spartacus gladiator celebris, qui aliquot annis post bellum sociale, excitavit servile, pro libertate obtinenda vel potius extorquenda, confluentibus

Dic et argutae <sup>19)</sup> properet Neaerae  
Myrrheum <sup>20)</sup> nodo cohibere crinem:  
Si per <sup>21)</sup> invisum mora janitorem  
Fiet, abito.

Lenit <sup>22)</sup> albescens animos capillus  
Litium, et rixae cupidos protervae:  
Non <sup>23)</sup> ego hoc ferrem calidus juventā,  
Consule Planco <sup>24)</sup>.

## O d e XI.

## A d M a e c e n a t e m.

## Argumentum.

Sententia, aurum summi materiem mali esse atque irritamentum, exemplis, fabulosis pariter atque historicis, exposita, ad excutiendam possessorum ejus conditionem progreditur poëta, eamque miserrimam esse, adlatis judicii sui causis pronunciat. Tum suo ipsius exemplo, hominem mediocri sorte sua contentum et istis divitum miseris carere, et felicitatis sensu frui jucundissimo, seque adeo Sabino suo praediolo mortalium felicissimum esse ostendit.

undique servis ad Spartacum, qui tandem oppressus est post unam alteramve victoriam reportatam a. u. 68r.

19) Argutae: scite et eleganter canenti. Erat fidicina, psaltria Neaera, quales saepe in conviviiis adhibebant. Eam Horatius per servum accessi jubet celerrime.

20) Sensus: dic, properet cohibere, id est propere constringat crinem myrrheum, myrrhae unguento delibutum, in nodum, et veniat; hoc enim sine ullo temporis impendio fieri poterat.

21) Sensus: quod si te morabitur, non statim intromittet janitor invisus, quatenus nempe moratur puerum; illico redito, abito, ne scilicet commissatio longius differatur.

22) Quae sequuntur, per digressionem addita sunt. Sensus: ego aetate provector, aequiore repulsae injuriam fero animo, quam quum juvenis essem. Et pro hoc poëta: albus capillus, seu senectus lenit, mitigat animum cupidum seu proclivem in lites et rixas protervas seu insultantes.

23) Sensus: ego talem repulsam non tulisses a janitore, cum adhuc calidus essem juvenata, per juventutem calidior.

24) Planicus Consul fuit a. u. 712, cum Horatius annum egit 23<sup>um</sup>.

Metrum, quod L. I. od. 5.

Inclusam <sup>1)</sup> Danaën <sup>2)</sup> turris ahenae,  
Robustaeque fores, et vigilum canum <sup>3)</sup>  
Tristes excubiae munierant satis  
Nocturnis ab adulteris:  
Si non Acrisium, virginis abditae  
Custodem <sup>4)</sup> pavidum, Jupiter et Venus <sup>5)</sup>  
Risissent <sup>6)</sup>: fore <sup>7)</sup> enim tutum iter et patens  
Converso in pretium Deo <sup>8)</sup>.

Aurum <sup>9)</sup> per medios ire satellites,  
Et perrumpere amat saxa, potentius  
Ictu fulmineo: Concidit Auguris <sup>10)</sup>  
Argivi domus, ob lucrum  
Demersa exitio: diffidit urbium  
Portas vir Macedo <sup>11)</sup>, et subruit aemulos

1) Sententiam, maximam esse auri vim, nihil tam munitum esse, quod expugnari pecunia non possit, poëta, quo fortius animum percelleret, illustribus statim exemplis, e mythica aetate petitis communit.

2) Danaë erat Acrisii filia, regis Argivorum. Audierat Acrisius se a nepote vita privatum iri; quare filiam, ne quis ex ea nasceretur, ahenae turri incluserat. Jupiter in pluviam auream conversus, Perseum ex ea suscepit, a quo Acrisius interfectus est. Huic fabulae occasionem dedit Proetus Acrisii frater, qui, corruptis auro custodibus, aditum ad Danaën invenit.

3) Canum excubiae: canes ante fores excubantes, vigilantes: tristes, id est, molestae et graves adulteris seu amatoribus; tristes eos facientes, dum non admittuntur.

4) Custodem pavidum: Danaën sollicitae custodientem, oraculi metu.

5) Venus, qua Dea amoris, hic adducta est propter furtum amatorium.

6) Risissent, id est, conatus ejus irritos reddidissent.

7) Fore enim, subaudi: sciebant.

8) Deo, id est, Jovi in aurum converso, quatenus id pretiosum est.

9) Nunc demum generalis subjicitur sententia, nihil esse potentius auro.  
10) Auguris Argivi; Amphiarai familia, qui, cum, ut erat augur optimus, intellexisset, periturum se in bello Thebano, quod agitabant Polynices et Adrastus, cujus sororem Eriphylem Amphiarai duxerat, adduci non poterat, ut ad illud proficisceretur; donec Adrastus monile, auro et gemmis praestans, Eriphylae dedit; quo illecta persuasit viro, ut bellum peteret; in quo ipse, terra debiscente, haustus est, Eriphyle postea fuit ab Alcmaeone filio interemta; Alcmaeon ab Adrasto et Polynice: Amphilocus etiam, Alcmaeonis frater, in bello Thebano periit. Ita ob unius mulieris avaritiam tota domus Amphiarai exitio demersa est, id est, extincta, eversa.

11) Vir Macedo: Philippus rex Macedoniae, Alexandri magni pater, quem constat triumphos suos auro magis, quo corrumperet exercituum, urbium, classium praefectos, quam armis et virtuti debuisse; Graeciaeque mercatorem potius, quam victorem fuisse. Quapropter dicitur de illo: Diffi-

Reges muneribus. Munera <sup>12)</sup> navium  
 Saevos illaqueant duces.  
 Crescentem <sup>13)</sup> sequitur cura pecuniam,  
 Majorumque fames. Jure <sup>14)</sup> perhorru  
 Late conspicuum tollere verticem,  
 Maecenas, equitum decus.  
 Quanto <sup>15)</sup> quisque sibi plura negaverit,  
 A Dis plura feret. Nil cupientium  
 Nudus castra <sup>16)</sup> peto; et transfuga divitum  
 Partes linquere gestio <sup>17)</sup>,  
 Contemptae <sup>18)</sup> dominus splendidior rei,  
 Quam si, quidquid arat impiger Appulus <sup>19)</sup>,

dit, diffregit, aperuit urbium portas, et subruit, subvertit, devicit reges, potentiae ac gloriae ejus aemulos, muneribus, id est, corruptis ducibus exercituum etc. Historicum exemplum.

12) Munera blandis insidiis illaqueant, inescant vel navium duces, quantumvis ingenio saevo, truci, horrido. Referunt hoc ad Menam, Pompeji classi praefectum, qui, deserto eo, ad Augustum 716 descisceret, mox, eo relicto, ad Pompeji iterum partes transiret, indeque iterum ad Augustum sese conferret.

13) Nexus sententiarum: quantacunque autem divitiarum vis sit, neuti- quam tamen eas, propter innumera mala, quibus possessorem suum affli- gunt, expetendae sunt. Etenim (ita statim continuat sensum poeta, omissa generali sententia) tantum abest, ut felicem praestent sui possidentem, ut potius gravissimis curis continuo premant ac obruant. Miseria ista cernitur in cura, studio, cupiditate augendarum opum, id est: in fame majorum opum, quae sequitur crescentem pecuniam, quae pariter, cum pecunia augetur, sicque omnem vitae fructum intercipit.

14) Nexus: quae ipsa causa est, cur divitias minime expetendas putem. Et pro hoc: Perhorru, aversatus sum, nolui unquam late conspicuum tol- lere verticem, id est, insignis esse, splendere, scilicet opibus, et quae iis parantur, dignitate et honoribus.

15) Sententia: is demum beatus erit, qui sorte sua contentus degit; quando quidem nullis cupiditatibus vexatus, neque augendarum opum stu- dio maceratus, rebus, quas habet modicas, secure atque jucunde fruitur. Et pro hoc poeta: quo plura quisque sibi animo negaverit; quo magis cupiditatem habendi compescuerit, tanto plura feret a Diis, id est, vere possidebit.

16) Castra peto: metaphora deducta a re bellica. Ego partes relinquo avarorum, et amplector partes illorum, qui nihil desiderant, pauper, et nihil ipse possidens aut cupiens, praeter id, quod satis est.

17) Gestio, id est: cupio relinquere.

18) Sensus: dumque ita de divitiis statuo, dominis splendidior sum, locupletior, omnino ditior sum; rei contemptae, id est: divitias contemnendo, nihili aestimando, adeoque nec concupiscendo etc.

19) Appuliae solum ferax; et agricolae laboriosi erant ibidem.

Occultare meis dicerer horreis,  
 Magnas <sup>20)</sup> inter opes inops.  
 Purae <sup>21)</sup> rivus aquae, silvaeque jugerum  
 Paucorum, et segetis certa fides <sup>22)</sup> meae,  
 Fulgentem imperio fertilis Africae  
 Fallit <sup>23)</sup> sorte beator.  
 Quamquam <sup>24)</sup> nec Calabrae <sup>25)</sup> mella ferunt apes,  
 Nec Laestrygonia <sup>26)</sup> Bacchus in amphora  
 Languescit <sup>27)</sup> mihi, nec pinguis Gallicis <sup>28)</sup>  
 Crescunt vellera <sup>29)</sup> pascuis:  
 Importuna <sup>30)</sup> tamen pauperies abest;  
 Nec, si plura velim, tu dare <sup>31)</sup> deneges.  
 Contracto <sup>32)</sup> melius parvā cupidine  
 Vectigalia porrigam,  
 Quam <sup>33)</sup> si Mygdoniis <sup>34)</sup> regnum Alyattei <sup>35)</sup>

20) Magnas inter opes inops, id est: et semper tamen egerem, ob fruendi metum, et cupiditatem insatiabilem.

21) Sententia: ecce me Sabino meo agello opulentiorum altero, latissi- mas in Africa possessiones habente.

22) Certa fides segetis: pro, fidelis ager, fertilis, unde, quod satis est, mihi semper succrescit.

23) Id est: agellus meus fallit seu latet fulgentem imperio Africae, possessorem latifundiorum Africae, hoc est: ignoratur ei, quod agellus meus sit sorte beator, opulentior, et proventus ubertate omnes istius posses- siones exsuperet. Sensus: dives, qui totius Africae proventum colligit, vix sibi persuadebit, meum longe uberius esse praediolum.

24) Sententia vulgaris: quamquam meae res parum laetae sunt.

25) Calabria pars est extrema Italiae, prope Siciliam, ubi mel optimum.

26) Formiae, oppidum est Campaniae in Italia, ad quod olim Laestry- gones, Siciliae populi, commigrarunt, in ejus agro vites optimaes.

27) Bacchus languescit: vinum mitescit, vetustatem trahit.

28) Gallicis; nempe in Gallia Cisalpina, ad Padum fluvium, ubi laeta pascua.

29) Vellera pinguis: lana densa, spissa, qualis est ovium pinguium.

30) Importuna, molesta pauperies, ob quam homini nunquam quieto esse licet, quae continuo vexat, curisque obruit hominem etc.

31) Spectat hoc ad Maecenatis munificentiam erga Horatium.

32) Contracto cupidine: melius porrigam, latius extendam vectigalia, id est, redditus ex agris exiguos, hoc loco autem, ipsos agros, agellum meum Sabinum; dum contraho, coarcto, coërceo cupiditates, pauca desiderando etc.

33) Sensus: quam si longinquos Asiae tractus, eosque fertilissimos possi- deam, et pro hoc: quam si Mygdoniis campis regnum Alyattei jungam, continuum.

34) Phrygia adpellatur etiam Mygdonia, quia Mygdon fuit rex Phrygiae.

35) Alyattei, id est, Croesi, qui fuit filius Halyattis, et rex Lydiae in Asia minori ditissimus.



Campis continuem. Multa petentibus  
Desunt multa. Bene <sup>36)</sup> est, cui Deus obtulit  
Parca, quod satis est, manu.

O d e XII.

## Ad Aelium Lamiam.

Occasio et argumentum.

Fuit Lamia nobilis genere, ordine, ac honoribus; deduxit originem suam a vetusto Lamo, Laestrygonum rege, et Formiarum conditore (vide od. praecedentem not. 26). Interfuit bello Cantabrico, et Augusto carus exstitit. Habuit praedium probabilius non procul Formiis ad fluvium Lirim, ubi commoratus est una cum Horatio percaro sibi amico atque hospite. Summam igitur viri hujus expectationem, quam exordio fecerat, stemmate ejus ab antiquissimo usque Lamo deducendo, tempestatisque, a cornice praedictae, commemoratione aliquantisper suspensam, ita extremis demum verbis explicat poeta, seu potius cludit, ut crastinum diem Genio, omninoque conviviali hilaritati dandum pronunciet. Urbane se ita simul convivam Lamiae offerre Horatium, facile patet.

Metrum, quod L. I. carm. 8.

Aeli, vetusto nobilis ab Lamo, —  
(Quando <sup>1)</sup>) et priores hinc Lamias ferunt  
Denominatos, et nepotum  
Per memores genus omne fastos <sup>2)</sup> :)

36) Bene est, id est: beatissimus est, cui Deus parca manu obtulit, dedit modicas facultates, seu tantum, quantum satis est, et necessarium.

1) Quando: quandoquidem ferunt, constans fama est, hinc, ab isto nempe Lamo denominatos fuisse, nomen traxisse Lamias priores, id est, majores tuos, primores gentis; et genus omne nepotum, id est, longam inde ortam seriem, per memores fastos celebratam. Sensus: siquidem omnes ab eo Lamo, tum qui olim fuere, tum qui deinceps exstitere, et quorum per aetates singulas Fasti Romani meminere, nomen traxisse feruntur.

2) Fasti erant libri, et tabulae publicae, in quas referebatur, quid quoque die gestum esset, ad rempublicam spectans: virorum principum nomina, et res gestae etc.

Auctore <sup>3)</sup> ab illo ducis originem,  
Qui Formiarum moenia dicitur  
Princeps <sup>4)</sup>, et innantem Maricae <sup>5)</sup>  
Litoribus tenuisse Lirim <sup>6)</sup>,  
Late tyrannus <sup>7)</sup>: cras <sup>8)</sup> foliis nemus  
Multis, et alga <sup>9)</sup> litus inutili  
Demissa tempestas ab Euro  
Sternet; aquae nisi fallit augur  
Annosa cornix <sup>10)</sup>. Dum <sup>11)</sup> potes, aridum  
Compone lignum: cras <sup>12)</sup> Genium mero  
Curabis et porco bimestri,  
Cum famulis operum <sup>13)</sup> solutis.

3) Auctore ab illo, id est: Formiarum conditore.

4) Princeps, seu primus.

5) Marica hic ponitur pro Minturnis, Campaniae oppido, in quo Marica Nympha, Fauni olim uxor colebatur. Habuit haec Nympha etiam templum et nemus sibi sacrum ad fluvium Lirim prope maris litus, quapropter integra etiam ora maritima Maricae nomine insignita est.

6) Liris est fluvius Italiae dividens Latium a Campania. Innans dicitur a poeta, quia saepius se effudit in has regiones vicinas.

7) Late tyrannus: late rex, amplam ditionem obtinens.

8) Sententia: cras pluvia tempestas erit. Quod poeta circumscribit: cras tempestas immissa ab Euro, vento orientali, nisi fallit me cornix, quae est augur praesagens imbres imminentes, consternet silvas, foliis excussis vento, et litora inutili alga.

9) Alga est herba quaedam marina, quam fluctus in litus projiciunt; herba nullius usus: unde proverbium, alga vilis, de re inutili. Alga demissa litus, pro: alga projecta in litus.

10) Cornix annosa dicitur, quia diutissime vivit. Rauca voce sua praenuncians pluviam aquae augur appellatur.

11) Dum potes, nempe, antequam imbre et tempestate madefiat lignum, compone, para, repone illud sub tecto, crastina die foco admoventum. His festive poeta praeludit sequentibus, quae tandem Lamiam, per longas ambages in summam expectationem adductum, de ejus consilio certior faciant.

12) Cras genio, epulis indulgebis. Et pro hoc, Genio vinum atque porcum immolandum esse asserit; haec enim Geniis atque Laribus offerri solebant. Vide Myth.

13) Operum. Graecus genitivus pro, ab opere diurno solutis per festum diem.

O d e XIII.  
A d F a u n u m.

Argumentum.

Faunum Faunalium die hoc hymno veneratur poeta, precaturque, ut Sabino suo imposterum etiam prospiciat. Progreditur inde poeta ad describendam rusticam istius diei laetitiam, rusticis, ut ita dicam, coloribus egregie adumbratam.

Metrum, quod L. I. od 2.

Faune <sup>1)</sup>), Nympharum fugientum amator,  
Per <sup>2)</sup> meos fines, et aprica rura  
Lenis incedas, abeasque <sup>3)</sup> parvis  
Aequus <sup>4)</sup> alumnis <sup>5)</sup>);  
Si <sup>6)</sup> tener pleno cadit haedus anno <sup>7)</sup>,  
Larga <sup>8)</sup> nec desunt Veneris sodali <sup>9)</sup>  
Vina craterae, vetus ara multo  
Fumat odore <sup>10)</sup>.  
Ludit <sup>11)</sup> herboso pecus omne campo,  
Quum tibi Nonae redeunt Decembres <sup>12)</sup>:  
Festus <sup>13)</sup> in pratis vacat otioso <sup>14)</sup>  
Cum bove pagus:

1) De Fauno, agresti Deo, vide Myth.

2) Pro vulgari: lenis, propitius sis, tuere agros ac greges meos, doctius erat: lenis invisus, adeas meam villam in Sabino.

3) Incedas abeasque aequus: propitio numine transeas; utpote de Deo agros et silvas continuo pervagante, ac nullibi morante, ideoque nec templis culto, ut cetera agrestia numina.

4) Aequus, mitis, innoxius.

5) Alumnis, id est: agnis et haedis tenellis, qui aluntur in villa.

6) Sententia: si quotannis sacro, stato die tibi parando, numen tuum venero; si Faunalia tua quotannis rite celebros.

7) Anno pleno, impleto, exacto, quotannis cadit, immolatur.

8) Larga vina: si neque largum vinum deest craterae; si impleo vino, tibi libando, pateram; si merum tibi libo.

9) Cratera, sodalis dicitur Veneris, id est, socia et amica Veneris, quia Venus et Bacchus eodem templo colebantur.

10) Odore, id est, thure.

11) Effrenior hilaritas Faunalibus, omninoque festis Deorum agrestium diebus propria, vivide admodum adumbrata a poeta subjicitur.

12) Die 5<sup>ta</sup> Decembris fiebat sacrificium istud Fauno.

13) Festus pagus: agricolae diem festum, hilarem agentes, laeti vacant in pratis, opere intermisso feriantur, exsultant in pratis; sacra enim rustica sub dio celebrabantur.

14) Otioso bove, id est, libere per prata vagante.

Inter <sup>15)</sup> audaces lupus errat agnos:  
Spargit <sup>16)</sup> agrestes tibi silva frondes:  
Gaudet invisam pepulisse fossor <sup>17)</sup>  
Ter pede terram.

O d e XIV.

A d T e l e p h u m.

Occasio et argumentum.

De hoc carmine cum aliis interpretibus ita statuendum esse videtur. Quum Horatii sodales, de coena forte in L. Licinii Varronis Murenarum novi auguris honorem habenda deliberaturi, conventum antea agerent, interque confabulandum sermo a proposito sensim, ut fit, ad alia aberrasset; poeta non nisi de convivio cogitans, ut eos inde revocaret, Telephum potissimum ex his increpat, quem maxime a re, ad consultandum proposita, eademque iudicio suo gravissima, ad doctas nugae deflectere, in iisque mire sibi placere animadverteret. Tum ad ipsum convivii futuri hilaritatem delineandam progreditur, quam exquisito artificio repraesentat.

Metrum, quod L. I. od. 3.

Quantum <sup>1)</sup> distet ab Inacho <sup>2)</sup>  
Codrus <sup>3)</sup>, pro patria non timidus mori,

15) Ita freti sunt praesidio tuo agni, ut lupos non curent, interque ipsos lupi essent sine fraude.

16) Silvae spoliunt se frondibus, quod in Italia circa hoc tempus fieri solet, non tam hiemis adventu, quam pietate erga te, ut nempe tibi humum sternant foliis suis, et sic transeuntem colant, cohonestent.

17) Fossorem speciatim memorat poeta, propter graviorem vineae findendae laborem, a quo per festum diem vacuus gaudet pepulisse, id est: pellere, quatere pede terram; idem ac, tripudiat, saltat. Invisam terram, id est, tot aerumnarum suarum causam.

1) Sensus simplex: Quanto temporis intervallo a se invicem distent Inachus et Codrus: tales chronologicae difficultates exponis, genus et stirpem Aeaci percenses, sicque delaberis tandem ad bella et pugnas, ad Ilium pugnatas: ceterum de re multo majoris momenti, de adparando, quod instat, convivio, verbum nullum profers, Telephe.

2) Inachus Argivorum regno initium dedit.

3) Codrus, Atheniensium rex ultimus, qui cum intellexisset in bello, quod inter Dorienses et Athenienses erat, hostes ab oraculo monitos esse,

Narras, et genus Aeaci 4),  
 Et pugnata sacro bella sub Ilio 5):  
 Quo Chium 6) pretio cadum 7)  
 Mercemur, quis aquam 8) temperet ignibus,  
 Quo 9) praebente domum et quota 10)  
 Pelignis caream frigoribus, taces.  
 Da 11) Lunae 12) propere novae,  
 Da noctis mediae, da, puer, auguris 14) " Murenae  
 Murenae 13): tribus 15) aut novem  
 Miscentur cyathis 16) pocula commodis 17).

eos fore superiores, quorum dux in acie occidisset, pastorali sumto habitu, hostium castra ingressus, dum temere jurgium ciet, a milite quodam occisus est, et sic suis victoriam propria morte peperit.

4) Aeacus fuit Jovis filius, Pelei pater, Achillis avus, Achillis filius fuit Pirrhus.

5) Ilium. Troja, ita dicta ab Ilo Trojano rege. Sacrum dicitur ob templorum in ea urbe celebritatem et multitudinem, vel quia Neptunus et Apollo ejus moenia condiderant.

6) Chios est insula maris Aegei, inter Samum et Lesbum, vino suo inclityta.]

7) Cadum, pro: vinum.

8) Aquam, id est: quis aquam balnei, quo utebantur ante coenam venteres, praeparet, calefaciat.

9) Quo praebente domum: quis domum praebat, apud quem convivemur.

10) Et quota hora epulaturi simus, et pro hoc dicit poeta: quota hora caream frigoribus, id est, calefiam; coenaculum enim hieme calefiebat. Pelignum autem frigus vocat ab regione Pelignorum in Sabinis, ubi propter montes frigus vix tolerabile erat.

11) Jam nunc phantasia poetam ad convivium ipsum abripit; et jubet servum, sibi, aliisque convivis vinum ministrare.

12) Lunae novae, id est: da sine mora poculum Lunae surgentis vespere.

13) Da poculum scilicet auguris Murenae, id est, quod hauriam in honorem auguris, recens creati, dum ille summo mane auguria captat, haec enim tempore matutino captari solebant. Tria tempora hic ergo poeta denotare videtur, nempe vespertinum, mediam noctem, et matutinum; quod totam noctem vellet potando transigere. Ceterum pocula solenni loquendi usu illius dicebantur, in cuius honorem ebibeantur. Nota: Murena fuit frater uxoris Maecenatis.

14) Augures illi erant, qui ex avium cantu, pastu, volatu, futura praedicebant, ac Deorum voluntatem renunciabant.

15) Duo miscendi vini modos imperat poeta, alterum, quo tribus vini novem aquae cyathi admisceantur; alterum, quo novem vini cyathi cum tribus aquae temperentur, vel quod simplicius erit, tres aquae partes cum una aquae parte.

16) Cyathi erant vasa minora seu paterae, pocula autem vasa majora.

Qui 18) Musas amat impares, *impares prope*  
 Ternos ter cyathos attonitus petet  
 Vates: tres 19) prohibet supra *ad ducendum 3 pueri illi*  
 Rixarum metuens tangere Gratia,  
 Nudis juncta sororibus.  
 Insanire 20) juvat; cur Berecynthiae 21)  
 Cessant flamina tibiae?  
 Cur pendet tacita fistula cum lyra?  
 Parcentes 22) ego dexteras  
 Odi: sparge rosas: audiat invidus  
 Dementem 23) strepitum Lycus,  
 Et vicina 24) seni non habilis Lyco.

Misceri proprie vinum seu cyathi dicuntur in poculo, sed exquisitius, pocula cyathis, quatenus hi, in alia infusi, in iis miscentur, seu, aqua temperantur.

17) Commodis, docta inversione pro, commode miscentur, id est: apte et convenienter cujusque compotoris ingenio, ut omnibus satis fiat.

18) Qui Musas amat, vates attonitus (poetis enim insaniam propria ob enthusiasmum divinitus immissum, in quo et furor quidam et stupor est) eum petere decet novem cyathos ob Musas impares seu novem.

19) Sententia vulgaris: verecundiorum portio erunt tres cyathi. Et pro hoc: Gratia sororibus nudis, id est, leviter amictis juncta, seu: tres Gratiae prohibent tangi cyathos, et ebibi super tres, quia si bibantur plures periculum est rixarum, quas Gratiae metuunt, fugiunt.

20) Juvat, dulce est insanire, exultare laetitia; cur non inflatur, reboat tibia?

21) Berecynthiae, seu Phrygiae; nam in Phrygia, ubi mons Berecynthus, primum tibiae inventae, et in religione Cybeles adhibitae sunt. Solebant autem Phrygiae tibiae adhiberi conviviis, ut ad earum sonum convivantes saltarent.

22) Parcentes, id est, parcas, avaras manus ferre non possum; sparge ergo, o puer, affatim et large rosas; liberalis esto. Hic mensa potissimum, uti mos erat conviviis veterum, rosas atque floribus constrata intelligi debet.

23) Audiat Lycus (nomen alicujus vicini) invidus, propter ingravescentem aetatem invidens hilaritati juvenili nostrae, strepitum dementem insanientium juvenum, ut a compotioribus tollitur.

24) Vicina; uxor Lyci, ei, utpote seni, non habilis, minus apta; cuius mores discrepant a mariti morosi moribus, adeo, ut tanto aegrius accidat Lyci auribus iste juvenum strepitus.

## A d A m p h o r a m.

Occasio et argumentum.

M. Valerius Messala Corvinus poëseos atque philosophiae laude florebat eximia; imo et rebus pace belloque egregie gestis amicitiam, gratiamque Augusti promeruerat; idemque cum Octaviano Consul fuerat a. u. 723. Talis igitur tantusque vir quum coenam apud Horatium condixisset, poëta laetitiae sensum, quo penitus adfectus erat, ita exprimit, ut vetustum atque optimae notae Massicum suum in Messalae honorem de veterario descendere jubeat. Facta hac sententiarum conversione, facile erat poëtae, in vini laudes atque effecta, excurrere.

Metrum, quale L. I. carm. 8.

O nata <sup>1)</sup> mecum <sup>2)</sup> consule Manlio,  
Seu tu querelas, sive geris <sup>3)</sup> jocos,  
Seu rixam et insanos amores,  
Seu facilem, pia <sup>4)</sup> testa, somnum,  
Quocunque <sup>5)</sup> lectum nomine Massicum <sup>6)</sup>  
Servas, moveri <sup>7)</sup> digna bono <sup>8)</sup> die:

1) O nata mecum testa, seu amphora: hic non designari aetatem amphorae, in aperto est, quia amphorae ab aetate non solebant laudari; sed vinum tantum laudatur a vetustate sua. Ergo hic intelligenda est amphora vino impleta; ab hoc tempore enim incepit esse, non solum amphora, sed vini amphora.

2) Mecum, id est: eodem anno, quo ego natus sum, anno nempe 689; consulibus L. Manlio Torquato, et L. Aurelio Cotta.

3) Geris: facit vinum alios querulos, id est, morosos, difficiles; alios jocosos et hilares; alios amore furiosos et rixantes, somnolentos alios. Unde amphora dicitur gerere, continere querelas, jocos etc.

4) Pia, id est, munifica, benigna, quod in genere de vino recte dici poterat, nulla abusus ejus ratione habita.

5) Quocunque: hic non designatur nomen Consulis; illud enim disserit, verbis jam attulit Horatius. Haec igitur est sententia: quaecunque fuerit causa, cur vinum in te adservaretur. Varia enim erat vini bonitas et virtus: aliud lenitate, aliud robore, aliud subtilitate, aliud alio nomine praestabat.

6) De Massico vino, optimo in Campania jam saepius dictum. Vinum lectum, pro, conditum, nam uvae proprie leguntur.

7) Moveri, pro, depromi, loco enim tunc cadus movetur.

8) Bono, id est, laeto, festo die, quo Messalam Corvinum convivam habebat.

Descende <sup>9)</sup>, Corvino jubente,  
Promere languidiora vina.  
Non ille, quamquam <sup>10)</sup> Socraticis madet  
Sermonibus, te negliget horridus:  
Narratur et prisci Catonis <sup>11)</sup>  
Saepe mero caluisse virtus.  
Tu <sup>12)</sup> lene tormentum <sup>13)</sup> ingenio admoves  
Plerumque duro: ta sapientium  
Curas <sup>14)</sup>, et arcanum <sup>15)</sup> jocosum  
Consilium retegis Lyaeo <sup>16)</sup>:  
Tu <sup>17)</sup> spem reducis <sup>18)</sup> mentibus anxiiis  
Viresque; et addis cornua <sup>19)</sup> pauperi,  
Post te neque iratos trementi

9) Descende promere, Graece, pro, ut promas; jubente Corvino, id est, in honorem ejus; languidiora, vetustate mitigata, lenia vina. Descendere autem jubet amphoram, non tam, quod superiore aedium parte recondita esset, quam quia parieti alte adclinata staret.

10) Etsi est philosophus, Socratis doctrinis penitus imbutus, ac delibutus, adeo, ut, quemadmodum hic Socrates, strenue sobrietatem commendat: tamen non erit ita horridus, morosus ac tristis, ut te negligat, spernat.

11) Catonis Censorii prisci seu majoris; Cato minor erat Uticensis, illius nepos. Ille Plutarcho teste moderatas epulas non spernebat.

12) A Catone facilis erat ac plane naturalis transitus ad effecta vini in viris sese prodentia, qui Catoni sunt simillimi, hoc est, vel natura graves atque severi, vel continuo rerum abstrusarum studio ad gravitatem compositi, id est, philosophi, qualem Messalam fuisse, ex hoc carmine satis constat. Adpositum igitur est, quod hoc potissimum nomine poëta vini virtutes praedicat.

13) Vinum tormenta admovet lenia, id est, machinas quasi bellicas, quae etsi efficacissimae, blanda tamen vi sese pectori insinuant, ut iis expugnet ingenium durum, animi duritiem, severitatem, morositatem, hoc est, profligata gravitate, laetum, hilarem ac jocosum reddat animum.

14) Curas sapientium, id est, cognitiones rerum gravium, cura et studio comparatarum.

15) Arcana consilia: interiores super aliqua parte doctrinae cogitationes, atque opiniones, quas alias non facile prodit philosophus.

16) Jocosus Lyaeo: ope vini, ad lusus ac jocos provocantis. Lyaeus, cognomen Bacchi.

17) Nunc poëta laudes vini generatim exponit.

18) Reducis: tu sperare iterum jubes mentes anxias, sollicitas; melioris sortis spe erigis afflictos, et reparas vires cura et anxietate fessas.

19) Cornua, id est: vires, audaciam pauperi, humili addis; adeo quidem, ut ne potentissimorum quidem iram ac minas tremat, metuat post te, id est, vino tuo hausto.

Regum apices<sup>20)</sup>, neque militum arma.  
Te<sup>21)</sup> Liber, et, si laeta aderit, Venus,  
Segnesque<sup>22)</sup> nodum solvere; Gratiae,  
Vivaeque producent lucernae,  
Dum rediens fugat astra Phoebus.

O d e XVI.

## A d P h i d y l e n .

Argumentum.

Corripit hoc carmine poeta meticolosam rusticarum mulierum, quae sacra in agris procurarent, religionem, quotidianis sacrificiis, iisque pro facultate lautioribus, Deorum pacem exposcentium; monetque exiguis donis, novilunii diebus oblatis, agrorum ubertatem gregumque fecunditatem abunde a Diis posse redimi. Inde defertur ad auream sententiam: Deos non tam sacrificii sumtus, quam pium offerentis animum spectare.

Metrum, quod L. I. carm. 8.

Caelo<sup>1)</sup> supinas si tuleris manus  
Nascente Luna, rustica Phidyle<sup>2)</sup>,

20) Apices: diademata, potestatem et iram.

21) Tecum suaviter noctem traducemus, id est, per totam noctem potabimus. Poëticae autem hoc ita expressit Horatius: per te o amphora, convivium potu, lusibus amoris, si qui dabuntur, amicitiae deliciis et laetis jocis (quae ad Liberum seu Bacchum, Venerem et Gratias refert poeta) ad lucernarum fulgorem, usque ad lucem produceretur. Et pro hoc: te amphora producent Bacchus, Venus et Gratiae usque ad Phoebum.

22) Segnes solvere; Graece pro, ad solvendum, id est: non facile solventes nodum nexum, complexum; quae semper, implexis invicem brachiis, aegre distrahuntur. Cum delectu, quoniam aegre divelluntur compotantes sodales.

1) Sententia vulgaris: satis propitios tibi Deos reddideris, si tenui sacrificio, at pia puraque mente oblato, eos veneris. Et pro hoc: si tuleris, sustuleris caelo, id est, ad caelum manus supinas, porrectas, elevatas, qui solennis olim precantium habitus erat, nascente Luna, seu novilunii die, quam sacram habebat agrestis superstitio etc.

2) Phidyle: suspicantur aliqui fuisse hanc Horatii villicam, quae forte, ut est superstitiosum feminarum ingenium, aliquando non servabat modum in offerendis hostiis etiam majoribus, unde domini greges plus aequo minuenterentur.

Si thure placaris<sup>3)</sup>, et hornā  
Fruge Lares<sup>4)</sup>, avidaque porca:  
Nec pestilentem<sup>5)</sup> sentiet Africum  
Fecunda vitis, nec sterilem<sup>6)</sup> seges  
Robiginem, aut dulces<sup>7)</sup> alumni  
Pomifero grave tempus anno.  
Nam<sup>8)</sup>, quae nivali pascitur Algidus<sup>9)</sup>  
Devota, quercus inter et ilices,  
Aut crescit Albanis in herbis,  
Victima, pontificum secures  
Cervice tinget<sup>10)</sup>. Te<sup>11)</sup> nihil attinet  
Tentare<sup>12)</sup> multa caede bidentium  
Parvos coronantem marino  
Rore Deos<sup>13)</sup>, fragilique myrto.  
Immunis<sup>14)</sup> aram si tetigit manus,  
Non sumtuosa blandior hostia

3) Placaris pro, placaveris, sacrum feceris horna fruge, id est, frugum primitiis, seu frugibus hoc anno natis, avidaque, vorace porca.

4) Lares sunt Dii domestici: etiam Penates vocantur. His Laribus porci et primitiae frugum offerebantur.

5) Pestilentem; ob calorem humidum. Est autem Africus ventus meridionalis.

6) Sterilem, id est, quae sterilem faciat segetem; robigo enim morbus est segetis, cum aristae contabescunt.

7) Dulces alumni, id est: tenelli haedi et agni (pro universis gregibus) non sentient tempus grave, nocivum, insalubre propter pluvias et ventos, anno pomifero, id est, auctumno, quo tempore fructus leguntur, et morbi ingravescent.

8) Sententia est: majores illae victimae, quae, sacrificiis destinatae, pascuntur in Algidus, aut in pascuis laetis prope Albam, ferientur a pontificibus, in majoribus videlicet, publicisque sacrificiis.

9) Algidus mons est Italiae, in regione Latio, perpetuis nivibus tectus ob altitudinem, et quercubus consitus. Sic etiam Alba longa urbs antiqua Latii erat.

10) Tinget: ista nempe victima tinget, madefaciet cervice, id est, sanguine e cervice ebulliente pontificum secures; pro: a pontificibus mactabitur.

11) Sensus est: te vero nihil opus est tentare Deos tuos Lares multa bidentium seu ovium caede, quae coronare illos rore marino, et myrto debes.

12) Tentare Deos, id est: quasi corrumpere, magno sacrificiorum apparatu propitios sibi reddere velle.

13) Parvos Deos coronantem, id est: quae coronas exigua Larum simulacra serto, e rore marino et myrto plexo.

14) Sensus: si immunitas manus, scilicet a scelere, tetigerit aram, Deos veneratura; tunc hostia sumtuosa non erit blandior, acceptior ad molli-

Mollivit aversos Penates  
Farre <sup>15)</sup> pio, et saliente mica <sup>16)</sup>.

Ode XVII.

In sui aevi vitia.

Argumentum.

Insectatur poëta hoc carmine luxum, et inde ortam avaritiam, omnium scelerum ac maleficiorum matrem fecundissimam, pestemque reipublicae deterrimam. Quae mala in summum aliquando discrimen civitatem adductura, ut ab ea prohibeantur, scelerum licentiam severissime vindicandam, scelerumque causas, luxum et habendi cupiditatem tollendas atque exstirpandas esse graviter monet. Ut autem paupertati honos suus reddatur, sicque virtuti iterum locus pateat, hoc ita demum effici contendit, si prava animis eximatur opinio, doceaturque, divitias neminem beatum efficere, continentiam contra atque frugalitatem maximum ad vitam bene beateque agendam momentum esse; id quod Scytharum Getarumque exemplo poëta ostendit.

Metrum, quale L. I. carm. 3.

Intactis <sup>1)</sup> opulentior

Thesauris Arabum <sup>2)</sup>, et divitis Indiae <sup>3)</sup>,  
Caementis <sup>4)</sup> licet occupes

dos, placandos Penates aversos, quam far pium et mica saliens, id est: tene sacrificium.

15) Farre, seu hordeo molito, cui sal mistus erat. Utrumque enim in ignem, arae impositum, conjiciebant; sal autem injectus igni calit.

16) Mica salis, seu particula.

1) Sententia vulgaris: ii, qui beati vulgo censentur, haud immunes sunt a fatali moriendi necessitate, maximeque mortis metu aguntur. Ordo autem est: licet tu, opulentior Arabibus et Indis, occupes et repleas domibus tuis litus maris Tyrrheni et Adriatici: tamen non expedies animum curis et metu, nec corpus mortis necessitate. Divitias ergo primum exagitat poëta, et quidem ab ea parte, qua eas potissimum perditissimus Romanorum luxus ostenderet.

2) Arabes sunt in Asia inter Aegyptum et Judaeam latrocinis suis infames, ac divites. Intacti adpellantur hic, quia nondum in eos arma Romani verterant, quod tamen tardius factum est.

3) India est regio orientalis, prope Sinam, quam medius Ganges secat, gemmis et auro locuples.

4) Caementis, id est aedificiis. Vide Od. I. not. 33. hujus libri.

Tyrrhenum omne tuis, et mare Apulicum <sup>5)</sup>;

Si figit adamantinos <sup>6)</sup>

Summis verticibus dira Necessitas  
Clavos; non animum metu;

Non mortis laqueis expedies caput.

Campestres melius Scythae <sup>7)</sup>,

Quorum plaustra vagas <sup>9)</sup> rite trahunt domos,  
Vivunt, et rigidi Getae <sup>8)</sup>;

Immetata <sup>10)</sup> quibus jugera liberas  
Fruges, et Cererem <sup>11)</sup> ferunt,

Nec cultura <sup>12)</sup> placet longior annua;  
Defunctumque <sup>13)</sup> laboribus

Aequali recreat sorte vicarius.

Illic <sup>14)</sup> matre carentibus

Privignis mulier temperat innocens:

5) Apulicum, Adriaticum, oppositum Tyrrheno.

6) Adamantinos clavos: notio firmitatis ac violentiae. Sensus: tamen si fatalis hora instat, nihil est, quod a morte te liberet.

7) Scythae: septentrionales populi, qui nullis certis sedibus adstricti in aperto campo vivebant, errantes et vagi, et quibus plaustrum instar domus erat, ea propter adpellantur campestres.

8) Getae, Thraciae populus, eadem, qua Scythae, victus simplicitate, morumque integritate notus; unde rigidi, moribus asperis oppositi Romanis, luxu effeminatis.

9) Vagas domos, id est: qui re ac familia plaustris imposita vagam vitam ducunt.

10) Immetata: utrique huic populo jugera immetata sunt, terram colunt haud in jugera descriptam, nullis limitibus distinctam, sed communem; unde eadem fruges liberas iis fert, seu profert, quae ad omnes pertinent.

11) Ceres, Dea frugum, pro his posita est.

12) Nec cultura ejusdem agri ipsis placet longior annua, anno longius, sedem quippe quotannis mutantibus.

13) Sensus: sed postquam annuo labore aliquis eorum defunctus est, eum vicarius, id est: successor, qui vices ejus et locum accipit, recreat, id est, copiam dat illi se recreandi, a labore cessandi, eadem sorte nimirum et lege, ut post annum laborem ipsi quoque succedatur.

14) Laudata Scytharum simplici vitae ratione ac continentia, ad morum, qui isthac nituntur, integritatem progreditur poëta, ita quidem, ut semper Romanum populum, avarum illum ac luxu perditum, eundemque scelerum, inde propullulantium, infamia laborantem in oculis ferat, notetque. Sensus: illic, id est, apud illos noverca non nocet privignis, sui viri filii, ex alia conjuge susceptis; noverca haec innocens, sine noxa temperat sibi a saeviendo in illos, quod apud nos tam frequenter accidit.

Nec dotata <sup>15)</sup> regit virum  
 Conjux, nec nitido fidit <sup>16)</sup> adultero:  
 Dos <sup>17)</sup> est magna parentum <sup>18)</sup>  
 Virtus, et metuens <sup>19)</sup> alterius viri  
 Certo foedere castitas,  
 Et peccare <sup>20)</sup> nefas, aut pretium est mori <sup>21)</sup>.  
 O <sup>22)</sup> quisquis <sup>23)</sup> volet impias  
 Caedes et rabiem <sup>23)</sup> tollere civicam;  
 Si quaeret <sup>24)</sup> pater urbium  
 Subscribi statuis, indomitam audeat  
 Refrenare licentiam,

15) Dotata, quae dotem amplam viro adtulit, non regit, non est domina viri.

16) Fidit, credit, gaudet, id est: non amat alium amatorem pulchrum, nitidum penes maritum suum, ut fit apud nos.

17) Sensus: castitas ac probitas uxoris magnae instar dotis apud eos aestimatur.

18) Virtus parentum, cujus semina in liberos propagari credita.

19) Metuens: castitas, quae ab alio viro abhorret, certo foedere matrimonii, id est, dum sancte servat foedus cum marito initum.

20) Uxores porro nefas, summum flagitium existant peccare, fidem marito datam fallere; aut si peccant, pretium, poena, merces peccati mors est.

21) Voluit autem poeta hoc exemplo a Scythis et Getis desumpto ostendere, quod ne felices quidem habendi sunt in amplissima fortuna constituti, quandoquidem cupiditatibus continuo vexantur, quibus explendis intenti per omnia scelerum flagitiorumque grassantur genera; unde perversis, quibus continetur civitas, moribus, nulloque amplius virtuti statuto pretio, rei ipsi publicae damna infliguntur funestissima. Quare Scythas Getasque, in paupertate nihil alienum concupiscentes, sic melius, beatius vivere contendit.

22) Exposita Scytharum in pauperie sua continentia, morumque integritate, adubrataque hoc modo Romanorum effreni opum constipandarum cupiditate, enataque inde morum corruptela, satis consentaneum erat, ut remedia poeta, patriciae amantissimus, sollicitè circumspiceret, quibus obviam iretur malis, inde in rempublicam redundantibus. Ac horum quidem causae quae a subversa disciplina antiqua repetendae sint, de hac restituenda primo loco cogitare oportuit; quae autem restitui non potest, nisi scelerum licentia tollatur, severeque puniatur.

23) Rabiem civicam: seditiones, bella civilia, quorum causae sunt vitia civium. Speciatim haec pro calamitatibus universis, quas mores corrupti civitati inflixerint, commemorat poeta, tanquam reipublicae funestissima.

24) Si quaeret, hoc adsequi velit, ut status urbium, per urbes, per terrarum orbem adeo, qua habitatur, in honorem ejus ponendis, splendidissimum Patris nomen subscribatur. Sensus simplex: si Patris Augusto nomine adpellari, statuasque sibi erigi cupiat; si optime de republica mereri velit; refrenet, audeat refrenare, severissimis legibus coercere in-

Clarus postgenitis; quatenus <sup>25)</sup>, (heu nefas),  
 Virtutem incolumem odimus,  
 Sublatam ex oculis quaerimus, invidi.  
 Quid <sup>26)</sup> tristes querimoniae,  
 Si non <sup>27)</sup> supplicio culpa reciditur?  
 Quid leges, sine moribus <sup>28)</sup>  
 Vanas, proficiunt? si <sup>29)</sup> neque fervidis <sup>30)</sup>  
 Pars inclusa caloribus  
 Mundi, nec Boreae <sup>31)</sup> finitimum latus,  
 Durataeque solo nives  
 Mercatores abigunt <sup>32)</sup>? horrida <sup>33)</sup> callidi  
 Vincunt aequora navitae?  
 Magnum <sup>34)</sup> pauperies opprobrium jubet

domitam morum et effrenatam licentiam; clarus, id est, unde summam nominis claritatem et famam apud postgenitos seu posteros, atque adeo immortalitatem sibi paret.

25) Quatenus, id est, quia virtutem seu homines virtute praeditos odio habemus, dum sunt incolumes et vivunt; sublato vero ex oculis, seu mortuos quaerimus, desideramus, colimus, veneramur, idque ob invidiam in praesentem virtutem.

26) Sententia vulgaris: quid autem juvat, si omnes de corruptis civitatis moribus conquerimur, neque tamen remedia pati possumus?

27) Si non; nisi culpa, id est, flagitia, scelera supplicio, seu atrocissimis poenis reciduntur, compescantur, amputentur, luantur.

28) Sine moribus, seu virtutibus, studio et amore probitatis: non satis est hominum peccata legibus et metu poenae coercere, sed etiam oportet cives ad virtutem informari.

29) Sententia: si insatiabilis lucri cupido animos hominum vexat, adeo quidem, ut ejus explendae causa maximas aerumnas tolerent, ipsiusque vitae pericula adeant?

30) Fervidis caloribus pars inclusa mundi, circumscriptio poetica zonae torridae.

31) Boreae latus mundi, id est, regio Boreae finitima, adeoque zona frigida, plaga Borealis, quam nives continuo gelu, solo duratae, induratae, adeoque perpetuae tegunt, ita, ut a sole nunquam solvantur; quae adeo semper frigore riget.

32) Abigunt, id est; arcunt, absterrent mercatorem, quo minus ad ea loca accedat.

33) Si navitae, mercatores callidi, callida arte, navigandi peritia vincunt seu domant, sibi subjiciunt aequora horrida, aspera fluctibus, mare procellosum; id est, si vel procelloso mari navigant?

34) Nexus sententiarum: quid proficiunt leges etc. si divitiae honori sunt; pauperies contra magnum opprobrium, turpis ab avaris reputatur, atque ideo quaevis, quantumvis scelestas, jubet, ad facinorosa quaevis instigat, ad ferenda cuncta cogit, et sic in causa est, cur virtutis arduae, in excelso collocatae via deseratur?

Quidvis et facere, et pati,  
 Virtutisque viam deserit arduae?  
 Vel <sup>35)</sup> nos in Capitolium <sup>36)</sup>,  
 Quo clamor <sup>37)</sup> vocat, et turba faventium,  
 Vel nos in mare proximum  
 Gemmas, et lapides, aurum et inutile,  
 Summi materiem <sup>38)</sup> mali,  
 Mittamus; scelera si bene poenitet <sup>39)</sup>.  
 Eradenda <sup>40)</sup> Cupidinis  
 Pravi sunt elementa; et tenerae nimis  
 Mentis asperioribus  
 Formandae studiis. Nescit <sup>41)</sup> equo rudis  
 Haerere ingenuus <sup>42)</sup> puer,

35) Nexus idearum: quod si igitur rempublicam calamitatibus, quibuscum aegre conflictatur, liberatam cupimus, scelera, unde eae promanant, non tam legibus compescenda, quam radicitus extirpanda sunt. Non poterunt autem extirpari, nisi sublatis causis ipsorum, luxu et immensis cupiditatibus. Neque hae vero tollentur, nisi divitiae, fomes istarum atque nutrimentum, ab hominum usu removeantur, paupertati atque parsimoniae suus iterum honor reddatur. Ita demum respublica persanata ad pristinum splendorem resurget. His igitur omissis, per saltum statim subiungit poeta: vel in Capitolium opes deferamus, Diis consecrandas, vel potius in mare proximum, nempe Tyrrhenum, projiciamus, emedio prorsus tollamus, ne divitiarum conspectu amplius conturbemur, irriteretur.

36) Capitolium, templum Jovis Capitolini.

37) Quo clamor turbae faventis; id est, dum populus praedit pompam, et favet, seu, acclamationibus favorem prodit. Romani enim cives, interdum etiam imperatores (id quod de Augusto Suetonius narrat) dona ejusmodi Capitolio et Jovi offerebant, quod populus secundo favore, et laetis acclamationibus spectabat; imo eos, qui haec ferrent, in templum applaudens deducebat.

38) Materiem: omnium criminum occasionem et irritamentum.

39) Poenitet: si vere emendari, salvamque rempublicam cupimus.

40) Statim e teneris mentibus, puerorum animis eradenda, evellenda, tollenda sunt pravi Cupidinis, pravarum cupiditatum, elementa ac semina, antequam radices egerint, id est: in pueris statim videndum, ne luxu atque otio ipsorum diffluant ac corrumpantur animi; quos contra formari, institui, aduerseri oportet asperioribus studiis, exercitationibus, fami, siti, laboribus tolerandis; verbo, severiore opus est disciplina in educando puero.

41) Sententia vulgaris: at nostri adolescentes parum curant campestria studia, et e campestribus exercitationibus equitationem in specie memorat poeta et venationem.

42) Ingenuus puer: adolescens Romanus; et rudis, copia poetica, non exercitatus.

Venarique timet; ludere doctior <sup>43)</sup>,  
 Seu Graeco jubeas trocho <sup>44)</sup>,  
 Seu malis, vetita legibus alea <sup>45)</sup>:  
 Quum <sup>46)</sup> perjura patris fides  
 Consortem <sup>47)</sup> socium fallat, et hospitem;  
 Indignoque <sup>48)</sup> pecuniam *pro herede collegat*  
 Heredi properet. Scilicet <sup>49)</sup> improbae  
 Crescunt divitiae: tamen  
 Curtae nescio quid semper abest rei.

O d e XVIII.

## A d B a c c h u m.

Argumentum.

Horatius Augusti laudum acri thyrso percussus, attonitusque rerum magnitudine, materiaeque amplitudine, et excellentissimorum phantasmatum, inde animo ejus, dum eloqui ea conatur, objectorum, exuberantia ita confunditur, ut extra se rapti, Bacchicoque furore se tentari existimet. Atque in hoc furore Bacchico, qui per totum carmen decurrit, ad pri-

43) Doctior: peritior est, magis callet, habilior se ostendit ad ludendum trocho et alea.

44) Trochus rota quaedam erat, sive circulus ferreus, insertis annulis referus, quem vicitim pueri non sine arte quadam et venustate, cum sonoro annulorum tinnitu agitabant. Trochus hic Graecae erat originis, et differt a trocho seu turbine illo, quem multiplici verbere circumagunt passim nostri pueri. Ludus autem cum illo trocho erat tantum exercitatio debiliorum.

45) Alea, qui tesserarum proprie ludus erat, mox omnes complectebatur, in quibus casus regnabat: quumque Romanorum insania magnam ac totam subinde rem familiarem ei subjiceret, et infamiae nota et poenis publice ea compesceretur; unde: legibus vetita.

46) Sensus: patre interea divitiis quoque, quantumvis scelesto modo, constipandis intento.

47) Consortem: qui pactus est societatem lucri et damni cum alio; fallat, id est, decipiat.

48) Et properet, id est, enixo studio coacervet, paret pecuniam heredi, filio indigno, aleatori etc.

49) Scilicet, quantumvis crescunt divitiae, immense ita augeantur, improbae, id est, nefariis modis congestae, vel, quae improborum homines reddunt; tamen nescio quid, seu quantum illis, id est, ipsorum rei, quam eurtam, exiguam existimant, semper desit, quod adhuc addi cupiant.



mariam ejus causam expromendam omnes vires convocat, sed in ipso eluctandarum Augusti laudum conamine saepius tentato collabatur, ac plane concidit.

Metrum, ut carm. praeced.:

Quo me, Bacche, rapis tui

Plenum <sup>1)</sup>? Quae nemora <sup>2)</sup>, aut quos agor in specus,

Velox mente <sup>3)</sup> nova? Quibus <sup>4)</sup>

Antris egregii Caesaris audiar,

Aeternum meditans <sup>5)</sup> decus

Stellis inserere, et consilio Jovis?

Dicam <sup>6)</sup> insigne, recens, adhuc

Indictum ore alio. Nec <sup>7)</sup> secus in jugis <sup>8)</sup>

Exsomnis <sup>9)</sup> stupet Evias <sup>10)</sup>, <sup>11)</sup>

Hebrum <sup>11)</sup> prospiciens, et nive candidam

Thracen, ac pede <sup>12)</sup> barbaro

Lustratam Rhodopen. Ut <sup>13)</sup> mihi devio

1) Tui plenum: tuo numine, tua vi percussum atque attonitum.

2) Nemora ac specus, solitaria loca, Bacchis frequentari solita.

3) Mente nova: quippe a Deo possessa, alio plane mentis habitu, expulso pristino sensus, ob novas animo ejus objectas rerum species, novos ac sublimiores sensus, a Deo immissos.

4) Quibus antris: in quae antra abreptus audiar meditans, id est, mediter atque canam Augustum; quibus in antris resonent immortales Augusti laudes?

5) Meditans inserere: dum meditor, id unice ago, ut inseram stellis, ad caelum tollam gloriam Augusti, et ipsum Caesarem coetui Deorum, e quibus concilium Jovis constat, adscribam? Augustus enim adhuc superstes inter Divos relatus, et Deus appellatus est.

6) Pulchre decet arrogantia ista poetam, ab argumenti, quod tractat, majestate sumta; quo ita adflatur, ut se plane divinum quoddam proloquuturum audacter adfirmet. Dicam, cantabo aliquid eximium de Caesare, res novas, nulli antea dictas.

7) Egregie jam mentem novam suam repraesentat poeta: non secus, non alio furore Maenades corripiuntur, quam quo me percussum nunc sentio.

8) In jugis: in montibus Baccho sacris.

9) Exsomnis: sine somno. Orgia enim, sive sacra Bacchi, noctu agitantur.

10) Evias, Bacchi sacerdos, mulier et comes, ab: Evius, id est, Bacchus.

11) Commemorat loca, Bacchis frequentata, quorum ipso adspectu novos furores Baccha concipit. Hebrus Thraciae fluvius; Thracia nive candida, seu nivalis; Rhodope, mons ejusdem regionis.

12) Pede barbaro, id est: pedibus Thracum, qui ad tua, o Bacche, festa celebranda in Rhodopen conveniunt, eamque pervagantur Graeci autem ceteros omnes populos vocabant barbaros. Adde, quod Thracen, ob asperitatem regionis, erant imprimis barbari et inculti.

13) Bacchae stuporem, quocum antea suum ipsius tantum comparaverat

Ripas et vacuum nemus

Mirari libet! O Najadum <sup>14)</sup> potens,

Baccharumque valentium <sup>15)</sup> *quae valent verberare*

Proceras manibus vertere fraxinos!

Nil parvum <sup>16)</sup>, aut humili modo,

Nil mortale loquar. Dulce <sup>17)</sup> periculum est,

O Lenaeae <sup>18)</sup>! sequi Deum

Cingentem viridi tempora pampino.

O d e XIX.

## A d G a l a t e a m.

Argumentum.

Dehortaturus poeta Galateam quamdam ab itinere, quod in Graeciam factura erat, non malis quidem auspiciis eam retineri ait, quum, etiamsi pessima imminerent, avertere ea atque corrigere in promptu esset; sed instare hibernum tempus, tempestatibus, quas secum ferat, periculosissimum; de hoc ei laborandum esse, quod nulla arte propulsari queat. Adblandiri quidem nunc sudum caelum, ventumque ferentem, sed admodum fallax serenum esse, Europae exemplo abunde comprobari.

(ipse enim stupebat divinis Augusti laudibus) jam in summo enthusiasmi fervore suum plane facit: ut libet, ut mihi volupe est, devio, in solitariis locis vaganti, mirari, adstupere ripis praeruptis et sonoris, ac nemori vacuo, deserto, solitario!

14) Bacchum dicit Najadum potentem, ut Venerem Cypri, id est, dominum, ducem. Najades sunt Nymphae fontium, et dantur etiam comites Baccho, quia vinum aqua temperatur.

15) Valentium, id est, quae Bacchae valent, possunt fraxinos altas evertere.

16) Nil parvum: iterum ad Augustum redit, in quo enthusiasmus ejus defixus est. Immortale aliquid, quod aeternum sit, canam, quo immortalitati eum consecrem.

17) Novus enthusiasmi impetus: periculosus quidem est is conatus meus, arduum enim est, ita magna, et sublimi modo de Caesare dicere; sed dulce est hoc periculum illi, qui Bacchum ducem et auctorem sequitur. Salta autem lyrico illud prius omissum est.

18) Lenaeae, id est, Bacche; sequi Deum id est, te. Sequitur autem Deum, qui ab eo rapitur per silvas, montes, campos.

Metram, quod L. I. od. 2.

Impios <sup>1)</sup> parrae <sup>2)</sup> recinentis omen  
 Ducat, et praegnans canis, aut ab agro  
 Rava decurrens lupa <sup>3)</sup> Lanuvino <sup>4)</sup>,  
 Fetaeque vulpes;  
 Rumpat <sup>5)</sup> et serpens iter institutum,  
 Si per obliquum similis sagittae  
 Terruit mannos. Ego <sup>6)</sup> cui timebo,  
 Providus auspex <sup>7)</sup>,

1) Dici vix potest, quam superstitiose Romani olim, antequam iter ingrederentur, fortuitis rebus attenderint, indeque vel boni vel mali ominis causas derivarint. E hujusmodi observationibus igitur Galateam, de exitu itineris forte nimis trepidam ac male ominantem, erigere conatur poeta sequenti sententiarum ordine: Non infausta quidem, quae tum iter morentur, habes omnia, neque ea ego tibi profecturae adprecor, quamvis te retinere cupiam, ut potius, quum semel iter apud te certo constitueris, ipse Deos rogem, ut bona, quae felicem profectiois tuae exitum spondeant, omnia mittant: sed adversari tibi tempus anni inclementius, ipsa probe intelligis etc. Jam ut ostendat, Galateam, quae utpote proba atque pia sit, infausta nullatenus habere timenda omnia, statim a contrario exorditur: homines impios, iter adgressuros, ducant sane ac prosequantur mala omnia, qualia sunt: vox parrae recinentis, seu iterum atque iterum canentis; occursum canis fetae, aut lupae ravae, descendens ab agro Lanuvino, aut vulpis gravidae, vel serpentis transversae ad viam, et instar jaculijacentis, cum velocitate repentis humi, et equos territantis.

2) De parra, ex avium genere, parum explorata tenemus. Apicem eam in capite habuisse et viridioris coloris fuisse veteres perhibent. Attamen cantum ejus pro malo omine habitum fuisse constat.

3) Lupa ravis oculis, quorum color est inter flavum et caesium.

4) Lanuvium est Latii oppidum, haud longe a via Appia, per quam iter factura erat Galatea, Brundisium versus, ubi portus erat maris Adriatici celeberrimus pro iis, qui in Graeciam trajecturi erant.

5) Rumpat, id est, sistat iter, quod impii instituerant, ulterius progredi vetet; quod infaustissimum hoc etiam prodigium haberetur, cum serpens oblique seu transverse per viam cum celeritate sagittae faciando, serpendo terruit mannos, qui sunt parvum quoddam equorum genus.

6) Nexus sententiarum: quamquam te retinere cupiam, attamen haec infausta omnia tibi profecturae non adprecor; sed potius faustis te omnibus prosequar, Deosque precabor, ut laeta tibi auguria mittant, a delegatis tristibus. Et omissis illis ideis, per saltum statim subjungit poeta: Ego ei, cui timebo, id est, si quem carum habeo, cui omnia secunda cupiam evenire, de cuius salute ergo sollicitus ero; in illius gratiam, precibus meis conabor obtinere a Diis, ut adpareat illi corvus oscen ab oriente; idque faciam auspex, augur providus, antequam cornix repetat paludes, ibique crocitanus pluviam provocet, ac praesagiat. Auguria enim capi non poterant, nisi sereno caelo.

7) Auspex dicitur, qui ex volatu, cantu, aut pastu avium futura praedicit, qui et augur appellatur.

Antequam stantes repetat paludes  
 Imbrium divina <sup>8)</sup> avis imminens,  
 Oscinem corvum prece suscitabo  
 Solis <sup>9)</sup> ab ortu.

Sis <sup>10)</sup> licet felix, ubicumque mavis,  
 Et memor nostri, Galatea, vivas:  
 Teque <sup>11)</sup> nec laevus vetet ire picus,  
 Nec vaga cornix.

Sed <sup>12)</sup> vides, quanto trepidet tumultu  
 Pronus Orion <sup>13)</sup>. Ego <sup>14)</sup>, quid sit ater  
 Hadriae, novi, sinus, et quid albus  
 Peccet Japix.

Hostium <sup>15)</sup> uxores puerique caecos

8) Avis divina, id est, divinans, praesagens imbrem imminens cornix, quod facit, dum repetit, accedit ad paludes, aqua sese perfusura.

9) Ab ortu solis prospera fuerunt corvi omnia, adversa ab occasu. Augures capturi auspacia ad ortum solis, tamquam ad locum in auspiciis felicissimum, os convertebant, ita, ut haberint a dextra meridiem, a laeva septentrionem, et a dorso occasum.

10) Sis licet felix, id est, haud adversor tuae voluntati, imo, ut felix istud iter eveniat, Deos rogo; vivas felix, ubicumque mavis, placuerit, memor nostri, quo solo desiderium nostrum solabimur.

11) Nullae te aves auspicae morentur. Ex his memorat picum laevum, a sinistra parte malum auspiciam facientem; et cornicem, item a laeva mala portendentem. Vaga, id est, nihil certi promittens, quippe quae volatu ancipiti modo in dextra, modo in sinistra esset.

12) Sententia: sed ipsa vides, perspicis, quam graves hoc anni tempus secum tempestates ferat, quibus Adriaticum mare, quod ingressura es, potissimum infestatur. Tempestates imminentes designat poeta ab occasu Orionis, a quo excitari eae creditae.

13) Orion pronus, id est, in devexa caeli parte constitutus, trepidat ad occasum, hoc est, festinat, vergit, in eo est, ut occidat, magno cum ventorum tumultu, maximas in mari tempestates excitante. Monet igitur Galateam de iis, quae proxime per naturae leges certo eventura sint. Est autem sidus istud nocte visibile in Italia, ut apud nos, mensibus hibernis. Vide od. 23. not. 25. L. I.

14) Sensus: ipse expertus sum, quam tempestuosum sit mare Adriaticum; pro quo poeta: quid sit, quam horrendum sit Adria mare, seu, sinus maris Adriatici fluctibus intumescat; et quid Japix albus, caelum serenans, peccet, id est, quam fallax ejus serenum caelum sit, quod adfert; quam facile fidem datam fallat, immutando subito caeli sereni faciem etc. Est autem Japix ventus ex Apulia flans, adeoque secundus in Graeciam proficiscentibus ex Italia. Vide L. I. od. 3. not. 6.

15) Sententiarum nexus: ipse expertus sum, quantas turbas excitet Auster in mari, ut nonnisi hostibus illae imprecandae sint; quo nexu per saltum neglecto, poeta dicit: Hostes sentiant etc.

Sentiant motus orientis Austri <sup>16)</sup>, et  
Aequoris nigri <sup>17)</sup> fremitum, et trementes

Verbere ripas.

Sic <sup>18)</sup> et Europe <sup>19)</sup> niveum <sup>20)</sup> doloso  
Credidit tauro latus, et scatentem <sup>21)</sup>

Belluis pontum mediasque <sup>22)</sup> fraudes

Palluit audax.

Nuper <sup>23)</sup> in pratis studiosa florum, et

Debitae Nymphis opifex coronae,

Nocte sublustri nihil astra praeter

Vidit et undas.

Quae simul <sup>24)</sup> centum tetigit potentem

Oppidis Creten, Pater <sup>25)</sup> o, relictum

Filiae nomen, pietasque, dixit,

Victa furore!

Impudens liqui patrios Penates:

Impudens Orcum <sup>26)</sup> moror! O Deorum

16) Motus caecos orientis Austri, id est, maris fluctus ab Austro, vento meridionali surgente excitatos subito, quin praevideri aut praecaveri possint.

17) Aequoris nigri, turbidi, tumidi fremitum; fragorem, et ripas, seu litora, fluctuum verbere, ictu, adpulsu trementes, percussas.

18) Sensus: sic et Europa, ut tu Galatea nihil vides, quod metuas, fallacibus tauri blanditiis illecta, consensuque ejus dorso in mare abrepta, graves temerarii ausi poenas tulit.

19) Europa filia Agenoris, Phaenicum regis, quam fabulantur a Jove tauri speciem raptam, et in Cretam obductam esse, vide Mythologiam.

20) Niveum latus, id est, pulchrum corpus.

21) Scatentem, plenum portentosis piscibus.

22) Mediasque fraudes, id est: palluit, cum horrore vidit, se periculis, in quae fraude incidisset, circumventam teneri; se in mediis periculis, quae non amplius effugere liceret, constitutam esse.

23) Ordo sententiarum: quae nuper, quae paullo ante, in pratis erat studiosa opifex florum, quae flores legebat, ut ex iis texeret coronam Nymphis debitam, id est, promissam; eadem Europe nocte sublustri, subobscura, nihil vidit praeter astra et undas, subaudi nempe, a tauro rapta per medium mare.

24) Quae simul atque pervenit in Cretam, in qua olim centum urbes fuisse ferunt.

25) Sensus: dixit haec amens, et furore victa, furenti similis: O pater, quod nomen relictum et violatum est a me, tua filia; o pietas, quam sprevis patrem ac patriam deserendo!

26) Orcum moror: maneo in vita, superstes sum, Plutonem demoror, qui me ut sibi debitam expectat. Orcum enim videtur is morari, qui non moriturum, cum mori deberet.

Si quis haec audis, utinam inter errem

Nuda <sup>27)</sup> leones!

Vilis <sup>28)</sup> Europe, pater urget, absens,

Quid mori cessas? Potes hac ab orno <sup>29)</sup>

Pendulum zona bene te sequuta <sup>30)</sup>

Laedere collum.

Sive <sup>31)</sup> te rupes, et acuta leto

Saxa delectant, age, te procellae

Crede veloci; nisi herile mavis

Carpere pensum,

Regius sanguis, dominaeque tradi

Barbarae pellex. Aderat <sup>32)</sup> querenti

Perfidum <sup>33)</sup> ridens Venus, et remisso <sup>34)</sup>

Filius arcu.

27) Errem inter leones nuda, id est sola, absque omni auxilio, ut ab iis discerpar.

28) In furore suo eo tandem progreditur puella, ut de morte sibi consciscenda deliberet, deliberantique sibi patrem, quem omnia, quae sibi acciderint, rescisse autumat, truculento vultu adstare sibi imaginatur, et ipsum ad exsequendum quamprimum supplicium sese instigantem, variaque mortis genera, quae in ejus manu sint, liberaliter suggerentem. Sensus: o vilis, id est, infelix et perdita Europa! quae patrem et patriam deseruisti, quibus rebus nihil tibi carius debebat esse, en tuus te pater, quamvis absens, urget, tibi scelus exprobrat. Audisne illum increpantem? Quid praeterea cessas mori? quid cunctaris?

29) Hac ab orno, id est, hac ab arbore pendens tuum collum zona laedere seu circumdare potes. Sensus; potes te ab hac arbore suspendere.

30) Bene te sequuta, id est, quam zonam oportune huc adtulisti.

31) Sive magis delectant, id est, movet saxa acuta, praerupta, et rupes, quibus letum tibi consciscas; projice, committe te veloci procellae, id est, ventis, qui satis cito te deferant; delabere per auras, praecipita te isthinc. Sensus: potes etiam ab hoc saxo mortem petere, nisi forte tu, regius sanguis, regio prognata genere, servitium tolerare mavis. Pro servitio speciatim poeta ponit: pensi herilis, seu ab hera juncti, id est, lanae quotidie carpendae ac filis ducendae opus; et dominae barbarae tradi, id est, in alius feminae potestatem venire, dominam nancisci, cujus forte pellex fieri poteris.

32) Postquam puellae adfectus in summum excreverat, adeo quidem, ut res ad exsequendum parandae necis consilium spectaret; hoc demum momento Venus, diu misero isto spectaculo maligne laetata, e nube prodit, ac miseram solatur.

33) Perfidum ridens, id est, perfide, maligne ridens inter maximos Europae dolores.

34) Remisso arcu: nervo laxato, quippe opere ex animi sententia ad finem perducto.

Mox <sup>35)</sup>, ubi lusit satis: Abstineto <sup>36)</sup>,  
 Dixit, irarum calidaeque rixae,  
 Quum <sup>37)</sup> tibi invisus laceranda reddet  
 Cornua taurus.

Uxor invicti Jovis esse nescis:  
 Mitte singultus <sup>38)</sup>: bene ferre magnam  
 Disce fortunam: tua sectus <sup>39)</sup> orbis:  
 Nomina ducet.

O d e X X.

## A d L y d e n.

Argumentum.

Offert se Lydae, libertinae atque fidicinae (quod e toto carminis habitu, convivique adornandi ratione sole clarius patescit) convivam poëta, convivandi occasione a Neptunilibus (quae in V. Cal. Aug. incidunt) desumpta.

Metrum, quod Lib. I. carm. 3.

Festo <sup>1)</sup> quid potius die  
 Neptuni faciam? Prome <sup>2)</sup> reconditum,  
 Lyde strenua, Caecubum;  
 Munitaque adhibe vim <sup>3)</sup> sapientiae.

35) Tum, ubi satis ludibrio habuit puellam Venus: noli, inquit, adeo in illum, qui te rapuit taurum, crudelis esse, cum tibi exosus ille iterum ultro praebebit cornua, quae discerpas in frusta. An ignoras, te uxorem esse Jovis, qui in taurum mutatus est?

36) Abstineto irarum etc.: Graece, pro, ab ira et calidis rixis, id est, rixis calidi animi.

37) Sensus: quum taurus iterum in conspectum tuum veniet; pro quo cum amara minarum ejus irrisione positum est: laceranda reddet cornua.

38) Singultus; querelas, et minas.

39) Sensus: pars una ex iis, in quas divisus est orbis, tuum nomen accipiet; nempe Europa, quam ab hac Europe dictam volunt.

1) Sententiam: diem hunc hilariter agere convenit, ita exprimit poëta: quid magis consentaneum est festo huic Neptuni diei, quam potando eum transigere?

2) Prome, id est, profer cadum vini Caecubi, ita dicti a cognomine loco in Campania, adeoque, vini optimi; reconditi, id est interius repositi. De interiore nota vini vide L. II. od. 3. not. 6. strenua, pro strenue, celeriter confestim; notus Graecismus.

3) Vim adhibe, admove; expugna, pelle animo sapientiam, temperan-

Inclinare <sup>4)</sup> meridiem

Sentis: ac <sup>5)</sup>, veluti stet volucris dies,  
 Parcis <sup>6)</sup> deripere horreo

Cessantem <sup>7)</sup> Bibuli <sup>8)</sup> Consulis amphoram.

Nos <sup>9)</sup> cantabimus invicem

Neptunum <sup>10)</sup>, et virides <sup>11)</sup> Nereidum comas:

Tu curva recines <sup>12)</sup> lyra

Latōnam, et celeris spicula Cynthiae:

Summo <sup>13)</sup> carmine, quae Cnidon

Fulgentesque tenet Cycladas <sup>14)</sup>, et Paphon

Junctis <sup>15)</sup> visit oloribus:

Dicetur meritā Nox <sup>16)</sup> quoque naenia.

tiam, sobrietatem munitam, id est, quae contra jocos et hilaritatem videtur munita esse; adeoque indulge genio.

4) Inclinat merides, pro, dies vergit ad occasum.

5) Sensus: necdum tamen de auspicanda computatione cogitas, ac si stet, non properet dies volucris seu celer, tam cito ad finem decurrens.

6) Parcis deripere, id est, non deripis, cito detrahis e superiore loco; nam horrea vinaria erant fere in summa aedium parte, ubi vina in amphoris condita, caelo interdum sereno supposita, vel fumo excocta veterascebant. Vide od. 15. not. 9.

7) Cessantem, jam diu otiosam.

8) Bibuli Consulis, id est, M. Calpurnio Bibulo Consule reconditam, consulatus ejus nota signatam. Incipit is a. u. 694.

9) Sententia: cantu quoque celebrabimus hunc festum diem; invicem, id est, alternatim.

10) De Neptano, aquarum Deo, et Nereidibus Nerei filibus, Deabus maris, vide Mythologiam.

11) Virides comas, id est, caeruleas comas habentes.

12) Tu recines, canes convexa lyra tua Latonae matris, et Dianae filiae laudes. Dicitur autem Diana Cynthia a Cyntho monte Deli. Celerem vocat, quia venatrix est; vel quia qua Luna suum orbem celerrime perficit; spicula seu tela ipsi dat, quia cum his qua Dea venationis pingitur. Vide Myth.

13) Summo carmine, id est: tum denique, postremo nos una cantabimus Deam, quae tenet Cnidon, id est, Venerem. Cnidus est urbs Cariae; Paphon Cypri, quibus in locis praecipue Venus colebatur.

14) Cycladas, insulas Aegei maris; fulgentes vocat, quia eminus adparent ob scopulos, quibus abundant, et spumam, quam efficit mare ad ipsas adlissum. Plures ex his insulis etiam Veneri sacrae erant.

15) Junctis suo currui oloribus, invecta curru oloribus juncto visit, invisit, frequentat. Vide Mythologiam.

16) Nox quoque, qua Dea, celebrabitur naenia, id est, hymno, vel carmine, et quidem propter nocturnam computationem. Est autem Naenia carmen triste vel lugubre. Ast hic tale carmen non est intelligendum, sed hilare et jocosum, quod dignum sit hominum, a multo jam vino calentium; te nonnisi ironice Naenia appellatur.

## Ad Maecenatem.

Occasio et argumentum.

Maecenatem invitat poëta, ut, relictis urbanis negotiis, aliquantulum temporis ad se in villam concedat, genioque ibi indulgeat, momentis, quibus eum expugnare conatur, partim ab urbis fastidio, quod luxur ejus aliquando gignat, partim a ferventissimo anni tempore desumptis. Quum autem Maecenatem praefectura urbis, quam tum sustineret (ab a. 735) sollicitusque paulo gereret, maxime, quo minus copiam sui faceret, impediri intelligeret; poëta a nimia ista sollicitudine eum dehortaturus graviter ostendit, certis curas istas circumscribi oportere finibus, ne bona, quae praesens hora largiatur penitus elabantur; futuramque rerum curam vanam esse atque inutilem. Hinc fluminis exundantis ritu provolvitur concitior poëtae spiritus, ex suo, de rebus humanis, praesentisque temporis in vitae incertitudine fortunaeque inconstantia fructu arripiendo, sensu altus atque nutritus.

Metrum, quod L. I. carm. 8.

Tyrrhena<sup>1)</sup> regum progenies, tibi<sup>2)</sup>  
 Non ante verso lene<sup>3)</sup> merum cado,  
 Cum flore<sup>4)</sup>, Maecenas, rosarum, et  
 Pressa tuis balan<sup>5)</sup> capillis,  
 Jam dudum<sup>6)</sup> apud me est. Eripe<sup>7)</sup> te morae:

1) De Maecenatis a Tyrrhenis seu Etruscis regibus progenie vide L. I. od. 1. not. 1.

2) Sensus: tibi servatur domi meae lene merum in cado nondum inverso, id est, ex quo nondum effusum est vinum. Vasa enim pleraque vinaria in parte tantum superiore habebant os, neque hinc poterat hauriri vinum, nisi inverterentur.

3) Lene merum; vetustate emollitum, lenius factum, annosum.

4) Flore rosarum, id est, cum rosis. Ad solempne convivium pertinebant enim haec tria: vinum, unguenta et flores.

5) Pressa balan<sup>5)</sup>; est haec glans unguentaria, ex qua compressa exprimebatur oleum aptum ad convivas unguendos. Sensus: habeo etiam apud me balanum, ex qua oleum eductum est, ad capillos tuos unguendos.

6) Jam dudum; non quod diu ista domi suae Maecenati servaverit; sed omnino impatientiam, qua amicum exspectat poëta, egregie his declarat.

7) Eripe te ac subducito iis rebus, quae te morantur, et impediunt, quo minus ad nos venias, et genium cures.

Ne<sup>8)</sup> semper udum Tibur<sup>9)</sup> et Aesulae<sup>10)</sup>

Declive contempleris arvom, et

Telegoni<sup>11)</sup> juga paricidae.

Fastidiosam desere<sup>12)</sup> copiam, et

Molem<sup>13)</sup> propinquam nubibus arduis:

Omitte<sup>14)</sup> mirari beatae

Fumum<sup>15)</sup>, et opes<sup>16)</sup>, strepitumque<sup>17)</sup> Romae.

Plerumque<sup>18)</sup> gratiae divitibus vices,

Mundaecque<sup>19)</sup> parvo sub lare<sup>20)</sup> pauperum

8) Ne semper in domo tua intra urbem delitescas, desideas. Jam domum Maecenas magnifice alteque exstructam habebat in hortis Esquilinis, unde in totam urbem adjacentesque regiones latissime prospectus pateret, quo eum admodum delectatum fuisse ex hoc loco colligas. Igitur sensus: ne semper contempleris, e domo tua prospicias in amoenissimas regiones, quas speciatim adducit poëta.

9) Tibur, urbs vicina Romae ad Anionem. Udum, propter rivorum et fontium copiam.

10) Aesulae, itidem urbs in vicinia Romae, in declivi posita, propterea declive arvom Aesulae.

11) Telegonus, filius Ulyssis e Circe, patrem imprudens interfecit; et Tusculum condidit in colle; propterea: juga, seu colles Tusculi.

12) Desere aliquantis per urbem, ipsa lautitiarum copia fastidiosam.

13) Moles propinqua, vicina nubibus arduis, altis; est ipsa Maecenatis domus.

14) Omitte, noli mirari, id est, ne te tantopere Urbis illecebrae capiant, ut inde abstrahi nequeas.

15) Per fumum designat poëta epularum luxum; ille enim e fumaris domuum, ubi magnificae adparantur epulae, prodit, et aestatis tempore, ad quod carmen hoc spectat, cum sol altissimus est, continuo tectis ac plateis incumbit, aëremque gravat; sicque explicat luxum et delicias urbis Romae, ut injucundi, molestique, quod iis admixtum est, sensum in Maecenate simul excitet, quo facilius eum inde abducat.

16) Per opes poëta omnia designare videtur, quae in genere ad luxum et splendorem pertinent.

17) Per strepitum autem indicat probabilis coenae lautioris tumultuosiore adparatum, ministrantium ingenti numero discursus, convivantiumque liberio rem comotationem, ita, ut Romae eatenus omnino epithetum beatae, splendidae, opulentae, addi potuerit a poëta.

18) Sequitur amplificatio praecedentium versuum, et simul argumentum, quo Maecenate persuadeat, ut urbis deliciis aliquantis per careat, et in Sabinum suum commigret. Sensus: gratiae enim sunt saepe divitibus vices, id est, vicissitudo, et mutatio, cum dapes opiparas ac mensas mutant frugalibus et parcis.

19) Mundae coenae, id est, nec sordidae, nec sumtuosae.

20) Sub lare, id est, in parva, exigua casa pauperum.

Coenae, sine aulacis <sup>21)</sup>, et ostro <sup>22)</sup>,  
 Sollicitam <sup>23)</sup> explicuere frontem.  
 Jam <sup>24)</sup> clarus occultum Andromedae <sup>25)</sup> pater  
 Ostendit ignem: jam Procyon <sup>26)</sup> furit,  
 Et stella vesani Leonis <sup>27)</sup>,  
 Sole <sup>28)</sup> dies referente siccos.  
 Jam <sup>29)</sup> pastor umbras cum grege languido,  
 Rivumque fessus quaerit, et horridi  
 Dumeta <sup>30)</sup> Silvani; caretque <sup>31)</sup>  
 Ripa vagis taciturna ventis.  
 Tu <sup>32)</sup>, civitatem quis deceat status,  
 Curas <sup>33)</sup>; et Urbi sollicitus <sup>34)</sup> times <sup>35)</sup>,

21) Aulacae sunt vela, quibus lacunar desuper integitur, ne quid in mensam suppositam decidat.

22) Ostro, hoc est, purpureis stragulis, quibus lectuli, ubi convivae discumbebant, instrati erant. Sensus ergo est: absque triclinari magnificentia.

23) Sollicitam frontem explicuere divitum hae coenae pauperum, id est, curas iis ademere, easque exhilararunt. Tristitia enim frontem in rugas contrahit; explicat autem laetitia et exporrigit.

24) Aliud argumentum, quo poeta Maecenatem ad suam villam pertrahere conatur: jam ferventissima aestas est, qua omnes ex Urbe rus evolant.

25) Andromedae pater Cepheus, Aethiopum rex, quem cum filia, uxore Cassiopea, et Perseo genero relatum inter sidera poetae fabulantur. Est autem Cepheus sidus sub cauda ursae minoris, 7. Id. Julii oriens. Clarus seu lucidus, est epithetum cujuslibet sideris. Ostendit ignem; conspicuus fit.

26) Procyon, signum caeleste, canis minor, sive canicula; unus e canibus venaticis Orionis, oritur Idibus Julii, quem 11 diebus post sequitur stella primae magnitudinis in ore canis majoris, Sirii appellatione frequentata.

27) Leonis stella. Signum Leonis, quod ingreditur Sol 13. Calend. Augusti.

28) Id est: cum sol refert iterum reducit dies siccos, tempus aestuosum et calidum.

29) Praeclare bucolicis, ut ita dicam, ulterius ferventissimum anni tempus poeta adumbrat coloribus, a villa sua, in qua nunc commoraretur, ei supeditatis.

30) Dumeta Silvani; arbusta, Silvano sacra. Est autem Silvanus Deus silvarum, e Satyrorum gente, caprinis pedibus, prolixa et hirsuta barba. Vids Myth. Unde etiam horridus adpellatur.

31) Caretque etc. Significatur aestus maximus, qui nullo vento leniatur. ne in ipsa quidem fluminum ripa, ubi sunt frequentiores venti vagi, id est, jam ex hac, jam ex illa parte flantes.

32) Sententia: vel sic tamen rus secedere gravaris, haud percelli potes; propter respicuae salutem, in qua omnes curas tuas configis.

33) Curas: unice hoc agis, quomodo optime stet civitas, ut omnibus suis partibus integre persistat respública.

34) Sollicitus, anxius times, ne quid Roma detrimenti capiat. Erat enim Maecenas tum Urbis praefectus.

Quid Seres, regnata Cyro  
 Bactra parent, Tanaisque <sup>36)</sup> discors.  
 Prudens <sup>37)</sup> futuri temporis exitum  
 Caliginosa nocte premit Deus;  
 Ridetque, si mortalis ultra  
 Fas trepidat. Quod <sup>38)</sup> adest, memento  
 Componere aequus: cetera fluminis  
 Ritu feruntur, nunc medio alveo  
 Cum pace delabentis <sup>39)</sup> Etruscum  
 In mare, nunc lapides adesos,  
 Stirpesque raptas, et pecus, et domos  
 Volventis una; non <sup>41)</sup> sine montium  
 Clamore, vicinaeque silvae;  
 Quum <sup>42)</sup> fera diluvies quietos

35) Times, prospicis de extremis imperii Romani finibus, Orientem atque Septentrionem versus. Orientis populos speciatim cum delecto ponit Seres extremos, qui Romanis innotuere, hosque potissimum propter finitimos Parthos, in Romanos fines continuo incursantes; pro quibus est Bactra, urbs regionis Bactrianae primaria, pro universo Parthorum regno, a Cyro quondam regnato, possessio.

36) Tanais, fluvius est in finibus minoris Tartariae. Accolae ejus sunt Scythae; discordes inter se, intestinis motibus distenti, quo minus infestandis nostris finibus vacare queant. Praeclare hoc epitheto, discors, vanam Maecenatis sollicitudinem arguit poeta.

37) Prudens, id est, prudenti consilio, sapienter Deus exitum futuri temporis, quae futuro tempore eventura sint, nocte caliginosa premit, seu, spissis tenebris involvit; ridetque hominum stultitiam ac vanitatem, ultra fas, id est, ultra, quam convenit, trepidantium, ultra modum sollicitorum, rerumque futurarum metu praesentium fructum abjicientium.

38) Imo vero, quod adest, praesens tempus, da operam, ut componas id est, recte ordines, et aequo animo constituas ea, quae praesentia sunt; nam cetera, id est, futura, in tua potestate non sunt, sed fortunae arbitrio subjacent; eaque nullo consilio regere aut mutare potes; quandoquidem more fluminis modo pacata, modo turbida defluunt.

39) Delabentis: defluentis quiete in alveo usque in mare Etruscum, quod Italiam adluit ab Occidente.

40) Nunc volventis etc. sensus: nunc intumescens, torrentique impetu late stragem edentis, fluminis instar, quod lapides adesos, aquarum adpulsu excavatos, corrosos et comminutos, stirpes seu arbores radicitus evulsas etc. secum volvit et proturbat.

41) Non sine etc. id est: cum ingenti montium fragore, et silvarum vicinarum.

42) Quum fera diluvies, Tiberis immaniter exundans, amnes, qui eum influunt, qui sunt: Anio, Clanius, Nar et alii, e quiete sua proturbat, eodem furore accendit, ut, alveum egressi, late campos populentur; quod Tiberi

Irritat amnes. Ille <sup>43)</sup> potens sui,  
 Lactusque deget, cui licet in diem  
 Dixisse: Vixi: cras <sup>44)</sup> vel atra  
 Nube polum Pater occupato,  
 Vel sole puro: non tamen irritum <sup>45)</sup>,  
 Quodcumque retro est, efficiet: neque <sup>46)</sup>  
 Diffinget, infectumque reddet,  
 Quod fugiens semel hora vexit.  
 Fortuna <sup>47)</sup> saevo laeta negotio, et  
 Ludum insolentem ludere pertinax,  
 Transmutat incertos honores,  
 Nunc mihi, nunc alii benigna.  
 Laudo <sup>48)</sup> manentem: si celeres <sup>49)</sup> quatit  
 Pennas, resigno <sup>50)</sup> quae dedit, et mea

tumido, indeque flumina, quae sese in eum exonerare solent, aspernante accidere necesse est.

43) Sensus: ille demum sui dominus, ab omni cupiditate atque adfectu liber, sicque laetus, placide et tranquille deget, seu vivet, id est, beatus dicendus est, qui hoc poterit vere pronuntiare: ego vixi in diem, id est, praesentem tantum diem curo, de crastino non laboro, praesentibus rebus adquiesco et contentus sum.

44) Nexus sententiarum: crastinum diem nihil ad me pertinere existimo, neque ex futuro suspensus sum; ne tantillum igitur pensi habeo, utrum Pater seu Jupiter cras polum atra nube, spissa caligine occupet, involvat; an solem purum, nulla nubecula obfuscatum ostendat, id est: an boni vel mali quid crastinus dies adferat; unice beatus iis, quae perceperim, hoc solum meum iudicans, quod a tergo est; quod nec Deus eripiat mihi.

45) Non tamen irritum efficiet, id est, abolere poterit praeteritum tempus, huiusque hilariter exacti sensum jucundissimum.

46) Neque diffinget, neque immutare poterit, quod fugiens hora, id est, tempus praeteritum semel secum avexit; gaudia praeterita non infecta reddet.

47) Per saltum hic idea ommissa est: nam potens mei fortunae mancipium esse nolo; quae utpote laeta est, gaudet saevo negotio, id est, saeve, crudeliter cum hominibus agere, et pertinaciter, continue ludens ludum insolentem, id est, insolenter, arbitrarie homines tractans; transmutat honores, hoc est, modo in hunc modo in alium confert honores et munera sua, quibus hominem decorat favens, seu benigna nunc mihi nunc alii.

48) Sensus: quinimo ego fortunam nec venientem sentiam, nec recedentem. Igitur laudo manentem, apud me constanter habitantem, mihi faventem.

49) Si celeres quatit pennas; si avolat, si me deserit. Solent enim aves avolantes pennas concutere.

50) Resigno, restituo ei, quae dedit. Desumptum verbum a re argentaria veterum; qui enim pecuniam reddebant, quam acceptam significaverant in argentarii aut creditoris tabulis, illi redditam demonstrabant suo signo,

Virtute <sup>51)</sup> me involvo; probamque  
 Pauperiem <sup>52)</sup> sine dote quaero.  
 Non <sup>53)</sup> est meum, si mihiat Africis  
 Malus procellis, ad miserat preces  
 Decurrere; et votis pacisci,  
 Ne Cypriae Tyriaeque merces  
 Addant avaro divitias mari.  
 Tum <sup>54)</sup> me biremis <sup>55)</sup> praesidio scaphae <sup>56)</sup>,  
 Tutum per Aegeos tumultus  
 Aura feret, geminusque Pollux <sup>57)</sup>.

et nomine vel delecto et inducto, vel iterum scripto et signato, quae etiam significatione sumebatur verbum rescribo.

51) Mea virtute, ut veste, quae nos a frigore defendit, me involvo, munio contra fortunae vim et injuriam; in internis animi bonis adquiesco.

52) Sensus: et paupertatem amplector, pro quo: paupertatem, puelam indotatam quidem, at probam et honestam quaero; ejus consortium expeto, domo mea fortunae discessu vacuefacta.

53) Sententia vulgaris: atque in hac paupertate mihi admodum placeo, quippe quae a curis me immunem praestet, quibus divites continuo anguntur. Pro hoc angoris statim causas adnumerat poeta: non is ego sum, — ut velim augere meas opes navigatione et commercio, et vota facere Superis, dum tempestas saevit, malusque navis meae, procellis a vento Africo excitatis, verberatus stridet ac ingemiscit, votisque illis quasi pacisci cum Diis et ab illis emere, ut ne meae merces, quas e Tyro aut Cypro advexerim, demergantur in mare, quod multorum jam opes hausit, servatque instar avarorum.

54) Nexus sententiarum: tum ego potius, quando alii, deprehensi tempestate, de servandis opibus miserrime laborant, in tali periculo constitutus, aequissimo rerum mearum iacturam ferens animo, nave oneraria, tempestate diripienda, relicta, consensaque scapha, ei adnexa, nudus in litus evadam; seu, demta allegoria: qualescunque opes meas aequo, si fortuna ita ferat, auferri mihi sinam animo.

55) Biremis, navis, quae duobus tantum remis agatur.

56) Scapha. Solent ejusmodi Scaphae adjungi majoribus navigiis, ut, si periculum ingruat, in eas vectores possint se recipere.

57) Geminus Pollux, conjunctus cum suo fratre Castore, qui eodem partu editus est a Leda cum fratre suo Castore. Sunt ignes instar stellarum adparentes in mari, serenitatis indicium facientes, cum simul duo adparent. Vide L. I. od. 3. not. 3.

## Ad Melpomenen.

## Argumentum.

Edidit Horatius tres primos libros carminum suorum simul, et hanc odam illis ut conclusionem operis adunxit. Auguratur itaque magnifico sensu, immortalibus ingenii operibus innixo, nominis sui immortalitatem, poësi lyrica, quam primus Latio intulerit, partam atque fundatam, laurumque a Musa sibi imponi nobilissima cum arrogantia postulat.

## Metrum L. I. carm. 1.

Exegi <sup>1)</sup> monumentum aere perennius,  
Regalique situ pyramidum <sup>2)</sup> altius;  
Quod non imber <sup>3)</sup> edax, non Aquilo <sup>4)</sup> impotens  
Possit diruere, aut innumerabilis  
Annorum series, et fuga <sup>5)</sup> temporum.  
Non <sup>6)</sup> omnis moriar; multaue pars mei  
Vitabit <sup>7)</sup> Libitinam. Usque <sup>8)</sup> ego postera  
Crescam laude recens, dum <sup>9)</sup> Capitolium

1) Exegi, id est, erexi, in altum eduxi monumentum. Carminum suorum monumenta cum iis comparat, quae homines ad propagandum ipsorum ad posterum nomen aere aut congesta saxorum strue educere solent; quibus suum quidem et ad perennitatem famamque durabilius atque illustrius generoso spiritu pronunciat.

2) Atque ipsis pyramidibus altius; unde adeo majorem consequuturus sum nominis gloriam, quam reges Aegyptiorum pyramidibus extractis. Ea propter: situ pyramidum regio, id est: pyramidibus sumtibus vere regis erectis, positus. Erant autem pyramides saxaeae quaedam moles, e basi quadrata in acumen surgentes, mira altitudine et amplitudine, ab Aegyptii regibus aedificatae; ut in iis, morte obita, conderentur.

3) Imber edax: dissolvens compagem saxeam, arrodens aes.

4) Aquilo impotens, immodice furens licet et vehementissimus; tamen impotentior est, quam ut diruere possit.

5) Fuga temporum: tempus fugiens, id est, aetas longissima, ita quidem, ut illud fuga temporum, longum saeculorum decursum, hoc omne, quod futurum est, tempus designet.

6) Non totus moriar, esse desinam, multa, eaque meliore mei parte superstitae.

7) Vitabit, mortem effugiet. Erat enim Libitina Dea funerum.

8) Ego crescam laude postera, id est: laus, gloria, nomen meum crescet apud posteros usque recens, ita, ut nova in dies incrementa capiat; novis usque auctibus apud posteros vigeat, nunquam inveterascet.

9) Dum seu donec Romarum imperium, quod aeternum credebant fore,

Scandet cum tacita Virgine Pontifex,  
Dicar <sup>10)</sup>, qua violens obstrepit Aufidus <sup>11)</sup>,  
Et qua pauper aquae Daunus <sup>12)</sup> agrestium <sup>13)</sup>  
Regnavit populorum, ex humili <sup>14)</sup> potens,  
Princeps Aeolium carmen ad Italos  
Deduxisse modos. Sume <sup>15)</sup> superbiam  
Quaesitam meritis; et mihi Delphica <sup>16)</sup>  
Lauro cinge volens <sup>17)</sup>, Melpomene, comam.

durabit; donec sacra fient in Capitolio, et in illud ascendent Pontifices Maximi cum Vestali Virgine. Singulis enim idibus fiebant a Pontificibus in arce sacrificia, quae idcirco Idualia vocabantur. Aliqua e Vestalibus semper aderat cum Pontifice Maximo in omnibus sacrificiis; neque tamen ulla sacrorum verba pronuntiabat: sed solus Pontifex; atque ideo dicitur tacita. Porro per centum gradus in Capitolium ascendebatur. De pontificibus vide Antiquitates; et de Vestalibus Myth.

10) Ordo ac sententia: omnes in Italia, in qua est fluvius Aufidus, et in qua Daunus regnavit, dicent ac praedicabunt me ex humili potentem, id est, clarum ex obscuro et ignobili factum, Aeolium carmen, nempe lyricum, deduxisse ad Italos modos, id est in Latium, in Latinam linguam invexisse, principem seu primum omnium. Nemo enim ante Horatium lyricos versus Latinos fecerat. Lyricum carmen ideo dicitur Aeolium, quod Lesbos insula natalis esset Aedaei et Sapphus, a quibus apud Graecos inventum erat. Vide L. II. od. 10. not. 26 et 28.

11) Aufidus est fluvius Apuliae, Dauniam dividens a Peucetia. Fuit Horatii natale oppidum Venusia in Apuliae finibus. Vide Vitam Horatii. Violens, seu violenter obstrepit, fluit.

12) Daunus in Apulia regnavit; dicitur aquae pauper, quia totus Apuliae tractus maxime siccus est, et aquarum inopia laborat.

13) Agrestes dicuntur Apuli, quia incultiores aliis Italiae populis erant.

14) Ex humili, id est, qui prius eram humilis et ignotus, nempe libertini patris filius.

15) Laurum jam Musam poscit vates, ea dignissimum, ipsa hac arrogantia sua placens, atque amabilis. Sume, o Melpomene, accipe in bonam partem hanc qualemcunque meam arrogantiam, qui mihi tam fidenter immortalem gloriam ausim, polliceri; est illa meritis quaesita, et mihi jure concedenda atque ignoscenda. Est autem Melpomene Musa proprie poëseos tragicæ seu tragoediæ; ast poëta hic suam superbiam cum illa, tamquam Musa sua lyrica, communicat.

16) Delphica, Apollinea, Delphis enim, quae civitas est Boeotiae juxta Parnassum, Apollo in primis colebatur, ac edebat oracula.

17) Volens, id est, propitia.



# Q. Horatii Flacci

## Carminum

### Liber quartus.

#### Ode I.

### Ad Julum Antonium.

#### Occasio et argumentum.

Quartum hocce carminum lyricorum volumen, ex longo intervallo ab Horatio, idque Augusti potissimum hor-  
tatu, qui ita cavere studeret, quo minus, quae in Nero-  
nes, privignos suos, ipsius jussu ab eo composita essent,  
interciderent carmina, victorias ipsorum celebrantia, tri-  
bus prioribus fuisse additum a Suetonio in vita ejus pro-  
ditum est; et quidem ita, ut partim ea, quae dudum pa-  
rata, neque dum tamen in vulgus edita, servaret, partim,  
quae tum temporis primum composuisset, in unum volu-  
men conjecta, tum primum una cum Neronianis ediderit  
carmina. Jam ad primum carmen quod attinet: a. u. 738  
cum Germaniae populi Sygambri, Usipetae, aliique quos-  
dam Romanorum in suo territorio deprehensus cruce ne-  
cassent, Lolliumque praefectum cum equitatu, contra ip-  
sos misso, vicissent; adversus eos profectus est Roma Au-  
gustus. Hujus metu ad sua redeuntes Barbari, datis obsidi-  
bus pacem acceperant. Mansit tamen Augustus in Gallia,  
Druso in Rhaetos misso, donec a. u. 741 rediit Romam.  
Ejusdem reditum ac victoriam, ludis et varia laetitiae publi-  
cae significatione, celebravit Julius Antonius Praetor, Marci  
Antonii Triumviri filius; hortatusque Horatium erat, ut in  
idem argumentum versus scriberet. Ad Augusti itaque redi-  
tum et triumphum celebrandum ita se componit poeta, ut  
quum Pindarici spiritus artisque argumentum professus es-  
set, ingenii sui modulum atque imbecillitatem excuset, An-  
toniumque vicissim, quippe tanto conatui unice parem, ad  
illud in se recipiendum, sedulo exhortetur.

#### Metrum L. I. carm. 2.

Pindarum <sup>1)</sup> quisquis studet aemulari <sup>2)</sup>,  
Jule <sup>3)</sup>, ceratis <sup>4)</sup> ope Daedala  
Nititur <sup>5)</sup> pennis, vitreo daturus

Nomina ponto.

Monte <sup>6)</sup> decurrens velut amnis, imbres  
Quem super notas aluere <sup>7)</sup> ripas,  
Fervet <sup>8)</sup> immensusque ruit profundo  
Pindarus ore:

Laurea <sup>9)</sup> donandus Apollinari,  
Seu per audaces nova dithyrambos <sup>10)</sup>

1) Sententia vulgaris: Augusti victoriis celebrandis imparsum; Pin-  
dari ingenium exprimas necesse est, si cum laude in tam gravi argumento  
versari cupias. Quod quam arduum ac difficile sit, facile perspicitur. Adeo  
ille supra omnes eminet in quovis poëseos genere.

Pindarus fuit poeta Thebanus, lyricorum apud Graecos princeps, flo-  
ruit Olympiade 75, ante Ch. nat. 440.

2) Aemulari, id est, imitari.

3) Julius Antonius, filius M. Antonii Triumviri, post necem patris ve-  
niam ab Augusto, et eximios honores adeptus, cum nihilominus in eum  
conjurasset, ejusdem jussu est interfectus.

4) Ceratis. Sensus: quicumque studet Pindarum imitari, ille alis utitur  
ceratis ope Daedalea, id est, cera compactis a Daedalo; idem facit, quod  
Icarus, qui alas humeris aptavit, confectas a patre suo Daedalo; sed ejus  
fatum idem erit atque Icarum, qui solutis pennis, sole ceram liquefaciente,  
in mare decidit, cui nomen suum dedit. Icarium mare pars est Aegei ma-  
ris, vitreum vocatur, quia est caeruleum et pellucidum instar vitri.

5) Nititur, enititur, librat se in aëre.

6) Pindarum poetarum longe principem, neminique adeo imitabilem  
dum ostendere vult poeta, magnitudine ejus percussus, transversimque rap-  
tus in laudes ejus, tanquam solam hanc exornandam carmine sumsisset ma-  
teriem, copiosus exundat, hocque ipso felicissimum sese Pindari imita-  
torem probat. Est autem stylus Pindari incitatus, uberrimus, et sententia-  
rum gravitate praestans, itaque recte cum fluvio aestuante, et de monte  
ruente comparatur.

7) Amnis, quem aluere, id est, cum auctus est imbribus, super, id  
est, ita, ut excedat et transeat ripas notas, consuetas, quibus erat decur-  
rere solitus.

8) Fervet, concitato spiritu fertur, aestuat, et immensus ruit, exube-  
rat orationis vi ac copia, ore profundo, id est: carmine ac stylo amplo,  
sublimi et copioso.

9) Laurea donandus: hoc est, semper primarius et classicus poeta, in  
quovis poëseos genere lauro dignus, sive etc. Jam Pindari varia opera hinc  
usque ad v. 24. enumerat. Apollinari, pro, Apollinea.

10) De dithyrambis nullum hodie est certum iudicium; hoc saltem sci-

Verba <sup>11)</sup> devolvit <sup>12)</sup>, numericque <sup>13)</sup> fertur <sup>14)</sup>

Lege solutis;

Seu Deos, regesve <sup>15)</sup> canit, Deorum  
Sanguinem, per quos <sup>16)</sup> cecidere justa  
Morte Centauri <sup>17)</sup>; cecidit tremendae

Flamma Chimaerae <sup>18)</sup>: -

Sive <sup>19)</sup>, quos Elea domum reducit

mus, fuisse carmina Bacchica, Libero patri sacra, in quibus regnaret effrenissima enthusiasmi rabies, summa mentis perturbatio, concitatissimus sensuum impetus, verborum et metri, item troporum et figurarum audacissima licentia, denique magna et mystica quaedam obscuritas, ut ab ebrio sive lymphato effusa viderentur. Hinc, audaces, quod in iis ingenii poetici audacissimus, nisus cerneretur.

11) Nova verba: non solum verba per se nova, vel ab ipso poeta efficta, vel novo modo composita; sed etiam novae inusitataeque verborum juncturae, novae antiquiorum verborum significationes, nova totius orationis forma et structura.

12) Devolvit: vox a fluxu desumpta, qui magna vi e superiore loco delabitur; adeoque: orationem torrentis instar praecipitat.

13) Numerus est proprie omnis ratio, mensura ac dinumeratis temporibus alternatio, quae in motu aliquo seu progressu observatur. Talis numerus seu rhythmus erat jam apud antiquissimos homines in cantu et saltatione; hinc et in carminibus. Diversum ab illo est metrum, hoc est, horum ipsorum numerorum certus ac semper recurrens ordo. Numeri ergo hoc loco dithyramborum vocantur lege soluti, non quod nullum plane in iis metrum fuerit, sed quod, ut est in omni re majus vel minus aliquid, liberiores hac parte fuerunt.

14) Fertur, id est, praecipitatur.

15) Reges, pro heroibus et magnis hominibus antiquitatis, qui etiam sanguis seu filii Deorum adpellantur; intellige itaque odas heroicis, uti per cantum Deorum hymnos.

16) Per quos: intelligendi hic sunt in specie Hercules, Theseus et Pirithous, qui Centauros confecerunt.

17) Centauri, populus Thessaliae circa Pelium montem, qui primi in equis pugnasse dicuntur, unde orta est fabula, quod Centauri fuerint animalia, composita homine et equo. Ex his Nessum interfecit Hercules; vide Myth. Pirithous vero, rex Lapitharum, itidem Thessaliae populi, assumpto in societatem belli Theseo, Centauros poenis gravissimis mulctavit; quod Lapithis gravissimis injuriis adfectis, caedem etiam essent machinati in convivio, ad quod eos invitavit, prima nuptiarum die, quas cum Hippodamia contraxerat. Vide L. I. od. 16. not. 11.

18) Chimaera mons Lyciae fuit, in Asia minori, cujus in vertice leones stabulabantur, in radice serpentes, in medio caprae pascebant; unde nata fabula, monstrum esse leonino capite, alvo caprina, serpentina cauda, flammam vomens ore etc. Hoc monstrum Bellerophon domuit.

19) Sive, subaudi, canit Pindarus eos, quos Elea palma, id est, corona relata in ludis Olympicis, apud Elidem, Graeciae civitatem, celebrari

Palma caelestes, pugilemve <sup>20)</sup>, equumve <sup>21)</sup>

Dicit, et centum potiore <sup>22)</sup> signis

Munere donat:

Flebili sponsae juvenemve <sup>23)</sup> raptum

Plorat; et vires animumque moresque

Aureos educit <sup>24)</sup> in astra, nigroque

Invidet Orco.

Multa Dircaeum <sup>25)</sup> levat aura cygnum,

Tendit, Antoni, quoties in altos

Nubium tractus <sup>26)</sup>: ego, apis Matinae <sup>27)</sup>

More, modoque,

solitis, reducit domum caelestes, seu Superis aequales, caelestibus, ob relatum cum victoria gloriam, comparandos.

20) Pugilemve: sive dicit, sive laudat pugilem, id est, aliquem, qui pugno vicerit, quod certaminis genus unum erat e quinque certandi modis, in celeberrimis illis ludis Olympicis usurpari solitis: saltu, disco, cursu, luctu, et pugilatu. Pugiles autem proprie nudis pugnis decertabant inter se, quos interdum tamen armabant caestibus; erantque caestus involucre et corio bubulo facta, quibus extremam brachii partem, ad validiores ictus infligendos, tegebant, armabantque.

21) Equumve: aut aliquem laudat, qui curuli vicit certamine.

22) Potiore; quod praestat centum signis, in victoris honorem erigi solitis, ob carminum immortalitatem.

23) Juvenemve: sive juvenem plorat, raptum praematura morte, ereptum sponsae flebili, contristatae, moerore inde oppletae.

24) Et educit in astra: extollit, celebrat, vires animumque, id est, propter eximias ejus animi corporisque dotes; et morti eripit, mori istas virtutes non sinit; quae enim aliis invidemus, adimimus, aut certe adimere illis volumus. Mores aureos, id est, egregios, sanctos, optimos. Thronos seu carmina lugubria hic designat.

25) Excelsus ingenii Pindarici nisus, praeclare cycni, altissime volantis, specie jam representatur, atque sensibus plane subjicitur a poeta. Sensus vulgaris. Pindarus cycni instar, in altum evolat; pro quo, Pindarus cycnus ille Dircaeus, id est, vates Thebanus, a Dirce, fonte vicino Thebis, quae urbs est Graeciae in Boeotia, ita dictus, multo vento, aura favente et secunda in altis nubes tollitur, id est, utitur in his omnibus dicendis, sive Deos, sive heroes et victores canat, stylo sublimi, et humum spernit fugiente penna. Nota: poetae cum cycnis, qui suavissime cantare feruntur, comparari solent.

26) Nubium tractus, aëris vasta spatia, ubi nubes pendent, ac trahuntur quasi. Tractus de terra pariter et mari dicitur, pro regione etaequore.

27) Matinus, mons in Calabria, Apuliae, patriae poetae, vicinus. Sensus: ego Calabriae apis more, circa flores vagandi, et modo, mellis inde conficiendi, thyma carpentis, depascentis, succos mellis inde delibantis, grata,

Grata carpentis thyma per laborem.  
 Plurimum, circa nemus uvidique  
 Tiburis ripas operosa parvus  
 Carmina fingo.  
 Concines majore poëta<sup>28)</sup> plectro  
 Caesarem, quandoque<sup>29)</sup> trahet feroces  
 Per sacrum<sup>30)</sup> clivum, merita decorus<sup>31)</sup>  
 Fronde, Sygambros<sup>32)</sup>:  
 Quo<sup>33)</sup> nihil majus, meliusve terris  
 Fata donavere, bonique Divi:  
 Nec dabunt, quamvis redeant in aurum  
 Tempora priscum.  
 Concines laetosque dies, et Urbis  
 Publicum ludum<sup>34)</sup>, super impetrato  
 Fortis Augusti reditu; forumque<sup>35)</sup>  
 Litibus orbum.  
 Tum<sup>36)</sup> meae, si quid loquar audiendum,

dulcia, quibus libentissime immorantur, per laborem plurimum, laboriose, multo cum labore, sedulitate, ipsis insita, volitans circa nemus et ripas, floribus abundantes Tiberis uvidi, humidi, pro, in secessu meo Tiburtino carmina operosa, operose instar apis, parvus, tenui facultate poëtica praeditus, fingo.

28) Poëta: tu, o Antoni, poëta praestantissime, multo dignius victoriam Augusti de Sygambriis reportatam concines, carmine celebrabis.

29) Quandoque, id est, quando trahet, seu, in triumpho ducet feroces, bellicosos Sygambros.

30) Per clivum sacrum: viam sacram, per cujus clivum triumphantes Capitolium pëtebant.

31) Decorus fronde; id est, redimitus lauro, laureatus.

32) De Sygambriis, vide argumentum hujus odae.

33) Quo nihil majus etc. referendum est ad Caesarem. Neque major unquam quisquam, neque melior eo existit, quamvis redeant in aurum priscum, id est, tempora aureae aetatis.

34) Publicum ludum Urbis, id est, ludos a Senatu pro felici Augusti reditu Diis votos, nunc edendos.

35) Forum litibus orbum, in quo nullae causae aguntur; declarantur dies laeti seu festi, per quos ab consuetis negotiis vacabant Romani.

36) Nexus sententiarum: concines tu laetitiam universi populi, faustis adclamationibus eam prodeutibus; atque hanc ipsam statim subjicit, et ita describit, ut suos laetitiae sensus primarios faciat; quamquam eos intentione voce ostensos, in effreniori omnium gaudio atque exsultatione vix perceptum iri sperare audeat. Occupatur igitur jam poëta describenda revertentis Augusti pompa, animoque praecipit, quantis eum plausibus populus Romanus excepturus sit, sicque munus capessit, cui se subtrahere videri vult. — Tum ubi Augustus Urbem intraverit, accedit adclamantium

Vocis accidet bona pars: et, o sol<sup>37)</sup>  
 Pulcher, o laudande, canam, recepto  
 Caesare felix.  
 Tuque<sup>38)</sup>, dum procedis, io triumphe!  
 Non semel dicemus, io triumphe,  
 Civitas omnis, dabimusque Divis<sup>39)</sup>  
 Thura benignis.  
 Te decem<sup>40)</sup> tauri, totidemque vaccae;  
 Me tener solvet vitulus, relicta<sup>41)</sup>  
 Matre, qui largis juvenescit<sup>42)</sup> herbis  
 In mea vota;  
 Fronte<sup>43)</sup> curvatos imitatus ignes  
 Tertium Lunae referentis ortum,  
 Qua<sup>44)</sup> notam duxit, niveus<sup>45)</sup> videri,  
 Cetera fulvus.

turbae, adjungetur bona, magna pars meae vocis, adclamabo ei altissima, qua potero, voce; inter adclamantium voces mea imprimis exaudietur. Si quid loquar audiendum, si tamen quid efficere potero, si vox mea, quantumvis intenta, exaudiri poterit.

37) Sequuntur adclamationum formulae: o sol pulcher, o laudande, o lucem pulcherrimam, o diem praeclarum, qui te nobis restituit. Pro hoc ex sua persona poëta: canam, accinam adclamabo ego felix, felicissimum me mortalium existimans, adeoque laetus exsultans ob receptam, redditum Caesarem.

38) Dum tu in ipsa pompa procedis, id est, insigni quadam pompa, cultuque incessurus es qua praetor, ad ordinandum triumphum, et clamas, io triumphe; nos turba spectatrix, pro quo est, civitas omnis, non semel, iterum, iterumque dicemus, respondebimus, vicissim adclamabimus, io triumphe.

39) Divis benignis; reditum Caesaris benigne praestantibus, tura dabimus; incendi enim ista solebant in aris per plateas, quas pompa ista attingeret, erectis.

40) Ab incenso ture naturali ordine defertur poëta ad describenda sacrificia, publice privatimque isto die Diis offerenda. Sed revocat iterum generalem sententiam ad se et Antonium, et utriusque facultatibus adcommo-dat. Tu exsolveris voto immolandis io tauris, quos Diis vovisti, ego vitulum. Vota enim nuncupantes obligantur Diis, reque, quam propter facta sunt, exitum habente, iisdem debere dicuntur; solvuntur adeo voto, qui Diis, quae voverant, offerunt.

41) Tener vitulus relicta matre, a lacte depulsus.

42) Juvenescit, crescit, adolescit in largis pratis seu herbis, destinatus huic sacro voto.

43) Fronte curvatus etc. Habens cornua in fronte curvata, instar Lunae crescentis, et tertio die a novilunio adparentis.

44) Certa corporis parte (fortasse in fronte, ubi pecudes solent notari, ut agnoscantur, cujus sint) nota candida insignis; cetero corpore, quod spectat reliquas corporis partes, fulvus.

45) Niveus videri, Graeca constructio pro, niveus visu.

## Ad Melpomenen.

## Argumentum.

Felicissimum mortalium facultate sua poëtica, quaesitaque inde carminibus inter populares suos fama, ita se hoc carmine jactat Horatius, ut in summa arrogantia arrogantiae prorsus expers videri cupiat, hocque insigni artificio omnem a se invidiam amoliat. Nimirum Musis dum se acceptum ferre profitetur, quod vi ingenii poëtica polleat, studiisque poëticis ita deditus sit, ut unice inde, vel splendidissimis laudum titulis post habitis, gloriae sibi quaerendam existimet materiem; tantum abest, ut hanc sibi ipse vindicet gloriam, gloriabundique personam induat, ut potius ad Musas eam totam referat, iisque, quae illud in se munus contulerint, gratum suum testari gestiatur animum.

Metrum L. I. carm. 3.

Quem <sup>1)</sup> tu, Melpomene, semel  
Nascentem placido lumine videris;  
Illum <sup>2)</sup> non labor Isthmius <sup>3)</sup>  
Clarabit <sup>4)</sup> pugilem <sup>5)</sup>, non <sup>6)</sup> equus impiger

1) Quem nascentem, vix dum in luminis auras editum Musae (e quibus Melpomenen ponit, forte poëseos lyricae respectu, quo adeo sententiam ad se tacite convertit, vide L. III. od. 22. not. 15.) placido lumine viderint, id est, placidis oculis, placido vultu adspexerint, is nullis aliis illecebris capitur. Sensus vulgaris: quos Musae amant, quibus favent aut propitiae sunt, in hos munera sua liberaliter conferunt; hi poëtae sunt.

2) Sententia: is illud studium suum poëticum potius habebit ceteris, quibus mortales ad summum felicitatis fastigium enitantur, gloriam adeo poëticam vel victoriae in ludis sacris Graecorum, ac triumpho splendidissimo praeferet.

3) Labor Isthmicus: certamina Isthmica, in honorem Neptuni instituta a Sisypho, et quinto quoque anno celebrari solita in Isthmo Corinthiaco, hoc est in illis terrae argustis faucibus, quae, interpositae Aegeo et Jonio maribus, Achajam Helladi conjungunt. Quidam adfirmant etiam, tertio quovis anno hos ludos celebratos fuisse.

4) Clarabit: clarum efficiet.

5) Vide odam I. not. 20.

6) Neque equus impigro cursu suo efficiet, ut currui victor insistat; non victor vehetur curru; non laborabit ille de victoria potiunda. Achaicum vocat currum, quia Romani in genere Graeciam Achajae nomine intelligebant.

Curru ducet Achaico

Victorem; neque <sup>7)</sup> res bellica Deliiis

Ornatum foliis ducem,

Quod regum tumidas contuderit minas,

Ostendet Capitolio:

Sed <sup>8)</sup> quae Tibur <sup>9)</sup> aquae fertile praefluunt <sup>10)</sup>,

Et spissae nemorum comae,

Fingent <sup>11)</sup> Aeolio <sup>12)</sup> carmine nobilem.

Romae <sup>13)</sup>, principis <sup>14)</sup> urbium,

Dignatur suboles inter amabiles

Vatum ponere me choros:

Et jam <sup>15)</sup> dente minus mordeor invido.

O <sup>16)</sup>, testudinis <sup>17)</sup> aureae

Dulcem quae strepitum <sup>18)</sup>, Pieri <sup>19)</sup>, temperas:

7) Is neque curabit bellica laude inclarescere; non adspirabit ad summam bellicae virtutis gloriam. Ordo est: res bello strenue gesta non eum ostendet Capitolio ducem et imperatorem triumphantem, ornatumque foliis Deliiis (id est, lauro Apollini sacra, cujus cognomen Delius, a Delo insula ei natali) quod reges superbos minacesque contuderit, proffigaverit.

8) Sensus: sed is Musis unice vacabit. Poëticum studium venuste declaratur recessu poëtarum atque otio in amoenissima regione.

9) Tibur. Vide L. I. od. 6. not. 17.

10) Praefluunt, id est, praeterfluunt Tibur fertile; et nemorum spissae comae, id est, umbrosum Tiburni lucum.

11) Fingent, reddent idoneum, ut Aeolia carmina conficiat, quibus nobilitetur, et famam insignem sibi comparet. Poëtae enim silvarum amoenitate ac recessu maxime gaudent.

12) Aeolio carmine, id est, lyrico; quia Alcaeus et Sappho, ejus carminis auctores, quos Horatius imitatus est, erant oriundi e Lesbo insula, et ex urbe Mitylene, quae ditionis Aeolicae erat.

13) Jam apertius loquitur poëta, sibi hanc ingenii poëtici laudem ac famam Musarum beneficio inter populares suos contigisse profitetur.

14) Romae soboles, pro, Romani. Principis urbium, id est, quae est princeps imperii Romani, quod per totum terrarum orbem porrigitur.

15) Sensus: et jam invidia major sum; minus jam invidis ac malevolis hominum obtrectationibus mea obnoxia sunt carmina.

16) Sensus: totum hoc, quidquid arte poëtica valeo, quantumcunque mihi laudis inde obtigit, tui, o Pieri, Melpomene, muneris est, tibi soli acceptum fero. Amolitur ita a se gloriae invidiam; quamquam de se velsic, quod se Musis amicum fert, generosum sensum prodit.

17) Testudinis. Sic lyra vocatur, quia Mercurius eam primo compegit e tergo testudinis.

18) Quae dulcem strepitum temperas, id est, quae amoenum lyrae meae cantum moderaris, regis.

19) Musae etiam Pierides vocatae sunt, a Pierio fonte Macedoniae, ipsius sacro.

O, mutis quoque piscibus

Donatura cycni, si libeat, sonum!

Totum muneris hoc tui est,

Quod <sup>20)</sup> monstror digito praetereuntium

Romanae fidicen <sup>21)</sup> lyrae:

Quod spiro et placeo, si placeo, tuum est.

O d e III.

D r u s i l a u s .

Occasio et argumentum.

Rhaeti erant gens bellicosissima atque crudelissima, incolebant Alpiam declivia ab oriente meridiem versus vergentia, terram adeo Grisonum ac Tirolensium, et ad Veronam usque, Comumque pertingebant. Vindelici Rhaetis contermini, adeoque plagam septemtrionalem, quae maxime per Bavariae fines porrecta Tirolensis agri partem complectitur, tenebant. Uterque hic populus quum partim Galliam togatam, partim Italiae finitimas partes adsiduis incursionibus vexaret, missus primum ab Augusto Drusus contra Rhaetos cum exercitu a. u. 739. in Tridentinis ad Alpiam radices eos obviam sibi factos fudit, fugavitque; mox, quum ab Italia repressi Galliam togatam urgerent, cum Tiberio, adjuutore operis ei ab Augusto dato, cum divisis copiis Vindelici eos adgressus, perdomuit. In laudem igitur Drusi ac Tiberii, privignorum Augusti, jussu hujus, compositum est hoc carmen. Jam quum illud in Druso maxime admiratione dignum esset, quod admodum juvenis 23 annorum tantas res confecisset, juvenilem ejus ferociam cum aquila ac leone comparat ab initio statim, qui, quam primum adoleverint, generosam indolem suam, editis patriae virtutis documentis, luculenter exserant; unde adeo generosa Drusi, clarissimis majoribus orti, indoles optime perspiciatur. Neque tamen vel sic Drusus illud effectum dare potuis-

20) Sensus: quod summam in poësi lyrica laudem consequutus sum; quod in omnium ore versor. Publicam hanc famam atque admirationem pulchre ita designat, ut se jam a populo praetereunte digitis monstrari dicat.

21) Fidicen: poëta Latinus lyricus.

22) Quod spiro, id est, quodcumque poëtica spiritus mihi est etc.

set, nisi in Augusti domo cum Tiberio fratre caelestium praeceptorum disciplinis innutritus confortatusque fuisset. Ita enim demum, si bono ingenio bona accesserit institutio, praeclarum ac divinum quiddam existere: uti contra, absque hac, optimam quamque indolem degenerare contendit. Tum a Drusi juvenis generosa virtute ad majores ejus, a quibus eam quasi haereditate accepisset, poëtae impetus provehitur, et in illustrando Caji Claudii Neronis splendidissimo, et ad conservandam rem Romanam efficacissimo facinore, in Hasdrubale opprimendo designato, omnem vim suam exserit ac deponit. Quo autem illustriores Claudii Neronis laudes essent, magnifica ipsius Hannibalis oratione, infensissimi Romanorum hostis, eas persequutus est, atque ita campum sibi adperuit, in quo simul invictam Romanorum vim, Punico isto bello ostensam, explicare posset; quae haud dubie magnificentissima est pars carminis.

Metrum Lib. I. carm. 8.

Qualem <sup>1)</sup> ministrum <sup>2)</sup> fulminis alitem,

Cui rex Deorum regnum in aves vagas

Permisit, expertus fidelem

Jupiter in Ganymede <sup>3)</sup> flavo <sup>4)</sup>,

Olim <sup>5)</sup> juvenas et patrius vigor

Nido laborum <sup>6)</sup> propulit inscium:

Vernique <sup>7)</sup>, jam nimbis remotis,

Insolitos docuere nisus

1) Sententiarum ordo: Sicuti aquila, vix dum volandi facto periculo, vires suas in avibus, mox audacior facta, in draconibus experitur; vel ut caprea leonis catulum ad se accedentem videt; talem Drusum juvenem videre Vindelici.

2) Minister fulminis aquila dicitur, vel, quod, ut Plinius auctor est, nunquam fulmine feriat; vel quod in altissimos nubium tractus evolet, ubi fulmina producuntur, et unde in terras decidunt.

3) Ganymedes fuit puer elegantissimus, Troianorum regis, filius, quem aquila ex monte Ida, ubi venabatur, in caelum sustulit jussu Jovis, qui eum sibi a poculis habere voluit. Eatenus ergo fidele servitium Jovi praestitisse dicitur, rapiendo nimirum Ganymedem.

4) Flavo; flavis crinibus; specialis pulchritudinis notio.

5) Sensus vulgaris: ut ales, juvena ac patrio vigore compulsus, nido evolat. Et pro hoc: ut olim, seu primum juvenas et vigor a patre acceptus nido propellit eum.

6) Laborum inscium, id est: volandi adhuc rudem et inscium.

7) Vernique. Ordo est: et venti verni, jam remotis nimbis, seu, jam depulsa et fugata hieme, eandem aquilam, quamvis adhuc paventem, docue-

Venti paventem; mox <sup>8)</sup> in ovilia  
 Demisit hostem vividus impetus;  
 Nunc <sup>9)</sup> in reluctantes <sup>10)</sup> dracones  
 Egit amor dapis, atque pugnae;  
 Qualemve <sup>11)</sup> laetis caprea pascuis  
 Intenta, fulvae <sup>12)</sup> matris ab ubere <sup>13)</sup>  
 Jam lacte depulsum leonem,  
 Dente <sup>14)</sup> novo peritura, vidit <sup>15)</sup>:  
 Videre <sup>16)</sup> Rhaetis <sup>17)</sup> bella sub Alpibus  
 Drusum <sup>18)</sup> gerentem Vindelici: quibus <sup>19)</sup>

runt nisus insolitos. Per nisus autem intellige conatum, et laborem junioris aquilae in volando, in librandis pennis, in quo utitur ope ventorum, a quibus defertur, et veluti volare docetur.

8) Mox volandi periculo facto, ubi nidum reliquerit aquila, vividus et acer impetus demittit eam in ovilia; id est, cum impetu defertur in oves quas rapit.

9) Nunc, id est: et demum cupido dapis seu praedae et pugnae eam agit, impellit in dracones. Sensus: praedae cupidus et pugnae adgreditur magnos serpentes.

10) Reluctantes, pugnantes, et contra aquilam se acriter defendentes. Mutuum enim inter se odium exercent, a natura insitum.

11) Sensus: qualis est leo, cum in capream, occupatam in herbis depascendis, et nihil de hoste ac periculo cogitantem, fertur etc.

12) Fulvae matris, id est, leaenae.

13) Ab ubere. Recentem ab ubere, qui non ita pridem ubera sugere desiit, quod idem est, ac, lacte depulsum, in sequenti versu.

14) Dente novo, nondum ad praedam et caedem exercitato, assuefacto. Peritura: a quo sibi certam necem paratam intelligit.

15) Videt eum, nempe leonem, potiundi ejus cupiditate, adpropinquare.

16) Sententia vulgaris: talem, tam praevalida vi Drusum annorum 23 juvenem videre etc.

17) De Rhaetis et Vindelici, vide argumentum.

18) Drusus, filius Tiberii Neronis fuit, ac Liviae Augustae, quae, relicto et adnuente priori viro, Augusto nupsit, ac tertio quam nupserrat mense, hunc Drusum peperit. Primam autem poeta hic pugnam innuit, quo Drusus Rhetos, apud Alpes Tridentinas obviam sibi factos, celeriter profligavit. Igitur Vindelici, Rhaetis finitimi, videre Drusum bella gerentem, maxima virtutis bellicae specimina edentem sub Rhaetis seu Rhaeticis Alpibus. Recte enim ita efferrī poterat propter continua Alpium Rhaeticarum et Tridentinarum juga. De Vindelici autem nondum his versibus sermo est, nam hi serius una cum Rhaetis, qui ab Italia repressi, cum Galliae togatae imminerent, a Druso Tiberioque, adjutore operis ab Augusto dato, eorumque legatis, divisīs copiis, diversisque locis fusi atque perdomiti sunt. Igitur adcurate hoc loco loquitur poeta, dum Vindelicos Drusi virtutem primum in Rhaetis vidisse, mox semet ipsos sensisse, ait.

19) Jam ad armorum, quae in pompa triumphali praeferrī solerent,

Mos unde deductus per omne  
 Tempus Amazonia <sup>20)</sup> securi  
 Dextras obarmet, quaerere distuli;  
 Nec <sup>21)</sup> scire fas est omnia: sed diu  
 Lateque vitrices <sup>22)</sup> catervae,  
 Consilii juvenis <sup>23)</sup> revictae,  
 Sensere, quid mens <sup>24)</sup> rite, quid indoles,  
 Nutrita faustis sub penetralibus <sup>25)</sup>,  
 Posset, quid Augusti paternus  
 In pueros animus Neronis <sup>26)</sup>.  
 Fortes <sup>27)</sup> creantur fortibus et bonis:

quaeque in Germanis populis haud dubie maximam apud Romanos mirationem facerent, genus notandum paulisper deflectit poeta, ita tamen, ut istam ingenii exuberantiam phantasmatum copia atque confusi culpam obiectam statim missam faceret atque corrigeret. Sensus: qui Vindelici, cur hunc morem habeant, et unde deductus, id est, derivatum sit, ut arment dextras securi, quali Amazones olim usae sunt, neglexi, et in aliud tempus distuli investigare, disquirere.

20) Amazones fuerunt bellicosae feminae, quae magnam partem Scythiae circa Tanaim, et Asiae minoris circa Thermodontem fluvium occupaverunt. Feruntur hae primae securim in bello adhibuisse.

Per omne tempus: vel inde ab antiquissimis temporibus, vel, quod omnino de Germanis tradit Tacitus, quod non belli tantum tempore securi armati sint, sed omnia etiam negotia dextra securigera obire soliti sint.

21) Nec fas, id est, consentaneum est, disquirendae huic rei immorari; non vacat ad has disquisitiones descendere.

22) Vitrices catervae, id est, Rhaetorum et Vindelicorum, qui magnas antea clades Romanis intulerant, sensere, hoc est, gravissima clade accepta, cum malo suo intellexere, quanta vis esset bonae indolis, si bona institutio accesserit.

23) Juvenis, Drusi nempe.

24) Mens ad virtutes intelligentiae, sagacitatem, prudentiam; indoles ad animi virtutes, fortitudinem, magnitudinem, pertinet. Mens et indoles nutrita, id est, formata, excolta rite.

25) Faustis sub penetralibus: in Augusti domo. Penetrabile proprie est illa pars domus, ubi coluntur Penates, seu Dii domestici, et sumitur pro tota domo, tamquam propitium Augusti numen experta.

26) Pueros Neronis. Tiberium Neronem, et Cl. Drusum, privignos suos, filios Tiberii Neronis et Liviae, quam alteris nuptiis duxit Augustus; et privignos amavit plurimum, Drusum praesertim, non modo propter indolem et fortitudinem; sed etiam, quod apud Augustum natus esset. Vide supra Not. 18.

27) Creantur, gignuntur. Laudat hic Drusum a patre Tiberio Nerone, sed eundem magis adhuc laudat ab Augusto, a quo recte fuerat educatus. Sensus vulgaris: est quidem in generosae stirpis hominibus virtutis mate-

Est <sup>28)</sup> in juvenis, est in equis, patrum <sup>29)</sup>  
 Virtus; neque imbellem feroces  
 Progenerant aquilae columbam.  
 Doctrina <sup>30)</sup> sed vim promovet insitam,  
 Rectique <sup>31)</sup> cultus pectora roborant:  
 Utcunque <sup>32)</sup> defecere mores,  
 Indecorant bene nata culpae.  
 Quid <sup>33)</sup> debeas, o Roma, Neronibus,  
 Testis Metaurum flumen, et Hasdrubal  
 Devictus, et pulcher <sup>35)</sup> fugatis  
 Ille dies Latio tenebris <sup>34)</sup>,  
 Qui <sup>36)</sup> primus almā risit adorea <sup>37)</sup>,

ria, sed doctrina atque institutione opus est, quibus illa fingatur et ad summum perducatur; aliter enim corrumpitur atque degenerat.

28) Nexus: quod idem observatur in generosorum animalium fetu.

29) Patrum virtus, id est, generosa indoles taurorum et equorum adparet in pullis ipsorum.

30) Sed doctrina, bona institutio promovet perficitque vim insitam, id est, generosam animi indolem.

31) Rectique cultus, recta disciplina, quatenus animus ea excolitur, ad recta et honesta perducitur, roborant, confirmant pectora, perficiunt naturalem indolem.

32) Utcunque, quotiescunque mores, id est: bona illa institutio ac disciplina deficit, negligitur, multa committuntur vitia, quae dedecorant et corrumpunt bene nata, hoc est, indolem bonam, a natura acceptam, naturae praestantiam ac nobilitatem.

33) Celebrata Neronum generosa indole, a majoribus accepta, satis proclivis poëtae ad celebrandas horum virtutes via erat, unde ampla satis de futura juvenum istorum magnitudine iudicandi daretur copia. Satis autem habuit, unum, at splendidissimum avitae virtutis exemplum in C. Claudio Nerone proponere; qui bello Punico 2<sup>do</sup> a. u. 656, cum Hasdrubalem cum nova belli mole Italiae faucibus imminere intellexisset, relicto clam cum delecto milite, quae in Lucania adversus Hannibalem teneret, castris, in Umbriam profectus Hasdrubalis exercitum praevalidum, collatis cum M. Livio Salinatore signis, ad Metaurum fluvium adgressus, maxima clade penitus contrivit. Atque huius plane eximiae virtutis imagine incenditur poëtae animus, adeo quidem, ut generoso ad persequendum tam splendidum argumentum, quod a carminis consilio nequitquam alienum videretur, impetu abreptus, in rei huius magnitudine vividissime oculis subjicienda haereat, unice occupetur.

34) Fugatis tenebris, depulso metu et periculo, quod ab Hannibale victore certissimum imminebat, si suas copias cum Hasdrubalis exercitu junxisset.

35) Pulcher dies, id est, felix, faustus, lucidus.

36) Qui dies primus insigni gloria et felicitate clarus fuit. Asdrubale

Dirus per urbes Afer <sup>38)</sup> ut Italas,  
 Ceu flamma per taedas <sup>39)</sup>, vel Euris  
 Per Siculas equitavit <sup>40)</sup> undas.  
 Post <sup>41)</sup> hoc secundis usque laboribus  
 Romana pubes crevit, et impio  
 Vastata Poenorum tumultu <sup>42)</sup>  
 Fana Deos habuere rectos <sup>43)</sup>:  
 Dixitque <sup>44)</sup> tandem <sup>45)</sup> perfidus Hannibal:  
 Cervi <sup>46)</sup>, luporum praeda rapacium,  
 Sectamur ultro, quos opimus  
 Fallere <sup>47)</sup>, et effugere est triumphus.

quippe caeso, Hannibal de fuga cogitavit; et ex quo hic in Italia fuit, nunquam victores erant Romani.

37) Ador, idem, ac far: frumenti genus, praemium militibus victoribus distributum, mox pro ipsa gloria bellica, atque adeo victoria dici coeptum.

38) Ut, id est, ex quo Hannibal Italiam infestavit; et Hannibal a poëta dicitur, dirus Afer.

39) Taeda est arbor, ex qua fieri solebant faces, propterea, quod lignum ex hac arbore ignem facile concipiat. In genere ergo stant hic taedae pro arboribus, seu silvis.

40) Equitavit, omnia vastando peragravit, instar flammae silvam pervolantis, aut venti per mare Siculum proferantis. Euris enim, ventus orientalis, maximas in Siculo mari turbas ciet.

41) Post hoc, nimirum, victis semel hostibus, nova in dies res Romana incrementa cepit, prospere omnia cessere Romanis; et pro hoc: secundis laboribus usque Romana pubes crevit, id est, fortunatis proeliis semper Romani creverunt.

42) Tumultu, seu bello impie a Poenis gesto.

43) Deos rectos, id est, erectos; restituta sunt templa Deorum, viguit iterum ipsorum cultus.

44) Praeclaro ad Neronis laudem artificio poëta victoriae istius magnitudinem ita extollit, ut ipsorum hostium, in summam dein rerum desperationem adactorum, confessione bellum istud Punicum profligatum fuisse pronunciet, hocque imminentis Carthagini fati praesagium Hannibalis, quo major rei esset gravitas, oratione explicet. Perfidus dicitur Hannibal, vel quia Poeni in genere ob perfidiam insignes erant; vel quia Hannibal primus violavit foedus, quod post primum bellum Punicum Romanos inter et Afros initum erat.

45) Tandem: maximis demum cladibus ad hanc confessionem coactus, victa demum indomita ejus ferocia.

46) Sententia generalis: insanos nos, qui ultra adgrediamur, bello petamus, quos effugere satius erat. Insaniam istam poëta declarat comparatione: nos Poeni instar cervorum sectamur, id est, bello agitamur Romanos, qui sunt instar luporum rapacium, quorum praeda sumus.

47) Fallere et effugere eos, fuga impetum eorum eludere instar victoriae maxime habendum, in summa felicitate ponendum est.

Quas et benigno <sup>68)</sup> numine Jupiter  
 Defendit, et curae <sup>69)</sup> sagaces  
 Expediunt per acuta belli.

O d e IV.

## Ad Caesarem Augustum.

Argumentum.

Annis 738, 39 et 40 absens erat Augustus in Gallia et Hispania, qua occasione Horatius hanc et primam hujus libri odam scripsit. Exprimit ab initio impatientissimum totius populi Romani desiderium, quo in illum diutius absentem fertur; quo sane tenerrimi amoris ac pietatis, a felicitatis ei debitae sensu profectae, vix liquidius adfectus ostendi poterat. Deinde causas, quibus civium animos sibi conciliasset, ab effectis, suavissima felicitatis istorum temporum pictura declaratis, colligendas dat. Tandem, quo rectius de immortalibus ejus in patriam meritis statuatur, magnitudine eorum universum populum ita attonitum atque adfectum ait, ut, quum humana sorte pene altiora sint, Augustum, publicae istius privataeque felicitatis auctorem, non possit, quin summa veneratione ac pietate, tanquam numen tutelare, prosequatur, utque diutissime inter se moretur, quotidie voveat.

Metrum Lib. I. carm. 5.

Divis <sup>1)</sup> orte bonis, optime Romulae  
 Custos <sup>2)</sup> gentis, abes jam nimium diu:  
 Maturum reditum pollicitus Patrum  
 Sancto consilio, redi <sup>3)</sup>.

68) Benigno numine, id est, Deorum favor eas defendit, tutatur.

69) Curae sagaces, consilia sagacia, prudentia, in administrando bello spectata, expedit eas per acuta belli, id est, transmittit incolumes per maxima belli discrimina.

1) Divis, id est: oriunde a Diis bonis, qui tantum, tamque beneficium Romanis numen ex se nasci voluerunt. Gens enim Julia per Aeneam a Venere originem suam deduxit, et Julius Caesar, Augusti pater adoptione, in Divos relatus fuerat.

2) Custos Romulae, pro, Romuleae, id est, Romanae gentis.

3) Redeas, cum pollicitus sis Augusto Senatorum consilio, id est, Senatui, multo maturius, brevi te rediturum.

Lucem <sup>4)</sup> redde tuae, dux bone, patriae;  
 Instar veris enim vultus ubi tuus  
 Affulsit populo; gratior it dies,  
 Et Soles melius nitent.

Ut <sup>5)</sup> mater juvenem <sup>6)</sup>, quem Notus invido <sup>7)</sup>  
 Flatu Carpathii <sup>8)</sup> trans maris aequora  
 Cunctantem <sup>9)</sup> spatio longius annuo  
 Dulci distinet a domo,

Votis <sup>10)</sup>, ominibusque et precibus vocat,  
 Curvo nec faciem litore dimovet <sup>11)</sup>;  
 Sic, desideriiis icta <sup>12)</sup> fidelibus,

Quaerit patria Caesarem.  
 Tutus <sup>13)</sup> bos etenim rura perambulat;  
 Nutrit rura Ceres <sup>14)</sup>, almaque Faustitas <sup>15)</sup>;  
 Pacatum volitant <sup>16)</sup> per mare navitae;  
 Culpari <sup>17)</sup> metuit Fides;

4) Sensus hujus allegoriae est: exhilata iterum adventu tuo patriam, per longam absentiam prostratam. Cum enim vultus tuus, verno tempore similis, nobis adfulget, id est, cum tu inter nos praesens es, dies amoeniores sunt, et sol nova luce splendere, omniaque collustrare videtur.

5) Mollissimum desiderii adfectum, quo Patrem suum patria pie prosequitur, egregie poeta cum materna sollicitudine comparat, quae per longiorem unici filii absentiam vigorem atque incrementa cepit maxima.

6) Juvenem, id est, filium.

7) Invido, adverso, quasi reditum filii invideret parenti Notus, quem jam alibi diximus esse ventum procellosum a Meridie flantem.

8) Carpathus est insula inter Rhodum et Cretam, unde etiam mare inter ambas insulas nomen Carpathii sortitum est.

9) Cunctantem: anno diutius morantem.

10) Id est: Diis pro incolunitate filii nuncupatis, vocat juvenem, hoc est: Deos exorare studet, ut reddant sibi filium.

11) Non dimovet faciem, id est: fixis in mare oculis prospicit, unde eum venturum sperat.

12) Icta commota, percussa patria, quaerit, seu requirit absentem Caesarem.

13) Subjicit nunc poeta causas, a quibus ardentissimum illud desiderium proficiscatur; insignia ipsius in rempublicam merita. Declarat autem ea a summa omnium rerum abundantia, securitate, innocentia, morumque integritate.

14) De Cerere, vide Mythologiam.

15) Faustitas, felicitas; frugum copia.

16) Volitant, id est, mercatores secure maria trajiciunt, quippe pacata, non amplius infestata, compositis bellis civilibus.

17) Culpari etc. fides cavet, ne culpetur, ne adcusetur perfidiae, id est: omnes fidem aliis datam servant.



Nullis <sup>18)</sup> polluitur casta domus stupris;  
 Mos <sup>19)</sup> et lex maculosum edomuit nefas;  
 Laudantur <sup>20)</sup> simili prole puerperae;  
 Culpam <sup>21)</sup> Poena premit <sup>22)</sup> comes.  
 Quis <sup>23)</sup> Parthum <sup>24)</sup> paveat? quis gelidum Scythen?  
 Quis, Germania quos horrida parturit,  
 Fetus <sup>25)</sup>, incolumi Caesare? quis ferae  
 Bellum curet Iberiae <sup>26)</sup>?  
 Condit <sup>27)</sup> quisque diem collibus in suis,  
 Et vitem <sup>28)</sup> viduas ducit ad arbores:  
 Hinc <sup>29)</sup> ad vina redit lactus, et alteris <sup>30)</sup>  
 Te mensis adhibet Deum;  
 Te multa prece, te prosequitur <sup>31)</sup> mero  
 Defuso pateris; et Laribus tuum

18) Sensus: matrimonia casta nunc sunt.

19) Sensus: more pristino restituto, latisque, quae adulteria compescant, legibus, exstirpata sunt flagitia. Pro hoc poetice: mos et lex edomuit, exstirpavit nefas seu adulteria et scelera. Maculosum, id est, turpe.

20) Laudantur etc. feminae partu levatae laudantur ob filios similes parentibus; castitatis enim, fideique uxoris in maritum maximum apud antiquos argumentum erat proles marito similis.

21) Sensus: flagitia statim vindicantur; ne dilatione robur acquirant, latusque serpent impunitatis illectamento.

22) Premit pede, id est, sequitur statim scelus poena.

23) Securitatem externam civitati Romanae ab Augusto effectam vivide delineat poeta, commemoratis speciatim, qui imperium Romanum antea infestassent, atrocissimis hostibus, nunc partim edomitis, partim repressis.

24) De Parthis, orientali populo, et Scythis, septentrionali, jam saepius dictum est.

25) Fetus: Germanos ad aspectu truces, immani virium robore feroces. Olim enim Germani erant proceri et immani statura.

26) Iberia: Hispania fera, propter Cantabros feros, bellicosos.

27) Succedunt suavissimae, tranquillae, atque inter jucundissimos labores actae vitae picturae; ex opere autem rustico gratam tantum ejus speciem repraesentat, vini culturam, atque ex hac ipsa genus quoddam, quod nec tedium nec defatigationis offensionem habet. Condit, id est, totam diem transigit.

28) Ducit, jungit et maritat vitem quibusdam arboribus sterilibus, et sine illa quasi viduis; tales sunt: ulmus, populus etc.

29) Hinc, absoluto diurno opere, redit ad vina; computationem instituit.

30) Alteris mensis: alludit poeta ad antiquum Graecorum morem, qui priore mensa sublata, adponebant alteram, cum pomis placentis, uvis, aliisque hujusmodi, et exquisitissimo vino, quo Diis libabant et agebant gratias. Vult itaque poeta Romanis invocari Augustum, ut Deum.

31) Prosequitur, id est: te colit, honorat multis precibus et libatione facta.

Miscet <sup>32)</sup> numen, uti Graecia Castoris  
 Et magni memor Herculis.  
 Longas <sup>33)</sup> o utinam, Dux bone, ferias  
 Praestes Hesperiae! dicimus <sup>34)</sup> integro <sup>35)</sup>  
 Sicci <sup>36)</sup> mane die, dicimus uvidi,  
 Quum sol Oceano subest.

O d e V.

Ad Apollinem.

Occasio et argumentum.

Solenne, quod ludis secularibus a. u. 737. magna religione celebrandis, in templo Apollinis Palatini a choro puerorum ac puellarum caneretur, carmen ab Augusto scribere jussus Horatius, quo augustiorem muneri isti, sibi admodum honorifico, speciem ac dignitatem conciliaret, Apollinem hoc carmine, quod quidem respectu secularis carminis, προομιου adpellatione optime indigites, antea invocatur, eumque, ut se, carmen illud meditantem, adjuvet, divinoque adflatu dignetur, rogat. Jam, quum maxima apud populos suos lyrica poeseos fama vigeret, id quod hujus ipsius muneris injuncti ratio abunde ostendit, satis poeta habet, Apollinem orare, ut, quam ei acceptam ferat laudem poeticam, nunc tueatur, integramque conservet. Tum ut omnia recte peragantur, sumta chorodidascali persona, ad chorum convertit se, monetque eum, ut gravissimis, quas in se tuendas receperit, ne desit partibus, proposita, qua studium ejus acuat, jucundissima quondam rei bene gestae recordatione.

32) Laribus miscet: inter gentis conservatores refert tuum numen, uti Graecia heroas suos Dioscuros et Herculem. De Castore et Polluce vide L. I. od. 3. not. 3. et Myth. de Hercule.

33) Longas ferias, id est: diu largiaris hanc tranquillitatem ac securitatem Italiae seu Hesperiae, pro vulgari, diu vivas.

34) Sensus: precamur et mane et vesperi.

35) Die integro, id est: nulla dum parte sui demta.

36) Sicci: vino necdum irrigati.

37) Uvidi, id est, humidis, poti, coenati, vino madidi.

## Metrum Lib. I. carm. 2.

Dive <sup>1)</sup>, quem proles Niobe <sup>2)</sup> magnae  
Vindicem linguae, Tityosque <sup>3)</sup> raptor  
Sensit, et Trojae <sup>4)</sup> prope victor altae  
Phthius <sup>5)</sup> Achilles,

Ceteris major <sup>6)</sup>, tibi miles impar; *(Apollinis)*  
Filius quamquam Thetidos <sup>7)</sup> marinae  
Dardanas <sup>8)</sup> turres quateret tremenda  
Cuspide <sup>9)</sup> pugnax.

Ille, mordaci <sup>10)</sup> velut icta ferro,  
Pinus, aut impulsa cupressus Euro,

1) Occupatur poeta ab initio celebrandis Apollinis laudibus, speciali insignium operum ab ipso editorum, quae maximam numinis ejus potentiam arguunt, maximumque ad futuram rem Romanam momentum haberent, adtextu recensu. Igitur exposita Apollinis, a Niobe Tityoque sumta vindicta, in Achille, ab eodem sagittis confosso, haeret, in exornandaque hujus facti magnitudine sibi maximopere indulget; quandoquidem sola Achilles morte effectum est, ut Trojana gens, non plane deleta, laetioribus incrementis revirescere potuerit. Sensus ergo est: o Apollo, quem filii Niobes experti sunt ultorem arrogantis loquacitatis, et Tityus nefarius amator, Phthiusque Achilles, qui cum prope expugnasset nobilem Trojam, reliquis omnibus militia praestantior, sed tibi nequaquam comparandus; quamvis Thetide natus, et hasta armatus terribili concuteret Dardanas turres etc.

2) Proles Niobe, liberi Niobes: Niobe, uxor Amphiarai, Thebarum regis, ausa se Latonae praefere sobolis numero et pulchritudine, in poenam linguae intemperantis ad luctuosam orbitatem redacta est, filiis sex ab Apolline, et filiabus totidem a Diana ictibus sagittarum occisis; ipsa Niobe dolore contabuit, et in saxum est mutata.

3) Tityus vocatur raptor, quia Latonam rapere voluerat ac temerare; inter Gigantes numeratur. Vide L. II. od. 11. not. 5.

4) Prope victor Trojae: sublato, qui Trojae excidium morabatur; Hector.

5) Phthius: oriundus Phthia, urbe Thessaliae. Amavit Achilles Polyxenam, filiam Priami, quam in matrimonium a patre petiit. Spe itaque nuptiarum allectus in templum Apollinis, ibidem a Paride interemptus est sagitta, quam Phoebus direxisse dicitur.

6) Ceteris major, id est: ceteris Graecis heroibus fortior.

7) Quamquam Dea natus esset; fuit enim Thetis Nerei filia, et mater Achillis.

8) Dardanas, id est: Trojanas, a Dardano rege sic dictas.

9) Cuspide quateret etc. Hasta immani, adgressus muros urbis eosdem labefactaret, convelleret.

10) Mordaci ferro: securi vel serra.

Procidit <sup>11)</sup> late, posuitque <sup>12)</sup> collum in  
Pulvere Teucro.

Ille <sup>13)</sup> non, inclusus equo <sup>14)</sup>, Minervae,  
Sacra mentito, male feriatos <sup>15)</sup>  
Troas, et laetam Priami choreis  
Falleret <sup>16)</sup> aulam:

Sed <sup>17)</sup> palam captis <sup>18)</sup> gravis, heu nefas! heu!  
Nescios <sup>19)</sup> fari pueros Achivis  
Ureret <sup>20)</sup> flammis, etiam latentes

Matris in alvo:

Ni <sup>21)</sup>, tuis victus, Venerisque gratæ  
Vocibus, Divum pater adnuisset  
Rebus Aeneae potiore ductos  
Alite muros.

11) Procidit late, procubuit late, ad vastam corporis molem indicandam.

12) Posuit collum, jacuit in pulvere Trojano. Teucer enim, dux Trojanorum, huic urbi nomen Teucrae indidit.

13) Nexus sententiarum: ille totam Trojanorum gentem, pro ea, quae insita animo ejus erat truculentia ac feritas, penitus exstirpasset, sicque omnem instaurandae aliquando in Latio Trojae spem intercepisset, ni etc. Sensus vulgaris, ille quidem non fraude, sed crudelitate sua Trojanos exstirpasset, nisi etc.

14) Equo ligneo, qui fugebatur Minervae dicatus a Graecis pro reditu in patriam; equum hunc illi a se promissum, quippe pugnaci et pellatrici Deae, simulantibus. Hinc dicitur ab Horatio: equus mentitus sacra Minervae. Vide Virg. Aeneid. L. 2.

15) Male feriatos: cum maximo infortunio suo, satis intempeste, ob simulatum Graecorum discessum feriantes; otio solutos, diem festum securae atque hilariter agentes.

16) Falleret, pro fefellisset laetam aulam, choreis indulgentem ob Graecorum discessum.

17) Sensus: sed aperto Marte urbem expugnasset, incendioque absumsisset, omnesque ad unum Trojanos occidisset.

18) Captis gravis, id est: crudeliter cum captae urbis incolis agens, immaniter in eos saeviens.

19) Nescios fari; qui nondum per aetatem loqui valerent.

20) Ureret, pro: Achivis seu Graecis flammis assisset; crudelissime tractasset.

21) Sensus simplex: nisi Achilles occisus fuisset, et pro hoc: nisi tuis, Apollo, et Veneris precibus victus Jupiter concessisset rebus Aeneae, ceteris Trojanorum reliquiis, muros, novam urbem Romam, potiore alite, melioribus, quam quibus Troja condita fuisset, auspiciis, ductam, exstruendam, verbo, quae aeterna foret. Concesso enim hoc, etiam in Achillis mortem consentire debuerat Jupiter; quod autem haud necesse erat, ut disertius exponeret poeta lyricus.

Doctor <sup>22)</sup> Argivae fidicen Thaliae,  
Phoebe, qui Xantho <sup>23)</sup> lavis <sup>24)</sup> amne crines,  
Dauniae <sup>25)</sup> defende decus Camenae  
Levis <sup>26)</sup> Agyieu <sup>27)</sup>.

Spiritum <sup>28)</sup> Phoebus mihi, Phoebus artem  
Carminis, nomenque dedit poëtae.

Virginum <sup>29)</sup> primae, puerique claris  
Patribus orti,

Deliae tutela <sup>30)</sup> Deae, fugaces

Lyncas, et cervos cohibentis <sup>31)</sup> arcu,

Lesbium <sup>32)</sup> servate pedem, meique  
Pollicis ictum:

22) Nova numinis invocatione facta, quod et ipsum ad priscorum hymnorum formam adcommodate fit, poëta ad preces transit: o Phoebe, qui fidicen peritissimus, doces Thalam argutam, id est, recte canentem, sonora voce praeditam. Thalia una e Musis est, et hoc loco, Musa lyrica. Ac proinde, doctor Argivae Thaliae, idem est ac, qui docuisti Graecos lyrica carmina.

23) Xanthus. Duo fluvii sic vocati sunt, alter in Troade, alter in Lycia: utraque regio Apollinis religione nota fuit.

24) Lavis crines, pro, lavas. Solebant veteres in amnibus crines lavare, ut melius niterent crescerentque.

25) Dauniae Camenae, id est: Musae Italiae, sive: meorum versuum; erat enim Horatius ortus ex Apulia, in qua regnavit olim Daunus. Sensus est: fac, ut mei versus placeant; decus illis et gratiam apud omnes concilia.

26) Levis, imberbis.

27) Agyieu. Graecus vocativus. Cognomen Apollinis Athenis, a *αγυια*, via. Viis enim praefuit ibidem, et propterea etiam arae ipsi in viis rectae erant.

28) Nunc ab Apolline se exauditum, canendoque carmini saeculari idoneum proficitur poëta, et chorodidascali persona sumpta, chorum juvenum et puellarum carminis saecularis modos edoctorum se ait. Per spiritum autem designat hic enthusiasmum; ingenium poeticum.

29) Asserta carminum suorum divinitate hic poëta ad chorum ipsum convertitur. Virginum primae, seu primariae, nobiliores. Carmen Saeculare enim a lectissimis pueris puellisque 27, patrimis et matrimis, id est, quorum pater et mater essent superstites, canebatur; idque magno ducebant honori parentes, quorum liberi eligerentur.

30) Tutela: qui in tutela estis Dianae, natae in Delo, insula maris Aegaei. Hanc vero solam tutricem chori adpellat Horatius, quum et Apollini suae partes essent, quia pueri et puellae, antequam in matrimonium collocarentur, erant in Dianae fide.

31) Cohibentis, sistentis fugam, pro, figentis sagitta, ferientis lyncas et cervos fugaces. Fuit enim Dea venationis. Myth.

32) Servate, observate, attendite ad pedem, mensuram, numeros Les-

Rite <sup>33)</sup> Latonae puerum canentes,  
Rite crescentem facē Noctilucam <sup>34)</sup>,  
Prosperam frugum, celeremque <sup>35)</sup> pronos  
Volvere menses.

Nupta <sup>36)</sup> jam dices: Ego Dis <sup>37)</sup> amicum,  
Saeculo <sup>38)</sup> festas referente luces,  
Reddidi <sup>39)</sup> carmen, docilis modorum  
Vatis Horati.

O d e VI.

## Ad L. Manlium Torquatum.

Argumentum.

Ad fruendas vitae voluptates cohortaturus poëta, a vere, quo carmen hoc scripserat Horatius, ad reliquas anni partes progressus, e continuis ipsarum vicibus, velocitatem temporis ita colligit, ut, deducta inde vitae humanae brevitate, ad praesentis horae fructum capiendum tanto acrius exhortetur, quo in certa hac vitae brevitate incertior die-

bios, id est, metri Sapphici, quo carmen saeculare expressum est; et ad ictum pollicis, seu digiti, quo citharam pulsabo. Lesbios pedes metrum Sapphicum vocat, quia inventum est a poëtria Sappho, quae nata erat in urbe Mithylene, primariae insulae Lesbi. De carmine saeculari vide ultimam oden libri epodon.

33) Rite, sancte, religiose canentes Latonae filium, Apollinem.

34) Dianam adpellat Noctilucam; quia noctu lucet, et eadem est cum Luna; deinde constat, hoc nomine eam cultam fuisse in palatio. Crescentem face, id est, cujus fax vel lumen crescit. Prosperam frugum, id est, quae fruges prosperas reddit rore nocturno.

35) Celeremque volvere: graecismus: quae celeriter volvit, cursu suo celeri efficit, ut menses proni, hoc est, prono cursu decurrant. Emetitur enim Luna zodiacum diebus circiter 27, quem sol uno tantum anno lustrat.

36) Unam nunc alloquitur puellam, nomine omnium: tu o virgo carmen saeculare recitatura, cum fueris olim nupta, dices, atque ita gloriaberis: una eram ex iis quae recitabant carmen saeculare.

37) Dis amicum, id est: Dianae et Apollini gratissimum, in eorum honorem compositum, atque ritu religioso decantandum.

38) Quando saeculum exactum referet, eo finito redibunt festae luces, id est, festi ludorum saecularium dies. De his vide carmen saeculare.

39) Reddidi, recitavi, cecini.

40) Docilis modorum, id est: docilem me praebendo ediscendis, reddendisque modis, quos ab eodem Horatio compositos didici, memoriaeque mandavi.

rum summa sit, quam nobis Dii admensi sint, ut quibus ne crastino quidem fidere liceat. Tum moriendi conditionem ita mortalibus propositam subjicit poeta, ut ea ipsa, quum omnem spem reditus in vitam plane abscondat, de fruendis vitae voluptatibus graviter admoneamur. Ceterum L. Manlium Torquatium nepotem ejus, quo consule Horatius natus fuerat, cum pluribus statuere licet.

Metrum Archilochium.

— 0 0 | — 0 0 | — 0 0 | — 0 0 | — 0 0 | — =  
— — | — — | — — | — — | — — | — — |  
— 0 0 | — 0 0 | —

Diffugere <sup>1)</sup> nives, redeunt jam gramina campis,  
Arboribusque comae <sup>2)</sup>:

Mutat terra vices <sup>3)</sup>; et decrescentia ripas

Flumina <sup>4)</sup> praetereunt:

Gratia <sup>5)</sup> cum Nymphis, geminisque sororibus audet

Ducere <sup>6)</sup> nuda choros.

Immortalia <sup>7)</sup> ne speres, monet Annus, et alium

Quae rapit Hora diem.

Frigora <sup>8)</sup> mitescunt Zephyris; ver proterit <sup>9)</sup> Aestas,

1) Diffugere, id est, nix liquefacta est.

2) Comae; de foliis ac frondibus arborum.

3) Mutat terra vices, id est: pro hyeme ver jam succedit.

4) Flumina, quae per hiemem in campos exundassent, jam decrescunt, ac in ripis suis sese continent, in alveo suo defluunt.

5) Verni temporis amoenitatem suavissimo Gratiarum cum Nymphis saltantium phantasmate, explicat poeta. Sunt autem tres Gratiae, Aglaja, Thalia, Euphrosine. De his vide Myth.

6) Ducere choros, simpliciter pro, saltare.

7) Nexus sententiarum: hae ipsae vices annuae, quum graviter admoneant de veloci vitae decursu, age, fruamur praesenti, quod in nostra potestate est, tempore, quum ne crastino quidem confidere liceat. Prius persequitur late poeta in sequentibus versibus; posterius vero, de vita in summa ejus brevitate recte fruenda, leviter tantam attingit, et Torquato inde colligendum relinquit. Sensus est: annus praecipit, cursu praeterlabens, celerrima fuga sese proripiens; et in quo multo magis velocissimam temporis fugam observare licet: Hora, Dea vicissitudinis temporum, quae rapit, aufert quemque diem alium, cujus fruendi nobis copia data est, fuga perniciosissima monet, praecipit, ne speres immortalia; id est, vitam citissime praeterlabi, nos docet annus etc.

8) Quo magis praeceps temporis transitus intelligatur, quatuor anni tempestates, ad quas facilis ab Hora, istarum praeside, transitus erat, poeta percenset, maxime continuas, qua sese invicem excipiunt, vicissitudinis habita ratione.

9) Proterit, protrudit, abigit.

Interitura, simul <sup>10)</sup>

Pomifer Auctumnus fruges effuderit; et mox

Bruma recurrit iners <sup>11)</sup>.

Damna <sup>12)</sup> tamen celeres reparant caelestia Lunae:

Nos, ubi decidimus,

Quo <sup>13)</sup> pius Aeneas, quo dives Tullus, et Ancus;

Pulvis, et umbra sumus.

Quis scit, an <sup>14)</sup> adjiciant hodiernae crastina summae

Tempora Di superi?

Cuncta <sup>15)</sup> manus avidas fugient heredis, amico *alio vel fessis cum fratre*

Quae dederis animo. *alio vel fessis cum fratre*

Quum <sup>16)</sup> semel occideris, et de te splendida Minos <sup>17)</sup>

Fecerit arbitria <sup>18)</sup>;

Non, Torquate, genus <sup>19)</sup>; non te facundia <sup>20)</sup>; non te

10) Simul, statim atque, quamprimum.

11) Bruma iners: perpetuum frigoris epithetum, quatenus per hiemem omnis creandi vis cessat.

12) Sensus vulgaris: enimvero anni tempora, quae obire videmus, annuis vicibus redeunt; at nos, semel peractum vitae cursum, non reditegramus. Cum autem in Luna manifestior anni revertentis observatio sit, ideo eam adsumsit poeta dicendo: Lunae, hoc est, menstruus Lunae decursus celeriter reparat, resarcit damna caelestia, id est, jacturam, interitum anni partium; refert adeo et reducit revoluta in orbem anni tempora, quae perierant. Caelestia: quatenus anni interitus caeli seu siderum cursu efficitur. Alii damna decrescentis lunae, quae eadem crescendo repararet, intelligunt.

13) Quo etc. In eum locum, in quem deciderunt Aeneas, Tullus et Ancus; nempe ad inferos. De Aenea vide Aeneidem Virgilio; Tullus fuit tertius, et Ancus 4<sup>us</sup> rex Romanorum, ambo autem locupletissimi.

14) Sensus: an Dii adjecturi sint, summae dierum hodiernae, diebus, quos exegimus, vel crastina tempora, id est, crastinum diem?

15) Nexus idearum: quocirca frueri vita, dum licet. Sed novum huic fruendae vitae praecepto, quo altius in Torquati animum penetraret, momentum implicuit contendendo nimirum, omnia ei perire, quibus genium suum defraudaverit; et pro hoc multo efficacius: omnia heredi avido cedere, quae sibi negaverit; ac proinde: omnia ea elabi heredum avidis, exporrectis jam manibus, quae animo amico, quae genio suo impenderit.

16) Sensus: ubi semel vita defunctus fueris; nihil te in vitam restituet.

17) Minos iudex inferorum notus. Myth.

18) Arbitria splendida: ubi Minos honorificentissimam vitae, laudabiliter actae a te, sententiam tulerit; praeclare de te statuerit.

19) Genus, id est, nobilitas; originem enim ducebat iste Manlius, ab illo Manlio, qui, quod Gallum interentum torque spoliasset, Torquati cognomen est adeptus.

20) Facundia: Manlius celebris orator fuisse videtur.

Restituet pietas <sup>21)</sup>:  
 Infernis <sup>22)</sup> neque enim tenebris Diana pudicum  
 Liberat Hippolytum <sup>23)</sup>:  
 Nec Lethaea <sup>24)</sup> valet Theseus abrumpere caro  
 Vincula Pirithoo.

O d e VII.

Ad C. Marcium Censorinum.

Occasio et argumentum.

Cum Saturnalibus, aliisque statis diebus dona sibi invicem Romani missitare solerent, Horatius C. Marcio Censorino, quem carminibus delectari nosset, strenae loco, hoc carmen mittit, quo ei obstrictum suum ostenderet animum, illudque munus suum verbis ita exornat, ut pretiosissimo cuique facile praeferendum iudicet. Ita ad splendidissimum de poëseos efficacia locum deductus poëta, poëtas solos esse adserit, qui rerum gestarum famam multo certius, quam monumenta iis erecta, ad posteritatis memoriam propagent, imo et viros, immortalibus operibus editis immortalitate dignos, caelo adlegent, et in Deorum numerum referant, laudatis in hanc rem Romulo, Aeaco, et aliis. Ceterum cum duo Romae illustres fuerint Censo-

21) Pietas, id est, vita probe transacta.

22) Sensus: quandoquidem nec ipsi Dii factorum leges infringere ac resolvere valent. Hoc statim exemplis illustratur.

23) Hippolytus fuit Thesei filius, qui foedus Phaedrae novercae amorem respuens, adcusatus est ab ea apud Theseum criminis ab ipsa commisi. Hic filio male precatus, Neptunum rogavit, ut poenas ab eo sumeret Neptunus immissis phocis, id est, marinis monstris, terruit equos, a quibus trahebatur in litore deambulans Hippolytus, ita ut eum excussum curru, et loris implicatum laceraverint. Dianae carus erat ob communem utriusque amorem castitatis. Poëta hic antiquiorem fabulae repraesentat faciem, qua frustra Hippolytus a Diana ab inferis repetitus sit. Nam resuscitatum eum ab Aesculapio, aut a Diana ex inferis reductum, et in nemore Aricino Dianae sacro absconditum fuisse, recentiores tradunt.

24) Lethaea vincula: inferorum vincula, quibus homines ita detinentur, ut evadere non possint. Lethe fluvius est Inferorum.

25) Fabulantur poëtae descendisse Theseum ad inferos cum Pirithoo, ut Proserpinam raperet; utrumque a Dite seu Plutone captum, mansisse in vinculis Pirithoom, soluto Herculis ope Theseo. Vide L. III. od. 4. not. 73.

rini, pater et filius, probabilius est, C. M. Censorinum qui a. u. 746 cum C. Asinio Gallo Consul fuit, hic intelligendum esse.

Metrum L. I. carm. 1.

Donarem <sup>1)</sup> pateras, grataque <sup>2)</sup> commodus,  
 Censorine, meis aera sodalibus;  
 Donarem tripodas <sup>3)</sup>, praemia fortium  
 Grajorum <sup>4)</sup>; neque tu pessima <sup>5)</sup> munerum  
 Ferres, divite <sup>6)</sup> me scilicet artium,  
 Quas aut Parrhasius <sup>7)</sup> protulit, aut Scopas <sup>8)</sup>;  
 Hic <sup>9)</sup> saxo, liquidis ille coloribus,  
 Sollers <sup>10)</sup> nunc hominem ponere, nunc Deum.  
 Sed <sup>11)</sup> non haec mihi vis: nec tibi talium  
 Res est, aut animus deliciarum egens.  
 Gaudes <sup>12)</sup> carminibus: carmina possumus  
 Donare, et pretium <sup>13)</sup> dicere muneris.

1) Donarem commodus; commodum me, id est facilem et liberalem in eo praeberem, quod donarem sodalibus seu amicis meis pateras, aliaque aerea vasa, et tripodas, qui apud Graecos erant praemia fortium virorum.

2) Grata aera: gratum animum testantia.

3) Tripodes, vasa majora aerea, ansata fere tribus pedibus fulta. Erant tripodas alii, quibus igni impositis, aqua calefiebat loturis.

4) Grajorum: Homerus maxime istis muneribus suos heroes donat passim in Iliade.

5) Non pessima munerum: exquisitum, egregium munus aliquod tu ferres, acciperes.

6) Divite me etc. Si essem dives artium antiquarum, seu rerum, quas arte egregia excudit Parrhasius, id est, si haberem opera, signa, vasa artefacta.

7) Parrhasius: Ephesius pictor clarissimus.

8) Scopas: nobilis statuarus.

9) Hic Scopas, ille Parrhasius.

10) Sollers ponere, Graeca constructio, pro, ingeniosus, intelligens, mirus artifex in ponenda, effingenda nunc hominis, nunc Dei statua aut imaginé.

11) Sed haec vis: harum rerum copia mihi non suppetit; nec res tibi, tua res familiaris talium operum eget; domum satis instructam habes istis artis operibus. Haec docte delicias adpellat, quia ab elegantiae ac magnificentiae studiosis cupide expetuntur.

12) Nexus sententiarum: minus te capiunt istae deliciae, quam carmina; his magis gaudes, delectaris.

13) Et pretium dicere muneris: de hoc munere recte statuere, quanti aestimandum sit, pronuntiare: quum res cupiditatis, quae istae sunt deliciae, incertae admodum aestimationis sint, libidine semper modum excedente.

Non <sup>14)</sup> incisa notis marmora <sup>15)</sup> publicis <sup>16)</sup>,  
 Per <sup>17)</sup> quae spiritus et vita redit bonis  
 Post mortem ducibus; non <sup>18)</sup> celeres fugae,  
 Rejectaeque retrorsum Hannibalis minae,  
 Non incendia Carthagini impiae,  
 Ejus <sup>19)</sup>, qui domitā nomen ab Africa  
 Lucratus rediit, clarius <sup>20)</sup> indicant  
 Laudes, quam Calābrae Pterides. Neque,  
 Si chartae <sup>21)</sup> sileant, quod bene feceris,  
 Mercedem tuleris. Quid foret Iliae.

14) Declarat jam poëta, quanti hoc muneris genus haberi debeat; sicut sola carmina immortalitatem nominis praestare, perenniora ea esse rerum gestarum monumenta, quam reliqua, quibus virtutis famam homines ad posteros propagare aditantur; utpote quae temporis injuriis obnoxia sint, et angusta terrarum parte contineantur. Sed rem statim Scipionis Africani majoris, Ennii carminibus aeternum nomen adepti, exemplo illustratam subjecit poëta, quo magis ejus veritas elucesceret.

15) Marmora, monumenta marmorea, incisa notis, insignata, consignata literis, epigraphae, titulo, qui honoris habitus causam, adeoque rei egregie gestae argumentum ostentat, in ipsorum basi inciso.

16) Publicis, venuste notis adjicitur; id est, publica senatus populique Romani auctoritate positus, incisis.

17) Sententia vulgaris: quae clarorum hominum memoriam servant, seu: quae efficiunt, ut egregii duces post mortem quasi reviviscant.

18) Non celeres fugae, hoc est, fuga Hannibalis, Italia cedere coacti; non Hannibalis minae, id est, Hannibal minans, imminens ipsi urbi rejectus, repulsus ex Italia; non Carthagini impiae, perfidae (perpetuo Poenorum epitheto) incendia belli; nam bella et pugnae saepe cum flammis et ignibus comparantur, ut ex Homero notissimum. Devastationem namque et expugnationem Carthagini, quae bello Punico 3<sup>o</sup> per Scipionem Africanum minorem in effectum deducta est, hic non esse intelligendam, ex eo patet; quia non est credibile, poëtam Romanum in re adeo nota errorem chronologicum commisisse.

19) Ejus, nimirum Scipionis Africani majoris, qui Carthaginem et Africam domuit, unde ipsi nomen. Major dicitur, id est, senior, ut ab alio minore, qui Carthaginem delevit, distinguatur. Vide Histor. Rom. de bello Punico 2<sup>o</sup>.

20) Clarius, id est, non magis indicant laudes Scipionis: minus adeo efficaces sunt inscriptiones ad famam Scipionis ad posteritatem propagandam, quam Musa, carmina Ennii Calabri. Ennius, poëta Latinus antiquus, Rudiis, in oppido Calabriae, natus, Scipioni Africano majori carus fuit, ejusque res gestas scripsit. Pterides, est denominatio Musarum. Vide Myth.

21) Chartae, pro carminibus. Sensus: si quis vel maximas res gesserit, tamen nisi poëtae eas celebrent, nullam eorum mercedem, nullum praemium feret, merces autem haec est gloria, et nominis immortalitas.

Mavortisque puer <sup>22)</sup>, si taciturnitas <sup>23)</sup>  
 Obstaret meritis invida Romuli?  
 Ereptum Stygiis fluctibus Aeacum <sup>24)</sup>  
 Virtus, et favor, et lingua potentium  
 Vatum divitibus consecrat insulis.  
 Dignum laude virum Musa <sup>25)</sup> vetat mori:  
 Caelo Musa beat <sup>26)</sup>. Sic <sup>27)</sup> Jovis interest  
 Optatis epulis impiger Hercules:  
 Clarum Tyndaridae <sup>28)</sup> sidus ab infimis  
 Quassas eripiunt aequoribus rates:  
 Ornatus viridi tempora pampino,  
 Liber <sup>29)</sup> vota bonos ducit ad exitus.

O d e VIII.

A d L o l l i u m. *Gaullinum*

Argumentum.

Exposito ab initio statim suo de aeternitate carminum lyricorum suorum sensu, magnificesese poëtis Graecis lyri-

22) Puer: Romulus, Iliae et Martis filius; et Iliā erat filia Numitoris. Vide Hist. Romanam.

23) Si taciturnitas etc. Si de illo scriptores tacerent, quod silentium ejus gloriae inimicum et invidium foret.

24) Sententia: Aeacus immortalis factus est vatum opera. Et pro hoc morti et oblivioni ereptum Aeacus virtus, seu ingenii praestantia, favor, id est, studium poëtarum, in laudando eo occupatorum, et lingua seu carmina praestantium, potentium vatum, consecravat insulis divitibus, campis Elysiis, id est, immortalitati. Aeacus, Jovis filius, quem ob insignem, dum viveret, justitiae amorem judicis inferorum praepositum a patre dicunt poëtae.

25) Musa haud interire sinit, aeternum parat nomen viro laude digno, qui carmine celebrari meruit.

26) Beat caelo, ut: munere beat: divinos honores largitur, Deum facit.

27) Nexus sententiarum: Musa etiam sola effecit, ut Hercules impiger, fortis in laboribus obeundis inter Deos relatus sit, quemadmodum optaverat.

28) Tyndaridae, Dioscuri, clarum sidus; munus hoc a poëtis consequuntur sunt, ut rates quassas, tempestate jactatas, in infima aequora, fundum maris detrusas, inde eripiant, serventque. De Dioscuris, Castore et Polluce vide L. I. od. 3. not. 3.

29) Liber seu Bacchus vota bonos ducit ad exitus, id est, preces, ad se factas, exaudit; adeoque divinos honores adeptus est. Pampinus est folium vitis, quo Bacchus coronatur. Intellige porro, hos divinos honores etiam Musae seu poëtarum carminibus tantum in acceptis refert.

cis ingerit, atque tacite comparat, quos, etsi ad epicam Homeri gravitatem non adsurgant, haud minus tamen operibus suis immortalitatem esse consequutos, in confesso esse, ait. Tum, quo illud spectet, quod de carminibus praedicasset, subjicitur, nimirum, aeternam nominis gloriam solis carminibus provenire; solum adeo eum post mortem vivere, qui talem virtutum suarum praeconem nactus fuerit; quum aliis, qui isto destituti sint, memoria praeclare factorum suorum penitus abolita, haec bene factorum merces suorum intercipiatur. Quos quidem, si posteritatis ratio habeatur, ne hilum quidem ab iis, qui inertiae sese per totam vitam dederint, differre, quum in aprico sit, haud ego committam (pergit poeta) ut virtus tua, immortalitate dignissima, oblivioni tradatur. Delatus ita ad rem, quam sibi proposuerat, poeta, in laudes Lollii effunditur, hasque ita tractat, ut facile adpareat, Lollium tum temporis, quo haec de eo praedicaret Horatius, virum omnino magnae aestimationis fuisse.

Metrum carm. I. L. 8.

Ne <sup>1)</sup> forte credas interitura, quae  
 Longe sonantem natus ad Aufidum <sup>2)</sup>,  
 Non ante vulgatas per artes  
 Verba loquor <sup>3)</sup> socianda chordis <sup>4)</sup>.  
 Non <sup>5)</sup>, si priores Maeonius <sup>6)</sup> tenet  
 Sedes Homerus, Pindaricae <sup>8)</sup> latent <sup>7)</sup>,

1) Sententiam, carmina sua immortalia fore, oratione ad Lollium, quem aeternitati consecraturus esset, conversa, poeta explicat, ceterisque argumentis communit, quo justius laudationis suae statui ab eo posset pretium.

2) Natus ad Aufidum: ego Horatius. Aufidus est fluvius Apuliae, quae Horatii patria fuit. Longe sonans dicitur, quia magno cum impetu et strepitu volvitur ex Apennino in sinum Adriaticum.

3) Loquor: quae ego cano per artes, id est, arte non ante inter Romanos vulgata lyrica; princeps inter Romanos arte lyrica.

4) Socianda chordis, id est, ad lyram canenda. Hinc etiam versus lyrici vocantur.

5) Nexus sententiarum: etenim, etsi Homerus principatum inter poetas tenet, hoc non impedit, quo minus poetae Graeci lyrici in honores sint, immortalitatemque consequantur. Generoso spiritu poetam sese lyricae Graecorum cohorti immiscere, atque aequipare docta hac sententiae conversione, facile quisque sentit.

6) Maeonius: ita dicitur est Homerus vel a patre Maeone, vel a patria Maeonia seu Lycia, minoris Asiae regione.

7) Non ideo latent, obscuratae, ingloriae sunt.

8) De Pindaro vide supra Od. I. not. I.

Ceaeque <sup>9)</sup>, et Alcaei <sup>10)</sup> minaces,  
 Stesichorique <sup>11)</sup> graves <sup>12)</sup> Camenae;  
 Nec <sup>13)</sup>, si quid olim lusit Anacreon <sup>14)</sup>,  
 Delevit aetas: spirat <sup>15)</sup> adhuc amor,  
 Vivuntque commissi calores <sup>16)</sup>  
 Aeoliae fidibus puellae.  
 Non <sup>17)</sup> sola comtos arsit <sup>18)</sup> adulteri  
 Crines, et aurum <sup>19)</sup> vestibus illitum  
 Mirata, regalesque cultus,

9) Ceaeque Simonidis, e Cea insula. Persarum bella, et Graecorum calamitates lugubri carmine prosequutus est.

10) De Alcaeo saepe dictum; minaces ejus versus appellat, quia tyrannos non armis tantum, sed versibus etiam acerrimis exagitavit. Vide L. II. od. 10. not. 28. et L. I. od. 27. not. 6.

11) Stesichorus fuit oriundus Himera, urbe Siciliae, multa scripsit epico carmine. Laudat illum pluribus Quintilianus. L. I. 10.

12) Graves, id est magnificae, majestatis plenae Camenae seu Musae, id est, carmina.

13) Sensus: nec delevit, abolevit aetas; durat adhuc, viget adhuc; si quid, id est, quidquid lusit, levioris argumenti composuit Anacreon.

14) Anacreon, Tejus dictus, a Teja urbe ejus natali in media Jonia, usus est carmine admodum terso et eleganti.

15) Spirat: amor Aeoliae puellae, id est, Sapphus, quae nata erat Mithylenae, quae urbs inter Aeolias urbes numerabatur, ut ante passim dictum, adhuc spirat, et quasi vivus exstat in ejus versibus amatoris.

16) Calores: amatoriae querelae, quas illa commisit, et quasi credidit suis carminibus, suae lyrae. Vide L. II. od. 10. not. 26.

17) Asserta carminibus immortalitate, poeta ad propositum suum ita progreditur, ut ostendat, solis carminibus effici, ut rerum egregie gestarum fama haud in obscuro sit, et ad posteros pertingat; hocque sole clarius inde perspicitur, quod omnia, quantumvis egregia, iisque, quae a poetis celebrata aeternum nomen adeptae sunt, haud inferiora facinora obliterata, oblivionique tradita sint, quibus laudator suus defuerit. Ab hac posteriori sententia, omissis prioribus, quibus transitus fieret, incipit poeta, eamque speciatim aetate, ut ita dicam, Antehomerica splendide ita exornat, ut plane similia iis, quae divinae Iliados argumentum constituent, pariaque fortitudinis exempla innumera ante Homerum exstitisse pronunciet; de quibus tamen, quum praecone suo destituantur, vel plane nulla, vel admodum tenuis famae aura ad nos perlapsa sit.

18) Arsit: amavit, id est, non sola Helena arsit amore Paridis, mirata ejus comtos crines, et cultum, hoc est, vestes pretiosas, et ornatum corporis adulteri Paridis. Helena autem memoratur tamquam belli Trojani causa.

19) Aurum vestibus illitum, id est: vestes auro intextas, pictas acu.

Et comites <sup>20)</sup>, Helene Lacaena <sup>21)</sup>:  
 Primusve Teucer <sup>22)</sup> tela Cydonio. <sup>23)</sup>  
 Direxit arcu: non semel Ilios  
 Vexata <sup>24)</sup>: non pugnavit ingens  
 Idomeneus <sup>25)</sup>, Sthenelusve solus  
 Dicenda <sup>26)</sup> Musis proelia: non ferox  
 Hector <sup>27)</sup>, vel acer Deiphobus <sup>28)</sup> graves  
 Excepit ictus pro pudicis  
 Conjugibus, puerisque primus.  
 Vixere fortes ante Agamemnona <sup>29)</sup>  
 Multi; sed <sup>30)</sup> omnes illacrimabiles  
 Urgentur, ignotique longa  
 Nocte; carent quia vate sacro.  
 Paullum <sup>31)</sup> sepultae distat inertiae

20) Comites: comitatum, qui magnificentiam luxuriamque Asiaticam prae se ferret.

21) Lacaena, id est Spartana, fuit enim uxor Menelai, Regis Spartani.

22) Teucer. Hunc Homerus ait in torquendis arcu sagittis peritissimum fuisse. Non ille solus talis fuit, inquit Horatius. De Teucro vide L. I. od. 6. not. 24.

23) Cydonio: Cretensi. Cydon urbs Cretae fuit, ad quam optima sae gentis faciendis nascebantur arundines.

24) Vexata, obsessa, oppugnata. Trojam primo Hercules obsedit, deinde Amazones, demum Graeci.

25) Idomeneus Sthenelusve: duces Graecorum fortissimi, de quibus saepe Homerus meminit.

26) Dicenda Musis proelia, id est, digna quae a poetis celebrarentur, quae aeternitati consecrarentur.

27) A Graecis ad Trojanos transit. Ferox Hector, fortis, bellicosus filius Priami.

28) Deiphobus, frater Hectoris; gravia vulnera passi sunt, pro civibus, pro conjuge et liberis.

29) Agamemnon, dux praecipuus Graecorum ad Trojam, Rex Mycenarum. Sensus est: Jam ante bellum Trojanum multi fortes heroes vixerunt, his enumeratis similes aut aequales.

30) Sed omnes premuntur, urgentur longa, aeterna nocte; omnium fama in obscuro est; omnes oblivioni traditi sunt illacrimabiles, indeflecti, quia nemo ipsorum facta novit, neque infortuniis adeo, quibuscum subinde indignis modis conflictati erant, commovetur.

31) Transitum ad Lollium facit poeta consecraria sententia: Homines rebus egregie gestis sua aetate vel maxime conspicuos, neque tamen carminibus celebratos, ratione posteritatis habita, nihil prorsus differre ab inertibus. Virtus celata, quae occultatur posteris, in oblivionem venit. Inertia, ignavia sepulta, in obscuro latens, nullo facinore sese prodens.

Celata virtus. Non <sup>32)</sup> ego te meis  
 Chartis inornatum filebo; *inobsequium habere*  
 Totve tuos patiar labores  
 Impune, Lolli, carpere lividas  
 Obliviones. Est animus tibi  
 Rerumque <sup>33)</sup> prudens, et secundis  
 Temporibus, dubisque rectus <sup>34)</sup>;  
 Vindex <sup>35)</sup> avarae fraudis, et abstinens  
 Ducentis ad se cuncta pecuniae:  
 Consulque <sup>36)</sup> non unius anni;  
 Sed quoties bonus, atque fidus  
 Judex honestum praetulit utili, et  
 Rejecit alto dona nocentium

32) Impune, id est, me non prohibente. Sensus autem est: non patiar, ut invida oblivio carpat, obscuretque impune, nemine injuriam vindicante, tot egregios tuos labores, facta tua praeclara; chartis enim seu carminibus meis te celebrabo.

33) Sensus: et sane dignus es, qui carmine extollaris, cujus ad posteros pertingat memoria, ut qui animum habes rerum prudentem, id est, rebus agendis idoneum, multo rerum usu exercitatum. Spectat hoc ad Lollii imperatorias virtutes, quas partim fausto, partim minus prospero eventu explicuit.

34) Rectus: in utraque fortuna aequus, qui neque in secundis temporibus effertur, neque in dubiis, adversis deprimitur, adeoque rectus, erectus perstat.

35) Laudes justitiae atque temperantiae Lollii: est animus tibi ab omni cupiditate liber, qui vindicat, ulciscitur fraudem avaram, id est, scelera ex avaritia orta; idemque minime adpetit divitias, ducentes ad se cuncta, id est, quae miras illecebras habent.

36) Sequuntur notiones virtutis stoicis formulis expositae. Scilicet e Stoea praeceptis in sapientem cadit regnum, summus magistratus, summae divitiae etc. quatenus neque honorum neque opum cupiditate animus ejus ducitur, quatenus id solum, quod honestum est, sequitur, nulla utilitatis habita ratione. Jam quum consulatus Romae summus magistratus, isque annuus esset, poeta Lollium ob virtutem istam non unius anni, sed perpetuum declarat consulem. Illud, quoties, exoratori tantum debetur, et minime urgendum est. Sensus: perpetuum animus tuus consulatum gerit, quandoquidem honestum praefert utili, rectum a pravo discernit, illudque sectatur. Specialem notionem pro generali virtutis posuit poeta, atque eam quidem, quae illustre ejus documentum praebet, incorruptam animi integritatem, nullis muneribus expugnabilem. Adpellat illum judicem bonum, quatenus recte statuit, honestum praefereudo, et fidum, quatenus a recto tramite haud deflectit, in recto, neglecta utilitate, perseverat, et rejicit, aspernatur munera nocentium, reorum, qui integritatem judicis student muneribus corrumpere; alto vultu, oculo irretorto, qui animi magnitudinem prodit ea contemnendo.



Vultu, et per <sup>37)</sup> obstantes catervas  
 Explicuit sua victor arma.  
 Non <sup>38)</sup> possidentem multa vocaveris.  
 Recte beatum: rectius occupat  
 Nomen beati, qui Deorum  
 Muneribus sapienter uti,  
 Duramque callet <sup>39)</sup> pauperiem pati;  
 Pejusque <sup>40)</sup> leto flagitium timet,  
 Non <sup>41)</sup> ille pro caris amicis,  
 Aut patria timidus perire.

O d e IX.

## A d L i g u r i n u m .

Argumentum.

Ligurinum formosum juvenem, eundemque superbum  
 admonet, ejus pulchritudinem brevi esse perituram.

Metrum Asclepiadeum majus L. I. carm. 10.

-- 1 - 0 0 - 1 - 0 0 - 1 - 0 0 1 - 0 0

O formosus adhuc, et Veneris <sup>1)</sup> muneribus potens,  
 Insperata tuae quum veniet pluma <sup>2)</sup> superbiae,

37) Nova amplificatur imagine sententia, a milite desumpta, qui pugnan-  
 di ardore in medias hostium acies proventus, ab iisdem interceptus, arma  
 sua explicat, ferro se expedit, viam sibi aperit, per oppositas hostium ca-  
 tervas, reditum morantes. Per obstantes catervas intelliguntur, adulationes,  
 munera, largitiones, qui sunt iudicum hostes; per arma, aequitas, con-  
 stantia, fides, quibus pugnat iudex contra supra dictos hostes. Sensus ergo  
 est: muneribus nequit expugnari virtute adversus cupiditates munitus animus.

38) Sententia generalis est: est animus tibi, Lolli, sorte sua qualicun-  
 que contentus. Sed iterum deflectitur oratio ad exprimendam Stoicae vir-  
 tutis imaginem.

39) Callet pati: aequo animo sustinet pauperiem, modica sorte con-  
 tentus est. Duram, cujus ferendae magno animo opus est.

40) Pejusque, magis timet peccare, quam mori.

41) Nec timet pro patria mori. Graecismus.

1) Veneris muneribus potens, id est: qui eximia pulchritudine praeci-  
 ditus est.

2) Illis rebus dicuntur plumae venire, quae avolant et fugiunt. Sensus  
 ergo est: quando illa forma, quae te superbum facit, te deseruerit.

Et, quae nunc humeris involitant, deciderint <sup>3)</sup> comae,  
 Nunc <sup>4)</sup> et, qui color est puniceae flore prior rosae,  
 Mutatus Ligurinum in faciem verterit hispidam:  
 Dices, heu! quoties te in speculo videris alterum <sup>5)</sup>;  
 Quae <sup>6)</sup> mens est hodie, cur eadem non puero fuit?  
 Vel <sup>7)</sup> cur his animis incolumes non redeunt genae?

O d e X.

## A d P h y l l i d e m .

Argumentum.

Quum Idus Apriles, qui dies Maecenatis natalis esset,  
 magna cum religione adparatorique convivio celebrandas  
 statuisset, Phyllidem, quam hujus sacri vellet participem,  
 invitat. Probabile autem est fuisse Phyllidem puellam doc-  
 tam, poëticis studiis deditam, atque ideo caram Horatio.

Metrum L. I. carm. 2.

Est <sup>1)</sup> mihi nonum superantis annum  
 Plenus Albani <sup>2)</sup> cadus; est in horto,  
 Phylli, nectendis <sup>3)</sup> apium coronis;  
 Est hederæ vis <sup>4)</sup>

3) Deciderint comae, senio avulsae; senes enim vulgo sunt calvi.

4) Sensus: quando color vultus tui, qui nunc potior est et pulchrior  
 flore puniceae, hoc est, purpureae rosae, mutatus, te in aliam faciem,  
 nempe hispidam, pilosam e pulchra mutaverit.

5) Alterum: ita mutatum ab illo, qui fueras olim, ut alterum te pene  
 esse credas.

6) Dices: eheu! me miserum! cur eadem non fuit mihi puero mens,  
 quae est hodie mihi seni? Cur voluptates et cetera ludicra non fugiebam  
 tunc, ut modo fugio?

7) Vel quare non redit mihi forma pristina, et integer florensque vul-  
 tus, mihi, inquam, his animis praedito, nempe, probitatem amanti, con-  
 temnenti voluptates? Castos enim ornat forma, quae improbos dedecorat.

1) Describit ab initio statim sacri domestici convivii adparatum.

2) Albani; vini optimi, quod in montibus prope Albam nascebatur.

3) Sensus: parati sunt flores nectendis coronis, ad nectendas coronas  
 convivales. Ex his memorat poëta apium et hederam.

4) Vis multa, insignis copia hederæ, qua religata, implicata crinibus ful-

Multa, qua crines religata fulges.  
 Ridet <sup>5)</sup> argento domus: ara <sup>6)</sup> castis  
 Vincita verbenis <sup>7)</sup> avet immolato  
 Spargier agno.  
 Cuncta festinat manus <sup>8)</sup>; huc et illuc  
 Cursitant mixtae pueris puellae <sup>9)</sup>;  
 Sordidum <sup>10)</sup> flammae trepidant <sup>11)</sup> rotantes  
 Vertice fumum.  
 Ut tamen noris, quibus <sup>12)</sup> advoceris  
 Gaudiis: idus tibi sunt agendae,  
 Qui dies mensem <sup>13)</sup> Veneris marinae  
 Findit <sup>14)</sup> Aprilem:  
 Jure <sup>15)</sup> solemnibus mihi, sanctorumque  
 Pene natali proprio; quod ex hac

ges, resplendes, pro: qua coronari soles. Convivae enim Romani se apio et hedera coronabant praecipue.

5) Ridet, resplendet domus argento, id est: argenteis vasis, ad hujus diei solennitatem purgatis, praeparatis.

6) Sensus: ara sacrificio parata est. Et pro hoc: ara castis verbenis, id est, herbis sacris redimita, imbui et respergi sanguine agni immolati avet, cupit, gestit.

7) Verberna est herba, quam circum aras spargebant sacrificaturi; qua coronabant etiam aras ipsas.

8) Manus: famulorum turba. Solennis discursantium famulorum in struendo convivio mentio.

9) Puellae: ancillae.

10) Sordidum, nigrum, vel sordes tecti fastigio inserentem fumum.

11) Flammae trepidant rotantes, id est, trepide, celeri motu in altum agunt fumum, adeo, ut rotetur, turbinibus convolutus altum petat. Sensus est: flamma densum fumum agit; major hodie ignis accensus est.

12) Quibus advoceris gaudiis: ad quae gaudia, ad quem festum diem hilariter agendum voceris, scito: Idus Apriles esse, quas te apud me celebrare oportet.

13) Mensem Veneris: mensem Veneri sacrum. Est autem Aprilis Veneri sacer; quia verna tempestas terrae sinum aperit; ac frugibus rebusque ceteris gignendis favet. Vocat Marinam Venerem, quia a poetis dicitur nata e spuma maris.

14) Findit, dividit in duas partes. Idus enim cujusque mensis incidunt in diem 13 et 15<sup>um</sup>. et dictae sunt ita, quia iduare, antiqua vox Etrusca, idem significat, ac dividere. Sensus simplex ergo est: idus Apriles sunt; medius est mensis Aprilis.

15) Est ille dies mihi merito solennibus, et prope sanctorum meo die natali;

Luce Maecenas meus adfluentes  
 Ordinatus annos.

O d e XI.  
 A d V i r g i l i u m .

Argumentum.

Licet multi sint, qui hoc carmen ad alium quemdam, nomine Virgilium, directum esse opinentur, quam ad Virgilium Maronem poetam, plures tamen adhuc interpretes hunc esse statuunt, quem Horatius ad coenam invitat, ita, ut, quum vinum se praebiturum spondeat, ab eo unguentum conferri postulet; sique conditio placeat, statim ad se, missis omnibus, quae convivium moratura sint, cum isto advolet, adjectis, quae ad illud compellant, argumentis, a siciori anni tempestate, vitaeque brevitate desumptis.

Metrum L. I. carm. 5.

Jam Veris <sup>1)</sup> comites, quae mare temperant,  
 Impellunt animae lintea Thraciae:

Jam nec prata <sup>2)</sup> rigent, nec fluvii strepunt

Hiberna nive turgidi.

Nidum ponit, Ityn flebiliter gemens,  
 Infelix <sup>3)</sup> avis, et Cecropiae <sup>4)</sup> domus

quia ex illo die Maecenas ordinatus, numerat ordine suos annos adfluentes, id est, succedentes, alios aliis accedentes: quia nimirum est dies ejus natalis, a quo anni inchoantur.

1) Incipit a descriptione Veris. Animae Thraciae sunt venti molliores, qui ab Oriente in Septentrionem vergente, ubi est Thracia respectu Italiae plerumque veris tempore flant; dicuntur propterea etiam Veris comites. Sensus est: lenes venti, qui mare temperant, mitius, et aptum navigatione reddunt, jam intendunt vela, sicque navem impellunt, promovent.

2) Prata non amplius rigent, horrent gelu adstricta; nec amplius turgidi, exundantes, hiberna nive liquefacta, strepitum edunt. Id est: prata jam virent, et fluvii leni lapsu defluunt.

3) Infelix avis, est hirundo. Procne filia Pandionis, Atheniensium regis, nupsit Tereo, regi Thraciae. Ille cum Philomelae, sorori Procnes, vim attulisset, Procne, hoc aegre ferens, suum e Tereo filium Ityn epulandum ipsi Tereo adposuit; quo cognito, Tereus cum stricto ferro in uxorem involaret, illa conversa est in hirundinem. Sic etiam reliqui, dolore maximo contabescentes, Deorum commiseratione mutati sunt: Tereus in upupam, Philomela in lusciniam, et Itys in phasianum. Dicitur eapropter de hirundine: flebiliter Ityos haecum lugens.

4) Cecropiae domus: regiae familiae apud Athenienses, quorum Cecrops

Aeternum opprobrium, quod male barbaras

Regum est ultra libidines.

Dicunt<sup>5)</sup> in tenero gramine pinguium

Custodes ovium carmina fistulā;

Delectantque Deum<sup>6)</sup>, cui pecus, et nigri

Colles Arcadiae<sup>7)</sup> placent.

Adduxere<sup>8)</sup> sitim tempora, Virgili;

Sed<sup>9)</sup> pressum Calibus<sup>10)</sup> ducere<sup>11)</sup>. Liberum

Si gestis, juvenum<sup>12)</sup> nobilium cliens,

Nardo vina merebere.

Nardi<sup>13)</sup> parvus onyx<sup>14)</sup> eliciet<sup>15)</sup> cadum,

Qui nunc Sulpiciis<sup>16)</sup> accubat horreis;

Spes donare novas largus, amaraque

primus rex fuit. Sensus: quae avis aeternam infamiae notam inussit, infamem reddidit domum Cecropiam, gentem Atticam; quod male, immani scelere, id est, filium suum enecando, ultra est libidinem barbaram regum, nempe Terei.

5) Dicunt carmina, canunt fistula.

6) Deum, id est, Pana vel Faunum.

7) Arcadia regio est Graeciae, in Peloponneso; ex qua in Italiam venire Pan februario mense dicebatur.

8) A calore verno, qui sub Italiae caelo gravior est, suaviter potandi causas, derivat: anni tempus exortavit sitim, bibendi nos admonet.

9) Sed si gestis, cupis, ducere, id est, bibere vinum Calenum, hujus tibi copia fiet, nardo vicissim data, allato nardi unguento; paria faciamus, ego vinum dabo, tu unguenta adfero.

10) Cales urbs Campaniae, cujus ager vitibus felix, hinc vinum Calenum.

11) Ducere: e patera haurire.

12) Juvenes nobiles: satis probabiliter intelligunt Tiberium et Drusum Nerones, Liviae filios et Marcelli, ex Augusti sorore genitos, quorum clientem lepide Virgilium poeta fert, quod iis familiariter uteretur. Ab his unguenta ejusmodi, quae Horatius amicam adferre jubet, muneris loco, data esse facile Virgilio poterant. Praeterea, ut saepe jam dictum est, veteres uncti et delibuti accumbere solebant.

13) Facete in collatiis hac computatione haeret poeta, jocosque Virgilio liberalitatem suam imputat, qui exiguo unguenti vasculo totum vini exquisitissimi cadum adponat.

14) Onyx: pyxides unguentariae multae fuere ex onyche lapide, ex quo inductus mos, ut etiam, quae ex alia materia fierent, onyches vocabantur.

15) Eliciet: adducet, persuadebit mihi, ut adduci jubeam cadum integrum,

16) Sulpicii horreis; apothecis, quales Sulpicius Galba optimas Romae habuit, et in quibus cum vino etiam oleum fruges et similia accubabant, adservabantur.

Curarum eluere efficax<sup>17)</sup>.

Ad quae<sup>18)</sup> si properas gaudia, cum tua

Velox merce veni: non<sup>19)</sup> ego te meis

Immunem meditor tingere poculis,

Plena dives ut in domo.

Verum<sup>20)</sup> pone moras et studium lucri;

Nigrorumque<sup>21)</sup> memor, dum licet, ignium,

Misce stultitiam<sup>22)</sup> consiliis<sup>23)</sup> brevem:

Dulce est desipere in loco.

O d e XII.

A d. A u g u s t u m.

Argumentum.

Quamquam in eodem fere, quod 3<sup>to</sup> hujus libri carmini subjectum est, hocce occupetur argumento, quandoquidem in utroque laudes Drusi ac Tiberii bellicae ad Augustum referantur; diversa tamen, qua ad eundem scopum contendat, via, poetam incedere animadvertas. In altero

17) Qui potest dare largiter, prolixè spes novas, et curas eluere. Graecismus.

18) Si ad hanc convivii laetitiam properas, ejus particeps esse vis, si haec conditio tibi placet; advola cum tua merce, unguento nardino, e Syria misso.

19) Non meditor, non est mihi animus, ut dives in domo plena, quod quidem divites facere solent, te meis poculis tingere, vino te meo, inebriare, vinum praebere tibi immuni, ita, ut nihil de tuo conferas.

20) Virgilius non contemnendas opes suis versibus collegerat; quae res illum ad scribendum augebat. Sensus ergo est: ne detinearis lucri studio, id est, versibus conficiendis, quo computatio differatur necesse est. Facete igitur inducit lucri studium Virgillii Horatius, quem minus parcum ac laboriosum fuisse constat. Ceterum adparet, ex hoc loco minime concludi posse, Virgilium, ad quem hoc carmen scribit Horatius, non esse Maronem poetam, sed alium quemdam mercatorem hoc nomine insignitum, ut quidam volunt.

21) Nigrorum ignium: rogi, adeoque mortis. Nigros vocat ignes, id est, funestos, tristes.

22) Stultitiam adpellat hilaritatem solutionem, et liberiores jocos. Sensus: mitte aliquantisper seria, atque lusibus, conviviique hilaritati vaca.

23) Consiliis, prudentiae, serioribus studiis.

24) Dulce et amoenum est, hilaritati se dare, genio indulgere suo loco ac tempore.

enim, quum praeter generis nobilitatem, institutioni potissimum ac praeceptis Augusti magnitudinem ac gloriam Neronum innixam ostendisset; summam laudum hoc carmine in Augustum, ducto ab auspiciis, hoc est, jussu, copiis, consiliis ejus, quibus tantas isti res confecissent, argumento, convertit. Jam, quo rerum ab Augusto gestarum magnitudinem, amplissimamque in rempublicam merita quam splendidissime repraesentaret poeta, a Senatus populi que universi studio, in excogitandis novis, quibus Augustum ornarent, honoribus occupato, exorsus, vix ullos reperiri posse contendit, qui pares ejus sint virtutibus. Ita naturalis ad Augusti laudes progressus erat, quas quidem ita deinceps explicat, ut exposita, quam de Vindelicis per Tiberium reportasset, victoria, gentiumque ab eo devictarum recensione facta, Augustum inde totius orbis terrarum pacatorem atque Deum magnifice repraesentet. Ad a. u. 741, quo novis, quaesitoribusque Augustum rediturum Senatus ornandum decrevisset honoribus, referendum esse hoc carmen, ipsum ejus abunde adserit initium.

Metrum L. I. carm. 8.

Quae <sup>1)</sup> cura Patrum, quaeve Quiritium,  
Plenis honorum muneribus tuas,  
Auguste, virtutes in aevum  
Per titulos <sup>2)</sup>, memoresque fastos <sup>3)</sup>  
Aeternet? o, qua <sup>4)</sup> Sed habitabiles

1) Poëtam rerum ab Augusto gestarum magnitudine attonitum, intimeque percitum, satis vivide exordium statim ostendit. Sententia vulgaris: Augusti in rempublicam merita ampliora sunt, quam ut iis dignus parque honos haberi queat. Et pro hoc: Quae cura, id est, quantumvis Patres ac Quirites, id est, senatus populusque Romanus in exquirendis honorum muneribus, honoribus in Augustum conferendis laborent, omnemque ingenii solertiam adhibeant, plenos tamen, hoc est, eos, qui exacte respondeant Augusti virtutibus, vereor, ut reperturi sint. Jam pro, honores in Augustum conferre, dicit poeta: virtutes in aevum aeternare, hoc est, ita celebrare, ut ipsarum memoria in aevum perduret; aeternitati consecrare, congerendis in eum honoribus, iisque titulis, seu, per titulos ac memores fastus proditis.

2) Tituli hoc loco complectuntur monumenta publica, statuas, arcs, nummos etc. quibus incisae epigraphae memoriam ejus, cui honor iste haberetur, ad posteritatem propagabant.

3) Fasti sunt commentarii seu codices, qui memoriam rerum, singulis annis gestarum, continent.

4) Sensus: per universum terrarum orbem, qua est habitabilis, princeps omnium maxime! quem didicere, graviter experti sunt, quae tua sit in

Illustrat oras, maxime principum,  
Quem legis expertes Latinae  
Vindelici <sup>5)</sup> didicere nuper,  
Quid Marte posses. Milite <sup>6)</sup> nam tuo  
Drusus Genaunos <sup>7)</sup>, implacidum <sup>8)</sup> genus;  
Breunosque veloces <sup>9)</sup>, et arces  
Alpibus impositas tremendis <sup>10)</sup>,  
Dejecit <sup>11)</sup> acer plus vice simplici:  
Major <sup>12)</sup> Neronum mox grave <sup>13)</sup> proelium  
Commisit, immanesque Rhaetos,  
Auspiciis pepulit secundis:  
Spectandus <sup>14)</sup>, in certamine Martio,  
Devota <sup>15)</sup> morti pectora liberae

bello virtus, Vindelici, quos modo subegisti, adhuc expertes Latinae legis, id est, non antea perdomitos a Romanis; quibus primus pacis leges tamquam victor edixisti.

5) De Vindelicis vide argumentum odae III.

6) Milite tuo, id est, auspiciis tuis adversus hostes ducto, Drusus egregie bellum adversus istas gentes administravit. Quum auspicio rum habendorum jus penes eum solum esset, qui cum summo imperio praeeset exercitui, hujusque adeo nomine a legato, cui mandatum bellum esset, omnia gererentur; facile perspicitur, in Augustum, qui, summo in perpetuum imperio ornatus, solus auspicio rum potestatem haberet, rerum a Neronibus egregie gestarum laudem recidere.

7) Rhaetis et Vindelicis substituit poeta Genaunos et Breunos, gentes Cisalpinas, istis finitimas, bellicae socias, quo major ex devictarum gentium multitudine victoriae esset dignitas.

8) Implacidum, id est: quantumvis trucem ac ferocem gentem.

9) Veloces, qui pugnam statariam detrectantes, subitis undique in hostes incursionibus factis, in tuta montium sese continuo recipere, qui adeo difficulter debellari possent.

10) Tremendis, id est, summis Alpium jugis.

11) Dejecit, deturbavit, vicitque acer, seu, fortiter eos adgressus plus vice simplici, id est, non semel tantum, sed pluries, multis in proeliis.

12) Major enim Neronum, Tiberius, qui fratre Druso senior erat, tum demum adversus Rhaetiae populos ab Augusto missus, quum a Druso ab Italia rejecti, Galliae imminerent.

13) Grave proelium commisit, id est, gravi clade affixit et in fugam vertit Rhaetos, immani corpore ac virium robore praeditos, secundis Augusti auspiciis, quae felicissimum exitum sponderent.

14) Spectandus, id est, egregium sui spectaculum praebens, cujus fortitudo mirationem faceret in certamine Martio, seu pugna, quantis ruinis et cladibus fatigaret, ad desperationem ligeret, infringeret pectora, id est, feroces hostium animos.

15) Devota morti liberae, qui in libertate mori mallent, quam servitutum pati, qui adeo pro libertate ad internecionem dimicarent.

Quantis fatigaret ruinis:  
 Indomitas <sup>16)</sup> prope qualis undas  
 Exercet Auster <sup>17)</sup>, Plejadum <sup>18)</sup> choro  
 Scindente nubes; impiger <sup>19)</sup> hostium  
 Vexare turmas, et frementem  
 Mittere equum medios per ignes.  
 Sic <sup>20)</sup> tauriformis <sup>21)</sup> volvitur Aufidus,  
 Qui regna <sup>22)</sup> Dauni praefluit <sup>23)</sup> Appuli,  
 Quum saevit, horrendamque cultis  
 Diluviem meditatur <sup>24)</sup> agris:  
 Ut <sup>25)</sup> barbarorum Claudius agmina  
 Ferrata vasto diruit impetu,  
 Primosque, et extremos metendo <sup>26)</sup>,  
 Stravit humum, sine <sup>27)</sup> clade victor:  
 Te <sup>28)</sup> copias, te consilium et tuos

16) Praeclare illustratur Tiberii in hostibus continuo persequendis caedendisque ostensa virtutis ferocia Austri, sub ortum Pleiadum maximas in mari turbas excitantis, imagine.

17) Auster est ventus meridionalis et saevus.

18) Plejades sunt 7 stellae in fronte Tauri, ita dispositae in orbem, ut choream agere videantur. Dicuntur etiam Atlantides, quia filiae Atlantis esse credebantur. Procellas autem et imbres terris important, cum oriuntur sub initium aestatis, et occidunt sub finem Octobris. Hinc nubes ab illis dicuntur scindi et rumpi, cum nempe in pluvias solvuntur.

19) Impiger vexare; Graeca constructio, id est: fortis, strenuus in adfligendis, conturbandis hostium turmis, et in immittendo, concitando equo feroci per medios ignes, id est: qua pugna ferventissima est, qua acerrime depugnatur.

20) Facit comparationem poeta, Tiberii virtutem sua luce collustrare gestiens. Est autem imago, qua Tiberius hostium cuneos perrumpens, lateque stragem edens, torrenti, omnia vastanti, assimilatur.

21) Tauriformis: comparantur tauris flumina, ob impetum, et quasi mugitum fluctuum, itaque cum taurinis cornibus pinguntur.

22) Regna Dauni, id est, Apuliae partem unam, in qua regnavit Daunus; altera pars Peucetia dicitur.

23) Praefluit, id est, praeterfluit.

24) Meditatur, id est, parat.

25) Eodem vasto, immani, praecipiti impetu hostes adortus, diruit, disjecit barbarorum seu hostium agmina ferrata, ferro armata, Tiberius Claudius Nero.

26) Metendo, id est, demessuit, prostravit hostes a primis, seu proximis, ad extremos usque caedem continuans.

27) Sine clade suorum militum, impune.

28) Iterum praeclara inflexione poeta Tiberii laudes cum Augusto communicat: te Divos tuos, quos constanter propitios expertus es, hoc est, auspicia, quae felicissimum eventum sponderent, praebente.

Praebente Divos. Nam <sup>29)</sup>, tibi quo die  
 Portus Alexandriae supplex,  
 Et vacuum <sup>30)</sup> patefecit aulam,  
 Fortuna lustris <sup>31)</sup> prospera tertio  
 Belli secundos reddidit exitus,  
 Laudemque, et optatum peractis  
 Imperiis decus adrogavit <sup>32)</sup>.  
 Te <sup>33)</sup> Cantaber non ante domabilis,  
 Medusque, et Indus; te profugus Scythes  
 Miratur <sup>34)</sup>, o tutela <sup>35)</sup> praesens  
 Italiae, dominaeque Romae:  
 Te, fontium qui celat origines,  
 Nilusque <sup>36)</sup>, et Ister <sup>37)</sup>; te rapidus Tigris <sup>38)</sup>;

29) Declarat jam Augusti Divos, hoc est constantem Numinum erga eum favorem, captamque ab eo Alexandriam in hanc rem allegat poeta, quod eodem ipso die, quo cum Rhaetis et Vindelicis debellatum esset, Augustus 15 annis ante Alexandriam cepisset, 4<sup>to</sup> Calend. Sept. a. u. 724.

30) Aulam vacuum: regiam desertam, Antonio et Cleopatra in Mausoleo, in quod confugerant, exspirantibus.

31) Lustrum est spatium 5 annorum, adeoque tria lustra efficiunt 15 annos.

32) Adrogavit, id est, adtribuit, adjecit, addidit, peractis imperiis, seu, rebus, quas olim imperator bello gessisti, pristinae tuae gloriae bellicae, laudem, novam gloriam ex victoria Vindelica, et decus optatum, eximium exquisitum. Imperiis tuis, est igitur datus.

33) Ad reliquas terrarum gentes ab Augusto perdomitas poeta, tumens ejus laudibus, progreditur, quo fortunam ejus prosperam illustriorem reddat. De Cantabris Hispaniae populis, ab Augusto perdomitis vide L. II. od. 4. not. 3. et L. III. od. 7. not. 17. De Medis seu Parthis, vide argum. od. 5. L. III. Quod Indiam attinet, haec nunquam devicta est ab Augusto, de Seribus, qui passim pro Indis usurpantur, tantum constat, eos misisse legationem, Augusti amicitiam petere jussam, et a Romanis pro obsequii confessione acceptam. De Scythis vide L. III. od. 7. not. 18. Profugi dicuntur ob erraticum eorum vivendi morem. Generatim de his constat, partim Augusti armis domitos fuisse, partim legatos eos de pace misisse. Ad Scythes referuntur omnes septentrionales populi: Daci, Sarmatae, Geloni etc.

34) Miratur; majestatem nominis tui reveretur, pro, se tibi submittit.

35) Tutela praesens: numen tutelare, quod praesens venerari datur, quem Jovis absens sit.

36) Nilus designat Aegyptum, cujus fontes ignorabant, quos nostris demum temporibus indefessis studiis apertos esse, constat.

37) Ister alio nomine Danubius, maximus est Germaniae fluvius. Intelleguntur hic Istri accolae, Daci et aliae ab Augusto devictae gentes.

38) Tigris, Armeniae fluvius, rapidus ab celeritate dictus. Hoc ad Tigraem regem, Armeniis a Romanis constitutum, referendum est a. u. 734.

Te belluosus<sup>39)</sup> qui remotis  
 Obstrepit<sup>40)</sup> Oceanus Britannis<sup>41)</sup>;  
 Te<sup>42)</sup> non paventis funera Galliae,  
 Duraeque tellus audit Iberiae:  
 Te caede gaudentes Sygambri<sup>43)</sup>  
 Compositis venerantur armis.

O d e XIII.

## Caesaris Augusti laudes.

Argumentum.

Augustum, belli pariter atque pacis artibus inclytum, hoc carmine celebraturus Horatius, belli quidem laudibus ita absolutis, ut iis digne canendis sese plane imparem profiteatur, in Augusto pacificatore ornando haeret, ejusque merita in rempublicam ample magnificeque extollit. Quorum quidem, quo illustrior esset species, Augustum poeta repraesentat tamquam Numen Romanorum tutelare, quod civitatem, internis externisque malis graviter afflictam recreaverit, et ad summam magnitudinem ac felicitatem evexerit. Frui enim jam per eum populam Romanum summa securitate, atque omnium rerum abundantia, conversis civium ad colendas pacis artes, maxime agrorum cultum, quem quidem metus hostilis ac rei bellicae cura intercepisset, studiis; debellatum ab eo Parthum, pacatumque omnino totum terrarum orbem; revocatam porro, saluberrimis latis legibus, pristinam morum integritatem ac sanctitatem. Unde quam carus acceptusque populo suo Augustus sit, praeclara prorsus, quaque intimum amoris ac pietatis affectum prodit, imagine ostenditur. Ceterum post

39) Belluosus: belluis, id est, balenis et aliis id genus monstris scatens.

40) Obstrepit, adluit cum strepitu.

41) Hoc spectat ad legationem, a Britanniae regulis ad Augustum de pace missam a. u. 727.

42) Te Galli, non paventis funera seu mortem, id est, fortes, feroces; et Iberi duri seu feri audiunt, id est: tibi obtemperant. Hispania dicta est Iberia ab Ibero flumine.

43) Sygambri, compositis, abjectis armis, te venerantur, tibi obediunt. De his Germaniae populis vide argum. od. i. hujus L.

744. scriptam esse hanc odam, Janus tertium clausus manifeste prodit.

Metrum L. I. carm. 8.

Phoebus<sup>1)</sup> volentem proelia me loqui,  
 Victas et urbes, increpuit lyra;  
 Ne<sup>2)</sup> parva Tyrrenum per aequor  
 Vela darem. Tua<sup>3)</sup>, Caesar, aetas  
 Fruges et agris retulit uberes;  
 Et signa<sup>4)</sup> nostro restituit Jovi<sup>5)</sup>,  
 Derepta<sup>6)</sup> Parthorum superbis  
 Postibus, et vacuum duellis  
 Janum<sup>7)</sup> Quirinum clusit; et ordinem  
 Rectum evaganti, frena<sup>8)</sup> licentiae  
 Injecit, emovitque<sup>9)</sup> culpas,  
 Et veteres<sup>10)</sup> revocavit artes;

1) Me loqui, canere adgressum proelia et urbes victas, id est, Augusti victorias, subito adstans Phoebus increpuit lyra; lyra tacta admonuit, ne etc.

2) Ne res meis viribus impares adgrederer, ne instar nautae, qui exigua scapha procelloso mari, quale est Tyrrenum seu Thuscum, se committeret, proelia, triumphosque, Caesar, tuos canerem; sed potius ea, quae pace confecisti, felicitatem, quam tua aetas omnibus attulit etc.

3) Sensus: tua aetate relata, reddita est agris frugum ubertas, revocato a te ipsorum cultu.

4) Signa a Parthis recepta a. u. 734. Hic autem pacata per Augustum externa innuere putandus est poeta, devicti subjugatique Parthi, acerrimi Romanorum hostis, facta mentione.

5) Restituit Jovi, templo Jovis Capitolini intulit, cujus in templo vexilla haec reposuit Caesar; tamquam imperii Romani conservatori consecravit Augustus triumphator.

6) Derepta, detracta templorum postibus, quibus Parthi adfixerant.

7) Jani templum clausit, vacuum bellis, quasi in eo templo habitarent, quibus pulsus pax succederet. Erant autem multa Jani templa Romae, unum inprimis, quod Janum Quirini, seu Romuli vocabant, a Romulo aedificatum, quod flagrante bello apertum erat, confecto clausum. Illud ter Augustus pace undique restituta clausit, 1<sup>o</sup> post pugnam Actiacam 727. 2<sup>o</sup> post reddita signa a Parthis 734. et demum 744; devictis a Tiberio Pannoniis Dalmatis et Dacis; a Druso vero Sygambriis, Usipetis, et aliis Germaniae populis.

8) Frena injecit, compescuit, edomuit licentiam, rectum ordinem, seu rectam agendi normam evagantem, excedentem.

9) Emovit, funditus extirpavit culpas, id est, adulteria, severissime in ea animadvertendo, et mores publicos emendando.

10) Veteres artes, id est, majorum instituta, continentiam, parsimoniam, verbo, antiquam Romanorum disciplinam reduxit.

Per quas Latinum <sup>11)</sup> nomen, et Italae <sup>12)</sup>

Crèvere vires, famaue et imperi

Porrecta <sup>13)</sup> majestas ad ortum

Solis ab Hesperio cubili.

Custode <sup>14)</sup> rerum Caesare, non furor

Civilis aut vis eximet otium;

Non <sup>15)</sup> ira, quae procudit enses,

Et miseris inimicat urbes.

Non <sup>16)</sup>, qui profundum Danubium <sup>17)</sup> bibunt,

Edicta rumpent Julia <sup>18)</sup>, non Getae,

Non Seres <sup>19)</sup>, infidive Persae <sup>20)</sup>,

Non Tanain <sup>21)</sup> prope flumen orti.

Nosque <sup>22)</sup> et profestis <sup>23)</sup> lucibus, et sacris,

11) Latinum nomen, non est simpliciter hoc loco res Romana, populus Romanus; sed reipublicae splendor, dignitas.

12) Italae vires, Romana civitas incrementa cepit, robur nacta est.

13) Porrecta, producta, amplificata ab Occidente usque ad Orientem.

14) Custode, id est, dum Augustus terrarum orbi prospicit, ei imperat, furor et vis civilis, id est, ardor civium, seditio, bellum intestinum non exturbabit e tranquilla sede sua otium, pacem; non evertet tranquillum reipublicae statum.

15) Neque etiam ira eximet otium, id est, inimicitiae civium, odia, quae procidunt enses, quae ad vim procedunt, unde bella et caedes enascuntur; et quae inimicant, exasperant urbes, ut inimicis armis inter se confligant, ad arma capessenda excitant.

16) Sententia vulgaris: neque ab externo hoste quidquam timendum erit, imperante Augusto.

17) Qui profundum Danubium bibunt, sunt Istri accolae: Rhaeti, Panonones, maxime Daci, quos speciatim memorat poeta, Getarum, finitimi ipsius populi, appellatone eos complexus. Nam Getas ultra Dacos versus Pontum Euxinum sedes habuisse, tradit Strabo. Et Dacos Romanis Getas dictos, ait Plinius. 12.

18) Edicta Julia, id est, leges devictis populis ab Augusto impositas. Dictus est Augustus etiam Julius, quia in nomen et familiam C. Julii Caesaris adoptione transierat.

19) Seres, populus orientalis prope Indiam.

20) Persae, id est, quantumvis antea perfidi, non amplius imperium Romanum detrectabunt.

21) Tanain prope flumen orti sunt Scythae; dividit hic fluvius Europam et Asiam.

22) Nexus sententiarum: exterarum gentes nominis tui majestatem reverentur; nos, maximo felicitatis cumulo a te beati ornatique, tenerrimo te amore prosequimur, et tamquam numen beneficum veneramus.

23) Profestis lucibus, diebus non sacris, qui festos praecedunt, et sacris, hoc est: quovis die pietatem tibi nostram adprobamus.

Inter <sup>24)</sup> jocos munera Liberi <sup>25)</sup>,

Cum <sup>26)</sup> prole, matronisque nostris,

Rite Deos prius adprecati,

Virtute <sup>27)</sup> functos, more patrum, duces,

Lydis remixto carmine <sup>28)</sup> tibiis,

Trojamque <sup>29)</sup>, et Anchisen, et almae

Progeniem Veneris canemus.

24) Inter convivia hilariter agitata, mensis secundis; nam tum demum bibi libarique Diis caeptum est.

25) Liberi jocos, id est, vini, jocos excitantis.

26) Cum liberis conjugibusque nostris, rite, seu, ritu solenni Deos prius adprecati, libatione cum precibus ceteris Diis facta, canemus laudes gentis Juliae. Et hoc poeta ad morem majorum, Graecis maxime frequentatum, quo fortia patrum facta ad tibiam super epulis canerentur, transfert.

27) Virtute functos, quasi munere functos: qui magnas res patrare sustinuerunt; qui gravissimos labores atque aerumnas virtutis causa tolerarunt; maxima facinora edidere.

28) Carmine, hymno remixto, adtemperato ad tibias Lydias, quibus canitur ad modum Lydium, qui vigoris plenus erat, et conviviis adeo aptissimus.

29) Troja, tanquam Romanorum metropolis, ad partes vocatur a poeta propter oriundos inde Anchisen, patrem Aeneae, et Veneris progeniem, gentem Juliam, ab Julo Anchisae et Veneris nepote descendere creditam, in quam Augustus adoptatus fuerat.

## Q. Horatii Flacci

E p o d o n \*)

L i b e r .

O d e I .

## Ad Maecenatem.

Occasio et argumentum.

Massonus in vita Horatii p. 143 asserit, Maecenatem, a. u. 723. quum imminente pugna Actiaca Senatores, equestrisque ordinis viri Brundisium evocarentur, eodem proficisci in animo habuisse; ast, dum Augustus abesset, eundem Urbi praefectum constitutum fuisse. Carmen itaque hocce ante, quam illud profectionis consilium ab Augusto, demandata ei Urbis praefectura, discussum fuisset, scriptum esse probabilius statui potest. Horatius igitur, quum discessuro Maecenati comitem se professus domi manere jussus esset, tenerrimum amicitiae suae adfectum hoc carmine ita testatum facit, ut, quum aegritudinem ex absentia ejus se nimis molliter laturum intelligat, obniti ei, propositumque suum in subeundis fortiterque perferendis militiae laboribus adprobare conetur. Quam ne a lucri cupiditate, qua fere mortales ducantur, profectam existimet pertinaciam, abunde jam sibi, intra naturae fines viventi, ab eodem prospectum gratus adfirmat.

\*) Sunt Epodi versiculi breviores, ab Archilocho inventi, et longioribus alternatim subijuncti, sic ut unus ab altero pendeat, nec possint seorsim intelligi, cum sit posterior prioris complementum; unde et factum, ut cum nunquam unus sine altero pronunciaretur aut etiam caneretur, prior et longior praecinens seu προδικος, posterior autem et brevior succinens seu επωδικος sit adpellatus. Cum ergo in hoc libro modum istum scribendi sequutus sit Horatius, eidem nomen factum est, ut liber Epodorum sive επωδων diceretur; licet etiam superiorum librorum odae plures versus habeant minores majoribus permixtos. Ceterum continet hic liber potissimum carmina, in juventute sua a Horatio confecta, quibus tamen nonnulla seniorum temporum immixta sunt.

Metrum jambicum.

$$\begin{array}{cccccccccccc} \bar{u} & - & | & \bar{u} & - & | & \bar{u} & - & | & \bar{u} & - & | & \bar{u} & - & | & \bar{u} \\ \bar{u} & - & | & \bar{u} & - & | & \bar{u} & - & | & \bar{u} & - & | & \bar{u} & - & | & \bar{u} \end{array}$$

Ibis <sup>1)</sup> Liburnis <sup>2)</sup> inter alta navium, *augusta* <sup>3)</sup> Amice, propugnacula <sup>3)</sup>,  
Paratus omne Caesaris periculum  
Subire, Maecenas, tuo <sup>4)</sup>.  
Quid nos <sup>5)</sup>? quibus te vita si superstite  
Jucunda; si contra, gravis?  
Utrumne <sup>6)</sup> jussi persequemur otium,  
Non dulce, ni tecum simul?  
An <sup>7)</sup> hunc laborem mente laturi, decet  
Qua ferre non molles viros?  
Feremus <sup>8)</sup>: et te vel per Alpium <sup>9)</sup> juga,  
Inhospitalem et Caucasum <sup>10)</sup>  
Vel occidentis usque ad ultimum sinum <sup>11)</sup>,  
Forti sequemur pectore.

1) Pedestris connectendae orationis forma est: quum tibi constitutum sit, ad bellum navale proficisci, quid nos etc. Ergone, Maecenas, iturus es ad bellum, et exiguis navibus cum vastis illis Antonii navigiis pugnaturus?

2) Liburnis, subaudi navibus. Naves Liburnae erant naves celeriores, et ad cursum expeditae, a Liburnis Illyrici populis aut inventae, aut plurimum usurpatae.

3) Navium propugnacula: tales vocat Antonii naves, quae, ut Florus ait, turribus et tabulatis allevatae, castellorum et urbium specie, non sine gemitu maris, et labore ventorum, ferebantur.

4) Tuo, id est, cum tuo proprio periculo.

5) Quid nos capiemus consilii; quae igitur nostrae in re tam ancipiti partes erunt, quibus vita ita demum jucunda atque expetenda videtur, si superstite te fuerit, contigerit; quae contra, non superstite te, gravis futura est.

6) Utrum hic otiosus maneam, ut jubes? sed otium istud minime jucundum mihi erit, nisi tecum simul illo frui liceat.

7) An laborem militiae, belli molestias animo, quo decet non molles, id est, strenuos, fortes viros, tecum laturus sim, vel tolerem?

8) Respondet statim ad hanc interrogationem: certum, statutum est mihi, te sequi, si vel longinquiora, vel maxime periculosa loca peteres.

9) Alpium juga. Hae Galliam ab Italia dirimunt, quarum immensa altitudo longe porrigitur.

10) Caucasus, mons Scythiae inter Pontum Euxinum et mare Caspium; vocatur inhospitalem, id est, non habitabilis, nempe ob glaciem et nives.

11) Sinus est pars maris, in terras medias excurrens: hic significatur Hispaniae litus, vel Africae circa montem Atlantem, quo terras finiri putant ant Romani; neque enim alias ultra norant.



Roges <sup>12)</sup>, tuum labore quid juvem meo,  
 Imbellis ac firmus parum?  
 Comes minore sum futurus in metu,  
 Qui <sup>13)</sup> major absentes habet:  
 Ut <sup>14)</sup> adsidens implūmibus pullis avis  
 Serpentium adlapsus timet,  
 Magis relictis; non <sup>15)</sup>, ut adsit, auxili  
 Latura plus praesentibus.  
 Libenter <sup>16)</sup> hoc, et omne militabitur <sup>17)</sup>  
 Bellum in tuae spem gratiae:  
 Non <sup>18)</sup> ut juvenis illigata pluribus  
 Aratra nitantur meis,  
 Pecusve Calābris <sup>19)</sup> ante sidus fervidum  
 Lucana mutet pascua;

12) Sensus vulgaris: quamquam parum in me tibi periclitanti praesidii fore probe intelligam, id quod facile tibi concesserim; hoc tamen inde consequar commodi, quod praesens minori angar sollicitudine. Et pro hoc: quaeras forte, quid tuum laborem, te cum laboribus ac periculis conflictantem juvem, sublevem, quam tibi opem adferre queam meo labore, hoc est, si periculorum particeps fiam? ut qui sim imbellis ac firmus parum etc.

13) Major metus enim, sollicitudo magis tenet, id est, insinuat sese absentibus.

14) Ultimam generalem sententiam delecta comparatione, ab avibus, pullis suis timentibus, ducta, exornavit poeta. Ordo est: quemadmodum avis, quae pullis incubat, timet illa quidem adlapsus, et incursiones serpentium: at eos tamen magis timet, relictis pullis et absens; sic ego etc.

15) Non: neque tamen, licet adsit, praesentia sua quidquam iis profutura.

16) Sensus est: atque hoc equidem facio non quaerendarum opum causa, sed sola spe promerendae tuae hoc obsequio benevolentiae, amicitiae. Illud respicit militiae praemia, veteranis bello isto civili ab Octaviano promissa, ac, finito eo, distributa. Hinc divitiarum notio ad agrorum possessiones, quae militibus adsignabantur, revocata est a poeta. Errare ergo videntur, qui ista munificentiae Maecenatianae faciunt, quae Augusti essent.

17) Militabitur: socium me tibi in hoc et omnibus, quibuscunque tu interfueris bellis, adjungam, tecum belli pericula prompto animo capessam, in spem tuae gratiae solum.

18) Neutiquam vero, ut amplas agrorum possessiones, latifundia mihi inde quaeram. Latifundiorum notionem, quo vividius sensibus subjiceret, docta partium enumeratione repraesentavit, tum singulas partes exornavit poeta. Pro, possidere jugera, est, colere, arare ista; tum pro, ut arem jugera, est, ut juvenis pluribus meis alligatis, injunctis aratra nitantur, obnitantur; quatenus aegre ac difficulter ab iis promoventur aratra, vomere in terram depresso. Hic plures juveni designant fundi amplitudinem.

19) Rem pecuariam, haud contemnendam fundi partem, nobilissimis

Nec <sup>20)</sup> ut superni <sup>21)</sup> villa candens <sup>22)</sup> Tusculi  
 Circaea tangat moenia.  
 Satis <sup>23)</sup>, superque me benignitas tua  
 Ditavit. Haud <sup>24)</sup> paravero,  
 Quod aut, avarus ut Chremes <sup>25)</sup>, terra premam;  
 Discinctus <sup>26)</sup> aut perdam, ut nepos <sup>27)</sup>.

## O d e I I.

### Laudes vitae rusticae.

Argumentum.

Quam parum sibi constant hominum, quos sua cupiditas ducit, vota atque consilia, adeo quidem, ut quem-

Calabrae et Lucaniae pascuis indigitat. Calabria est Italiae regio magis vergens in Orientem et Meridiem, quam Lucania. Cum igitur Calabria per aestatem nimio calore gravaretur, Lucania contra propter montes ac saltus temperatior esset, in utraque divites Romani pascua habebant, ut gregibus ipsorum aestiva in Lucania, et hiberna in Calabria essent. Sensus ergo est: non ut mei greges transeant, ante aestatem a Lucanis pascuis in Calabria. Per sidus enim fervidum intelligit caniculam, sidus, quod cum oritur, magnos calores adfert.

20) Sensus est: neque id quaero, ut villa mea Sabina Tusculum attingat, hoc est, aedificia ejus adeo dilatentur, ut ad Tusculi suburbia continua serie porrigantur. Vocat Tusculum Circaeam, quia fuit aedificatum a Telegono, Circes et Ulyssis filio in Latio. Non procul ab hac civitate aberat Sabina villa Horatii, attamen jam in regione Sabinorum.

21) Superni Tusculi, id est, in colle siti.

22) Villa candens, id est, candido et nitenti lapide exstructa; omnino aedificiorum magnificentiam declarat his, et in genere villae tertiae partis, fundi rustici, amplitudinem.

23) Sensus vulgaris: satis tu me fecisti locupletem, Sabino donato.

24) Sensus: ego ab avaritia pariter atque luxuria, praecipuis acervandarum opum causis, alienissimus, nihil amplius desidero, in agello meo adquiesco. Et pro hoc: haud paravero, comparabo, meum non est congerere divitias, quas aut terra premam, abscondam, avari instar, aut luxuriose perdam, disperdam, profundam.

25) Chremes fuit senex avarus, ab Terentio saepe inductus in scenam.

26) Discinctus, disolutus, ganeo. Solebant enim antiqui zona vestem colligare, et praecingere, ut ad agendum essent expediti, quod qui omittebant, aut negligentius faciebant, ii suspicione inertiae laborabant.

27) Nepos, significat haec vox libidinosum hominem et prodigum; quia pueri patre mortuo, cum in avi tutela veniunt, evadunt dissoluti; sunt enim avi patribus indulgentiores, et a pueris metu paterno solutis facile contemnuntur.

que fere sui poeniteat, luculenter admodum Alphii foeneratoris exemplo ostendit hoc carmine poeta. Confectus ille enectusque innumeris, quas res foenebris habet, curis ac molestiis, vitam rusticam otiosam illam, eandemque maximis utilitatibus jucunditatibusque refertam, summis extollit laudibus, itaque potiore habet, ut amplectendam eam, rusque commigrandi certissimum consilium capiat: idemque tamen paullo post, victus lucri studio, ad ingenium, pristinamque consuetudinem redit.

Metrum idem.

Beatus <sup>1)</sup> ille, qui procul <sup>2)</sup> negotiis,  
 Ut <sup>3)</sup> prisca gens mortalium,  
 Paterna <sup>4)</sup> rura bobus exercet suis,  
 Solutus <sup>5)</sup> omni foenore:  
 Neque <sup>6)</sup> excitatur classico <sup>7)</sup> miles truci,  
 Neque <sup>8)</sup> horret iratum <sup>9)</sup> mare;  
 Forumque <sup>10)</sup> vitat, et superba <sup>11)</sup> civium  
 Potentiorum limina.  
 Ergo <sup>12)</sup> aut adulta vitium propagine

1) Antequam poeta ad ipsas, quas in se habet vita rustica, enarrandas voluptates atque jucunditates progreditur, cum aliis quaestuosis, quae sua tempora suppeditarent, eam componit generibus, notatis simul, a quibus illa immunis est, aerumnis ipsorum atque molestiis.

2) Procul negotiis: haud districtus vitae negotiosae molestiis.

3) Ut prisca etc. Qualis vita antiquissimorum hominum fuit.

4) Paterna etc. avita, non pretio conducta, id est: occupatur in vendita, subigenda vomere terra, arat rus agricola.

5) Solutus omni foenore, hoc est: nihil omnino rei habens, haud implicitus rei foenebris negotiis.

6) Sensus: quem neque militem tubae sonus terrificus a somno excitat.

7) Classicum, est buccina, qua signum ad proelium dabatur. Classico truci ergo idem, ac: buccinarum ad arma vocantium terribili. Jam aerumnosam militiam per turbatos classico, hoc est, signo capessendae pugnae in repentino hostili incursu edito, somnos declarare poetis est solenne.

8) Sensus: neque periculis, quae mercaturae propriae sunt, obnoxius est.

9) Iratum mare: tumidum, tempestuosum; timens inde vitae ac mercibus suis. Mercaturam ergo poeta per navigationem in longinquas terras designat.

10) Forum vitat, id est: non causas in foro agit, tamquam patronus, inclarescendi, atque honorum divitiarumque inde consequendarum studio.

11) Non adit, frequentat atria civium potentiorum, patronorum, salutandi eos ac deducendi causa. Vide Antiquit.

12) Sequuntur parvae vitae rusticae tabulae. Ergo: ut itaque, quae vi-

Altas maritat <sup>13)</sup> populos;  
 Aut in reducta valle mugientium <sup>14)</sup>  
 Prospectat errantes greges;  
 Inutilesque <sup>15)</sup> falce ramos amputans,  
 Feliciores <sup>16)</sup> inserit;  
 Aut pressa <sup>17)</sup> puris mella condit amphoris;  
 Aut tondet infirmas <sup>18)</sup> oves;  
 Vel <sup>19)</sup>, quam decorum mitibus pomis caput  
 Autumnus arvis extulit,  
 Ut gaudet insitiva decerpens pyra, <sup>20)</sup>  
 Certantem <sup>20)</sup> et uvam purpurae,  
 Qua muneretur <sup>21)</sup> te, Priape <sup>22)</sup>, et te, pater <sup>24)</sup>  
 Silvane, tutor <sup>23)</sup> finium!  
 Libet <sup>25)</sup> jacere modo sub antiqua ilice,  
 Modo in tenaci <sup>26)</sup> gramine:  
 Labuntur altis interim <sup>27)</sup> ripis aquae;

tae hujus partes sunt, persequar, enarrandi initium faciam: rusticus agit hoc, ut etc.

13) Maritat vitium propagines, seu vites adjungit, copulat populis altis. Vide L. IV. od. 4. not. 28.

14) Mugientium greges, pro, mugientes greges, in reducta, sinuosa valle errantes, id est: pascentes prospectat.

15) Hoc de cultura arborum in genere, non vitium tantum, intelligendum est.

16) Feliciores, id est, fertiliores ramos.

17) Mella pressa e favis infundit in amphoras, [quae sunt vasa fictilia majora, et ansata.

18) Oves infirmas dicuntur, e natura earum. Alii: quae morbis sunt obnoxiae; ingravescent enim nisi tempestive tondeantur.

19) Sensus: vel Auctumni tempore poma et uvae legit. Poëta: cum Auctumnus, genius istius anni temporis, effert arvis caput, e terra exurgit, capite ramis pomiferis revincto, decoro, gaudet decerpens, id est, magno cum voluptatis sensu decerpit pyra insitiva, quae ipse inseverit; intellige autem de pomis in genere.

20) Certantem uvam colore purpurae.

21) Muneretur, id est, sacrificet tibi.

22) Priapus erat hortorum Deus; Silvanus vero agrorum et silvarum.

23) Tutor finium: quatenus finibus regundis praeerat, lapide terminali religione ejus sancito.

24) Pater, commune Deorum epithetum.

25) Suavissima otiantis rustici in amoenissima regione imago.

26) Gramen tenax densitate sua, densum; vel quod recens actis radicibus terrae firmiter adhaeret, novum, viridissimum.

27) Interim; dum lentus in umbra, aut in toro gramineo recubat, delectatur aquarum lapsu. Labuntur altis ripis, intra alveum suum, ita ut ripae altiores sint.

Queruntur <sup>28)</sup> in silvis aves;  
 Fontesque <sup>29)</sup> lymphis obstrepunt manantibus;  
 Somnos quod <sup>30)</sup> invitet leves.  
 At <sup>31)</sup>, quum Tonantis annus <sup>32)</sup> hibernus Jovis  
 Imbres, nivesque comparat <sup>33)</sup>,  
 Aut trudit <sup>34)</sup> acres hinc, et hinc multa cane  
 Apros in obstantes plagas;  
 Aut <sup>35)</sup> amite <sup>36)</sup> levi rara <sup>37)</sup> tendit retia,  
 Turdis edacibus dolos;  
 Pavidumque leporem, et advenam <sup>38)</sup> laqueo gruem,  
 Jucunda <sup>39)</sup> captat praemia.  
 Quis <sup>40)</sup> non malarum, quas amor curas habet,  
 Haec inter obliviscitur?  
 Quod <sup>41)</sup> si pudica mulier in partem <sup>42)</sup> juvet

28) Sensus: inter dulcissimos avium concentus. Querelae enim etiam cantus avium a poetis dicuntur.

29) Fontes lymphis manantibus, id est: aquarum lapsu suarum obstrepunt, obmurmurant, scilicet avium querelis, cum leni strepitu profluunt.

30) Quod murmur fontium. Sententia vulgaris: inter quae somno indulgere volupé est; quae suavissimum accersunt, conciliant somnum.

31) Sensus vulgaris: at instante hieme venationi et aucupio vacat.

32) Annus hibernus, anni tempus hibernum, hiems Jovis tonantis, quatenus horarum anni arbiter ac moderator est, antiqua notione.

33) Comparat, colligit, adducit imbres et nives, quatenus per illud tempus ingruunt, et effunduntur.

34) Trudit, compellit, cogit in plagas obstantes, praetentas hinc et hinc, id est, undique apros, multa cane, pro multis canibus.

35) Aut tendit amite, suspendit amitibus retia; dolos turdis, id est, quibus turdis insidiatur, eos capiat.

36) Ames est furcula, cui retia in venatione aut aucupio suspenduntur. Levi, seu levigato, in hunc usum polito.

37) Rara, id est, laxioribus foraminibus texta.

38) Grus advena: e genere adventitio, qui, instante hieme, ex septemtrionalibus plagis in tepidiores regiones commigrat.

39) Jucunda praemia: dulcissimam insidiarum structurarum mercedem, praedam. Est ergo adpositio; sunt enim turdi, lepores, grues etc. dulcia laboris et aucupii praemia.

40) Sententia est: in tanta utilitatis, quam vita rustica praebet, ubertate, delectationisque varietate, quis non leviora, quae omnino humanae naturae propria sunt, ferenda existimet incommoda? pro quibus poetam amoris cruciatus in specie ponere putandum est. Inter haec, adeo venationis studia atque oblectamenta facile quisque curarum, quas amor habet; quae amor insunt obliviscetur. Curae malae, quae animum adfigunt, macerant.

41) Sensus: quodsi agricolae tam felici esse contingerit, ut pudicam et laboriosam uxorem habeat, sane tum nemini felicitatem suam invidet.

42) In partem, id est: pro sua parte juvet domum, eam partem labo-

Domum, atque dulces liberos;  
 Sabina <sup>43)</sup> qualis, aut perusta <sup>44)</sup> solibus  
 Pernicis <sup>45)</sup> uxor Appuli;  
 Sacrum <sup>46)</sup> vetustis exstruat lignis focum,  
 Lassi sub adventum viri;  
 Claudensque textis <sup>47)</sup> cratibus laetum pecus,  
 Distenta siccet ubera;  
 Et horna <sup>48)</sup> dulci vina promens dolio,  
 Dapes <sup>49)</sup> inemtas adparet;  
 Non <sup>50)</sup> me Lucrina <sup>51)</sup> juverint conchyliis,  
 Magisve rhombus <sup>52)</sup>, aut scari <sup>53)</sup>,

rum curet, quae ei convenit, hoc est: rei domesticae, educandisque liberis prospiciat, interim dum vir laborat foris.

43) Appularum, maximeque Sabinarum mulierum castitas, frugalitas, laborumque tolerantia passim veteribus laudata, exemploque proposita, quoniam in his populis diutius vigeret antiqua disciplinae domesticae severitas.

44) Perusta solibus: nigra ob sudorem collectum ruri, dum opus facit sub dio.

45) Pernicis, id est, velocis, agilis, strenui Appuli.

46) Sacrum focum, pro, ignem, sacrum Vestae, vel Diis penatibus, quorum staturae circa focum erant positae, exstruat e lignis vetustis seu aridis, paullo antequam vir domum labore fatigatus redeat; hunc ignem autem balneo, quo virum fessum recreet, faciendo ab uxore ejus excitari putat.

47) Textis cratibus e vimine, id est, septis vimineis claudens pecus, laetum aspectu, seu pingue; ejus ubera siccet seu mulgeat.

48) Vina horna, seu, ejusdem anni. Scilicet veteres mustum in dolia defundebant, ut ibi defervesceret et liquesceret, unde statim homines tenuiores bibere solebant; quum lautiorum palatum vina in amphoras diffusa, atque in apothecis recondita, utpote limpiora atque vetustate ac famo amariora, praeferret. Hinc dolium dulce, quod vina horna, novella continet, musti adhuc servantia dulcedinem. Designatur ergo hic simplicitas vitae rusticae.

49) Dapes inemtas; cibos natos domi, non comparatos pecunia.

50) Sensus: omnes facile cupedias hisce posthabuerim, multo magis delectarer coenae agrestis frugalitate ac simplicitate, quam mensae urbanae deliciis; pro hoc utriusque apparatus recensum subjungit poeta. Lautiorum dapes instruxit conchyliis, pretiosisque piscibus, rhombo et scaro, tum et avibus transmarinis, quae in triclinium ganearium introierunt, gallina numidica et attagene.

51) E conchyliis, seu, ostreis adposuit Lucrina, e lacu Lucrino, qui est in sinu Bajano, accessita, prae ceteris cupide expetita, atque optimi saporis habita.

52) Rhombus, Butte, e nobilioribus piscibus, a magnitudine maxime commendatus.

53) Scarus, Meerbramsse, etiam magnus piscis.

Si quos <sup>54</sup>) Eois in-tonata fluctibus  
 Hiems ad hoc vertat mare:  
 Non Afra <sup>55</sup>) avis descendat in ventrem meum,  
 Non attagen <sup>56</sup>) Jonicus  
 Jucundior <sup>57</sup>), quam lecta de pinguissimis  
 Oliva ramis arborum;  
 Aut herba lapathi <sup>58</sup>) prata amantis, et gravi <sup>59</sup>)  
 Malvae salubres corpori;  
 Vel agna <sup>60</sup>) festis caesa Terminalibus <sup>61</sup>),  
 Vel haedus <sup>62</sup>) ereptus lupo.  
 Has <sup>63</sup>) inter epulas, ut juvat pastas oves  
 Videre properantes domum!  
 Videre fessos vomerem inversum boves  
 Collo trahentes languido!  
 Positosque <sup>64</sup>) vernas, ditis examen <sup>65</sup>) domus,  
 Circum renidentes <sup>66</sup>) Lares!

54) Si quos scaros hiems seu procella in-tonata, id est, cum fragore, tonitru ingruens Eois fluctibus, seu, pelago orientali, vertat, impellat, se recipere ad mare Italicum cogat. Nempe scarus in Asiae Graeciaeque littoribus frequentissimus erat, nec inde in mare Tyrrhenum subibat, nisi tempestate propulsus.

55) Afra avis, Gallina Numidica, *Trutthahn*.

56) Attagen Jonicus; quidam gallinam silvestrem Asiaticam, quidam perdicem esse volunt. Ex Jonia, Asiae provincia, advectus.

57) Jucundior, pro jucundius descendat, id est, non sit jucundior mihi, quam etc.

58) Lapathum, sive rumex, *Sauerampfer*, herba salubris.

59) Grave corpus; affectum morbo gravi, corpus obstructionibus laborans.

60) Frugalitatem rusticam vel in adparatu epularum paullo lautiori servatam praeclare adjecta ostendunt, quibus raro admodum, ac nonnisi festis diebus rusticum indulgere ait, in quo pietatis rusticae rationem habitam videas.

61) Terminalia erant festa Dei Termini, qui limitibus agrorum praesidebat, celebrabantur 9. Cal. Martias.

62) Haedus ereptus lupo, ideo ad vescendum adpositus, quia, cum perissee domino putaretur, recuperatus est, praeter spem. Adeoque alia frugalitatis notio.

63) Sequitur solennis vespertini temporis descriptio. Nexus sententiarum: et si inter has frugales epulas advesperascit, quam amoenum est tunc videre etc.

64) Vernas positos, id est, servos discumbentes circa Lares, ambientes focum, epulisque indulgentes.

65) Ditis examen domus, vernarum examen seu copia, turbae; opulentiae rusticae argumentum.

66) Renidentes, refulgentes a foco luculento; ad hunc enim positas fuisse Larium incunulas, satis constat.

Haec <sup>67</sup>) ubi loquutus foenerator Alphius,  
 Jamjam futurus rusticus,  
 Omnem redegit Idibus pecuniam;  
 Quaerit Calendis ponere.

O d e III.

A d M a e c e n a t e m.

Argumentum et occasio.

Quum Horatius, coenae a Maecenate adhibitae, allium seu potius moretum, edulii rustici genus, serpyllo, aliisque acribus herbis, maxime allio confectum, atque inter exquisitiores dapes per jocum a Maecenate mensae adpositum, degustasset, tetrosque illud stomachi cruciatus cieret; percitus atque commotus inde, quo scilicet dignam ei gratiam rependeret, omne bilis suae virus in pestem istam hoc carmine evomit, illudque dirissimis venenis aequiparat.

Metrum idem.

Parentis <sup>1</sup>) olim <sup>2</sup>) si quis impia manu  
 Senile guttur fregerit,

67) Alphius ista secum loquutus, reputansque vitae istius commoda, certus jam rus commigrare, omnem pecuniam, in foenore collocatam, redegit Idibus, hoc est, edixit debitoribus, quum Idus essent, pecuniam seu sortem cum usuris Calendis pernumerandam; eandem tamen, quum eae advenissent, iterum ponit foenori, abjecto rusticandi consilio. Ex hoc loco concludere licet: Capitis seu pecuniae in foenore positae solutionem Calendis faciendam, Idibus indicii solitam fuisse. Ostendit porro poeta, quam brevi tempore poenituerit hominem boni consilii; qui, pauculis diebus interjectis, sententiam mutaverit, et quaesierit calendis, sive initio sequentis mensis, ponere, hoc est, rursus locare foenori, redactam ante dies 15, nempe Idibus, pecuniam.

1) Allium nulli venenorum generi secundum ostensus poeta, primo cicutaee comparat, eique adeo anteponit. Jam pro generali: si quis scelus, capitali animadversione dignum, commiserit, huic allii edendi poena statuitur, cicuta quippe efficacioris, speciem sceleris, idque, quo atrociori poenae locus esset, imanissimi parricidii, posuit.

2) Olim, posthac, aliquando.

Edat cicutis allium nocentias.  
 O dura <sup>3)</sup> messorum ilia!  
 Quid <sup>4)</sup> hoc veneni saevit in praecordiis?  
 Num viperinus hic cruor  
 Incoctus <sup>5)</sup> herbis me fefellit? an <sup>6)</sup> malas  
 Canidia tractavit dapes?  
 Ut <sup>7)</sup> Argonautas <sup>8)</sup> praeter omnes candidum  
 Medea mirata est ducem,  
 Ignota <sup>9)</sup> tauris illigaturum juga,  
 Perunxit hoc <sup>10)</sup> Jasonem:  
 Hoc <sup>11)</sup> delibutis ulta donis pellicem,  
 Serpente fugit alite.

3) Quam dura, fortia, robusta, credere par est, messorum esse ilia, intestina, quibus nihil inde noxi inferatur, quae alio minime laedantur. Allium enim, cum aliis herbis contritum, consuetum messorum edulium erat.

4) Quid hoc veneni est, quod hoc venenum dicas, quod adeo saevit, tantos cruciatus ciet in praecordiis, mea viscera adeo torquet?

5) Num venenum incoctum, immixtum fuit herbis, quod me falleret, lateret; pro: num forte veneno herbae istae infectae sunt? pro venenospectatim est cruor viperarum, in acutissimis olim venenis habitus.

6) Ex adfusi veneni suspicione eo statim defertur poeta, ut hoc scelus a Canidia, venefica, designatum dicat. An malas, noxias, veneno infectas dapes adparavit?

7) Sensus: neque Medeam alio veneno usam esse crediderim. Ut, seu, postquam unum prae ceteris Argonautis amavit, ducem Jasonem.

8) Jason, Thessaliae regis ex fratre nepos, cum audisset apud Colchos servari vellus aureum; id ut raperet, Argo navi conscensa cum lecta juvenum sociorum, Argonautarum, manu, eo pervenit. Aeeta, rex Colchorum, advenas benevole in speciem accepit, sed fraude usus, Jasoni promisit aureum vellus, si tamen prius quaedam ipse fecisset difficilia, nominatimque, si ignivomos tauros Marti sacros, qui aureum vellus custodiebant, iugo subderet. Aetae filia Medea, Jasonis amore capta, ut eum morte liberaret, quam tauros ipsi certo illaturos sciebat, magicis illum quibusdam succis perunxit; quo beneficio provocatus Jason, Medeam, sibi matrimonio junctam, e paterna domo abduxit Corinthum, ubi a Creonte rege per annos decem humanissime habitus, ita amavit Creusam, ejus filiam, ut Medeam respueret. Sed illa injuriam non ferens, et tamen dissimulans, dona nuptialia Creusae misit, quibus acceptis non tantum Creusa, sed cum ea Creontis patris tota regia incensa est; ipsa interim Medea per alatum Draconem alio volante. Vide L. IV. od. 3. not. 60. et Myth.

9) Juga, quae nondum experti essent tauri, et quibus illigaret seu injungeret eos Jason.

10) Hoc alii succo inunxit Jasonem.

11) Hoc eodem alii succo eadem inunxit dona nuptialia pellicis Jasonis, seu Creusae, et dein serpente alite, curru alatis serpentibus seu draconibus juncto, Athenas petiit.

Nec <sup>12)</sup> tantus unquam siderum insedit vapor  
 Siticulosae Apuliae:  
 Nec <sup>13)</sup> munus humeris efficacis <sup>14)</sup> Herculis <sup>15)</sup>  
 Inarsit aestuosius.

Ode IV.

A d M e n a m.

Occasio et argumentum.

Ex ipso carmine discimus, hominem, ad quem illud carmen directum est, fuisse natum servili genere, quod flagitiosissimae insuper vitae inquinasset labe, mox, ubi maximas divitias, tribunisque militaris dignitatem adeptus fuisset, insolentissimum mortalium factum esse. Illum autem Cn. Pompeji libertum fuisse, ut quidam opinantur, historice certum non est. Argumentum totius carminis insectatione in hunc insolentem hominem Menam absolvitur.

Metrum idem.

Lupis <sup>1)</sup>, et agnis quanta sortito <sup>2)</sup> obtigit,  
 Tecum mihi discordia est,  
 Ibericis <sup>3)</sup> peruste funibus latus,

12) Nec vapor, fervor, aestus siderum, id est, Sirii ortu excitatus, tantus insedit Apuliae siticulosae, aridae; nec tantus aestus unquam per Apuliam fuit, quanto viscera torquentur.

13) Nec munus, seu vestis, Nessi cruore tincta, humeris Herculis aestuosius magis, majori cum vehementia inarsit, artus ejus invasit etc.

14) Efficacis, strenui, impigri, invicti.

15) Nessus Centaurus Dejaniram, Herculis uxorem, abripere cum vellet, eum Hercules sagittis interemit; ille, ne inultus periret, vestem suo sanguine, qui praesentissimi veneni erat instar, imbutam Dejanirae dat; quasi valeret hoc munus ad Herculis amorem ita Dejanirae adjungendum, ut nunquam aliam amaturus esset. Vix induerat pallam hanc Hercules, cum toto corpore deflagrare coepit, quo igne paulo post extinctus est.

1) Sententia vulgaris: quam discordes natura lupi et agni sunt, tanto tui flagro odio.

2) Sortito: fatali necessitate, natura. Quippe certas propensiones animalia singula nascendo sortiuntur. Adde, quod sors ponitur saepe pro facto, et certa rerum constitutione, quae a nobis non pendet. Referendum hoc est ad naturale luporum et ovium odium.

3) Non solum quod servus fuerit Mena, ei exprobrat, sed etiam, quod

Et <sup>4)</sup> crura dura compede.  
 Licet <sup>5)</sup> superbus ambules pecunia,  
 Fortuna <sup>6)</sup> non mutat genus.  
 Videsne, sacram <sup>7)</sup> metiente te viam  
 Cum <sup>8)</sup> bis ter ulnarum toga,  
 Ut ora <sup>9)</sup> vertat huc, et huc euntium  
 Liberrima indignatio?  
 Sectus <sup>10)</sup> flagellis hic Triumviralibus <sup>11)</sup>,  
 Praeconis <sup>12)</sup> ad fastidium,

nequam: et hoc poenis servilibus, quas perpeccus sit, innuit. Peruste latus, id est, cujus tergum funibus seu loris perustum est, laceratum, notatum; in cuius tergo adhuc servilium flagrorum signa conspicua sunt. Ibericis funibus: quia spartum optimum, ex quo fiebant funes, ab Hispania petebatur. Vel quia Mena fuerat Ibericum mancipium.

4) Et crura perusta, attrita dura, ferrea compede. Servum ex ergastulo designat, qui opus in compedibus faceret, adeoque infimae sortis mancipium.

5) Licet ambules, magifico gradu te inferas, incedas; sis superbus pecunia; divitiis efferaris.

6) Fortuna, opes, et quos hae largiuntur, honores non delent; abolent generis ignobilitatem; illud efficere nequeunt, ut sordidos natales tuos, conditionem tuam pristinam illustrem reddant.

7) Metiente te, id est: cum gradu magifico, atque ad gravitatem composito incedis per Viam sacram, pro, prodis in publicum. Sacra via dicta ita a maximo Romae templo, nempe Jovis Capitolini, quo ducebat; item a sacris supplicationibus et triumphis, qui per eam in Capitolium deducebantur.

8) Toga indutus 6 ulnas ampla, quae divitum ac delicatolorum hominum erat. Vide Antiquitates.

9) Ut omnes huc et huc euntes, id est, praetereuntes ora in te vertant, te oculis, manu etc. signent, neque dissimulate, sed aperte indignationem suam prae se ferant, et dicant: sectus flagellis etc.

10) Sententia vulgaris: hic, inquit praetereuntium turba, servorum quondam nequissimus, summaque ideo ignominia notatus, jam vero in summa opum affluentia constitutus, et tribunus militum factus, vide ut insolentius se effert, ut luxu diffuit.

11) Pristinam ejus nequitiam atque ignominiam declarant flagella Triumvralia, hoc est, flagra a Triumviris rerum capitalium tergo ejus inflicta. Triumviri enim capitales, tres erant iudices, qui judicia de servis et libertis exercebant: praetor autem cognoscebat de criminibus civium alicujus nominis et loci. Vide Antiquitates.

12) Ad poenae atrocitatem designandam spectat, sectus, hoc est, plane concisus, laceratus flagris; et ad ejus diuturnitatem ac frequentiam designandam: praeconis ad fastidium, hoc est, eo usque caesus, ut praeco clamando defetisceretur, vox eum deficeret. Cum enim aliquis publice poenam luebat, addebatur praeco, qui supplicii causam ediceret, ceterosque

Arat <sup>13)</sup> Falerni mille fundi jugera,  
 Et Appiam mannis <sup>14)</sup> terit;  
 Sedilibusque magnus in primis eques,  
 Othone <sup>15)</sup> contento, sedet.  
 Quid attinet <sup>16)</sup>, tot ora <sup>17)</sup> navium gravi  
 Rostrata duci pondere  
 Contra latrones, atque servilem manum,  
 Hoc, hoc tribuno militum <sup>18)</sup>?

admoneret. Tam saepe igitur Mena sectus flagellis publice fuerat, ut praeconeum delassasset.

13) Arat: possidet fundum mille jugerum, ampla latifundia in Campania, fertilissimo et amoenissimo Italiae tractu.

14) Manni sunt equi Gallici, paullo brevioris staturae, beatioribus Romanis, ob velocitatem ipsorum in deliciis habiti. Appiam viam terit, id est, iter voluptuarium instituit in suum praedium Falernum. Huic viae Appius, qui postea caecus est adpellatus, nomen dedit, quod eam lapide stravisset.

15) L. Roscius Otho a. u. 686 legem tulerat, ne quis in amphitheatro, ubi spectabantur ludii, in 14 ordinibus, orchestrae proximis, sederet, nisi qui eques esset, aut equestrem censum, quadringenta sestertium, haberet, atque ideo in istum ordinem adscriptus esset. Parem equitibus dignitatem tribuni habebant, quibus adeo in istis gradibus sedendi jus erat. Othonem igitur contemnebat ille, hoc est; non metuenda ipsi erat lex Othonis theatralis, audacter invadebat istos gradus, cujus divitiae equestrem censum longe superarent, et qui tribunus militum equestri dignitate gauderet.

16) Quid attinet, quid commodi inde in rempublicam retundere poterit, si classi, quam adversus piratas atque collectam servorum fugitivorum manum paramus, homo hic praeficiatur, qui ipse piraticam exercuerit vimanum paramus, homo hic praeficiatur, qui ipse piraticam exercuerit vimanum paramus fuerit? Spectat ista Octaviani expeditio, magna mole adaptata, ad a. u. 716, quo Sextum Pompejum, qui infelicis belli reliquias armatis ergastulis, contractisque piratis adauxerat, persequendum opprimendumque statuit.

17) Ora gravi pondere rostrata, naves bellicas designant, hoc est, ora rostris gravis ponderis, aeratis instructa.

18) Mena ille seu Mendorus, ad quem multi hanc oden directam esse putant, erat Sexti Pompeji libertus ditissimus et audacissimus, qui cum parte classis defectit ad Caesarem; sequenti anno rediit ad Pompejum, ac parte post mensibus iterum Caesari se adjunxit. An autem non timendum fuerit Horatio, ne gratia Augusti excideret, si hunc Menam, cujus proditiōnis fructus non parvi in illum redundaverant, tam vehementer insectatus fuisset? vix negaveris.

## In Canidiam Veneficam.

## Argumentum.

Canidia puella fuisse videtur, moribus dissolutis praedita, gravissimamque inde Horatio bilem in se commovisse. Quo acriores igitur contumeliarum, quibus insequendam eam statuisset, aculei essent, rumore, qui forte de magicis Canidiae conatibus increbuerat, in rem suam verso, flagitiosissimi, quod aliquando per magicas artes patratum innotuerat, eam insimulat sceleris, in puero ingenuo, ab ista subrepto atque crudelissima morte adfecto, designati. Quod, quo majorem haberet veritatis speciem, operis administras ei adjungit veneficas, per universam Italiam, maxime Neapolin, artis suae exercitio famigeratissimas, Saganam, Vejam, Foliam. Inducitur puer obtestans Canidiam, a qua truci se vultu defigi animadvertibat, ne male quid, quod quidem animus ejus inde augurabatur, in se statuat; quas tamen illa preces aspernata, vestes ei ceteraque ingenuitatis ornamenta deripit, scrobique mento tenus indit, ut desiderio cibi saepius mutati contabesceret. Inter haec parantur omnia, quae ad rem magicam pertinent; accenditur ignis, eique cumulate imponuntur, quae Varum, de quo laborabat, attractura putarentur, lustratur domus, instructisque rite omnibus Canidia incantationem peragit, sed frustra: hinc ad philtrum ex arefacto jecinore ac medulla pueri parandum, utpote ceteris efficacius, accingitur. Sequuntur dirae pueri, atrocissima mala scelestis istis veneficis impræcantis.

## Metrum idem.

At <sup>1)</sup>, o Deorum quisquis in caelo regis,  
Terras et humanum genus!  
Quid iste fert <sup>2)</sup> tumultus? et quid omnium  
Vultus in unum me truces?

1) In summam statim expectationem adducit lectorem abruptum orationis initium, quo aestum pueri, rei novitate percussus, et ex sagarum, per domum tumultuantium, in se converso vultu dirissima, quaeque sibi augurantis, explicat, ac plane repraesentat poeta. Incipit ab exclamatione pueri in summo ejus timore ac stupore.

2) Fert: o Dii immortales! quid sibi vult iste tumultus? ista discursatio; ista intentior adparatio?

Per <sup>3)</sup> liberos te, si vocata partubus  
Lucina <sup>4)</sup> veris adfuit,  
Per hoc inane purpurae <sup>5)</sup> decus, precor,  
Per improbatum haec Jovem,  
Quid ut noverca me intueris, aut uti  
Petita <sup>6)</sup> ferro bellua? ||  
Ut <sup>7)</sup> haec tremente questus ore constitit  
Insignibus <sup>8)</sup> raptis puer,  
Impube corpus, quale posset impia <sup>9)</sup>  
Mollire Thracum pectora;  
Canidia <sup>10)</sup> brevibus implicata viperis  
Crines et incomtum caput,  
Jubet sepulchris caprificos <sup>11)</sup> erutas,

3) Quum apud veteres obsecratio fieret per res, quas scirent alteri esse carissimas, aut omnino sanctas, utriusque rationem habuit poeta, quo efficaciores pueri preces forent ad Canidiam.

4) Lucina Juno invocabatur a parturientibus, ac proinde sensus est: si vere peperisti, non subripuisti, quos habes, liberos. Saepius enim veneficae illae simulabant partum, ut infantuli, quos ad veneficia domi enutriebant, aliunde abreptos, ab iis editi putarentur, et ne Censores, aut vicini requirerent, unde essent illi pueri. Jam dubitanter de Canidiae liberis, per quos obtestantem inducit puerum, poeta pronuntiando, subreptique adeo partus eam insimulando, quamquam omnem precum vim perverti probe intelligeret, sugillandi tamen lacerandique eam, vel hanc datam occasionem arripuit, ut evidentissime ostenderet, Canidiae sibi omnibus probris atque contumeliosis proscindendae, primum fuisse carminis consilium; reliqua vero, quae proposito isti substerneret, secundarum partium.

5) Purpurae decus: togam, praetextam purpura, significat, hoc est, limbo purpureo insignem, quam pueri ferebant usque ad annum 17, quo sumebant virilem. Vocat inanem et inutilem, quia, quamvis esset nobilitatis, et innoxiae aetatis nota, imo et custos, ipsum tamen a veneficarum immanitate non servasset.

6) Petita ferro: ferae a venatoribus ictae, percussae saeviant.

7) Ut haec tremente questus ore; sensus: vix dum haec effatus est; eo ipso momento constitit insignibus raptis, derepta ei praetexta erat; nudus stetit puer; impube corpus, per adpositionem, pro, puer impubes; qualis, aut qui vel impios Thracas ad misericordiam perduxisset.

8) Insignia, id est, praetexta cum bulla, collo adpendi solita, quam Cicero quoque ornamentum pueritiae, indicium atque insigne fortunae adpellat.

9) Impii, saevi, immites Thracae.

10) Progreditur jam poeta ad ipsam sacri magici adparationem. Quo foedior autem Canidiae adpectus esset, implicata est crines, id est, implicatos habet crines viperis brevibus, tantoque magis venenosus, et incomtum caput, seu horridos crines.

11) Ex adparatu magico poeta primo loco ponit ligna infelicia, quibus

Jubet cupressos <sup>12)</sup> funebres,  
 Et uncta <sup>13)</sup> turpis ova ranae sanguine,  
 Plumamque nocturnae strigis <sup>14)</sup>,  
 Herbasque, quas Jolcos <sup>15)</sup> atque Iberia <sup>16)</sup>  
 Mittit, venenorum ferax,  
 Et ossa <sup>17)</sup> ab ore rapta jejunae canis,  
 Flammis <sup>18)</sup> aduri Colchicis.  
 At <sup>19)</sup> expedita <sup>20)</sup> Sagana per totam domum  
 Spargens Avernales aquas,  
 Horret capillis, ut marinus, asperis,

ignis excitetur, alaturque. Caprificos, seu ficus silvestres, sepulcris erutas, iis innatas; quarum solus in sacris infernalibus, qualia erant magica, usus erat. Efficaces eae habitae, quod vi sua monumenta funderent ac convellerent. Infaustis arboribus adnumerabantur propter sterilitatem suam, tum quod e sepulcris sponte provenirent.

12) Cupressus funebres: funeribus adhibitas, et tumulo imponi solitas.

13) Ordo est: et ova, et plumam strigis, uncta, mixta, contrita cum sanguine turpis ranae. Ranae sunt illae terrestres, in quarum sanguine, ut in viperae, venenum contineri creditum, et quae a veneficis maxime adhibebantur.

14) Strix est avis nocturna, et mali ominis, sic dicta, quod per tenebras stridet.

15) Jolcos, civitas Thessaliae. Erat autem omnis Thessalia sagis et veneficis infamis.

16) Iberia, regio prope Pontum Euxinum in Asia non procul a Colchide. In ambabus regionibus herbae venenosae frequentes crescebant, quibus etiam Medea usa est.

17) Jejunae canis: salivae animalium jejunorum, maxime canum, ajunt inesse virus quoddam, quo imbuatur, si quid ore tum attraxerit.

18) Sensus: medicamina haec bene trita atque commixta imponi flammis jubet, eo ritu paratis, et accensis, quo magi solent, quo Medea solita olim erat apud Colchos, ubi artem magicam exercebat, quibus flammis adurantur.

19) At Sagana, Veja-et Folia, operis administratae, promptissimo animo, partes suas exsequuntur, sed has speciatim statim adnumerat poeta. Ad ritus magicos pertinebat etiam lustratio, quae hoc loco aqua avernali, hoc est, quae Acheronticam representabat, absolviitur. Avernus est lacus in Campania, per quem iter patere ad inferos credebant, ob aquae graveolentiam; hujus aquas placandis inferorum Diis adeo putabant necessarias, ut si deessent verae, id est, ex ipso lacu sumtae, adhiberentur simulatae, solo nomine Avernales.

20) Sagana expedita, alacri cum studio, nihil cunctata horret, seu horrida est aspectu, asperis capillis, subrectis; ut echinus marinus setas et pilos instar jaculorum erigit. Est et echinus terrestris, sed pilos obtusiores quam marinus, habet, vulgoque erinaceus vocatur.

Echinus, aut currens <sup>21)</sup> aper.  
 Abacta <sup>22)</sup> nulla Veja conscientia,  
 Ligonibus <sup>23)</sup> duris humum  
 Exhauriebat, ingemens laboribus;  
 Quo <sup>24)</sup> posset infossus puer  
 Longo <sup>26)</sup> die bis terque mutatae dapis  
 Inemori <sup>25)</sup> spectaculo;  
 Quum prominere <sup>27)</sup> ore, quantum exstant aqua  
 Suspensa mento corpora;  
 Exsucta <sup>28)</sup> uti medulla, et aridum jecur  
 Amoris esset poculum;  
 Interminato <sup>29)</sup> quum semel fixae cibo  
 Intabuissent pupulae.  
 Non <sup>30)</sup> defuisse masculae <sup>31)</sup> libidinis

21) Aper currens, a canibus latibulo exagitatus, atque in venatores obiectos incurrens.

22) Sensus: Veja scrobem fodit, cui puer indatur. Abacta nulla conscientia: tantum abfuit, ut ab opere tam inhumano, sceleris, cui illam pararet, conscientia absterreretur, ut potius ingemeret, insudaret labori, summis viribus ad maturandum opus incumberet, impigre ei sese accingeret.

23) Ligonibus humum exhauriebat, scrobem effodiebat. Duris; naturali ferri epitheto.

24) Quo defoderetur puer, ut dapis bis terque mutatae spectaculo inemori posset, hoc est, ut dapum exquisitissimarum, quae adponerentur, ac per momenta, acuenda cupiditatis ejus causa, cum aliis permutarentur, desiderio lente conficeretur, miserimaeque morte periret.

25) Inemori spectaculo dapis, pro, mori defixis in dapes oculis; spectando dapes enecari.

26) Die longo, qui puero fame ex cruciato longissimus videbatur.

27) Promineret, exstaret e fossa, quantum natantes ex aqua, qui mento tenuis sub ea sunt, seque sic suspensos, et mento tenuis exstantes sustinent.

28) Breviter, pro, ut exsugeretur medulla et jecur, arefieret fame ac siti; et serviret conficiendo poculo, et veneficio, ad amorem excitandum. Ut fieret amoris poculum e medulla et jecinore, tamquam amoris sede.

29) Interminato: vetito, prohibito, a verbo, interminari, id est, vetare, interdicere. Ordo est: cum semel; id est, postquam pupulae, hoc est, pupillae (sive oculi) fixae cibo, defixae in cibo interdicto contabuissent; postquam puer perisset fame ac desiderio cibi, saepius oblatus, ast semper negati.

30) Ex rumore tantum, qui Neapoli ejusque vicinia percrebuerit, poeta ponit, Foliis detestando huic sacro magico interfuisse, in quo summa amaritudo est. Inde enim colligendum dat, Foliis maxima apud Neapolitanos maleficiorum, quae per artis suae exercitium ibi fecisset, infamia notatam perustamque fuisse, adeo quidem, ut facile in animum inducerent, eidem in execrando hoc facinore partes suas fuisse.



Ariminensem <sup>32</sup>) Foliā,  
 Et otiosa <sup>33</sup>) credidit Neapolis,  
 Et omne vicinum oppidum:  
 Quae <sup>34</sup>) sidera, excantata voce Thessala,  
 Lunamque caelo deripit.  
 Hic <sup>35</sup>) irresectum saeva <sup>36</sup>) dente livido  
 Canidia rodens pollicem,  
 Quid <sup>37</sup>) dixit? aut quid tacuit? O rebus <sup>38</sup>) meis  
 Non infideles arbitrae <sup>39</sup>),  
 Nox, et Diana <sup>40</sup>), quae silentium regis,  
 Arcana <sup>41</sup>) cum fiunt sacra,  
 Nunc, nunc adeste, nunc <sup>42</sup>) in hostiles domos  
 Iram atque numen vertite.  
 Formidosae <sup>43</sup>) dum latent silvis ferae,  
 Dulci sopore languidae,  
 Senem, quod omnes rideant, adulterum

31) Masculae libidinis, id est: supra morem feminarum libidiniosam, ad flagitia audaciorum ipsis viris. Est autem hic ita dictus genitivus proprietatis.

32) Ariminensem: oriundam Arimino, urbe Italiae, ad sinum Adriaticum. Rimini hodie.

33) Otiosa Neapolis, quo scedere solebant Romani, amoenitate regionis invitati.

34) Sensus: folia potentissima pharmaceutria. Pro hoc, declarandae ejus potentiae causa: quae lunam et sidera excantata, certis incantationibus vexata, et labefactata voce Thessala, id est, magica, caelo deripit; hoc est, in terram deducit, detrahit.

35) Hic, rebus omnibus rite praeparatis, Canidia incantationem peragit. Habitum animi ejus, ira atque indignatione aestuantis, praeclare exprimunt adjecta: unguis irresectos admordens dente livido, nigro; quod simul etiam causam furoris indicat, ex zelotypia excitati.

36) Saeva, furibunda, animi impotens; atrociam meditans.

37) Quid dixit etc. pro: fanda et nefanda, hoc est, horrenda, atrociam eloquuta est; carmen dirum, incantationem exorsa est.

38) Noctem et Dianam invocatur, utpote sacri nocturni praesides.

39) Arbitrae: testes, praesentes adpellat rebus suis, quae molitur; non infideles, id est, quae fidem praestent in tacendis, quae videant.

40) Diana, quae silentium regis, qua Luna, dum per noctem, cujus proprium est silentium, lucet, adparet.

41) Arcana cum fiunt sacra, id est, quo tempore sacris magicis, operamur.

42) Sensus: mihi propitiae sitis, ira vestra in hostem adegata meum, Varum nempe, a quo spernor, qui mea veneficia ridet securus, et potentiori venefica fretus. Hoc est: in Varum iram vestram effundite.

43) Agedum, efficite formidosae, seu formidandae, ut senex ille adul-

Latrent Suburranae <sup>44</sup>) canes,  
 Nardo perunctum, quale <sup>45</sup>) non perfectius  
 Meae laborarint manus. —  
 Quid <sup>46</sup>) accidit? cur dira barbarae minus  
 Venena Medeae valent,  
 Quibus superbam fugit ultā pellicem *resca fugit*  
 Magni Creontis filiam,  
 Quum pallā <sup>47</sup>), tabo munus imbutum, novam  
 Incendio nuptam abstulit?  
 Atqui <sup>48</sup>) nec herba, nec latens in asperis  
 Radix fefellit me locis.  
 Indormit <sup>49</sup>) unctis omnium cubilibus  
 Oblivione pellicum. —

ter, infidelis Varus, nardo perunctus, seu unguentatus, quo importuna ejus libido palam fiat et derideatur, canum latratu iterum ad me agatur, dum ferae silvis latent etc. id est, nocte.

44) Suburra, Romae regio, in qua plurimae meretrices habitabant.

45) Quale unguentum, seu nardum] melius, perfectius meae manus nunquam laboraverint, confecerint, adeoque, nardum perfectissimum, exquisitissimum.

46) Ante hunc versum Canidia incantationem, qua Varum ad se revocare conabatur, sisters, Varique adventum expectare putanda est: quae, ubi longe secus, quam ab venenorum efficacia sperari poterat, rem procedere animadvertit, de fraude alius veneficae, cui Varus obnoxius esset, non nihil suspicata, ad majorem incantationem accingitur, quam nulla opposita vis magica infringat, ac destruat. Quid accidit? quid causae est, cur praesentissima venena efficaciam suam in Varo perdiderint? Varum non arcessant? cur mea venena minus valent; dira efficacissima, quam Medeae barbarae? Hic respicit ad effectus, quos dirissimos in Creusa habuere, Creontis filia. Venena sua Medeae vocat, hoc est, Medeae venenis acquipollentia. Vide hujus L. od. 3. not. 8.

47) Palla, vestis longo syrmate, veneno munus imbutum, pro: palla, quam novae nuptae dono misisset, veneno infecta, incendio eam abstulit, consumsit; conflagravit, ea induta, Creusa.

48) Sensus vulgaris: atqui nullum in velocissimis venenis conquirendis laborem defugi, omnia tentavi. Me non fefellit, non fugit, rimata sum herbas ac radices in locis asperis, inter rupes latentes, nascentes; in his enim virtus praecipua latere credebatur.

49) Sententia esse videtur: neque tamen quidquam promoveo, mei ille plane oblitus est. Indormit pellicum cubilibus, hoc est, detinetur aliarum feminarum amoribus, mei prorsus immemor. Dormit in cubilibus omnium aliarum pellicum, unctis et circumlinitis aliquo succo inducente et afferente oblivionem mei, ob carmen seu incantationem alicujus veneficae potentioris, quam ipsa sim. Illud, omnium, ergo generatim accipiendum erit, quasi dicat: omnium aliarum feminarum cubilia perambulat, illarum amore flagrat, me neglecta, mei solius oblitus.

Ah <sup>50</sup>)! Ah! solutus <sup>51</sup>) ambulat veneficae  
 Scientioris carmine.  
 Non <sup>52</sup>) usitatis, Vare, potionibus <sup>53</sup>),  
 O multa <sup>54</sup>) flēturum caput!  
 Ad me recurres: nec <sup>55</sup>) vocata mens tua  
 Marsis <sup>56</sup>) redibit vocibus.  
 Majus <sup>57</sup>) parabo, majus infundam tibi  
 Fastidienti <sup>58</sup>) poculum:  
 Priusque <sup>59</sup>) caelum sidet <sup>60</sup>) inferius mari,  
 Tellure porrecta super;  
 Quam <sup>61</sup>) non amore sic meo flagres, uti  
 Bitumen atris ignibus.

50) Etiam haec, interposita aliqua mora, subjici putanda sunt a Canidia, impedimenti causam acquirente; quam animo subito objectam τω ah! ah! declarat poeta.

51) Solutus ambulat, pro: solutus est ab effectu meae incantationis; veneficia mea repelluntur, ipsorum vim retundit carmen seu incantatio efficacior veneficae cujuspiam scientioris, quae se peritiorum jactat; gravior incantatio Varum tutum praestat a mea, qua hactenus usus sum.

52) Sensus: istam potentiore incantatione opus esse intelligo, qua istam destructum iri, Varumque mihi obsequentissimum fore certa sim.

53) Potionibus: nempe confectis e medulla et jecure hujus pueri. Potentior ergo incantationis genere efficiam, ut ad me redeas.

54) O multa etc. Quam graves mihi poenas dabis! Qui quidem potione misere excruciaris, ita, ut defleturus sis tuam perfidiam.

55) Nec vocata etc. Adeo quidem, ut, ubi semel ad me recurreris, mens tua, tu, quamquam voceris, avoceris a me Marsis vocibus; quamquam te iterum saga quaequam a me alienare, carmine exsolvere cupiat, non rediturus sis; ut nulla iterum a meo te amore saga expeditura sit.

56) Marsi artem magicam callere dicebantur; erant Italiae populi. Turnebus, et alii hunc locum etiam ita explicant: non adhibebo solennes Marsorum incantationes, ut te vocem, ac redire ad me cogam; majus et potentius veneficium parabo.

57) Majus poculum; majoris efficaciae infundam, miscebo, temperabo tibi poculum.

58) Fastidienti; tibi, qui me aspernaris.

59) Sensus: priusque omnis rerum per naturam ordo confundetur, adeo quidem, ut, quod ex naturae legibus effici nequit, levissima imum, gravissima contra summum locum occupent; quam non etc.

60) Sidet: subsidet, descendet infra terras ac mare, ita ut terra super caelum et mare porrigatur, attollatur, et ita omnia confundantur.

61) Sensus: nisi amore meo sic flagres, mei desiderio ita incendaris, consumaris; uti bitumen atris his ignibus; bituminis enim usus in his sacris notus e Virg. ecl. 8. v. 82. idque propter spissum fumum, quem id egerit; ideo etiam additum est epithetum, atris.

Sub <sup>62</sup>) haec puer, jam non, ut ante, mollibus  
 Lenire verbis impias;  
 Sed dubius, unde <sup>63</sup>) rumperet silentium,  
 Misit Thyesteas <sup>64</sup>) preces <sup>65</sup>):  
 Venena <sup>66</sup>) magnum fas nefasque, non valent  
 Convertere humanam <sup>67</sup>) vicem.  
 Diris <sup>68</sup>) agam vos: dira detestatio  
 Nulla expiatur victima.  
 Quin <sup>69</sup>), ubi perire jussus expiravero,  
 Nocturnus occurram Furor <sup>70</sup>),  
 Petamque <sup>71</sup>) vultus umbra curvis unguibus,  
 Quae <sup>72</sup>) vis Deorum est Manium;

62) Inter funestum hunc apparatus furemque Canidiae, ultima experiri statuentis, puer, salutis spem prorsus decollatam, seque ad extremas lineas admotum animadvertens, ne sua mors impune Canidiae esset, jam ad imprecationes, quae sola miseri sui fati reliqua videbat solatia, convertitur, quas quidem imbecillis, adversus atroces fortioris injurias, munimentum esse volebat prisca religio, Diis ultionem demandando, quam ipsi obtinere haud possent. Post hanc orationem Canidiae, coepit ille non amplius lenibus verbis eas mollire etc.

63) Unde loquendi initium faceret dubius, prae ira nescius.

64) Thyesteas; diras, plenas imprecationis et furoris; quales misit Thyestes, cum filium illi suum epulandum frater Atreus adposuisset.

65) Mittere preces: execrationes edicere, devovere.

66) Venena seu veneficia valent, hoc est, incantationes hoc quidem efficere possunt, ut fas nefasque convertant, commutent, commisceant; atrocissima quidem facinora patrare possunt: non item humanam vicem convertere, immutare possunt, ita, ut ultionem seu vindictam istorum scelerum effugiant.

67) Vices humanae: poenae, quibus homines obnoxii sunt, quae fato, seu divinitus constitutae sunt in homines improbos.

68) Diris imprecationibus agam, persequar vos, quae imprecationes vim suam retinent; neque ullo sacrificio expiantur, id est, impediuntur, quo minus valeant. Haec enim opinio de imprecationibus, ex animo factis, veritibus fuit.

69) Quin; neque his contentus, exsatiatus, ipse, ubi expiravero animam, perire jussus, id est, cujus quidem necis miserandae vos auctores estis; adeoque post mortem omnibus vos excruciaro modis, poenas a vobis exigam. Has speciatim adnumerat poeta, revocatis ad furiarum ministeria coloribus.

70) Furor; instar furiae nocturnae vobis occurram, vos vexabo.

71) Petam: involabo in vultus vestros, eosque dilacerabo unguibus.

72) Quae vis etc. qua potestate gaudent Manes, scilicet, ut insectentur eos, a quibus peremti fuerint. Dii Manes saepe sumuntur pro mortuis, et mortuorum animabus.

Et inquietis <sup>73</sup>) adsidens praecordiis,  
 Pavore somnos auferam.  
 Vos <sup>74</sup>) turba vicatim hinc et hinc saxis petens  
 Contundet obscoenas anus.  
 Post <sup>75</sup>) insepulta membra different lupi,  
 Et Esquilinae alites <sup>76</sup>);  
 Neque <sup>77</sup>) hoc parentes, heu mihi superstites!  
 Effugerit spectaculum.

## Ode VI.

## In Cassium Severum.

## Argumentum.

Invehitur Horatius hoc carmine in hominem qui integrae famae homines, maximeque eos, a quibus nihil sibi periculi metuendum esset, maledictis laceraret, quique ostenso aliquo lucello seu lucro, statim obmutesceret, atque a convitiando absisteret. Quae ne impune ei essent intemperiae, utque aliquando pravae isti libidini modum figeret, ultro eum adgreditur, exprobrataque acerbè ignavia ac timiditate ejus, in se his jambis irritare conatur poeta. Quod quidem allegorice ita instituit, ut eum cum cane, latratu praetereuntes quosque territante, objectisque ossibus con-

73) Inquietis praecordiis, id est: vexans, agens animum vestrum, somnum vobis auferam, pavore injecto.

74) Continuatio execrationis: turba, concitata scelerum vestrorum atrocitate multitudo hominum vos vicatim, id est, per omnes vicos insectata hinc et hinc, seu undique saxis petens contundet, lapidibus obruet, ad necem usque lapidabit; vos, obscoenas, abominandas, scelestas anus, subintellige: precor.

75) Post, ubi lapidibus peremtae fueritis, corpora vestra insepulta jacebunt, projicientur in monte Esquilino, lupis et avibus praedae relicta.

76) Alites: corvi, vultures, quae aves convenire solebant in Esquilias, unum e 7 montibus Romae, in quo supplicium de facinorosis sumebatur, et ubi eorum jacebant cadavera.

77) Non effugerit etc. fruuntur, exsatiabunt sese parentes mei hoc miserabili exitii vestri spectaculo. Utinam hoc ex vestrum supplicio solatium contingat iis! In, heu mihi superstites! non tam miserandum fatum suum, quamquam et hoc dolet puer; quam, quod, turbato naturae ordine, parentes suos immatura morte sua graviter affligat.

ticescente comparet, se contra animosissimum atque acerrimum canem ferat, qui non nisi in ferociori quocunque animali virtutis suae experimentum faciat. Cassium Severum, hominem sordidae originis, vitaeque maleficae, qui viros ac feminas illustres procacibus scriptis diffamaret, a poeta designari notarique, plerique tradunt.

Metrum idem.

Quid <sup>1</sup>) immerentes hospites vexas, canis,  
 Ignavus adversum <sup>2</sup>) lupos?

Quin huc inanes <sup>3</sup>), si potes, vertis minas;  
 Et me remorsurum <sup>4</sup>) petis.

Nam <sup>5</sup>) qualis aut Molossus <sup>6</sup>), aut fulvus Lacon,  
 Amica <sup>7</sup>) vis pastoribus,

Agam per altas aure <sup>8</sup>) sublata nives,  
 Quaecunque praecedet fera.

Tu <sup>9</sup>), quum timenda voce complesti nemos,  
 Projectum odoraris cibum.

Cave, cave: namque <sup>10</sup>) in malos asperrimus  
 Parata <sup>11</sup>) tollo cornua;

1) Quid vexas, incesis latratu hospites, hoc est, homines tibi plane, ignotos, obvios quosque, adeoque immerentes, nulla te injuria lacessentes, ab iis non irritate?

2) Adversum lupos, id est, audaces, promptos paratosque ad propulsandas injurias.

3) Inanes minas, utpote canis timidi et ignavi.

4) Remorsurum; et me impetis, satis animi habentem tecum congregi; qui vanas tuas minas graviter vindicaturus sum.

5) Sensus vulgaris: acerrimorum enim canum instar cuicumque ferae fortiter instabo, pertinacique eam alacritate persequar.

6) Molossia, regio est Epiri; Laconia Peloponnesi; utraque bonis canibus abundans. Hic ergo canes ex his regionibus designantur.

7) Amica vis pastoribus: id est, qui canes amici et optati sunt pastoribus; robore suo commendatissimi pastoribus.

8) Aure sublata: timidorum enim est, aures demittere.

9) Sententia: tum contra tu sola lucri spe maledictis tuis homines incesis, os tibi obturari vis. Et pro hoc, allegoria servata: ubi ingentes clamores, latratus edidisti, odoraris statim, investigas, circumspicis, si quis tibi cibus objectus sit, quo mansuetior fias. Hic munera designantur, quibus Cassius corruptus saepe fuerat.

10) Namque in malos, qui immerentes vexant, asperrimus sum, efferrissima ira odioque feror.

11) Parata tollo cornua, id est promptissimus sum cornibus impetere, tauri instar efferor.

Qualis <sup>12)</sup> Lycambae spretus infido gener,  
 Aut acer hostis Bupalō <sup>13)</sup> dente  
 An <sup>14)</sup>, si quis atro <sup>15)</sup> dente me petiverit,  
 Inultus <sup>16)</sup> ut flebo puer?

## O d e VII.

## Ad populum Romanum.

Occasio et argumentum.

Devicto, atque occiso S. Pompejo, Lepidoque armis exuto, quum respublica diutius bellis civilibus fessa, respirandi aliquando tempus nacta esse videretur, haud multo post a. u. 722 simultates, quae aliquamdiu Octaviano cum Antonio intercesserant, impatiente consortis imperio, prorumpere et ad vim spectare coepere: unde, maxime quum intentiore cura bellum, quandoquidem ultima experiundi animus esset, utrimque adpararetur, in summum rempublicam discrimen adductum iri in promptu erat perspicere. Contactus igitur hac miseranda patriae suae vice poëta Romanos hoc carmine ab insano integrandi belli civilis consilio avocare adnititur, proposita sceleris, cui se obstricturi essent, atrocitate, atque vel belluinam feritatem excedente immanitate, certissimoque, quod in ipsos inde redundaturum sit, exitio.

12) Ordo est: sum talis in maledicos, qualis fuit Archilochus in socerum suum Lycamben. Gener, nempe Archilochus spretus infido Lycambae, id est, ab infido Lycamba. Lycambes, cum Archilochus filiam suam despondisset, eam alteri collocavit. Quo facto poëta Archilochus ita exarsit, ut carmina jambica longe amarissima scripserit in Lycamben, quod hic adeo aegre tulit, ut laqueo sibi gulam fregerit.

13) Hipponax poëta, cum a Bupalō pictore pictus ridiculum in morem fuisset, in eum distinxit stylum, et hominem eo adegit, ut sibi manus violentas adferret. Sensus: aut veluti Hipponax, acerrimis in Bupalum jambis invectus est.

14) Sententia: an impune mihi obrectari patiar, aut aliorum contumelias patienter feram?

15) Atro dente: maledicis versibus.

16) Transpositio: an flebo, ut inultus puer? qui, quum illatam injuriam ulcisci nequeat, inani fletu dolorem suum solatur?

Metrum idem.

Quo <sup>1)</sup>, quo, scelesti, ruitis? aut cur dexteris  
 Aptantur enses conditi <sup>2)</sup>?  
 Parumne <sup>3)</sup> campis, atque Neptuno super  
 Fusum est Latini sanguinis?  
 Non <sup>4)</sup>, ut superbas invidae <sup>5)</sup> Carthaginiis  
 Romanus arces ureret;  
 Intactus <sup>6)</sup> aut Britannus ut descenderet <sup>7)</sup>  
 Sacra catenatus via:  
 Sed <sup>8)</sup> ut, secundum vota Parthorum, sua  
 Urbs haec periret dextera.  
 Neque <sup>9)</sup> hic lupis mos, nec fuit leonibus  
 Unquam, nisi in dispar, feris.  
 Furor <sup>10)</sup> caecus, an rapit vis acrior?

1) Initio statim poëtae indignatio erumpit, atrocitate facinoris, quod in se admisurus esset populus Romanus, plane conturbati.

2) Conditi, nempe in vaginis jam, confectis bellis civilibus duobus, 1° inter Caesarem et Pompejum: altero, inter Augustum et Brutum, Cassiumque.

3) Tamquam parum adhuc Latini nostri, civilis sanguinis fusum sit, terra, marique.

4) Sententia vulgaris: armis accingimini, quibus non exteras nationes sed vosmetipsos perditum itis.

5) Invidae Carthaginiis: fuit enim Carthago aemula Romae. Sensus: non ut Carthago incendio vastaretur, regnum Carthaginiensium everteretur. Carthaginienses hic pro quovis graviore hoste sumuntur.

6) Aut, ut Britanni perdomarentur, de iis triumpharetur. Adgressus quidem fuerat Julius Caesar Britannos ignotos antea; speciem tamen magis, quam veram conditionem praestitit ista expeditio. Recte adeo, intactus, bello quidem tentatus, necdum tamen victus ac perdomitus.

7) Descenderet sacra via, id est, in triumpho duceretur per sacram viam, cujus pars prior, quae ad forum Romanum pertinebat, declivis erat; pars ea vero, quae a foro ad Capitolium ferebat, supina et ardua. De triumphis vide Antiquitates.

8) Sed ut haec urbs, hoc imperii et gloriae domicilium, hoc splendidissimum imperium suamet manu eversum concideret; ut votis Parthorum vos aliter atteri haud posse probe intelligentium, satisfaciatis.

9) Hic tam immanis mos, ne in saevissimis quidem bestiis est, deprehenditur, scilicet, ut in suum ipsae genus saeviant; hae enim non pugnant, nisi adversus feras disparis naturae.

10) Sensus: Quae causa subigit vos, tam perverse agere, impellit vos in mutuum caedem, cum summo dedecore vestro, ac scelere, tam cupide grassari? Num caecus furor, temerarius animi impetus vos praecipites agit? an exstimulat vos vis acrior, gravior, cui resisti nequeat, hoc est, divina, fa-

An culpa? responsum date.  
 Tacent <sup>11)</sup>, et albus ora pallor inficit,  
 Mentisque perculsae stupent.  
 Sic <sup>12)</sup> est; acerba fata Romanos agunt,  
 Scelusque fraternae necis;  
 Ut <sup>13)</sup> immerentis fluxit in terram Remi  
 Sacer nepotibus cruor.

## Ode VIII.

## Ad Maecenatem.

## Occasio et argumentum.

Carmen hocce post primam statim famam de victoria, qua Caesar apud Actium potitus esset a. u. 724, Romam perlata, scriptum esse, plura ipsum in se habet indicia, quae extra omnem dubitationem ponant. Exponit in eo laetitiae suae sensus Maecenati poeta, quos primus iste nuntius in se commoverit vividissimos, adeo quidem, ut victoriam istam adparatissimo statim convivio, non exspectata triumphali pompa, eidem celebrandam injungat; in eaque cogitatione ita defixum habet animum, ut ipsas istas epulas mente occupet, seque convivantium turbae immixtum ferat. Ut autem Romanum suum, ut ita dicam, sensum poeta ostenderet, Antonianae partis militem, a Caesare devictum, omni contumeliarum genere obruit, quod externam sub femina et spadonibus militiam ignavam illam, luxuque infamem sequi sustinuerit.

talis quaedam necessitas; an culpa, seu, pro magno flagitio, quo obstricti estis, hoc, tamquam poena, vobis inflictum est?

11) Tacent, id est, silentio confitentur scelus, et terrore atque stupore suffusi sunt sceleris atrocitate.

12) Poeta intelligens, se frustra a bello civili revocare rempublicam, scelus confessam, Deorumque adeo ira ad illud compulsam, cum desperatione subjicit: sic est, in confesso, palam est, Romanos Deorum ira premi, et ad exitium suum cogi. Ita agere coacti sunt fatorum decreto; ad civile bellum praecipitantur Romani, ut scelus fraternae necis luant; seu ob parricidium, Remo occiso contractum.

13) Ut, seu ex quo, postquam cruor Remi in terram fluxit; Remus caesus est innocens, quod facinoris diritatem auget. Ceterum quum magnas calamitates antiquitatis sensus ad Deos auctores, gravi aliquo scelere irritatos, referat; invidiae amoliendae causa solenne fere poetis est, a majorum delictis, ac iis quidem, quae etiam in posteris vindicari putarent, irarum causas repetere; ut hoc loco belli civilis mala a parricidio Romuli, de quo vide hist. ant.

## Metrum idem.

Quando <sup>1)</sup> repostum (Caecubum <sup>2)</sup>) ad festas dapes,  
 Victore <sup>3)</sup> laetus Caesare,  
 Tecum sub alta <sup>4)</sup>, sic Jovi <sup>5)</sup> gratum, domo,  
 Beate Maecenas, bibam,  
 Sonante <sup>6)</sup> mixtum tibiis carmen lyra,  
 Hac Dorium, illis Barbarum?  
 Ut <sup>7)</sup> nuper; actus <sup>8)</sup> quum freto Neptunius  
 Dux <sup>9)</sup> fugit ustis navibus <sup>10)</sup>,  
 Minatus <sup>11)</sup> Urbi vincla, quae detraxerat  
 Servis amicus perfidis.

1) Vulgaris sententia: Eo quando Augusti victoriam celebrabimus? et pro hoc poeta convivii adparatus instruendi partes ponit, cantum et vinum.

2) Caecubum: hoc est, optimaec notae, nobilissimum vinum, unde: repositum ad festas dapes, non nisi festis diebus adhiberi solitum. Vide L. I. od. 31. not. 7.

3) Victore laetus Caesare, pro, propter Caesaris victoriam.

4) Sub alta domo; indicat suaviter, se illud convivium a Maecenate vellet instrui. Ita enim adpellat turrin Maecenatianam in Esquilinis hortis sitam.

5) Quandoquidem ita Jovi placuit, Dii prosperum huic rerum eventum dederunt.

6) Sensus: inter festos lyrae, ac tibiae cantus. Lyra sonante carmen mixtum, seu cantus mixtos tibiis, id est, lyra ac tibiis resonantibus. Hac quidem lyra Dorium modum, severum ac gravem; illis vero, id est, tibiis Barbarum seu Phrygium, effrenem, ac Bacchico furore tumultuantem. Probabile est, poetam Dorio modo grave Martis opus, hoc est, ipsum pugnae conflictum; Phrygio autem eventum ejus, victoriam Caesaris, atque adeo laetitiam, qua inde efferretur, exprimi repraesentarique voluisse.

7) Quod idem et nuper fecimus, scilicet, ut solenne convivium ageremus, devicto ad Siculum litus S. Pompejo a. u. 718.

8) Quum actus, exactus, pulsus freto Siculo fugit, fuga sibi consulere opus habuit etc.

9) Dux Neptunius: Sextus Pompejus, qui ab Augusto navali pugna victus est consiliis et fortitudine Agrippae. Is Neptuni filium adpellari se voluit, quia Pompejus magnus, ipsius pater, universo mari imperaverat; vel quia ipse proeliis aliquot maritimis secundis usus fuerat. Perditis omnibus fugit in Asiam ad Antonium, a quo interfectus est, percussore immisso.

10) Ustis navibus: fuit dominus trecentarum navium et quinquaginta, omnesque perdidit in hoc proelio exceptis 6 vel 7, cum quibus fugam arripuit.

11) Qui armatis, in supplementum classis et exercitus, egestatis, collectisque piratis, rempublicam Romanam servitii jugo subdere in animo habuerat; ac proinde ea ipsa vincula, quibus servitiam exsolvisset, minatus est civibus Romanis, ille amicus servorum perfidorum, fugitivorum.

Romanus <sup>12)</sup>), eheu! posteri negabit, <sup>in hanc effluvia non morbo</sup>  
 Emancipatus feminae,  
 Fert vallum <sup>13)</sup> et arma miles, et spadonibus <sup>14)</sup>  
 Servire rugosis potest!  
 Interque <sup>15)</sup> signa turpe militaria  
 Sol adspicit conopium!  
 Ad <sup>16)</sup> hoc frementes verterunt bis mille equos  
 Galli, canentes Caesarem;  
 Hostiliumque <sup>17)</sup> navium portu latent  
 Puppes sinistrorsum citae.

12) Persequitur jam, amareque exagitat poeta ignominiam, quam Antonii, exercitus, Aegyptiae mulieris, et spadonum imperiis parere haud dedignatus, pertulerit: ergone miles Romanus, vix credent posteri! sub Duce Antonio in ejus castris, oblitus pristinae libertatis ac dignitatis, emancipatus, addictus, redactus in potestatem feminae Cleopatrae fert vallum etc. Nam mancipium dicebant veteres jus ipsum, dominiumque, seu proprietatem rei; hinc mancipare sive emancipare, pro, mancipio dare, in alterius manum ac potestatem tradere.

13) Vallus seu palus est stipes, quo utebantur ad castra munienda; hinc vallum munitio ipsa est. Fert vallum et arma, idem ac, graves militiae labores tolerat, militat sub spadonibus.

14) Spadones, sunt Eunuchi, Cleopatrae comites et administri. Rugosi, id est, rugis ante tempus deformati; quod quidem proprium truncati corporis perhibetur infortunium.

15) Interque etc. Inter signa militaria, id est, aquilas Romanas sol adspicit seu, conspicitur conopium, quod erat velum apud Aegyptios, ad arcendos culices, ex Nili illuvie abundantes, lectis praetendi solitum, mox inter luxus instrumenta habitum, intextis ei filis aureis, adpersisque tenuissimis maculis. Hinc causa intelligitur, cur illud extremae mollietiei Aegyptiae argumentum tanto turpius Romanis videri debuerit, quod inter aquilas Romanas conspiceretur. Per conopeum ergo hic muliebri tentorium Cleopatrae aliarumque Aegyptiarum feminarum intelligi potest.

16) Ex Antonii copiis, quae in continenti stabant, quibusve Canidius praeerat, Gallograecos, seu Galatas, Dejotaro et Amynta ducibus, antepugnae discrimen ad Octavianum transivisse, tradunt Plut. et Vellej. Gallorum autem ideo mentio facta est, ut Romanos, qui sub praepositis spadonibus aequo animo militarent, magis oneraret per hanc comparisonem, quum hi Galli, hoc dedignati, ad Caesarem se contulerint. Igitur Galli frementes, aegerime ferentes, indignantes ad hoc conopium, id est, ob foedum hoc conopii spectaculum averterunt equos, aversati sunt ejus aspectum, deseruere ista castra, canentes, laudantes clamore bellico Caesarem, potiores ejus partes rati.

17) Jam navales copias poeta memorat, quae eadem indignatione, quod feminae eunuchis parendum esset, motae, pugnam detrectassent, et in portum, dum confligeretur, recessissent. Facile intelligitur, poetam in rem suam vertisse, quod ex ignavia atque timore factum est. Jam pars ista navium, quae post primam congressionem in portum refugeret, quo minus discessio

Io <sup>18)</sup> Triumphe! tu moraris aureos <sup>et primam congressionem, hinc 295</sup>  
 Currus <sup>19)</sup>, et intactas <sup>20)</sup> boves;  
 Io Triumphe! nec Jugurthino parem  
 Bello reportasti ducem <sup>21)</sup>;  
 Neque Africano <sup>22)</sup>, cui super Carthaginem  
 Virtus sepulcrum condidit.  
 Terra <sup>23)</sup> marique victus hostis, Punico  
 Lugubre mutavit sagum.  
 Aut <sup>24)</sup> ille centum nobilem Cretam urbibus,  
 Ventis <sup>25)</sup> iturus non suis;  
 Exercitatus aut petit Syrtes <sup>26)</sup> Noto;  
 Aut <sup>27)</sup> fertur incerto mari.

ista animadverteretur, puppes ciebat, hoc est: ita retrorsum agebatur, ut puppes praecederent, prorae sequerentur, idque sinistrorsum fieri oportebat, acie Antonii dextrorsum, Italiam versus, directa atque explicata. Hostilium igitur navium puppes, id est, hostiles naves, portu latent, seu in portu se absconderunt ob eandem causam, sinistrorsum citae, id est, versus sinistram partem ad fugam expeditae, veloces.

18) Vulgaris enuntiatio: Ecquando ducetur triumphus, vel splendidissimis Marii et Scipionis antefendus? Pro hoc ad Triumphum, Deum, orationem convertit poeta, queriturque quod urbem non illico intret, pompamque adeo triumphalem ac solenne sacrificium moretur. Nam pompae isti praessee, eam ipse ducere creditus est.

19) Currus aureos, id est, currum triumphalem auro et ebore ornatum.

20) Sacrificium Jovi Capitolino a triumphatore faciendum declarant boves intactae, jugum haud passae juvencae.

21) Ducem: nempe Marium, qui de Jugurtha triumphavit. Vide L. II. od. 1. not. 28.

22) Africanus minor, cui super Carthaginem etc. sensus vulgaris: qui Carthagine eversa aeternam sibi nominis famam acquisivit. Et pro hoc: cui in Carthaginiis ruinis fortitudo monumentum gloriosissimum excitavit.

23) Triumphus magnitudinem praeclare poeta miserabili Antonii fuga, quam cum summa omnium rerum desperatione, deletis quippe navibus, copiisque ejus terrestribus ad deditionem compulsis, capessere coactus fuit illustratam subjicit. Canidius enim septimo post fugam Antonii die ad Caesarem defecit. Vide supra not. 16. Sensus est: Hostis victus mutavit puniceum seu purpureum sagum lugubri, nigro, hoc est, deposuit militare paludamentum, vestem imperatoriam, quae coloris rubri erat, ut sumeret funestam et pullatam, qualis in luctu sumebatur.

24) Sensus vulgaris: Cretam, aut Africam petiturus. Creta est insula e regione Maris Aegei.

25) Ventis non suis, id est, non faventibus, inimicis.

26) Syrtes; Litoris Libyci vada; Syrtis major et minor. Vexatas, id est, agitatae, turbatas Noto, vento meridionali.

27) Aut fertur incerto mari, hoc est, ipse incertus consilii errat per maria, animo ista clade penitus perturbato.

Capaciores <sup>28)</sup> adfer huc, puer, scyphos,

Et Chia vina, aut Lesbia;

Vel, quod fluentem nauseam coërceat,

Metire <sup>29)</sup> nobis Caecubum.

Curam <sup>30)</sup>, metumque Caesaris rerum, juvat

Dulci Lyaeo solvere.

O d e I X.

In Maevium poëtam.

Argumentum.

Probabile est, Maevium non solum insulsum versificatorem, sed praestantiorum quoque poëtarum, Virgilii, Horatii et aliorum obrectatorem fuisse acerrimum, ideoque a nostro hoc carmine misere habitum. Ut enim bonorum omnium risum captaret, tragica quadam gravitate ei, peregre, forte Athenas, ituro, naufragium mortemque miserimam imprecatur, lautissimumque, si precum suarum rationem habiturae essent, Tempestatibus sacrificium vovet. Atque hoc ipsum, ne inhumanum poëtae pectus incuses, praeter incessum totius carminis, abunde comprobatur, Horatium ludum potius Maevium dare voluisse, quam veros animi sensus protulisse.

Metrum idem.

Mala <sup>1)</sup> soluta navis exit alite <sup>2)</sup>,

Ferens olentem <sup>3)</sup> Maevium.

28) Ad propositum suum redit poëta, confususque impotenti laetitia affectu, futuram convivii hilaritatem animo praeceptam repraesentat; discumbunt convivae, majoribusque poculis, quae istius diei solennitas poscat, celebrandam indicit. Eadem extollendae ex merito victoriae causa cumulate adponi jubet vina Chia, et Lesbia, hoc est, generosissima. Sunt autem nata haec in insulis Chio et Lesbo maris Aegaei.

29) Metire infunde Caecubum, quod nauseam, nempe ciborum fastidium coërceat, tollat; fluentem, id est, alvum fluentem. Proprie enim stomachus laxatur, languet, fluit.

30) Curam Lyaeus solvit, vino diluitur metus; quae cura nos antea sollicitos habuit, cum in metu essemus, ob incertum belli exitum, et Caesaris salutem fortunamque, periculoſo loco positam.

1) Sensus vulgaris: utinam Maevius, iter mari ingressus, tempestatem gravissimam experiat, eaque obruatur!

2) Mala alite: id est, infausto omine.

3) Olientem, foetidum, graveolentem hominem.

Ut <sup>4)</sup> horridis utrumque verberes latus,  
Auster, memento, fluctibus.

Niger <sup>5)</sup> rudentes Euris <sup>6)</sup>, inverso <sup>7)</sup> mari,  
Fractosque remos differat.

Insurgat Aquilo <sup>8)</sup>, quantus altis montibus  
Frangit trementes ilices;

Nec sidus <sup>9)</sup> atra nocte amicum adpareat,  
Qua <sup>10)</sup> tristis Orion cadit;

Quietiore <sup>11)</sup> nec feratur aequore,  
Quam Graja victorum manus:

Quam Pallas <sup>12)</sup> usto vertit iram ab Ilio  
In impiam Ajacis ratem.

O quantus <sup>13)</sup> instat navitis sudor tuis,  
Tibique pallor luteus!

Et illa <sup>14)</sup> non virilis ejulatio,  
Preces et aversum ad Jovem;

4) Alloquitur hic Austrum: memento, tui officii putato, hoc sedulo ages, ut utrumque navis latus, seu, navim utrimque verberes, pulses, convellas, excitatis atque allisis fluctibus. Id est, extolle fluctus, qui laterum compagem dissolvant. Auster est ventus meridionalis, Graecis etiam Notus dictus.

5) Sententia: Euris mare conturbet, remosque ac rudentes auferat.

6) Euris, ventus ab Oriente flans, niger, nubes conglobans.

7) Inverso; susque deque agitato, conturbato.

8) Aquilo a Septentrione summa vi in navem impetat, exurgens; quam vehementer esse solet, cum ilices, quercus, trementes; nutantes pondere ac proceritate sua, frangit.

9) Sidus amicum Dioscurorum. Vide L. I. od. 3. not. 3.

10) Qua tristis Orion, id est, per nocturnam tempestatem, qua procellosus Orion occidit. Orion est tristis ob tempestates, quas ciet. Vide L. I. od. 23. not. 25. et L. III. od. 19. not. 13.

11) Nec quietiore, pacatiore; turbulentiore adeo aequore jactetur; eandem tempestatem experiat, quam vitrici Graecorum manus, id est, Graeci eversa Troja domum redeuntes pertulerunt, a Pallade, Ajacis ulciscendi causa, excitata. Graeci enim, e Troja revertentes, prope Euboeam insulam naufragium fecerunt: ac praeter ceteros Ajax, Oilei filius, interiit, quem Pallas fulmine percussit, irata, quod in suo templo Cassandram ille temerasset.

12) Pallas, irata erat Trojanis, ob judicium Paridis; itaque Troja deleta, ulcisci Ajacem cogitavit, cui privatim erat infensa, licet universe Graecis faveret contra Trojanos. Reliquias ergo irae, qua exarserat in Trojam, convertit in Ajacis navem impiam, ob scelus ab ipso commissum. Vide L. I. od. 13. not. 25.

13) Quantum sudabunt, laborabunt remiges tui! Interea tu pallore luteo, subflavo perfunderis, metu exanimis.

14) Illa non virilis, virum dedecens, muliebris ejulatio. Sensus: quantis precibus obtundes, fatigabis Jovem aversum, qui tamen nullam tui rationem habebit, preces tuas, et ejulationem aspernabitur.

Jonius <sup>15)</sup> udo quum remugiens sinus  
 Noto carinam ruperit!  
 Opima <sup>16)</sup> quod si praeda, curvo litore  
 Porrecta, mergos iuveris;  
 Libidinosus immolabitur caper,  
 Et agna Tempestatibus.

O d e X.

A d A m i c o s.

Argumentum.

Ab hieme, tristiorisque per eam caeli facie sodales ad diem genialiter agendum exhortatus poeta, ad generale vitae jucunde traducendae praeceptum progreditur, argumentis a juvenilis aetatis flore, cito marcescente, vitaeque omnino brevitate desumtis, hocque, quo gravius ad animum accideret, Chironis sapientissimi, ultimae antiquitatis viri, idem Achillem, ad bellum Trojanum profecturum, monentis, sententia, eloquitur atque confirmat.

Metrum Archilochium.

- - - - -  
 - - - - -  
 - - - - -

Horrida tempestas <sup>1)</sup> caelum contraxit; et imbres <sup>2)</sup>  
 Nivesque deducunt Jovem:  
 Nunc mare, nunc silvae  
 Threicio <sup>3)</sup> Aquilone sonant. Rapiamus, amici,

15) Quum sinus Jonius, hoc est mare Jonium, in sinus curvatum ad Occidentem Graeciae, remugiens, id est, procellosum, turbatum Noto udo, seu pluvias congerente, carinam ruperit, hoc est, navis compagem solverit, navem diffregit.

16) Sententia vulgaris: quod si naufragio isto interieris, voti compos factus, lauto sacrificio me exsolvam. Opima praeda, mergos iuveris, pro: si corpus tuum porrectum, in litus rejectum, ibique jacens jucundam mergis et piscibus escam praebuerit, praedae iis fuerit, ab iis devorabitur. Mergi sunt aves quaedam marinae.

1) Tempestas, procellae contrahunt caelum, quatenus nubes conglomerant, cogunt; caelum nubibus obducunt.

2) Imbres nivesque deducunt Jovem, hoc est: Jupiter seu aether in imbres ac nives resolutus decidit; maxima nivis imbrumque copia defunditur.

3) Aquilonis vehementiam ab effectu, id est, a fragore, per silvas et

Occasionem de die <sup>4)</sup>:

Dumque <sup>5)</sup> virent genua,  
 Et decet, obducta <sup>6)</sup> solvatur fronte senectus.

Tu vina <sup>7)</sup> Torquato move

Consule pressa meo.

Cetera <sup>8)</sup> mitte loqui: Deus <sup>9)</sup> haec fortasse benigna

Reducet in sedem vice.

Nunc et Achaemena <sup>10)</sup>

Perfundi nardo juvat, et fide <sup>11)</sup> Cyllenea

Levare <sup>12)</sup> diris pectora

Sollicitudinibus.

Nobilis <sup>13)</sup> ut grandi <sup>14)</sup> cecinit Centaurus <sup>15)</sup> alumno:

maria excitato, designat poeta. Threicius seu Thracius dicitur Aquilo a poetis latinis, ad imitationem Graecorum poetarum, quibus Thracius ventus reipsa septentrionalis erat. Nam respectu Italiae Thracia jacet ab Oriente in Septentrionem vergente.

4) De die, ab hac ipsa inclementiore anni tempestate occasionem vitae jucunde agendaepiamus, sumamus; hoc triste caelum in rem nostram vertamus; utamur occasione, quam anni tempus praebet.

5) Dum virent, id est, dum vegeta, agilia sunt genua, dum in flore aetatis constituti sumus, et per hanc juvenilem aetatem decet etc.

6) Sensus: frontem exporrigamus, hilaritati nos demus, jucunde vivamus. Obducta fronte: nubibus ac tenebris quasi involuta fronte tristitia solvatur, id est: solvamus et removeamus tristitiam a fronte. Senectus enim tristis est.

7) Age, missis curis, hilare agitemus convivium, quod illico adparetur, et quidem vino, unguento et cantu, ex more. Move ergo vina, id est, cadum vini, quod pressum et reconditum est L. Manlio Torquato, consule meo, id est, anno, quo ipse natus sum. A. u. 689. Cadum vini antiqui misce, infunde, adpone.

8) Mitte loqui: ne cures, ne cogites; seu mitte sermones molestos de aliis rebus, quam de vino et hilaritate.

9) Deus illa reducet in sedem pristinam, in ordinem pristinum restituet benigna vice, grata vicissitudine; in melius referet, mutabit.

10) Achaemena, Persica; Achaemenes enim rex Persarum fuit, vide L. III. od. 1. not. 44.

11) Fide seu lyra Cyllenea, Mercuriali, quia Mercurius invenit lyram, ejusque primus artifex fuit, in Cyllene, monte Arcadiae, natus.

12) Levare pectora sollicitudinibus: animum curis solvere, exhilarare. Diris, infestis, animum exedentibus.

13) Jam ad praeceptum generale, de vita jucunde agenda procedit poeta, idque quo fortius animum percelleret, effato Chironis communit.

14) Grandi alumno: Achilli.

15) Centaurus nobilis, Chiron, qui non modo Centaurorum, sed omnium hominum aetate sua justissimus, et sapientissimus, simulque Achillis institutor fuit. Cecinit: qualia vitae praecepta dedit Chiron magno Achilli, forti heroi.





Nec fera caerulea domuit Germania.<sup>9)</sup> pube,  
 Parentibusque abominatus Hannibal<sup>10)</sup>;  
 Impia perdemus<sup>11)</sup> devoti sanguinis(aetas);  
 Ferisque<sup>12)</sup> rursus occupabitur solum.  
 Barbarus<sup>13)</sup>, heu! cineres<sup>14)</sup> insistet victor, et Urbem<sup>15)</sup>  
 Eques sonante verberabit ungula:  
 Quaeque<sup>16)</sup> carent ventis et solibus, ossa Quirini,  
 Nefas<sup>17)</sup> videre, dissipabit insolens.  
 Forte<sup>18)</sup>, quid expedit, communiter, aut melior pars,  
 Malis carere quaeritis laboribus?  
 Nulla<sup>19)</sup> sit hac potior sententia (Phocaeorum<sup>20)</sup>)

rebus novis et Catilinae favebant: itaque merito inter hostes gravissimos reipublicae Romanae mumerantur; quamvis postea detecti Ciceronis vigilantia, cui conjurationem omnem ultro patefecerunt, relictis Catilinae partibus, in officio ac reipublicae fide manserunt; unde infideles novis rebus dicuntur; quia fidem, datam civibus novarum rerum, id est, reipublicae mutandae, aut potius evertendae cupidis, non servarunt.

9) Germania, fera caerulea pube, Germani caeruleis oculis truces, terribiles. Respicit potissimum effusam per Italiam immanem vim Germanarum gentium, quibus nomen Cimbris et Teutonis erat, quae Caepionem, Manlium et ante Carbonem, Silanumque fugavit, castrisque exiit donec a Mario tandem repressa, maximaque clade afflictata est.

10) Claudius agmen Hannibal, deterrima illa, ut ita dicam, fundi Italici pestis ac calamitas. Abominatus parentibus, id est, matribus ob caesos multis proliis filios.

11) Nos impii, et impio saeculo nati, quorum sanguis sacer ac devotus, id est, morti destinatus esse videtur, propter majorum scelera.

12) Tellurem hanc, ut ante Romam conditam, ferae iterum inhabitabunt.

13) Generalem notionem: externos hostes Urbe, civibus vastata, potituros esse, specialibus notionibus dispescit poeta.

14) Cineres insistet, id est, cineribus urbis, seu urbi in pulverem versae insistet, eam pede calcabit.

15) Urbem, solum, quo Urbs steterat, eques verberabit, pulsabit, equo ferociter persultabit.

16) Et ossa Romuli, quae sunt penitus in terram defossa, et in urna condita, atque ita neque ventis commoventur, neque a solis radiis attinguntur, victor insolens dissipabit.

17) Nefas videre: religione prohibuitur erat apud veteres, tumulos effodere, et ossa dissipare mortuorum. Sensus ergo est: quod spectaculum triste visu, ac nefarium erit!

18) Nexus sententiarum: forte quaeritis, o cives communiter, id est, omnes univere, aut melior, seu major pars vestri, quid expedit, quid opus facto sit, carere, id est, ad carendum malis laboribus, ut careatis bellis civilibus. Constructio Graeca.

19) Sententia vulgaris: agite, deseramus inauspicatum hoc solum, Phocaeos imitati.

Velut profugit exsecrata<sup>21)</sup> civitas;  
 Agros, atque Lares patrios, habitandaque fana<sup>22)</sup>  
 Apris reliquit, et rapacibus lupis)  
 Ire<sup>23)</sup>, pedes quocumque ferent, quocumque per undas  
 Notus vocabit, aut protervus Africanus.  
 Sic<sup>24)</sup> placet? an melius quis habet suadere? secunda  
 Ratem occupare quid moramur alite?  
 Sed<sup>25)</sup> jurem in haec: Simul imis saxa renarint  
 Vadis levata, ne redire sit nefas;  
 Neu<sup>26)</sup> conversa domum pigeat dare lintea, quando  
 Padus Matina laverit cacumina;  
 In mare<sup>27)</sup> seu celsus proruperit Apeninicus;  
 Novaque<sup>28)</sup> monstra junxerit libidine

20) Phocaei, in Jonia, provincia Asiae minoris, cum ab Harpago, Cyri duce, gravissima obsidione premerentur, concessio unius diei ad deliberandum de rebus suis spatio, commune mutandi soli patrii consilium ceperunt, cumque conjugibus ac liberis primo Chium, mox, negata ipsis in ista insula sede, Coreyram adpulerunt, ibique consederunt; ante autem, quam patria cederent, publicis execrationibus juramentoque, ne quis remaneret, neu quis prius reverteretur, quam massa ferri, quam mari immersissent, in ejus superficie adparuisset, sanxerunt, seque obstrinxerunt.

21) Exsecrata civitas: postquam omni execratione se devinxissent, diris eos, qui remansuri essent, devovissent.

22) Fana, id est, templa deserunt, a feris incolenda.

23) Sensus: isthinc aufugere, ac commigrare, quocumque nos casus terra marique tulerit, dummodo longe ab infausta hac regione disjuncti simus. Vividissime ita taedii sui, quo erga rempublicam adfectus esset, sensum exponit poeta, ut ubivis terrarum degere satius ducat, quam Romae. Nexus sententiarum: nulla sit sententia potior hac; nempe ire, eundi, quo nos pedes ferent etc. Phocaeorum exemplo.

24) Sensus: itane censetis? an quis melius in rem consulere potest? quin igitur abimus? secunda alite: bono omine; quod istud suum consilium saluberrimum, optimumque eventum habiturum judicaret.

25) Ante tamen, quam hinc aufugiamus, jurejurando nos obstringamus, nos haud prius redituros, quam saxa, in mare dejecta, in ejus superficie iterum adparuerint, sequuntur plura diversisque generis impossibilia physica, quo magis obfirmaret discessum, quem institui decrevisset poeta.

26) Neu pigeat tunc navibus domum reveli, cum Padus, citerioris Gallicae fluvius, ad Montis Matini, qui est in Calabria, verticem pervenerit, antequam id fiat, vero pigeat nos, non liceat nobis in patriam reverti. Atqui nunquam illud futurum est.

27) Seu ubi mons Apeninicus, qui longo tractu Italiam dividit, moverit se, atque in mare procurrerit, promontorium maris factus.

28) Inversas naturae leges, solemne poetis, animalium, disparis indolis, naturalique odio directorum, conjunctione atque connubio adeo repraesent-

Mirus amor; juvet ut tigres subsidere cervis,  
 Adulteretur et columba milvio;  
 Credula nec flavos timeant armenta leones,  
 Ametque salsa laevis<sup>29)</sup> hircus aequora.  
 Haec<sup>30)</sup>, et quae poterunt reditus abscindere dulcès,  
 Eamus omnis exsecrata civitas;  
 Aut pars indocili melior grege; mollis et exspes  
 Inominata perprimat cubilia.  
 Vos, quibus est virtus, muliebrem tollite luctum,  
 Etrusca<sup>31)</sup> praeter et volate litora.  
 Nos manet<sup>32)</sup> Oceanus circumvagus arva; beata<sup>33)</sup>  
 Petamus arva, divites et insulas,  
 Reddit ubi Cererem<sup>34)</sup> tellus inarata quotannis,  
 Et imputata<sup>35)</sup> floret usque vinea;  
 Germinat et nunquam fallentis termes<sup>36)</sup> olivae,  
 Suamque pulla ficus<sup>37)</sup> ornat arborem;

tare. Mirus amor junxerit nova et inaudita libidine, conjunctione monstra, id est, feras disparis generis, tigres cervis, columbas milvis. Subsidere, pro, subsidant, hoc est, inantur tigres a cervis; adulteretur, ineat, subsidat milvo.

29) Laevis factus, instar piscis, qui natura pilosus et hirsutus est; idemque amet aequora salsa, instar piscium natet, qui amat in montibus pasci.

30) Nexus sententiarum: ubi haec aliaque, quae omnem reditus spem abscindere poterunt, nobis adiment, exsecrati erimus, sanciendae sententiae causa pronuntiaverimus; ubi in haec verba juveratimus: eamus, discedamus omnes, aut pars nostri saltem sanior et melior, consultiorque indocili grege, vulgo et plebecula, quae, instar stupidi gregis, ratione duci nequit; quaeve prae mollitia iners, fugaeque pericula ac labores subterfugiens, et exspes, adeoque abjecti animi, ut de salute prorsus desperet, perprimat cubilia inauspicata, infausta, ob continua bella civilia, id est, domi desiderat.

31) Et mare Tyrrhenum ingressi Oceanum versus navigemus, Fortunatas insulas, illic sitas, petituri. Naves enim dicuntur volare, ad celeritatem indicandam. Etruria est ad mare Tyrrhenum.

32) Nos manet, id est, fata nos petere jubent Oceanum, circumvagum arva, id est, qui circum terras vagatur, qui eas ambit; vel potius, insulas in Oceano positas, Italia enim est in mari Mediterraneo.

33) Beata arva, id est, fortunatas insulas. Sunt illae in mari Atlantico, non procul ab Hispania: in iis aer purissimus, fertilis admodum terra, quidquid ad victum et delicias desiderari potest, ibi abundare dicitur.

34) Cererem, id est, fruges reddit, fundit, quarum Ceres Dea habetur, Vide Mythol.

35) Imputata, non amputata, pro, nulla cura impensa.

36) Termes, ramus olivae nunquam fallentis, id est, semper feracis.

37) Ficus pulla, nigricans, matura, non viridis. Id est: ficus arbores sponte sua procreant fructus.

Mella<sup>38)</sup> cava manant ex ilice; montibus<sup>39)</sup> altis  
 Levis crepante lymph a desilit pede.  
 Illic injussae veniunt ad mulctra<sup>40)</sup> capellae,  
 Refertque tenta<sup>41)</sup> grex amicus ubera;  
 Nec vespertinus<sup>42)</sup> circumgemit ursus ovile;  
 Neque intumescit<sup>43)</sup> alta viperis humus.  
 Pluraque<sup>44)</sup> felices mirabimur; ut<sup>45)</sup> neque largis  
 Aquosus Eurus arva radat imbribus,  
 Pinguia nec<sup>46)</sup> siccis urantur semina glebis;  
 Utrumque<sup>47)</sup> rege temperante Coelitus.  
 Nulla<sup>48)</sup> nocent pecori contagia; nullius astri  
 Gregem aestuosa torret impotentia.  
 Non huc<sup>49)</sup> Argoo<sup>50)</sup> contendit remige pinus;  
 Neque impudica Colchis intulit pedem:

38) Mel quercubus cavis defluit, absque hominum cura ab apibus ibi congestum.

39) Montibus altis undae seu aquae defluunt, crepante, sonoro pede, id est, sonantes.

40) Mulctra sunt vasa, in quibus excipitur lac, pressis uberibus.

41) Tenta, distenta ubera. Grex amicus, id est, hominum commodis inserviens.

42) Vespertinus, id est, vesperi, noctu.

43) Sensus: absunt ibi noxia animalia. Intumescit, ob latebras serpentium, sub terra delitescientium, pro: non alit vipersas, veneno tumidas.

44) Nova subjecturus felicitatis momenta, poeta variavit orationis structuram, ne scilicet nimis protracta videretur descriptio. Plurima alia insuper cognoscemus commoda, quibus nostra regio destituitur; nam hoc ipsum est, quod mirationem facit.

45) Sensus: veluti aequabilem ac mitem anni tempestatem. Hiemem declarant procellosi imbres, ex Italiae regionis natura; et hi radunt, verrunt arva, dum nimia copia defusi, largi, terram diluunt ac provolvunt, maxime in locis clivosis. Hoc autem Euro, vento orientali, tribuit poeta, quatenus vis venti nubes contrahit; hinc aquosus dictus, aquosas nubes cogens.

46) Neque nimio solis aestu torretur regio. Siccitas nimia non urit semina, secundo succo turgida, in sulcis arentibus, inter siccas glebas.

47) Sensus: Jove moderante utrumque, et aestatem et hiemem.

48) Sensus: neque morbis infestantur pecora. Impotentia aestuosa astri, id est, nimius astri seu Sirii aestus, quo grex torretur. Impotentia enim posita est pro: vis immodica, et potentia exitialis.

49) Sententia vulgaris: homines ibi degunt ab omni hominum commercio integri ac sinceri, ad quos adeo non penetrarunt vitiorum contagia, navigationibus per terrarum orbem disseminata, adeoque prohi, pudici, cupiditibus liberi. Jam quum commercium cum istis maritimis esse debuerit, delecte poeta ex longinquis antiquissimorum hominum navigationibus expeditionem Argonautarum, Ulyxis errores, et Phoenicum itinera commemorat, quos omnes Oceanum intrasse fama erat.



Citumque retro solve<sup>7)</sup>, solve turbinem.  
 Movit<sup>8)</sup> nepotem<sup>9)</sup> Telephus<sup>10)</sup> Nereium.  
 In quem superbus ordinarat agmina  
 Mysorum, et in quem tela acuta torserat.  
 Unxere matres<sup>11)</sup> Iliæ addictum feris  
 Alitibus, atque canibus homicidam Hectorem;  
 Postquam<sup>12)</sup> relictis moenibus rex procidit,  
 Heu! pervicacis<sup>13)</sup> ad pedes Achillei.  
 Setosa<sup>14)</sup> duris exuere pellibus  
 Laboriosi remiges Ulyxei,  
 Volente Circe, membra; tunc mens et sonus<sup>15)</sup>  
 Relapsus, atque notus in vultus honor<sup>16)</sup>.  
 Dedi<sup>17)</sup> satis superque poenarum tibi,  
 Amata nautis multum et institoribus.

7) Solve retro: retro age turbinem. Utebantur magi in suis incantationibus, turbine, sive rhombo, quem filis et taeniolis involutum circumagebant; ut autem irrita esset incantatio, inhibebant motum; ut incantatio eadem valeret in contrariam partem, turbinem retro seu in aliam partem vertebant.

8) Magnam irrisionis vim habent placatae maximorum heroum, nominatim Achillis, irae exempla, quibus Canidiam ad misericordiam perducere conatur poeta.

9) Nepotem Nerejum, Achillem, genitum Thetide, filia Nerei.

10) Telephus, Mysorum rex, qui cum Trojam petentes Graecos arceret Mysia, negaretque transitum, ab Achille vulneratus est: oraculo consulto, responsum fuit, eum ab eodem tantum sanari posse, a quo vulnus accepisset; supplex igitur Achillem adiit, qui decussa in vulnus Telephi hastae suae rubigine, hominem persanavit.

11) Idem Achilles Hectoris corpus suis sepeliendum reddidit, a Priamo exoratus. Matres, id est, matronae Iliæ, Trojanae, unxerunt balsamo, et aromatibus delibutum tumularunt cadaver Hectoris, addictum, seu destinatum ab Achille vulturibus feris. Homicidam, *ανδροφονον*, Homericum epithetum.

12) Postquam Priamus, rex Trojanorum, relictis moenibus urbis, castra Achivorum ingressus, Achilli supplex factus est. Vide L. I. od. 9. not. 13.

13) Pervicacis: cedere nescii, quantumvis duri, pertinacis.

14) Sensus: setosa seu porcina membra exuerunt remiges, seu socii Ulyssis, a Circe in sues aliasque bestias immutati, ab eademque, Ulysses deprecante, pristinae formae restituti sunt. Duris pellibus, id est, dura cute. Laboriosi, multis laboribus exercitati. Vide Homer.

15) Sonus, vox humana, quae antea dilapsa erat, evanuerat, iterum relapsa est, corpori sese insinuabat; iis reddebatur.

16) Notus honor: proprium oris decus, pristina humana facies.

17) Videtur hic Varus Canidiam laudare, quasi tam pulchra sit, ut mereatur habere tot amatores, sed revera magis illam vituperat. Scilicet si sententiam urbanitate sua denudes, erit: o propudiosae libidinis mulier,

Fugit<sup>18)</sup> juvenas, et verecundus<sup>19)</sup> color  
 Reliquit ossa, pelle amicta lurida;  
 Tuis<sup>20)</sup> capillus albus est odoribus,  
 Nullum<sup>21)</sup> a labore me reclinat otium.  
 Urget<sup>22)</sup> diem nox, et dies noctem, neque est  
 Levare tenta spiritu praecordia.  
 Ergo<sup>23)</sup>, negatum, vincor, ut credam miser,  
 Sabella pectus increpare carmina,  
 Caputque Marsa dissilire naenia.  
 Quid<sup>24)</sup> amplius vis? O mare et terra! ardeo,  
 Quantum neque atro delibutus<sup>25)</sup> Hercules  
 Nessi cruore, nec Sicana<sup>26)</sup> fervida

quae te adeo prostituisti, homines vilissimae sortis amando! Satis me vexasti tuis magicis carminibus, quae amaris impense a nautis et mercatoribus.

18) Sequuntur effectus amoris vehementissimi.

19) Verecundus color: rubicundus; rubor enim est verecundiae et pudicitiae color. Sensus: color vividus deseruit ossa mea, quae nunc sunt amicta lurida pelle et pallida.

20) Sensus: mei capilli jam canescunt, propter tuos odores, id est, veneficiis, incantatione tua; non quod noxiis unguentis, quibus festinentur cani, caput Vari tinxerit Canidia; sed quod ex amoris injecti diritate tantam animi aegritudinem contraxisset, ut crines albescerent.

21) Sensus: continua animi anxietate opprimor. Ne tantillum quidem temporis datur, quod vacuum sit, quo reclinare me, requiescere possim, animus relaxetur a labore, cruciati, angore.

22) Urget. Diem, molestiae laborisque plenum, excipit laboriosa graviorque nox; vel, interdiu noctem desidero; et noctu, cum mihi sit inquieta quies, diem postulo, luce noctem, nocte lucem exspecto; neque tamen licet spiritum ducere; libere respirare non possum, et pulmones fessos distentosque liberiori anhelitu relaxare; praecordia enim seu pulmones respiratio levatur, tolluntur.

23) Ordo verborum: sane effecisti, quod volueras, ecce me victum, eo jam adductum, ut credam negatum, quod antea mihi persuadere haud potueram, nimirum carmina magica (quae sabella vocat, vel quod Canidia Sabina esset, vel quod in Sabinorum regione multi magi reperirentur) pectus increpare, id est, animos hominum perturbare, quater. agitare; et Marsa Naenia seu magica incantatione caput findi, frangi. Apud Marsos enim etiam multum viguit ars magica. Sensus ergo simplex est: convictus sum nunc, artes magicas efficacissimas esse. Vide od. 5. not. 56.

24) Quid ulterius saevis in me, amoris tui flammis perustum ac maceratum, quod quidem veneficiis tuis effectum dare volueras?

25) De Herculis fato vide od. 3. not. 15. Delibutus, hoc est, veste, Nessi cruore infecta, indutus.

26) Quanta nec Aetnae flamma est. Ordo est: ardeo, quantum nec ardet Sicana, id est, Sicula flamma, furens in Aetna fervida.

Furens in Aetna flamma. Tu <sup>27)</sup>; donec cinis  
 Injuriōsis <sup>28)</sup> aridus ventis ferar,  
 Cales venenis officina Colchicis.  
 Quae finis? aut quod me manet stipendium <sup>29)</sup>?  
 Effare: jussas <sup>30)</sup> cum fide <sup>31)</sup> poenas lūam;  
 Paratus expiare <sup>32)</sup>, seu poposceris  
 Centum juvencos, sive mendaci <sup>33)</sup> lyra  
 Voles sonari; tu <sup>34)</sup> pudica, tu proba  
 Perambulabis astra sidus aureum.  
 Infamis <sup>35)</sup> Helenae Castor offensus vice,  
 Fraterque magni Castoris, victi prece,  
 Ademta vati reddidere lumina.  
 Et <sup>36)</sup> tu, potes nam, solve me dementia,

27) Sententia vulgaris: tu, nihil mei miserata urges opus tuum, non prius desistis a coepta incantatione, quam plane absumtus atque in cinerem redactus fuero. Tu cales venenis: tu nova usque igni magico, quo torreo, alimenta suggeris, ut plane inde caleas, colluceas, officinae instar: unde ego devenit poeta, ut ipsam Canidiam translate officinam diceret. Canidia ergo calida venenorum officina dicitur, quatenus magicarum rerum adparatum, quo instructissima est, digerit, et usui adhibet, ad Varum excruciantium conversa.

28) Injuriōsis, protervis ventis ferar, dissiper, per auram jacter.

29) Stipendium, proprie est pecunia militibus in diem dari solita, stips, quae illis penditur; hinc etiam pro praemio quolibet usurpatur; praemium autem de supplicio et mercede dicitur. Sensus ergo est: quae definis, quid destinās? quam jubes me poenam pendere, vel, quid tibi a me jubes persolvi, quo liberer, quo solvar dementia?

30) Jussas, a te constitutas.

31) Cum fide, id est, fideliter, ut imperatis satisfaciam.

32) Paratus expiare; redemturus culpam meam vel Hecatombae, aut carmine, quo tuas virtutes scilicet aeternitati consecrem.

33) In vocabulo, mendaci, jacet ironia. Sonari, id est, laudari.

34) Tu, quod pudicitia ac probitate tua mereris, effereris in caelum laudibus, refereris a me inter sidera. Perambulabis: quatenus Canidia, novum sidus Horatii, ope facta, per caelum sese cum reliquis movebit sideribus, Aureum, idem ac, splendidum.

35) Multae artis est locus hic, qui sequitur, in Canidia placanda, eademque mordacissimis contumeliis proscindenda ad Archilochi exemplum plane elaboratus. Sensus est: Castor ejusque frater Pollux, offensi vice, id est, ignominia, calamitate, et sorte adversa Helenae sororis suae, quam poeta Stesichorus, Himeraeus ille jambographus, infanem reddiderat; victi tamen et placati precibus ejusdem poetae ac palinodiae, illi reddiderunt lumina, quibus eum privaverant. Stesichorus carmen de Helena scripserat, in quo ejus libidinem belli Trojani causam esse dixerat; oculis dehinc captus, recantavit, quae cecinerat; ajuntque visum illi restitutum fuisse.

36) Preces haec ad Canidiam fiunt, tanquam Deam; quo facilius place-

O <sup>37)</sup> nec paternis obsoleta <sup>38)</sup> sordibus,  
 Nec <sup>39)</sup> in sepulcris pauperum <sup>41)</sup> prudens anus = *Quae tua non es*  
 Novendiales <sup>41)</sup> dissipare pulveres;  
 Tibi <sup>42)</sup> hospitale pectus, et purae manus. *Quae tua non es*

Canidia.

Quid <sup>43)</sup> obseratis auribus fundis preces?  
 Non saxa <sup>44)</sup> nudis surdiora navitis  
 Neptunus alto tundit hibernus salo.  
 Inultus <sup>45)</sup> ut tu riseris Cotyttia <sup>46)</sup> *Cotylos fer*  
 Vulgata, sacrum liberi Cupidinis?

tur, Dioscurorum exemplo adducta, id, quod declarat formula: nam potes. Solve me dementia, amoris insania, cruciatibus, mentem mihi eripientibus.

37) Preces sequuntur laudes blande palpantis speciem habentes, sed mordacissimo felle suffusae.

38) O quae nec obsoleta, foeda, immunda, abjecta es propter paternas sordes, natales sordidos, humiles, quae adeo nobilissimo genere oriunda es.

39) Nec per artes magicas nefaria perpetrās. Et pro hoc: haud prudens, quare docta anus (satis amare hoc adjectum) es, dissipare; haud dissipas pulveres, eruis, furaris cineres novendiales, non, postquam corpus mortuum aut crematum esset, die reconditos, adeoque recentes, vix dum repositos, tepidos adhuc. Hos enim cum ossibus expetebant sagae, utpote ad praestigias magicas tanto efficaciores, quo tepidiores adhuc ab igne rogi essent.

40) Pauperum: divitum sepulcra, ne aut feris aut veneficis paterent, sedulo custodiebantur; non ita pauperum.

41) Novendiales: apud Majores inquit Servius, ubi quis fuisset extinctus, domum suam referebatur, et illic septem diebus erat; octavo incendebatur; nono sepeliebatur. Acron triduo tantum ait servatos fuisse in aedibus mortuos; post triduum impositos rogo, atque iterum post triduum cineres in unam conditos. Itaque novendiales significabit cineres per dies novem servatos, proprie enim novendiale est, quod novem diebus durat.

42) Tibi pectus hospitale, mite, misericors; a tuis veneficiis abest saevitia, crudelitas. Manus purae: scelere gravi haud pollutae; tu non surripis pueros, quos lenta fame neces. Omnia autem haec contrarium in sensum sunt accipienda, quod superius per mendacem lyram poeta indicavit.

43) Exquisite artis est ironia, in ipsam Canidia orationem invecta, qua, eam cupide credentem, quae Varus per cavillationem de potentia artis ejus conquestus esset, stolidaeque inde ferocem inducendo, turpiter ludos facit poeta. Obseratis, clausis, surdis.

44) Non saxa: scopuli, qui fluctibus iratis verberantur alto in mari seu salo, non sunt surdiores nautis nudis, id est, naufragis, quam ego sum tibi; ad naufragorum preces et ejulatus non magis surda sunt saxa, quam ego ad tuas. Neptunus hibernus, mare procellosum.

45) Nexus sententiarum: egone feram, ut tu inultus, impune riseris,

Et <sup>47)</sup> Esquilini pontifex <sup>48)</sup> venefici <sup>49)</sup>  
 Impune ut urbem nomine impleris meo?  
 Quid <sup>50)</sup> proderit ditasse Pelignas anus,  
 Velociusve <sup>51)</sup> miscuisse toxicum?  
 Sed <sup>52)</sup> tardiora fata te votis manent:  
 Ingrata misero vita ducenda est, in hoc,  
 Novis ut usque suppetas doloribus.  
 Optat <sup>53)</sup> quietem Pelopis <sup>54)</sup> infidus pater,

deluseris, contemseris incantationem meam, qua amorem tuum iterum ad me convertere parabam?

46) *Cotyttia*, subaudi, *mysteria*. *Cotyttus* enim *sacra*, a *Thracibus* profecta, nocturna erant, in quibus magi et venefici omni genere obscocnitatum libere et promiscue se conspurcabant; unde *sacrum* appellat *Cupidinis liberi*, effrenis, poeta. *Cotytto*, *Dea impudicitiae*.

47) *Sensus*: et quasi esses *ensor* ac *iudex veneficiorum*, quae tractare soleo et peragere in *Esquilino monte*, et *nocturnorum sacrificiorum*, me tanquam infamem *Urbe tota traduxeris*?

48) *Pontifex*; cura *sacrorum* et *cognitio* pertinebat ad *Maximum Pontificem*; quo nomine *Canidia Varum* sic vocat, quia ausus erat *sacra magica insectari* et exquirere.

49) *Venefici*, hoc est, *magici*, ab *Esquilino monte*, ubi *artis suae instrumenta*, quia ibi multa erant *sepulcra*, praecipue *pauperum*, conquirere solebant *veneficae*.

50) *Sententia esse videtur*: quemnam *fructum artis meae*, a *Pelignis sagis*, ingenti *data mercede*, mihi *traditae*, *ferrem*, si hoc tibi sic *abire paterer*, nisi ea te *ulciscerer*, ut ne *impune* in me *illuseris*. Habet vero *amari salis* ut plurimum, quod *Canidiam ad Pelignas anus confugisse* perhibeat, unde *artes magicas*, ut *amatores sibi concillaret*, magno *pretio* addisceret. *Peligni enim*, *Marsis et Sabinis vicini*, etiam erant *infames ob veneficia*.

51) *Sensus*: ac *didicisse*, quomodo *venena velocissima paranda sint*?

52) *Nexus sententiarum*: *irritae tuae preces sunt*, quibus *finem cruciatuum quaeris*; quos *quidem ita intendam ac protraham*, ut *vitae diuturnitatem incusaturus sis*, quam tamen, vel invito tibi, *unice in hunc finem servabo*, ut *novis usque doloribus suppetas*, *cruciatibus vages*, ut habeam quem *cruciem*. *Finem adeo miseriarum non sperandum esse*, *Canidia ex sua comminatione satis acerbe Varo colligendum dat*.

53) *Sententia vulgaris*: *mortem aerumnarum finem exoptabis*, sed frustra. Hanc *sententiam Tantalus, Prometheus et Sisyphus*, aeternis poenis a *Jove alligatorum*, exemplis designat poeta.

54) *Tantalus*, qui *infidus dicitur*, quasi *infidelis*, quod *Jovem, Neptunum et alios Deos*, qui ad ipsum *deverterant*, *Deos esse non credens*, iis suum *filium Pelopem*, clam a se *interfectum*, adposuit *epulandum*, tentaturus, an id *agnoscerent*. Ob id *scelus detrusus ad inferos*, aeterna *siti ac fame torquetur*. Alii dicunt *idcirco vocari infidum*, quia, quae sibi a *Jove inter epulas concredita erant arcana*, eloquutus est.

Egens benignae <sup>55)</sup> Tantalus semper dapis;  
 Optat Prometheus <sup>56)</sup> obligatus aliti;  
 Optat supremo collocare Sisyphus <sup>57)</sup>  
 In monte saxum; sed vetant leges Jovis.  
 Voles <sup>58)</sup> modò altis desilire turribus,  
 Modo ense pectus Norico <sup>59)</sup> recludere;  
 Frustraque vincla <sup>60)</sup> gutturi nectes tuo,  
 Fastidiosa tristis <sup>61)</sup> aegrimonia.  
 Vectabor <sup>62)</sup> humeris tunc ego inimicis eques,  
 Meaeque terra cedet insolentiae.  
 An <sup>63)</sup> quae movere cereas <sup>64)</sup> imagines,  
 Ut ipse nosti curiosus, et polo  
 Deripere Lunam vocibus possim meis,  
 Possim crematos excitare mortuos,

55) *Dapis benignae*, copiose adpositae, semper *egens*; in *media rerum copia fame misere cruciatus*.

56) *Prometheus obligatus aliti*; alligatus, ut *aliti obnoxius esset*, ut *cor ejus ab aquila velleretur*. Vide *L. I. od. 14. not. 13.*

57) De *Sisypho* vide *L. II. od. 11. not. 16.* In *monte supremo*, id est, in *montis vertice*, ne *revolvatur*.

58) *Sententia vulgaris*: ac ne *mutare quidem tuum fatum poteris*, quantumvis *voles*. *Diversa maturandi fati*, quae *enumerat*, genera *praeclare anxietatem animi repraesentant*, qua *Varum ad id compulsus iri Canidia praedicat*.

59) *Ensis Noricus designat enses* ex *optimo ferro*, *cujus ferax fuit haec Germaniae provincia*. Vide *L. I. od. 14. not. 9.*

60) *Nectes vincla gutturi*, id est, te *suspendere voles*.

61) *Tristis*, animi *aegritudine oppressus*; *fastidiosa*, *vitae taedium adferente*.

62) *Sententia vulgaris*: *tunc insolentissime me efferam*, *superbissime tibi misero illudam*. *Ordo est orationis*: *terra cedet mihi*, pro, *repellam terram*, *levabo me*, *adsilium in te*, et *humeris inimicis*, hoc est, *tuis eques vectabor*, *inequitabo*, *insidebo*; *inequitare enim alicui*, est, *insultare*. *Hanc autem metaphoram et vetus adagium*, *sumtum aliqui volunt*, a *ferissimo victorum*, *victis insultantium*, *more*, *Homero*, *Virgilio et aliis memorato*. *Pro*, *mihi*, *posuit poeta*: *meae insolentiae*.

63) *Sententia esse videtur*: an *artem meam*, in *te solo vanam*, *nihil contra te valere conquerar*, qua *multo majora effecerim*? pro: an *existimas mihi plorandum esse ob artem meam in te inefficacem*, an *dubitas*, *me ista efficere posse*, quam *multo majora felicissimo cum successu adgressam ipsemet videris*? *Dema ergo interrogatione erit*: atque *istud artis meae documentum me in te statuere posse*, tu *temet ipse fateberis*, *mihi largieris*, ut *quae longe potentiora*, *inspectante te*, *patraverim*.

64) *Cereas imagines*. *Imaginibus hominum e cera fictis utebantur magicae artis periti*, easque *movebant*, *laniabant*: ut *vivos homines absentes agitato et percussos volebant*.

Desiderique <sup>65)</sup> temperare poculum,  
 Florem artis, in te nil habentis exitum?

## Carmen Seculare.

Occasio et argumentum.

Quum libri Sibyllini praeter ceteras dierum secularium solennitates hymnum in Apollinem et Dianam, ad quos ii potissimum spectarent, a choro puerorum ac virginum canendum praeciperent, Horatio honorificentissimum hoc munus ab Augusto, qui a. u. 737 adparatus eas adornandi cepisset consilium, demandatum fuisse, diserte in vita Nostris tradit Suetonius. Vertente enim quolibet seculo, Romani dies festos ludosque celeberrimos agebant, certasque preces et hymnos canebant, qui ea propter seculares dicti sunt. Eloquitur poeta in hoc carmine pius ac religiosos sensus, animumque ad eos perducit. Laudes autem Apollini et Dianae ita dicit, ut diversas ac multiplices eorum virtutes ac potestates variis ipsorum adpellationibus indiget; in qua ipsa tamen summus delectus adparet, laudatis ampleque exornatis iis potissimum virtutibus, quae rei Romanae statum integrum florentemque praestarent. Licet autem hoc carmen ad Apollinem et Dianam maxime referendum esset, tertio quippe ludorum die in Apollinis Palatini aede canendum; ceteros tamen Deos, ut secularis hymni adpellatione dignum hoc carmen evaderet, veluti aliud agens, scite intexebat. Denique bellicas ac togatas Augusti laudes, artificiose admodum immiscuit. Vide L. IV. od. 5.

Metrum L. I. carm. 2.

Phoebe <sup>1)</sup>, Silvarumque <sup>2)</sup> potens Diana,  
 Lucidum <sup>3)</sup> caeli decus, o colendi

65) Desiderii, id est, amoris poculum seu potum temperare, praeparare.

1) Exorditur poeta carmen solenni invocatione Apollinis et Dianae. Hae enim divinitates triduo festi secularis ex ea ratione prae ceteris Diis invocantur, quia seculum diebus et noctibus, itemque mensibus et annis constat, quorum alteris praesidet Sol, alteris Luna.

2) Silvarum potens; Domina praeses.

3) Lucidum caeli decus: ad utrumque, Apollinem et Dianam referri debet.

Semper et culti, date, quae precamur  
 Tempore <sup>4)</sup> sacro;

Quo <sup>5)</sup> Sibyllini <sup>6)</sup> monuere versus,  
 Virgines lectas, puerosque castos,  
 Dis, quibus septem placuere colles <sup>7)</sup>,

Dicere carmen.

Alme <sup>8)</sup> Sol, curru nitido diem qui  
 Promis <sup>9)</sup>, et celas; aliusque <sup>10)</sup> et idem  
 Nascaris; possis <sup>11)</sup> nihil urbe Roma  
 Visere majus.

4) Tempore sacro, id est, festis diebus, qui vertente seculo summa religione peragi solebant.

5) Quo tempore Sibyllae suis versibus praeceperunt, ut 27 virgines totidemque pueri solenne carmen dicerent Diis, Romae, in qua colles septem, praesidibus et custodibus.

6) Sibyllae fuere virgines quaedam fatidicae, quibus futuri notitiam Deus in praemium castitatis videbatur indulsisse. Decem vulgo numerantur; insignis est ea, quae Cumana dicebatur. Tarquinius superbo Romano regi, una quaedam ex illis 9 libros obtulit, in quibus reipublicae Romanae fata contineri diceret, petiitque pretium 300 nummorum. Recusante rege, 3 libros in ignem coniecit; idemque pretium pro reliquis poposcit. Irridente rege, tres alios libros cremavit, et pro aliis tantumdem petere perrexit. Quod Tarquinius admiratus, et pretium persolvit, et libros inter imperii Romani sacra haberi voluit, adhibitis viris, qui eos et servarent in Capitolini Jovis sacrario, et, cum opus esset, consulerent. Illi viri primum duo, deinde 10 et demum 15 fuere. Isti libri Syllae tempore, incenso Capitolio, cum deflagrasset, conquisiti sunt orbe toto versus Sibyllini omnes, et ex iis confecti novi codices, ac pristina religione servati, qui demum imperante Honorio exusti sunt.

7) Colles septem: Aventinus, Capitolinus, Coelius, Esquilinus, Palatinus, Quirinalis, Viminalis. Additi sunt postea adhuc duo: Vaticanus et Janiculus.

8) Sequuntur ipsae preces, quas ita disperit poeta, ut, munus utriusque Numinis habita ratione, nunc Apollinem, nunc Dianam invocet. Est tamen, ubi unius tantum meminit, ubi uterque ponendus fuisset: ut in primis statim precibus, super augenda conservandaque imperii Romani magnitudine ac splendore factis. Alme; ea vox ab alendo ducta est; de Sole dicitur, quia Sol omnia educat alitque.

9) Promis et celas: profers et condis.

10) Sol alius idemque nascitur, quotidie nitorem suum reparans, renovato usque splendore exurgens. Solem enim diurno cursu hebetatum ac languidum, vires reparans, sicque alium semper nasci, antiqua erat persuasio.

11) Possis, quamvis terrarum opera omnia lustris, nihil visere majus Roma, quod Romani imperii magnitudinem exsuperet; adeoque: fac Roma sit princeps urbium, imperiique totius terrarum orbis sedes!



Rite <sup>12)</sup> maturos aperire partus  
 Lenis Ilithyia <sup>13)</sup>, tuere <sup>14)</sup> matres;  
 Sive tu Lucina probas <sup>15)</sup> vocari,  
 Seu Genitalis.

Diva, producas <sup>16)</sup> subolem; Patrumque <sup>17)</sup>

Prosperes decreta super jugandis

Feminis, prolisque <sup>18)</sup> novae feraci

Lege marita:

Certus <sup>19)</sup> undenos decies per annos

Orbis ut cantus referatque ludos,

Ter die claro, totiesque grata

Nocte frequentes.

Vosque <sup>20)</sup>, veraces cecinisse, Parcae,

12) Preces ad Dianam: Ordo est: o Ilithyja, quae lenis es, facilis et propitia, aperire, id est, in lucem proferre maturos partus; quae lenis es ac benigna in partibus et foetibus e matrum alvo educendis.

13) Ilithyja est nomen Dianae, quatenus parientes juvat, a Graeco vocabulo *Ειλειθυια*, quae vox partum significat. Idem ergo quod Lucina et Genitalis apud Latinos. Vide Mythologiam.

14) Tuere matres puerperas.

15) Probas: *mavis*. Erat autem haec apud veteres religio, ut eo nomine Deos vocarent, quod ipsis putarent acceptissimum, et rei, quam postularent, convenientissimum; unde multa saepe illorum nomina congregabant, ignari, quod nam esset omnium acceptissimum.

16) Producas, id est: tuere et servare, ad adultam aetatem pervenire jubeas sobolem.

17) Patrum, senatorum seu senatus decreta de matrimonio jungendis feminis, ac lege marita, seu super lege de maritandis ordinibus, ab Augusto lata, facta prosperes, faustum eventum habere jubeas. Perlata quidem haec lex de maritandis ordinibus fuit 757 anno demum. Sed saepius hoc antea Augustus agitaverat, primum 726, deinde ipso hoc ludorum secularium a. 737, obstante iterum recusantium multitudine ac tumultu.

18) Lex novae prolis ferax, id est: augendae proli inserviens.

19) Ut et imposterum respublica civium multitudine sit florentissima, novis usque auctibus incolumis persistet. Quo blandiore vi preces istae mentem Deorum tangerent, sententiam ita convertit poeta, ac si ipsorum res agatur, ob quam adeo faciles se iis praebituros esse spes esset. Vulgaris enuntiatio erat: novam usque prolem date, ut decurso 110 annorum spatio, solennia ista sacra secularia in vestrum honorem magna civium frequentia iterum celebrari possint. Ordo est: precamur, vel facite, ut certus orbis, id est, certa annorum conversio, per annos decies undenos facta, referat cantus et ludos frequentes, per tres dies claros, totidemque gratas noctes. Ceterum patet exinde, seculares ludos non centesimo quoque, sed centesimo decimo celebratos esse anno.

10) Preces ad Parcas intexit poeta et Sibyllae praescripto, sacra iis per lu-

Quod semel dictum, stabilisque rerum  
 Terminus servat, bona jam peractis.

Jungite <sup>21)</sup> fata.

Fertilis <sup>22)</sup> frugum, pecorisque Tellus

Spicea <sup>23)</sup> donet Cererem corona:

Nutrient <sup>24)</sup> fetus et aquae salubres,

Et Jovis aurae.

Condito <sup>25)</sup> mitis, placidusque telo <sup>26)</sup>,

Supplices audi pueros, Apollo.

Siderum regina bicornis <sup>27)</sup>, audi,

Luna, puellas.

Roma <sup>28)</sup> si vestrum est opus; Iliaequae

Litus Etruscum tenere turmae;

Jussa pars mutare lares, et urbem

Sospite cursu:

dos istos fieri jubentis. Ordo est: vosque o Parcae, veraces cecinisse, Graece, pro, veraces in canendo, quae veridicos cantus editis, quarum decretum verum, ratum immutabile est, quod semel dictum est, quod semel eventurum statuistis, quodve terminus, finis, exitus, eventus stabilis servat; pro, jungit, confirmat; id est, quod certo eventu confirmatur.

21) Jungite jam bona peractis, seu praeteritis fata; futura quoque populi Romani fausta esse ac prospera velitis, jubeatis. De Parca vide Mythologiam.

22) Tellurii Deae itidem sacrum faciendum praecipiebant libri Sibyllini. Vulgaris enuntiatio: Tellus largum frugum pecudumque proventum praebet.

23) Spicea donet Cererem corona; haec enim Deae isti in magna frugum copia offerri solebat.

24) Nutrient fetus: incrementa praebent fetibus, id est, omnibus proventibus tam agrorum, quam animalium, aquae seu pluviae, et aurae, adflatu suo vitam ac vires sufficientes. Jupiter etiam pro aere sumitur.

25) Iterum ad Apollinem et Dianam convertitur chorus, ut preces suas ratas esse velit. Distribuit invocationem poeta ita, ut Chorus puerorum Apollinem, puellae Dianam implorent; unde magna cum veri specie colligas, nonnulla hujus carminis alternis decantata fuisse vicibus.

26) Condito telo: coniectis enim in terras telis pestem et morbos putabatur immittere.

27) Luna bicornis, qualis est primis novilunii diebus. Luna et Diana porro pro eodem numine sumuntur.

28) Sententiarum ordo est: si Trojani vestro hortatu ac monitu, relicto Ilio, Italiam Aenea duce petiere: conservate istam civitatem, omnibusque, quae privatam cujusque felicitatem, publicamque universi populi incoluntiam ac majestatem tueri, ornare, augere possint, cumulatissimam praestate. Si Roma vestrum opus est: id est, si novi in Italia regni condendi, cujus domicilium Roma futurum esset, Trojanis auctores fuistis. Si

Cui <sup>29)</sup> per ardentem sine fraude <sup>30)</sup> Trojam  
Custus <sup>31)</sup> Aeneas, patriae superstes,  
Liberum munivit iter, daturus

Plura relictis:

Di <sup>32)</sup>, probos mores docili juventae;  
Di, senectuti <sup>33)</sup> placidae quietem,  
Romulae <sup>34)</sup> genti date remque, prolemque,  
Et decus omne.

Quique <sup>35)</sup> vos bûbus <sup>36)</sup> veneratur albis,  
Clarus Anchisae, Venerisque sanguis,  
Imperet bellante prior; jacentem

Lenis in hostem.

Jam <sup>37)</sup> mari terraque manus <sup>38)</sup> potentes *Augusti*

Iliae turmae, pro, si Trojani, eversae patriae superstites; jussa pars, id est, jussi, oraculi Apollinis monitu mutarunt Lares et urbem, patriis sedibus migrarunt, ac, sospite cursu, prospera navigatione litus Etruscum tenuere, in Italiam pervenere etc. Oracula ab Apolline accepta, quibus Trojani Italiam, qua considerent, quaerere juberentur, a poeta respici, per se patet.

29) Cui turmae, seu, cui Trojanorum parti, quae exigua erat, pius Aeneas, superstes patriae, per medios Trojae ignes iter aperuit in Italiam, daturus illi turmae suae, et genti plura, id est imperium majus, urbem florentiorem, res melius constitutas illis, quas reliquerant; nempe Romam fundaturus, Troja potiorem.

30) Sine fraude, periculo, damno.

31) Castus, pius; sceleris purus.

32) Sequitur apodosis hujus periodi. Mores probos: solida quippe fundamenta, quibus innitatur salus ac splendor civitatis. Augusto hoc dedit poeta, qui Romanos ad pristinam morum sanctitatem, pluribus saluberrimis legibus latis, reducere conaretur. Juventam speciatim commemorat, quod ea maxime sit docilis, tractabilis, ad probitatem ceterasque bonas artes fingi possit.

33) Tranquillitatem ac securitatem internam depingit senectus quieta in otio constituta.

34) Romulae genti, Romulae, universae Civitati largimini rem, opum affluentiam, prolem copiosam, et decus omne, quidquid gloriam ac majestatem imperii promovere possit.

35) Summum jam subjicit poeta, populo Romano expetitur, imperium totius orbis terrarum, Augusti virtute partum ac tuendum. Summa adeo precum est: Augusti imperio totus terrarum orbis subjectus sit. Facite, ut Augustus, ab Anchisa et Venere, per Aeneam, et adoptionem in Caesaris familiam, oriundus, imperium orbis terrarum obtineat; prior, id est, potior, superior bellante, hoc est, hoste bellum ipsi inferente, regnet ac hostes armatos vincat, subjectis domitisque parcat.

36) Bubus albis: sacris intererat Augustus, et victimas albas, tales enim Diis superis immolabantur, mactabant.

37) Sententia: jam terra marique hostes a populo Romano victi subac-

Medus, Albanasque timet secures:

Jam Scythae responsa <sup>39)</sup> petunt, superbi  
Nuper, et Indi <sup>40)</sup>.

Jam <sup>41)</sup> Fides et Pax, et Honos, Pudorque <sup>42)</sup>

Priscus, et neglecta redire Virtus

Audet; adparetque beata pleno

Copia <sup>43)</sup> cornu.

Augur <sup>44)</sup>, et fulgente decorus arcu

Phoebus, acceptusque novem Camenis,

Qui salutari levat arte fessos

Corporis artus;

Si <sup>45)</sup> Palatinas videt aequas arces;

tique sunt; terrae marisque dominium, assertore Augusto, Romanis cessit. Ad generalem autem sententiam revocanda illa, mari terraque, quandoquidem cum nullo populorum, qui a poeta commemorantur, mari certatum fuisse, ac ne certari quidem potuisse constat. In altero autem, quod navales Augusti victorias, de Sexto Pompejo Antonioque reportatas, non discrete exponit, causa est, quod mentionem male ominatam, bellorum civilium inter sacra refugerit.

38) Manus potentes: potentiam Albanorum seu Romanorum timent Medii et Parthi; Alba enim quasi mater Romanorum fuit. Securis, in medio virgarum fascie posita, erat insigne Romanorum magistratuum, quod ab Etruscis sive Albanis sumserant Romani. Vide Hist. antiquam.

39) De Scythiis saepius jam sermo fuit. Responsa, proprie oraculorum responsa dicuntur. Sensus est: Scythas, Indos etc. Romam, quasi ad oraculum publicum, accedere, audituros quid sibi agendum sit, leges pacis bellique accepturos. Superbi nuper, feroces, incursione in fines populi Romani facta. Vide L. III. od. 7. not. 18. et L. IV. od. 12. not. 33.

40) De legatione Indorum, ad amicitiam populi Romani et Augusti petendam, Suetonius in Vita Augusti c. 21 narrat, et jam alibi etiam sermo fuit.

41) Felicitatem seculi Augustei praeclare poeta ulterius exornat: aureaeque aetatis coloribus repraesentatam subjicit. Revisunt igitur jam terras Numina, reddita ab Augusto orbi terrarum pristina facie, tranquillitate, morum integritate, rerumque omnium copia.

42) Per Pudorem intelligitur justae reverentia.

43) Copia seu abundantia iterum in conspectum venit beata, dives, cornu instructa, gestans cornu plenum. Vide L. I. od. 15. not. 17. de cornu copiae.

44) Nova iterum Deorum invocatione novas preces, ut rem Romanam incolumem servent ampliantque, exorditur poeta, ex prisorum hymnorum ingenio. Commemorat Apollinis munera 1. divinandi artem, 2. jaculandi, 3. canendi, 4. medendi; tot enim illi tribuebantur. Fulgente arcu decorus: gestans arcum fulgentem. Acceptus Camenis: ob idem musicae studium. Artus fessos, languidos, aegros levat, sana.

45) Si grata tibi Romae sedes est, si digno tuum numen templo vene-

Remque <sup>46)</sup> Romanam, Latiumque felix,  
Alterum in lustrum <sup>47)</sup>, meliusque semper

Proroget aevum:

Quaeque <sup>48)</sup> Aventinum tenet, Algidumque,  
Quindecim <sup>49)</sup>, Diana, preces virorum  
Curet; et votis <sup>50)</sup> puerorum amicas

Adplicet aures:

Haec Jovem sentire, Deosque cunctos,  
Spem bonam, certamque domum reporto,  
Doctus <sup>51)</sup>, et Phoebi, chorus, et Dianae,  
Dicere laudes.

rati sumus. Respicit autem poeta templum, Apollini ab Augusto in monte Palatino magnifice exstructum. Aequus, propitius, seu placide. Si videt, id est, delectatur tam insigni sibi honore habito.

46) Apodosis: rempublicam Romanam, et, quod copia poetica adjectum est, Latium felix in alterum lustrum et melius aevum semper proroget, id est, felicitatem, prosperitatem rei Romanae proroget; sartam tectamque in alterum lustrum, pro, in futurum tempus conservet, novisque semper incrementis auctet amplificetque.

47) Per lustrum hic non intelligitur lustrum commune, quod quinto quoque anno recurrebat; sed lustrum seculare, et ei simile, quod eo anno celebratum erat; solebat enim etiam secularibus ludis lustrari tota urbs.

48) Etiam Dianam obtestatur chorus per religiones in Latio ei instituas. Aventinus et Algidus, duo montes: ille Romae, hic non procul, in quibus aediculae duae, Dianae sacrae, visebantur.


49) Virorum 15, libris Sibyllinis custodiendis praefectorum, preces seu vota curet, id est, curae cordique ei sint, rata esse jubeat.

50) Votis puerorum, hoc est, nostris, parte chori tantum posita, quod utique liberum poetae erat.

51) Epilogus. Chorus loquitur: edoctus, Phoebijet Dianae laudes edicere, spem bonam certamque domum reporto, hoc Jovem sentire Deosque cunctos et votis nostris adnuere.

REV15

ÚK PrF MU Brno



3 1 2 9 S 0 1 2 8 4